


মধ্যম নিকায়

(তৃতীয় খণ্ড)



অনুবাদকঃ
শ্রী বিনয়েন্দ্রনাথ চৌধুরী

মধ্যম নিকায় ।

(তৃতীয় খণ্ড)

উপরি পথগাশ সূত্র

(বঙ্গানুবাদ)

কলিকাতা বিশ্ববিদ্যালয় ও কলিকাতা সংস্কৃত কলেজের

পালি বিভাগের অধ্যাপক

শ্রী বিনয়েন্দ্রনাথ চৌধুরী এম-এ, পি-এইচডি, পি, আর এস
অনূদিত

Mdhyam-Nikaya

A Bengali translation of the

Pali Majjhima-Nikaya, Vol. III

By Professor Dr. Binayendranath Chaudhury

প্রকাশকালঃ

২৫৫০ বুদ্ধবর্ঘের মধ্যপূর্ণিমা।

২৩শে ভাদ্র, ১৪১৩ বাংলা।

৭ই সেপ্টেম্বর ২০০৬ খ্রিস্টাব্দ।

প্রকাশনামঃ

সঞ্জয়জ্যোতি ভিক্ষু ও তৈমিদুং এণাবাণাসী।

কম্পিউটা কম্পোজঃ

শ্রীমৎ পূর্ণজ্যোতি ভিক্ষু

শ্রীমৎ আর্যবোধি ভিক্ষু,

রাজবন বিহার, রাঙামাটি।

সংশোধনেঃ

শ্রীমৎ বিধূর ভিক্ষু

রাজবন বিহার, রাঙামাটি।

প্রাপ্তিষ্ঠানঃ

ভদ্র সঞ্জয়জ্যোতি ভিক্ষু

রাজবন সম্যকশৃতি সাধনাকেন্দ্র।

মুদ্রণ ও ডিজাইনঃ

রাজবন অফসেট প্রেস

ফোন ০৩৫১-৬২১৫৮; ৬১০৩৩

শুল্কাদানঃ

..... টাকা মাত্র।

আশীর্বাণী

চারি আধ্যসত্ত্ব, আর্যজটাঙ্গিক মার্গ পঞ্চকুণ্ড-নামরূপ, বিদর্শন ভাবনা প্রণালীর সতিপট্টান ভাবনার নির্দেশনা, কল্যাণমিত্রের পালনীয় সপ্ত অঙ্গ ও শীল-সমাধি-প্রজ্ঞা সমন্বে বিশদভাবে আলোচনা করা হয়েছে বিধায় বইটি নির্বাণ পিপাসু সন্ধর্মানুরাগীদের আতোন্নতি তথা মুক্তি লাভের সহায়ক হবে বলে প্রত্যাশা রাখি। বুদ্ধের ভাষিত উপদেশ বাণী জানা থাকলে এবং তদনুরূপে আচরণ, প্রতিপালন করলে প্রত্যেকের জীবনে শান্তি লাভ অবশ্যম্ভাবী। যিনি প্রকৃত বৌদ্ধ, শান্তিকামী, ভাবনাকারী তার শীল পরিশুম্ব থাকা আবশ্যিক। যেখানে শীল সেখানে প্রজ্ঞা। দুঃশীল ব্যক্তির প্রজ্ঞা লাভ অসম্ভব। তাই আমি বলি, কেউ যদি পরিশুম্বভাবে কমপক্ষে তিন বৎসর পঞ্চশীল পালন করে সন্ধর্ম চর্চা করতঃ দৈনন্দিন জীবন গঠন করে তাহলে সেই ব্যক্তির বা পরিবারের উন্নতি শীৰ্ঘৃতি হবে। শীল সমন্বে বলা হয়েছে দুঃশীল হয়ে শতবর্ষ বেঁচে থাকার চেয়ে শীলবান হয়ে একমুহূর্ত বেঁচে থাকাও শ্রেয়ঃতর। তাই তোমরা সকলে শীলবান, প্রজ্ঞাবান হও এবং বুদ্ধের ভাষিত উপদেশ, নির্দেশিত মার্গ অনুশীলন-অনুসরণ করে দুর্লভ মানব জীবনকে সার্থক করার চেষ্টায় রত হও।

পরিশেষে প্রকাশনার সাথে সংশ্লিষ্ট শিষ্য-প্রশিষ্য, উপাসক-উপাসিকা সকলের জীবন শীল-সমাধি-প্রজ্ঞায় বিমগ্নিত হোক এই আশীর্বাদ রাখি।

আশীর্বাদান্তে

সংক্ষিপ্ত পঞ্চশীল-

সাধনানন্দ মহাস্থান্বির (বনভান্তে)

ভূমিকা

অদ্যাবধি পালি বিনয় মহাবল্লা, দীঘনিকায় (তিন খণ্ড), জাতক (সম্পূর্ণ), জাতকনিদান কথা, ধৰ্মপদ, খুদক পাঠ, সুজ্ঞনিপাত, উদান, থেরগাথা, থেরীগাথা ইত্যাদি ত্রিপিটকের বহুগ্রন্থ বঙ্গভাষায় অনূদিত হইয়াছে। ইহাদের মধ্যে সুভিপিটকের অন্তর্ভুক্ত মঞ্জুম নিকায়ের (মধ্যম নিকায়) অনুবাদ বিশেষভাবে উল্লেখযোগ্য। তিনখণ্ডে বিভক্ত এই গ্রন্থটি থেরবাদ বৌদ্ধধর্ম সম্পর্কে জ্ঞানার্জনের জন্য একান্ত অপরিহার্য। প্রথম খণ্ডের অনুবাদক আচার্য ডঃ বেণীমাধব বড়ুয়া তাঁহার ভূমিকাতে গ্রন্থটির গুরুত্ব সম্পর্কে বলিয়াছেন, “বুদ্ধঘোষ প্রমুখ বৌদ্ধবাচার্যগণের বিচারে— পরমত খণ্ডনের পক্ষেই পালি ত্রিপিটকের মধ্যে মঞ্জুমনিকায় সর্বশ্রেষ্ঠ গ্রন্থ।আমার বিবেচনায় বুদ্ধের জীবন ও বাণীর যথার্থ মর্ম সম্যক্ উপলব্ধি করিতে হইলে মঞ্জুম নিকায়ই একমাত্র প্রামাণিক গ্রন্থ। অপর কোন গ্রন্থে বুদ্ধের হৃদয় এত স্পষ্ট ও উজ্জ্বলভাবে পরিচ্ছুট হয় নাই। প্রথম খণ্ডের সূত্রগুলি সর্বত্রই চিকিৎসিমুক্তি ও প্রজ্ঞাবিমুক্তি— এই দ্বিবিধ মুক্তিকে লক্ষ্য করিয়াছে এবং ঐ লক্ষ্যে পৌছিবার প্রকৃত সাধনপদ্ধা এবং অন্তরায়গুলি নির্দেশ করিয়াছে”। প্রথম খণ্ড সম্পর্কে ডঃ বড়ুয়ার অভিমত দ্বিতীয় খণ্ড ও তৃতীয় খণ্ডের উপরও প্রযোজ্য। বন্ধুতঃ সমগ্র মঞ্জুমনিকায়ে বিভিন্নভাবে বৌদ্ধ সাধনপদ্ধা, পরম সত্য উপলব্ধি ও বিমুক্তি লাভ সম্পর্কে বিশদ আলোচনা রহিয়াছে। দ্বিতীয় ও তৃতীয় খণ্ডের বঙ্গানুবাদেরও পরিকল্পনা ডঃ বড়ুয়ার ছিল। কিন্তু তাঁহার অকালমৃত্যুতে ইহা সম্পন্ন হইতে পারে নাই। পরে পাণ্ডিতপ্রবর শ্রীমৎ ধর্মাধার মহাশ্঵বির দ্বিতীয় খণ্ড অনুবাদ করিয়া প্রকাশ করেন। সম্প্রতি ইহার দ্বিতীয় সংস্করণও প্রকাশিত হইয়াছে। তিনিও বার্দ্ধক্যবশতঃ তৃতীয় খণ্ডের অনুবাদ কার্য সম্পন্ন করিতে সমর্থ হন নাই। এমতাবস্থায় যখন কলিকাতা বিশ্ববিদ্যালয়ের পালি বিভাগীয় পরিষদের সদস্যগণ পালি গ্রন্থের বঙ্গানুবাদের জন্য আমাকে মনোনীত করিলেন, তখন আমার পূর্বসূরিদের মত অগাধ পাণ্ডিত্যের অধিকারী না হইয়াও আমি মঞ্জুমনিকায়ের মত দুরূহ অথচ একান্ত প্রয়োজনীয় গ্রন্থের অনুবাদ সম্পূর্ণ করিবার জন্য তৃতীয় খণ্ডের অনুবাদ কার্য্যে ব্রতী হইলাম। আমি প্রয়োজনবোধে পূর্ববর্তীদের অনুবাদের সহায়তা গ্রহণ করিয়াছি এবং যথাসম্ভব অর্থ সহজতর করিবার প্রয়াস পাইয়াছি। দ্রুত অনুবাদ কার্য্য এবং মুদ্রণের জন্য কিছু ভ্রম-প্রমাদ রহিয়া গেল। মূল প্রস্তুপাঠে এই অনুবাদ সহায়ক হইলে আমার

প্রয়াস সার্থক হইবে মনে করি।

আমার অনুবাদ কার্য্যের প্রয়োজনীয় অর্থ কলিকাতা বিশ্ববিদ্যালয় হইতে ব্যবস্থা করিবার জন্য পালি বিভাগীয় প্রধান প্রফেসর ডঃ দীপককুমার বড়ুয়ার নিকট আমি বিশেষভাবে কৃতজ্ঞ। এই অনুবাদ গ্রন্তি “ধর্মাধার বৌদ্ধ গ্রন্তি প্রকাশনী” হইতে প্রকাশ করিবার জন্য কলিকাতা সংস্কৃত কলেজের পালি বিভাগীয় প্রধান অধ্যাপক ডঃ সুকোমল চৌধুরীর নিকট আমি চিরকৃতজ্ঞ। গ্রন্তির মুদ্রণের সম্পূর্ণ ব্যয়ভার বহন করিয়া সম্পর্ক প্রচারে সহায়তা করিবার জন্য প্রয়াত ধর্মপ্রাণ সুপ্রতি বড়ুয়ার সহধর্মীগী শ্রীমতী শিশা বড়ুয়াকে আন্তরিক ধন্যবাদ জ্ঞাপন করিতেছি এবং মুদ্রণ ও প্রকাশনের কার্য্য সর্বতোভাবে সহায়তা করার জন্য আমি শ্রীমৎ জিনবোধি ভিক্ষুর নিকট কৃতজ্ঞ। কলিকাতা বিশ্ববিদ্যালয়ের অবসরপ্রাপ্ত অধ্যাপক ডঃ সুকুমার সেনগুপ্ত, অধ্যাপিকা ডঃ আশা দাশ ও কলিকাতা সংস্কৃত কলেজের অধ্যাপক ডঃ সাধনচন্দ্র সরকারের দ্বারাও আমি এই কার্য্যের জন্য নানাভাবে উপকৃত হইয়াছি। দ্রুত মুদ্রণ কার্য্য সম্পাদনের জন্য “জাগরণী প্রেসের” কর্তৃপক্ষ ও কর্মচারীবৃন্দ ধন্যবাদার্থ।

সংস্কৃত কলেজ, কলিকাতা

শ্রীবিনয়েন্দ্রনাথ চৌধুরী

৫ই জুন, ১৯৯৩

সুপ্রিতি রঞ্জন বড়ুয়া স্মরণে

বিশিষ্ট সমাজসেবী ও বৌদ্ধ সংস্কৃতি অনুরাগী সুপ্রিতি রঞ্জন বড়ুয়া গত ১৮ই জুন, ১৯৯২ ১৯, ইংডেন হাসপাতাল রোডস্থ বাসায় লোকান্তরিত হন। চট্টগ্রামের পটিয়া থানার অন্তর্গত ছত্রপিটুয়া গ্রামে ১৯৩৩ সালের ১৯শে জুলাই তিনি জন্মগ্রহণ করেন। তাঁর পিতা কর্ণধন বড়ুয়া ও মাতা হিরণ্যায়ী বড়ুয়া। কর্ণধন বড়ুয়া আকিয়াবে (এখন বার্মা) একজন লঞ্চপ্রতিষ্ঠ ব্যবসায়ী ছিলেন। দ্বিতীয় বিশ্বযুদ্ধের সময় বোমার আঘাতে তাঁর ব্যবসা নষ্ট হয়। এর কিছুদিন পরে সন্ন্যাস রোগে তাঁর মৃত্যু হয়। সুপ্রিতিবাবুরা ছিলেন পাঁচ ভাইবোন। বড় ভাই ‘সুভৃতিবাবু’ (IRS.) ভারতে কেন্দ্রীয় সরকারের অধীনে উচ্চপদস্থ অফিসার ছিলেন। তিনি অত্যন্ত সজ্জন সমাজহিতৈষী, বৌদ্ধ শাস্ত্রবিদ্য ও প্রথা ব্যক্তিত্বসম্পন্ন পুরুষ ছিলেন। ১৯৯০ সালে ৪ঠা নভেম্বর তাঁর মৃত্যু হয়। বিভূতি রঞ্জন অঞ্চ বয়সে মারা যান। ভূপতি রঞ্জন কেলিশহর হাইকুলে শিক্ষকতা করতেন। সুপ্রিতি রঞ্জন ছিলেন কনিষ্ঠ ভ্রাতা। পিতার অকাল মৃত্যু হলে সুপ্রিতি রঞ্জন অগ্রজ সুভৃতিবাবুর পত্নী পারমিতা বড়ুয়ার নিকট পুত্রবৎ লালিত পালিত হন। ১৯৫২ সালে তিনি ম্যাট্রিকুলেশান পরীক্ষা পাশ করেন। তারপর যথাক্রমে আই. এ. ও বি. এ., পাশ করেন কলিকাতা বিশ্ববিদ্যালয় থেকে। ১৯৫৮ সালে তিনি পূর্ব রেলের করণিকের পদে নিযুক্ত হন এবং সুনামের সঙ্গে চাকুরী করে উন্নতরোপ্তর পদোন্নতির পর মৃত্যুর কয়েক মাস পূর্বে অবসর গ্রহণ করেন ৫৮ বৎসর বয়সে। ১৯৬৪ সালের ২৫শে জুন তিনি মহামুনি পাহাড়তলী গ্রামের (অধুনা মেদিনীপুর নিবাসী) শ্রীপ্রকাশ মুখসুন্দীর বিদূষী কন্যা শ্রীমতী শিপ্রা বড়ুয়াকে (মুকুল) বিয়ে করেন।

সুপ্রিতিবাবু ১৯৬৯ সাল থেকে ‘নালন্দা’ পত্রিকার সঙ্গে যুক্ত- প্রথম প্রথম ছিলেন সদস্য, তারপর সহকারী কর্মাধ্যক্ষ এবং জীবনের শেষদিন পর্যন্ত কর্মাধ্যক্ষ। তিনি আগাগোড়া ‘নালন্দাকে’ নিজের সম্মানবৎ ভালবাসতেন। এই পত্রিকার সার্বিক উন্নতিকল্পে তিনি জীবন উৎসর্গ করেছিলেন। ১৯৭৩ সালে মহাবৌধি সোসাইটীতে যে সর্বভারতীয় বাঙালী বৌদ্ধ সম্মেলন হয় তিনি ছিলেন তার অন্যতম কর্ণধার। মেদিনীপুর শহরে নির্মিত বর্তমান বৌদ্ধ বিহার তাঁর কর্মকুশলতার আর একটি নির্দর্শন। এভাবে তার সকল কাজই ছিল সম্মর্মের ও স্বজ্ঞাতির উন্নতিকল্পে নিরবেদিত। তিনি আজীবন পটারী রোডস্থ বিদর্শন-শিক্ষা কেন্দ্রের সহকারী সম্পাদক ছিলেন। তিনি বুদ্ধগ্রাম

আন্তর্জাতিক ধ্যানকেন্দ্র ও চট্টগ্রাম পরিষদের আজীবন সদস্য ছিলেন। তিনি “পঞ্চত ধর্মাধার ওয়েলফেয়ার ট্রাফ্ট-” এর একজন ট্রাফ্টী ছিলেন। তিনি বহুকাল বোধিভারতীরও সদস্য ছিলেন।

নীরবকম্মী, নিরহঙ্কার, অমায়িক ও সদালাপী সুপ্রীতিবাবুর প্রয়াণে সমাজ হারালো একজন আদর্শবাদী পরোপকারী সমাজসেবী ও দরদী বন্ধুকে। তাঁর অকাল প্রয়াণে বৌদ্ধ সমাজের অপূরণীয় ক্ষতি হ'ল।

-অমৃণ্য রঞ্জন বড়ুয়া

প্রকাশকের নিবেদন

মধ্যম-নিকায় (পালি মজ্জিমনিকায়) পালি সুন্নপিটকের একটি প্রামাণ্য গ্রন্থ। সুন্নপিটকের অন্তর্গত পাঁচটি নিকায়ের মধ্যে ইহার স্থান দ্বিতীয়, অন্যান্য নিকায়গুলি হইতেছে, দীঘ-নিকায়, সুযুক্ত-নিকায়, অঙ্গুভূর-নিকায়, এবং খুদক-নিকায়। এই পাঁচটি নিকায়ের মধ্যে দীঘনিকায়ের গুরুত্ব সর্বাধিক হইলেও মজ্জিমনিকায়ের গুরুত্ব কোন অংশে কম নহে। কারণ আমরা মনে করি যে, কোন পাঠকের যদি অন্যান্য নিকায়গুলি পাঠ করিবার সৌভাগ্য নাও হয়, কেবলমাত্র মজ্জিমনিকায় পাঠ করিলেই ভগবান বুদ্ধের ধর্ম ও দর্শন সমন্বে তিনি যথার্থ জ্ঞান লাভ করিতে পারিবেন।

মধ্যম-নিকায়ের ১৫২টি সূত্র নাতি-দীর্ঘ ও নাতি-ক্রস্ত বলিয়া ইহাদিগকে ‘মধ্যম’ বলা হইয়াছে। এই সূত্রগুলিকে ১৫টি বর্ণে বিভক্ত করিয়া তিনটি খণ্ডে প্রকাশিত করা হইয়াছে। প্রথম খণ্ডের বঙ্গানুবাদ করিয়াছেন ডঃ বেণীমাধব বড়ুয়া ১৯৪০ খ্রীষ্টাব্দে। বিনামূল্যে বিতরণের জন্য সম্পত্তি ইহার দ্বিতীয় মুদ্রণ প্রকাশিত হইয়াছে তাইওয়ান হইতে। প্রকাশক হইতেছে The Corporate Body of the Buddha Educational Foundation, Taipei, Taiwan R.O.C. এই খণ্ডের সূত্র সংখ্যা ৫০। অনুবাদক ডঃ বড়ুয়া অতি যত্ন সহকারে মূলের সহিত সঙ্গতি রক্ষা করিয়া এই ৫০টি সূত্রের অনুবাদ করিয়াছেন। ইহাতে মূলের রচনা-বিন্যাস, ছন্দ, অর্থসঙ্গতি এবং শক্তি রক্ষিত হইয়াছে। গদ্যাংশ গদ্যে এবং পদ্যাংশ পদ্যে অনুবাদ করার হইয়াছে। এই অনুবাদ এতই সুখপাঠ্য হইয়াছে যে, মনে হয় যেন ভগবান বুদ্ধ এবং তাঁহার শিষ্যগণ পালির পরিবর্তে বাংলা ভাষাতেই তাঁহাদের বাণী প্রচার করিয়াছেন। ভূমিকায় ডঃ বড়ুয়া লিখিয়াছেন ৪ আমি তদ্গতচিন্ত হইয়া আমার মূল লক্ষ্যে উপনীত হইবার জন্যই আমার সমস্ত শক্তি প্রয়োগ করিয়াছি। বর্তমান খণ্ডের অনুবাদ পাঠকদিগের সশ্রেষ্ঠ বিধানে সক্ষম হইলে এবং তাঁহাদিগের সহানুভূতি প্রাপ্ত হইলে আমি দ্বিতীয় ও তৃতীয় খণ্ডের অনুবাদে হস্তক্ষেপ করিব বাসনা রহিল।” কিন্তু ডঃ বড়ুয়ার সেই বাসনা পূর্ণ হয় নাই। ১৯৪৮ খ্রীষ্টাব্দের ২৩শে মার্চ মাত্র ৬০ বৎসর বয়সে তিনি তাঁহার মরদেহ ত্যাগ করিয়া চলিয়া যান। অবশেষে পদ্ধিত ধর্মাধার মহাশুবির ইহার দ্বিতীয় খণ্ডের ৫০টি সূত্রের অনুবাদ আরম্ভ করেন যাহা রেজুন হইতে ১৯৫৮ খ্রীষ্টাব্দে প্রকাশিত হয়। ইহার দ্বিতীয় মুদ্রণ হয় কলিকাতা হইতে ১৯৮৭

শ্রীষ্টাদে। প্রকাশক “ধর্মাধার বৌদ্ধ গ্রন্থ প্রকাশনী।” সম্প্রতি ইহার তৃতীয় খণ্ডের অনুবাদ প্রকাশিত হইতেছে। অনুবাদ করিয়াছেন কলিকাতার গভর্নেমেন্ট সংস্কৃত কলেজের পালি বিভাগের প্রফেসর এবং কলিকাতা বিশ্ববিদ্যালয়ের পালি বিভাগের লেকচারার ডঃ বিনয়েন্দ্র নাথ চৌধুরী, এম. এ. পি-আর-এস, পি.এইচ.ডি. মহোদয়। এই তৃতীয় খণ্ডের সূত্র সংখ্যা ৫২। ডঃ চৌধুরী যত্নসহকারে এই সূত্রগুলির অনুবাদ করিয়াছেন, সেইজন্য তিনি আমাদের ধন্যবাদার্থ। কারণ তাঁহার পূজ্যপাদ মাতুল যে কাজ অর্ধশতাদী পূর্বে আরম্ভ করিয়াছিলেন তাঁহার হস্তে ইহা পূর্ণতা লাভ করিল। তাঁহার মাতুলের ‘বাসনা’কে তিনি কার্যে বৃপ্ত দিলেন। পঞ্চিত ধর্মাধার মহাস্থবির মধ্যমণিরূপে মাতুল-ভাগিনীয়ের মধ্যখানে চিরদিন বিরাজ করিবেন। এত বৎসর পরে পালি মঞ্চমনিকায়ের বঙ্গানুবাদ সম্পূর্ণ হইল দেখিয়া আমাদের আনন্দের সীমা নাই।

মধ্যমনিকায়ের এই তৃতীয় খণ্ডের প্রকাশের ব্যয়ভার বহন করিয়াছেন শ্রীমতী শিশ্রা বড়ুয়া। তাঁহার পরলোকগত স্বামী সুপ্রতিতি রঞ্জন বড়ুয়ার প্রথম মৃত্যুবার্ষিকীতে তাঁহার পুণ্যস্মৃতি রক্ষার্থে তিনি এই গ্রন্থ প্রকাশিত করিয়া সকলের ধন্যবাদার্থা হইলেন। এই ধর্মদানের পুণ্যফল তাঁহার স্বামী লাভ করিয়া সুখী হউন এবং শ্রীমতী শিশ্রা দেবীও এই পুণ্যফলের দ্বারা নীরোগ দীর্ঘায় লাভ করুন- ইহাই আমাদের প্রার্থনা। এই গ্রন্থ প্রকাশে আমার ছাত্র শ্রীমৎ জিনবোধি ভিক্ষু বহু আয়াস স্বীকার করিয়াছেন। তাঁহার সাহায্য না পাইলে এত অল্প সময়ের মধ্যে এই গ্রন্থ প্রকাশ করা আমাদের পক্ষে সম্ভব হইত না। অলমতিবিষ্টরেণ। শুভমস্তু।

১৭ই জুন, ১৯৯৩
কলিকাতা

সুকোমল চৌধুরী
সম্পাদক
ধর্মাধার বৌদ্ধ গ্রন্থ প্রকাশনী

প্রকাশকের কিছুকথা

রাজামাটির প্রাণকেন্দ্র অভয় স্থান চিরজগ্রত একটি নাম রাজবন বিহার। সেখান অবস্থান করেন সর্বজন পূজ্য মহান আর্যশ্রাবক মদীয় পরমার্থিক উপাধ্যায় গুরুতন্ত্রে দেশে বিদেশে সর্বত্র সুপরিচিত যার নাম বললে মানুষ বিপদ থেকে রক্ষা পায় তিনি হলেন শ্রাবকবুদ্ধ শ্রীমৎ সাধনানন্দ মহাশ্঵বির (বনভন্তে)।

পূজ্য বনভন্তে সকল প্রাণীর হিত-সুখ-মঙ্গলের জন্য অনবরত বিলিয়ে দিচ্ছেন চারি আর্যসত্য জ্ঞান, প্রতীত্যসমৃৎপাদ নীতি জ্ঞান, আসবক্ষয় জ্ঞান। যারা উপলব্ধি করতে সক্ষম হচ্ছেন পূজ্য বনভন্তের বাণীসমূহ এবং সেভাবে আচরণ-ধারণ-প্রতিপালন করার চেষ্টা করছেন, তারা সকলে খুব সৌভাগ্যবান বলে আমি মনে করি। পূজ্য তন্ত্রে আমাদেরকে প্রায়সময় দেশনায় বলেন অরণ্যে অবস্থানের ও ভাবনা চর্চার কথা। আর বই ছাপানোর কথাও বলেন। তাই আমি ‘মধ্যম নিকায়’ (তৃতীয় খণ্ড) বইটি ছাপানোর কাজে হাতে নিলাম, এমনকি বইটি ছাপাতেও সক্ষম হলাম। আর পূজ্য বনভন্তের আশীর্বাদে আমার সকল আশা আন্তে আন্তে প্ররূপ হচ্ছে। বইটি ছাপানোর কাজে যাদের সাহায্য পেয়েছি মদীয় দীক্ষাগুরু শ্রদ্ধেয় শ্রীমৎ সৌরজগত তন্ত্রে আর সুধর্মানন্দ তন্ত্রে। আর আর্থিকভাবে তৈমিদুং এলাকাবাসীর সাহায্য পেয়ে বইটি অতি তাড়াতে ছাপানো সম্ভব হলো। তাই আমি তৈমিদুং এলাকাবাসীদের সুখ, শান্তি, মঙ্গল, উন্নতি, সমৃদ্ধি এবং সকলের ধর্মজ্ঞান, ধর্মচক্র উৎপন্ন হোক এই আশীর্বাদ করছি।

ইতি
প্রকাশক

সূচীপত্র
দেবদহ বর্গ

বিষয়	পৃষ্ঠা
দেবদহ সূত্র (১০১)	০১
পঞ্চত্রয় সূত্র (১০২)	১২
কিঞ্চি সূত্র (১০৩)	১৮
সামগ্রাম সূত্র (১০৪)	২২
সুনক্ষত্র সূত্র (১০৫)	২৯
আনিঙ্গা সাম্প্রেয় সূত্র (১০৬)	৩৫
গণক মৌকাল্যায়ন সূত্র (১০৭)	৩৮
গোপক মৌকাল্যায়ন সূত্র (১০৮)	৪৩
মহাপূর্ণিমা সূত্র (১০৯)	৪৮
শুন্দ্রপূর্ণিমা সূত্র (১১০)	৫২

অনুপদ বর্গ

অনুপদ সূত্র (১১১)	৫৫
ছয় বিশোধন সূত্র (১১২)	৫৭
সংপুরুষ সূত্র (১১৩)	৬৩
সেবিতব্য-অসেবিতব্য সূত্র (১১৪)	৬৬
বহুধাতুক সূত্র (১১৫)	৭৪
ঝৰিগিরি সূত্র (১১৬)	৭৮
মহাচতুরিংশৎ সূত্র (১১৭)	৭৯
আনাপান স্মৃতি সূত্র (১১৮)	৮৩
কায়গতাশৃতি সূত্র (১১৯)	৮৮
সংক্ষারোৎপত্তি সূত্র (১২০)	৯৫

শূন্যতাবর্গ

শুন্দ্র শূন্যতা সূত্র (১২১)	৯৮
মহাশূন্যতা সূত্র (১২২)	১০০
আচর্য-অভূতধর্ম সূত্র (১২৩)	১০৫
বক্তুল সূত্র (১২৪)	১০৯
দাঙ্গভূমি সূত্র (১২৫)	১১১

বিষয়	পৃষ্ঠা
ভূমিজ সূত্র (১২৬)	১১৭
অনিয়ুন্ধ সূত্র (১২৭)	১১৯
উপক্রেশ সূত্র (১২৮)	১২৮
বাল পঞ্চিত সূত্র (১২৯)	১৩০
দেবদূত সূত্র (১৩০)	১৪১
বিভজ্ঞাবর্গ	
ভদ্রকরক্ত সূত্র (১৩১)	১৪৬
আনন্দ-ভদ্রকরক্ত সূত্র (১৩২)	১৪৭
মহাকাত্যায়ন-ভদ্রকরক্ত সূত্র (১৩৩)	১৪৮
লোমশকাঞ্জিয়-ভদ্রকরক্ত সূত্র (১৩৪)	১৫২
ঙ্কুদ্র কর্মবিভজ্ঞা সূত্র (১৩৫)	১৫৪
মহাকর্ম বিভজ্ঞা সূত্র (১৩৬)	১৫৭
ষড়ায়তনবিভজ্ঞা সূত্র (১৩৭)	১৬৩
উদ্দেশ বিভজ্ঞা সূত্র (১৩৮)	১৬৮
অরণ বিভজ্ঞা সূত্র (১৩৯)	১৭১
ধাতুবিভজ্ঞা সূত্র (১৪০)	১৭৬
সত্যবিভজ্ঞা সূত্র (১৪১)	১৮৩
দক্ষিণাবিভজ্ঞা সূত্র (১৪২)	১৮৬
ষড়ায়তন বর্গ	
অনাথপিণ্ডিক অববাদ সূত্র (১৪৩)	১৯০
ছন্দক অববাদ সূত্র (১৪৪)	১৯৩
পূর্ণ-অববাদ সূত্র (১৪৫)	১৯৫
নন্দক-অববাদ সূত্র (২৪৬)	১৯৭
ঙ্কুদ্র রাহুল-অববাদ সূত্র (১৪৭)	২০১
ষড়ায়ট্টক সূত্র (১৪৮)	২০৩
মহাষড়ায়তনিক সূত্র (১৪৯)	২০৫
নগরবিন্দবাসী সূত্র (১৫০)	২০৭
পিণ্ডপাত পারিশুন্ধি সূত্র (১৫১)	২০৯
ইন্দ্রিয় ভাবনা সূত্র (১৫২)	২১১

মধ্যম নিকায়

দেবদহ বর্গ

দেবদহ সূত্র (১০১)

আমি এইরূপ শুনিয়াছি ৪

একসময় ভগবান শাক্য রাজ্য^১ বিচরণ করিতেছিলেন শাক্যদের নিগম দেবদহে। তথায় ভগবান ভিক্ষুদিগকে আহ্বান করিয়া বলিলেন, “হে ভিক্ষুগণ”, “হঁ ভদ্র! ” বলিয়া ভিক্ষুগণ ভগবানকে প্রত্যন্তর দিলেন। ভগবান কহিলেন ৪:

হে ভিক্ষুগণ, কতিপয় শ্রমণ-ব্রাহ্মণ আছেন যাঁহারা এইরূপ মতবাদী এইরূপ দৃষ্টিসম্পন্ন ৪: কোন পুরুষ-পুদ্ধাল (ব্যক্তি বিশেষ) সুখ, দুঃখ, অদুঃখ-অসুখ যাহা কিছু অনুভব করেন, তাহা সবই পূর্বকৃত হেতু, এই ভাবে পুরাতন কর্ম তপশ্চর্য্যা দ্বারা বিনষ্ট করিয়া ও নৃতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীর্ণ হয়। হে ভিক্ষুগণ, নির্ধন্ত্বণ^২ এরূপ মতবাদ পোষণ করেন। এই নির্ধন্ত্বের নিকট উপস্থিত হইয়া আমি এইরূপ বলি ৪: বন্ধুগণ, ইহা কি সত্য যে তোমরা নির্ধন্ত্বণ এরূপ মতবাদী ও দৃষ্টিবাদী ৪: “কোন পুরুষ-পুদ্ধাল (ব্যক্তি বিশেষ) সুখ, দুঃখ, অদুঃখ-অসুখ যাহা কিছু অনুভব করেন, তাহা সবই পূর্বকৃত হেতু, এই ভাবে পুরাতন কর্ম তপশ্চর্য্যা দ্বারা বিনষ্ট করিয়া ও নৃতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীর্ণ হইবে”। হে ভিক্ষুগণ, এইরূপ জিজ্ঞাসিত হইয়া নির্ধন্ত্বণ উত্তর দিলেন—‘হ্যা’। আমি তাহাদিগকে বলিলাম ৪: “বন্ধুগণ, তোমরা কি জান যে তোমরা পূর্বে জন্মাইয়াছিলে কিংবা জন্মাইয়াছিলে না?” “বন্ধুবর, আমরা ঠিক তাহা জানি না।”—“তোমরা কি ঠিক জান যে তোমরা পূর্বে পাপকর্ম করিয়াছিলে কিংবা কর নাই?”—“আমরা ঠিক তাহা জানি না।”—“তোমরা কি ঠিক জান যে পূর্বে তোমরা এইরূপ পাপকর্ম করিয়াছিলে?”

^১ মধ্যম নিকায়, ১ম ভাগ, পৃঃ ৯৩ দ্রষ্টব্য।

^২ জ্ঞেন সাধু।

- “না, আমরা ঠিক তাহা জানি না”। - “তোমরা কি ঠিক জান যে এতটা দুঃখ নিজীব হইয়াছে। এতটা দুঃখ নিজীব করিতে হইবে অথবা এতটা দুঃখ নিজীব হইবে?” - “না, আমরা তাহা ঠিক জানি না।” - “তোমরা কি ঠিক জান যে দৃষ্টধর্মে (ইহ জীবনে) অকুশলধর্ম প্রহীন এবং কুশল ধর্ম সম্পাদিত হয়?”

- “না, আমরা তাহা জানি না।”

- “তাহা হইলে, হে নির্গুণ বন্ধুগণ, তোমরা জান না যে তোমরা পূর্বে জন্মাইয়াছিলে কিংবা জন্মাইয়াছিলে না। তোমরা পূর্বে পাপকর্ম করিয়াছিলে কিংবা কর নাই, তোমাদের এতটা দুঃখ নিজীব হইয়াছে, এতটা দুঃখ নিজীব করিতে হইবে। এতটা দুঃখ নিজীব হইলে সর্বদুঃখ নিজীব হইবে, দৃষ্টধর্মে অকুশল ধর্ম প্রহীন ও কুশল ধর্ম সম্পাদিত হয়। এইরূপ হইলে আযুষ্মান নির্গুণদের ইহা বর্ণনা করা যুক্তিযুক্ত নহে : “কোন পুরুষ-পুরুল (ব্যক্তি বিশেষ) সুখ, দুঃখ, অদুঃখ-অসুখ যাহা কিছু অনুভব করেন, তাহা সবই পূর্বকৃত হেতু, এই ভাবে পূরাতন কর্ম তপচর্যা দ্বারা বিনষ্ট করিয়া ও নুতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীব হইবে।” হে নির্গুণ বন্ধুগণ, যদি তোমরা জান : “পূর্বে আমরা জন্মাইয়াছিলাম, কিংবা জন্মাইয়াছিলাম না তাহা নহে, পূর্বে পাপকর্ম করিয়াছিলাম কিংবা করি নাই তাহা নহে, তোমাদের এতটা দুঃখ নিজীব হইয়াছে, এতটা দুঃখ নিজীব করিতে হইবে। এতটা দুঃখ নিজীব হইলে সর্বদুঃখ নিজীব হইবে, দৃষ্টধর্মে অকুশল ধর্ম প্রহীন ও কুশল ধর্ম সম্পাদিত হয়। এইরূপ হইলে আযুষ্মান নির্গুণ বন্ধুদের এইরূপ বলা যুক্তিযুক্ত : কোন পুরুষ-পুরুল (ব্যক্তি বিশেষ) সুখ, দুঃখ, অদুঃখ-অসুখ যাহা কিছু অনুভব করেন, তাহা সবই পূর্বকৃত হেতু, এই ভাবে পূরাতন কর্ম তপচর্যা দ্বারা বিনষ্ট করিয়া ও নুতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীব হইবে।

যেমন, হে নির্গুণ বন্ধুগণ, কোন ব্যক্তি গাঢ়লিঙ্গ বিয়যুক্ত শল্যের দ্বারা বিদ্ধ হইল। সে শল্যের বেদনাহেতু তীব্র কঠোর ঘন্টণা অনুভব করে। তখন তাহার সলোহিত-জাতি, মিত্র-সুহৃদগণ কোন শল্যকর্তা ভিষককে উপস্থিত করিল।

সেই শল্যকর্তা ভিষক শস্ত্রের দ্বারা ব্রণমুখ পরিকর্তন করেন এবং পরিকর্তনহেতু সে (আহত ব্যক্তি) তীব্র কঠোর যন্ত্রণা অনুভব করে, শল্যকর্তা ভিষক এয়ণী (লৌহ বাণ) দ্বারা শল্য অগ্নেষণ করেন এবং অগ্নেষণহেতু সে তীব্র কঠোর যন্ত্রণা অনুভব করে, তখন শল্যকর্তা ভিষক শল্য টানিয়া বাহির করেন এবং তাহার ফলে সে তীব্র কঠোর যন্ত্রণা অনুভব করে, তখন শল্যকর্তা ভিষকব্রণমুখে অগদ-অজ্ঞার স্থাপন করেন এবং অগদ-অজ্ঞার স্থাপন হেতু তীব্র কঠোর যন্ত্রণা অনুভব করে। পরে সে ক্ষত শুকাইয়া রোগমুক্ত, সুখী, স্বাধীন, স্বয়ংবশী ও যথেচ্ছ-গমনশীল হয়। তখন তাহার এইরূপ মনে হইতে পারে- আমি পূর্বে গাঢ়লিঙ্গ বিষয়ুক্ত শল্যের দ্বারা বিন্দু হইয়াছিলাম সে শল্যের বেদনাহেতু তীব্র কঠোর যন্ত্রণা অনুভব করে। তখন তাহার সলোহিত-জ্ঞাতি, মিত্র-সুহৃদগণ কোন শল্যকর্তা ভিষককে উপস্থিতিকরিল। সেই শল্যকর্তা ভিষক শস্ত্রের দ্বারা ব্রণমুখ পরিকর্তন করেন এবং পরিকর্তনহেতু সে (আহত ব্যক্তি) তীব্র কঠোর যন্ত্রণা অনুভব করে, শল্যকর্তা ভিষক এয়ণী (লৌহ বাণ) দ্বারা শল্য অগ্নেষণ করেন এবং অগ্নেষণহেতু সে তীব্র কঠোর যন্ত্রণা অনুভব করে, তখন শল্যকর্তা ভিষকব্রণমুখে অগদ-অজ্ঞার স্থাপন করেন এবং অগদ-অজ্ঞার স্থাপন হেতু তীব্র কঠোর যন্ত্রণা অনুভব করে, তখন শল্যকর্তা ভিষকব্রণমুখে অগদ-অজ্ঞার স্থাপন করেন এবং অগদ-অজ্ঞার স্থাপন হেতু তীব্র কঠোর যন্ত্রণা অনুভব করে। পরে সে ক্ষত শুকাইয়া এখন রোগমুক্ত, সুখী, স্বাধীন, স্বয়ংবশী ও যথেচ্ছগমনশীল হইয়াছি। ঠিক এইভাবে, বন্ধু নির্ণৰ্গণ! যদি তোমরা জান যে পূর্বে আমরা জন্মাইয়াছিলাম না তাহা নহে পূর্বে পাপকর্ম করিয়াছিলাম কিংবা করি নাই তাহা নহে, তোমাদের এতটা দুঃখ নিজীব হইয়াছে, এতটা দুঃখ নিজীব করিতে হইবে। এতটা দুঃখ নিজীব হইলে সর্বদুঃখ নিজীব হইবে, দৃষ্টধর্মে অকৃশল ধর্ম প্রহীন ও কৃশল ধর্ম সম্পাদিত হয়।” তাহা হইলে আযুষ্যান নির্ণৰ্দের এইরূপ ভাষণ করাই যুক্তিযুক্ত ৪ কোন ব্যক্তি বিশেষ (পুরুষপুদ্রাল) সুখ, দুঃখ, অদুঃখ-অসুখ যাহা কিছু অনুভব করেন, তাহা সবই পূর্বকৃত হেতু, এই ভাবে পুরাতন কর্ম তপচর্যা দ্বারা বিনষ্ট করিয়া ও নুতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীব হইবে। বন্ধু নির্ণৰ্গণ, যেহেতু তোমরা জান না যে ‘পূর্বে আমরা জন্মাইয়াছিলাম, জন্মাইয়াছিলাম না তাহা নহে পূর্বে পাপকর্ম

করিয়াছিলাম কিংবা করি নাই তাহা নহে, তোমাদের এতটা দুঃখ নিজীর্ণ হইয়াছে, এতটা দুঃখ নিজীর্ণ করিতে হইবে। এতটা দুঃখ নিজীর্ণ হইলে সর্বদুঃখ নিজীর্ণ হইবে, দ্রষ্টব্যমে অকুশল ধর্ম প্রহীন ও কুশল ধর্ম সম্পাদিত হয়, ‘সেই হেতু আযুষ্যান নির্ভুলদের এইরূপ ভাষণ করা যুক্তিযুক্ত নহেঃ’ “কোন ব্যক্তি বিশেষ (পুরুষপুদাল) সুখ, দুঃখ, অদুঃখ-অসুখ যাহা কিছু অনুভব করেন, তাহা সবই পূর্বকৃত হেতু, এই ভাবে পুরাতন কর্ম তপশ্চর্য্যা দ্বারা বিনষ্ট করিয়া ও নৃতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীর্ণ হইবে।”

এইরূপ উক্ত হইলে, হে ভিক্ষুগণ, নির্ভুলগণ আমাকে বলিলেন— বন্ধুবর, নির্ভুল জ্ঞাতিপুত্র (মহাবীর) সর্বজ্ঞ, সর্বদশী, অপরিশেষ জ্ঞানদর্শন জানেন, ‘গমনকালে, দণ্ডায়মান অবস্থায়, সুষ্ঠ বা জাগ্রত অবস্থায় সতত সর্বদাই আমার মধ্যে জ্ঞানদর্শন প্রত্যুপস্থিত।’ তিনি আমাদের এইরূপ বলেনঃ “হে নির্ভুলগণ, তোমাদের পূর্বকৃত যে পাপকর্ম আছে তাহা তোমরা এই প্রকার কষ্টকর দুঃখরচর্য্যা দ্বারা নিজীর্ণ করিতেছ। এখন যে তোমরা কায়ে সংযত, বাক্যে সংযত ও মনে সংযত হইয়া চলিতেছে, তাহা অনাগতে পাপকর্ম না করিবার জন্য। এইভাবে পুরাতন কর্ম তপশ্চর্য্যা দ্বারা বিনষ্ট করিয়া ও নৃতন কোন (পাপ) কর্ম না করিয়া অনাগতে অনাস্ত্রব হইতে পারা যায়, অনাগতে অনাস্ত্রব হইলে কর্মক্ষয় হয়, কর্মক্ষয়ে দুঃখক্ষয়, দুঃখক্ষয়ে বেদনাক্ষয় এবং বেদনাক্ষয়ে সর্বদুঃখ নিজীর্ণ হইবে।” ইহা আমাদের নিকট ঝুঁটিকর ও যুক্তি সহ, তজ্জন্য আমরা এত প্রসন্ন।

এইরূপ উক্ত হইলে, হে ভিক্ষুগণ, আমি নির্ভুলদিগকে বলিলামঃ “বন্ধু নির্ভুলগণ, এই পঞ্চবিধ ধর্ম ইহজীবনে দুই প্রকার বিপাক (ফল)^১ দিয়া থাকে। সেই পঞ্চবিধ ধর্ম কি কি?— শ্রদ্ধা, রূচি, অনুশ্রব, আকার-পরিবিতর্ক ও দৃষ্টি-নিধ্যান-ক্ষান্তি।^২ এই পঞ্চবিধ ধর্ম দ্রষ্টব্যমে দুই প্রকার ফল প্রদান করে। অতীত শাস্তার প্রতি আযুষ্যান নির্ভুলদের কি শ্রদ্ধা, কি রূচি, কি অনুশ্রব, কি আকার-পরিবিতর্ক ও কি দৃষ্টি-নিধ্যান-ক্ষান্তি ছিল? হে ভিক্ষুগণ, আমি

^১ মধ্যম ২য় পৃঃ ২৯২।

^২ মধ্যম ২য় পৃঃ ২৯৩।

এইরূপ মতবাদী নির্ণয়দের মধ্যে সহধার্মিকেচিত কোন বাদপরিহার^১ দেখিতে পাই নাই। পুনরায় আমি নির্ণয়দের এইরূপ বলিলাম— “বন্ধু নির্ণয়গণ, তোমরা কি মনে কর? যেই সময়ে তোমাদের তীব্র উপকৰ্ম হয়, তীব্র প্রধান হয়, সেই সময়ে তোমরা অবকুমী (উদ্ভ্রষ্ট) হইয়া কেন তীব্র কঠোর দুঃখদায়ক বেদনা অনুভব কর অথচ যে সময়ে তোমাদের তীব্র উপকৰ্ম ও প্রধান হয় না, সেই সময়ে উদ্ভ্রষ্ট হইয়া তীব্র দুঃখদায়ক কঠোর বেদনা অনুভব কর না?

তাঁহারা উক্তর দিলেন— “বন্ধু গৌতম, যে সময়ে আমাদের তীব্র উপকৰ্ম ও তীব্র প্রধান হয়, সেই সময়ে আমরা অবকুমী হইয়া তীব্র কঠোর দুঃখদায়ক বেদনা অনুভব করি অথচ যেই সময়ে আমাদের তীব্র উপকৰ্ম (প্রচেষ্টা) ও প্রধান (তপশ্চর্য্যা) হয় না, সেই সময়ে আমরা অবকুমী হইয়া তীব্র দুঃখদায়ক কঠোর বেদনা অনুভব করি না”। “বাস্তবিক, বন্ধু নির্ণয়গণ, যেই সময়ে তোমাদের উপকৰ্ম (প্রচেষ্টা) হয়, প্রধান হয় সেই সময়ে তীব্র অবকুমী হইয়া তীব্র কঠোর যন্ত্রণা অনুভব কর”।

— “বন্ধু নির্ণয়গণ! সত্যই যেই সময়ে তোমাদের তীব্র উপকৰ্ম ও তীব্র প্রধান হয়, সেই সময়ে তোমরা অবকুমী হইয়া তীব্র কঠোর দুঃখদায়ক বেদনা অনুভব কর অথচ যেই সময়ে তোমাদের তীব্র উপকৰ্ম (প্রচেষ্টা) ও প্রধান (তপশ্চর্য্যা) হয় না, সেই সময়ে তোমরা অবকুমী হইয়া তীব্র দুঃখদায়ক কঠোর বেদনা অনুভব কর না। এইরূপ হইলে আযুশ্মান নির্ণয়দের এইভাবে ব্যাখ্যা করা যুক্তিযুক্তঃ ১ কোন ব্যক্তিবিশেষ সুখ, দুঃখ, অসুখ-অদুঃখ যাহা কিছু অনুভব করেন, তাহা সবই পূর্বকৃত হেতু, এইভাবে পুরাতন কর্ম তপশ্চর্য্যা দ্বারা বিনষ্ট করিয়া এবং নৃতন কোন (পাপ) কর্ম না করিয়া অনাগতে অনাস্তুর হইতে পারা যায়। অনাস্তুর হইলে কর্মক্ষয় হয়। কর্মক্ষয়ে দুঃখক্ষয় হয়, দুঃখক্ষয়ে বেদনাক্ষয় হয় এবং বেদনাক্ষয়ে সর্বদুঃখ নিজীর্ণ হয়। যদি বন্ধু নির্ণয়গণ, যেই সময়ে তীব্র উপকৰ্ম ও প্রধান হয়, সেই সময়ে গৃহসাধনজনিত- তীব্র দুঃখ, কঠোর বেদনা থাকিতে পারে, আর যেই সময়ে তীব্র উপকৰ্ম ও প্রধান থাকে না অথচ সেই সময়ে তীব্র কঠোর দুঃখ বেদনাও থাকে। এইরূপ হইলে আযুশ্মান নির্ণয়দের পক্ষে এইভাবে ব্যাখ্যা করা যুক্তিযুক্তঃ “কোন ব্যক্তিবিশেষ সুখ, দুঃখ, অসুখ-অদুঃখ যাহা কিছু অনুভব করেন, তাহা সবই পূর্বকৃত হেতু, এইভাবে পুরাতন কর্ম তপশ্চর্য্যা দ্বারা বিনষ্ট

^১ যুক্ত পূর্ণ প্রতিবেদন।

করিয়া এবং নৃতন কোন (পাপ) কর্ম না করিয়া অনাগতে অনাস্ত্র হইতে পারা যায়। অনাস্ত্র হইলে কর্মক্ষয় হয়। কর্মক্ষয়ে দুঃখক্ষয় হয়, দুঃখক্ষয়ে বেদনাক্ষয় হয় এবং বেদনাক্ষয়ে সর্বদুঃখ নিজীর্ণ হইবে”। যেহেতু, বন্ধু নির্গুণ, যে সময়ে তীব্র উপকৰ্ম ও তীব্র প্রধান হয়, সেই সময়ে তোমরা অবকুমী হইয়া তীব্র কঠোর দুঃখদায়ক বেদনা অনুভব কর অথচ যেই সময়ে তীব্র উপকৰ্মও প্রধান হয় না তখন সেই সময়ে তোমরা অবকুমী হইয়া তীব্র দুঃখদায়ক কঠোর বেদনা অনুভব কর না। কাজেই তোমরা নিজেরাই কৃত্তসাধনজনিত তীব্র কঠোর দুঃখ বেদনা অনুভব করিয়া অবিদ্যা-অজ্ঞান-মোহবশতৎ ফলতোগ কর। কোন ব্যক্তি বিশেষ সুখ, দুঃখ অসুখ-অদুঃখ যাহা কিছু অনুভব করেন, তাহা সবই পূর্বকৃত হেতু, এইভাবে পুরাতন কর্ম তপশ্চর্য্যা দ্বারা বিনষ্ট করিয়া এবং নৃতন কোন (পাপ) কর্ম না করিয়া অনাগতে অনাস্ত্র হইতে পারা যায়। অনাস্ত্র হইলে কর্মক্ষয় হয়। কর্মক্ষয়ে দুঃখক্ষয় হয়, দুঃখক্ষয়ে বেদনাক্ষয় হয় এবং বেদনাক্ষয়ে সর্বদুঃখ নিজীর্ণ হইবে। হে ভিক্ষুগণ, এইরূপ বলিয়া আমি নির্গুণের মধ্যে সহধর্মী উপযোগী কোন প্রতিবাদ দেখিতে পাই নাই।

পুনরায়, হে ভিক্ষুগণ, আমি নির্গুণের এইরূপ বলি- বন্ধু নির্গুণ, তোমরা কি মনে কর? যাহা কিছু দৃষ্টধর্মে অনুভবযোগ্য তাহা উপকৰ্ম ও প্রধানের দ্বারা ভবিষ্যৎ জন্মে অনুভবযোগ্য হউক- ইহা কি সম্ভব? তাহারা উত্তর দিলেন- “বন্ধু, তাহা সম্ভব নহে।”

- “যাহা কিছু কর্ম পরজন্মে অনুভবযোগ্য তাহা উপকৰ্ম বা প্রধানের দ্বারা দৃষ্টধর্মে (ইহজন্মে) অনুভবযোগ্য হউক- ইহা কি সম্ভব?”

- “না, তাহা সম্ভব নহে।”

তাহা হইলে বন্ধু নির্গুণ, তোমরা কি মনে কর? যাহা কিছু কর্ম-সুখানুভবযোগ্য তাহা উপকৰ্ম বা প্রধানের দ্বারা দুঃখানুভবযোগ্য হউক- ইহা কি সম্ভব?

- “না, তাহা সম্ভব নহে।”

- “যাহা কিছু কর্ম দুঃখানুভবযোগ্য তাহা উপকৰ্ম বা প্রধানের দ্বারা সুখানুভবযোগ্য হউক- ইহা কি সম্ভব”?

- “না, তাহা সম্ভব নহে।”

- “যাহা কিছু কর্ম পরিপক্ষ-অনুভবযোগ্য, তাহা উপকৰ্ম বা প্রধানের দ্বারা

অপরিপক্ষ অনুভবযোগ্য হটক- ইহা কি সম্ভব ?”

- “না, তাহা সম্ভব নহে।”
- “যাহা কিছু কর্ম অপরিপক্ষ-অনুভবযোগ্য, তাহা উপকৰণ বা প্রধানের দ্বারা পরিপক্ষ অনুভবযোগ্য হটক- ইহা কি সম্ভব ?”
- “না, তাহা সম্ভব নহে।”
- “যাহা কিছু কর্ম বহু-অনুভবযোগ্য, তাহা উপকৰণ বা প্রধানের দ্বারা অন্ন অনুভবযোগ্য হটক- ইহা কি সম্ভব ?”
- “না, তাহা সম্ভব নহে।”
- “যাহা কিছু কর্ম অনন্ত-অনুভবযোগ্য, তাহা উপকৰণ বা প্রধানের দ্বারা এক-অনুভবযোগ্য হটক, ইহা কি সম্ভব ?”
- “না তাহা সম্ভব নহে।”
- “যাহা কিছু কর্ম অনন্ত অনুভবযোগ্য, তাহা উপকৰণ বা প্রধানের দ্বারা অনন্ত অনুভবযোগ্য হটক- ইহা কি সম্ভব ?”
- “না তাহা সম্ভব নহে।”
- “যাহা কিছু কর্ম অনন্ত অনুভবযোগ্য তাহা উপকৰণ বা প্রধানের দ্বারা অনন্ত অনুভবযোগ্য হটক- ইহা কি সম্ভব ?”
- “না, তাহা সম্ভব নহে।”

বন্ধু নির্ণলগণ, ইহা সত্য যে যাহা কিছু কর্ম দৃষ্টধর্মে অনুভবযোগ্য তাহা উপকৰণ বা প্রধানের দ্বারা পরজন্মে অনন্ত অনুভবযোগ্য হটক- ইহা সম্ভব নহে যাহা কিছু কর্ম পরজন্মে অনুভবযোগ্য যাহা কিছু কর্ম অনন্ত অনুভবযোগ্য, তাহা উপকৰণ বা প্রধানের দ্বারা অনন্ত অনুভবযোগ্য হটক ইহা সম্ভব নহে। এইরূপ হইলে আযুশ্মান নির্ণলদের উপকৰণ বা প্রধান নিষ্কল্প। হে ভিক্ষুগণ, নির্ণলগণ এইরূপ মতবাদ পোষণ করেন। নির্ণলদের দশটি সহধার্মিক বাদানুবাদ নিষ্পার কারণ এয়।

হে ভিক্ষুগণ, যদি সন্তুগণ পূর্বকৃতহেতু সুখ ও দুঃখ অনুভব করে, তাহা হইলে নিচয়ই নির্ণলগণ পূর্বদুর্কৃতকর্মকারী। সেই জন্য তাহারা এখন তীব্র কঠোর দুঃখ ভোগ করিতেছে। হে ভিক্ষুগণ, যদি সন্তুগণ ঈশ্বর দ্বারা সৃষ্টি হইয়া সুখদুঃখ ভোগ করে, তাহা হইলে নিচয়ই নির্ণলগণ দুষ্ট ঈশ্বরের সৃষ্টি, যেই জন্য তাহারা এখন তীব্র কঠোর দুঃখ ভোগ করিতেছে। হে ভিক্ষুগণ, যদি সংজ্ঞাতি (সংযোগ) ভাব হেতু সন্তুগণ সুখ ও দুঃখ ভোগ করে, তাহা হইলে

নিচয়ই নির্ভুগণ পাপ সংযোগকারী, যেই জন্য তাহারা এখন এইরূপ তীব্র কঠোর দুঃখ ভোগ করিতেছে। হে ভিক্ষুগণ, যদি সত্ত্বগণ ছয় প্রকার অভিজ্ঞতি (বিশেষ শ্রেণীতে জন্ম) হেতু সুখ ও দুঃখ ভোগ করে, তাহা হইলে নির্ভুগণ পাপ আভিজ্ঞাতিক যেই জন্য তাহারা এখন এইরূপ তীব্র কঠোর দুঃখ ভোগ করিতেছে। হে ভিক্ষুগণ! যদি সত্ত্বগণ দ্রষ্টব্যমৰ্মে উপকৰম হেতু সুখ ও দুঃখ ভোগ করে, তাহা হইলে নিচয়ই নির্ভুগণ পাপ দ্রষ্টব্যমৰ্মে উপকৰ্মী, যেই জন্য তাহারা এখন তীব্র কঠোর দুঃখ ভোগ করে। যদি সত্ত্বগণ পূর্বকৃতহেতু সুখ ও দুঃখ ভোগ করে তাহা হইলে নির্ভুগণ নিদনীয়, আর যদি পূর্বকৃতহেতু সুখ ও দুঃখ ভোগ করে না, তাহা হইলেও নির্ভুগণ নিদনীয় দ্রষ্টব্যমৰ্মে উপকৰম হেতু এইরূপ। এইভাবে নির্ভুদের এই দশটি সহধার্মিক মতবাদ নিদার কারণ হয়। এইভাবে তাহাদের উপকৰম ও প্রধান নিষ্কল হয়।

হে ভিক্ষুগণ, কিরূপে উপকৰম ও প্রধান সফল হয়? এস্তে, ভিক্ষুগণ! ভিক্ষু অনভিভূত নিজেকে দুঃখ দ্বারা অভিভূত হইতে দেন না, ধর্মসঙ্গত সুখ পরিত্যাগ করেন না, বরং সেই সুখে অনুপক্রিয় থাকেন। তিনি প্রকৃষ্টরূপে জানেন, “আমার এই দুঃখনিদানের সংক্ষার দূরীভূত করার প্রধানের জন্য বিরাগ হয়। কিন্তু যখন আমি দুঃখ নিদানের প্রতি উপেক্ষাপরায়ণ হই, তখন উপেক্ষা ভাবনা করিবার ফলে আমার বিরাগ হয়।” সেই দুঃখ নিজীৰ্ণ হয়। সেই দুঃখনিদানের প্রতি উপেক্ষাপরায়ণ হইয়া ভাবনা করিবার ফলে বিরাগ হয় এবং এইরূপে সেই দুঃখ নিজীৰ্ণ হয়।

ভিক্ষুগণ! যেমন কোন পুরুষ কোন স্ত্রীলোকের প্রতি অনুরক্ত, প্রতিবন্ধচিন্ত, তীব্রচ্ছন্দ ও তীব্র আকাঙ্ক্ষা প্রাপ্ত হয়। সে সেই স্ত্রীলোককে অন্য পুরুষের সহিত দণ্ডায়মানা; আলাপরতা, পরিহারসরতা ও হাস্যরতা দেখিতে পায়। ভিক্ষুগণ! তোমরা কি মনে কর! ঐ স্ত্রীলোককে অন্য পুরুষের সহিত দণ্ডায়মানা, আলাপরতা, পরিহাসরতা ও হাস্যরতা দেখিয়া ঐ পুরুষের মনে কি শোক-পরিদেব-দুঃখ-দৌর্মনস্য-উৎপন্ন হইতে পারে না?

- “হ্যাঁ ভদ্র! ” “তাহা কি হেতু? অমুখ পুরুষ অমুখ স্ত্রীলোকের প্রতি অনুরক্ত, প্রতিবন্ধচিন্ত, তীব্রচ্ছন্দ ও তীব্র আকাঙ্ক্ষা প্রাপ্ত। সেই কারণে ঐ স্ত্রীলোককে অন্য পুরুষের সহিত দণ্ডায়মানা, আলাপরতা, পরিহাসরতা ও হাস্যরতা দেখিয়া তাহার মধ্যে শোক-পরিদেব-দুঃখ-দৌর্মনস্য-উৎপায়াস উৎপন্ন হয়। ”

তখন, ভিক্ষুগণ! এ পুরুষের এইরূপ মনে হইল : আমি ঐ স্ত্রীলোকের প্রতি অনুরক্ত, প্রতিবন্ধিত, তীব্রচন্দ্র ও তীব্র-আকাঙ্ক্ষা প্রাপ্ত। ঐ স্ত্রীলোককে অন্য পুরুষের সহিত দণ্ডায়মানা, আলাপরতা, পরিহাসরতা ও হাস্যরতা দেখিয়া আমার মধ্যে শোক-পরিদেব-দুঃখ-দৌর্মনস্য-উপায়াস উৎপন্ন হয়। আমি যদি ঐ স্ত্রীলোকের প্রতি ছন্দরাগ (আসক্তি) পরিত্যাগ করি তাহা হইলে কেমন হয়! সে ঐ স্ত্রীলোকের প্রতি ছন্দরাগ পরিত্যাগ করে। পরে সে অন্য সময়ে সেই স্ত্রীলোককে অন্য পুরুষের সহিত দণ্ডায়মানা, আলাপরতা, পরিহাসরতা ও হাস্যরতা দেখিতে পায়। ভিক্ষুগণ! তোমরা কি মনে কর? ঐ স্ত্রীলোককে অন্য পুরুষের সহিত দণ্ডায়মানা, আলাপরতা, পরিহাসরতা ও হাস্যরতা দেখিয়া তাহার মধ্যে শোক-পরিদেব-দুঃখ-দৌর্মনস্য-উপায়াস উৎপন্ন হয়?

“ভদ্র, তাহা হয় না”। “তাহা কি হেতু? কারণ, ঐ পুরুষ সেই স্ত্রীলোকের উপর বীতরাগ, সেইজন্য ঐ স্ত্রীলোককে অন্য পুরুষের সহিত দণ্ডায়মানা, আলাপরতা, পরিহাসরতা ও হাস্যরতা দেখিয়া তাহার মধ্যে শোক-পরিদেব-দুঃখ-দৌর্মনস্য-উপায়াস উৎপন্ন হয় না।

ভিক্ষুগণ, ঠিক এইভাবে ভিক্ষু অনভিভূত নিজেকে দুঃখ নিজীর্ণ হয়। ভিক্ষুগণ! এইরূপে উপকৰণ ও প্রধান সফল হয়।

পুনরায়, হে ভিক্ষুগণ, ভিক্ষু এইরূপ প্রত্যবেক্ষণ করেন :- যথেচ্ছ সুখে বিহার হেতু আমার মধ্যে অকুশল ধর্ম পরিবর্দ্ধিত হয় এবং কুশল ধর্মহ্রাসপ্রাপ্ত হয়। আর দুঃখ জয়ের চেষ্টায় আত্মানিয়োগ হেতু অকুশল ধর্মহ্রাস প্রাপ্ত হয় এবং কুশলধর্ম পরিবর্দ্ধিত হয়। যদি আমি দুঃখ জয়ের প্রচেষ্টায় আত্মানিয়োগ করি তাহা হইলে কেমন হয়? তিনি দুঃখ জয়ের প্রচেষ্টায় আত্মানিয়োগ করেন এবং তাহাতে অকুশল ধর্মহ্রাস প্রাপ্ত হয় এবং কুশল ধর্ম পরিবর্দ্ধিত হয়। তিনি অন্য সময়ে দুঃখ জয়ের প্রচেষ্টায় আত্মানিয়োগ করেন না। কি কারণে? হে ভিক্ষুগণ! যেই উদ্দেশ্যে ভিক্ষু দুঃখজয়ের প্রচেষ্টায় আত্মানিয়োগ করিতে পারেন সেই উদ্দেশ্য তাহার নিষ্পন্ন হইয়াছে। সেই জন্য তিনি অন্য সময়ে দুঃখজয়ের প্রচেষ্টায় আত্মানিয়োগ করেন না। যেমন হে ভিক্ষুগণ! কোন শর প্রস্তুতকারী জ্ঞান-কাঠখণ্ড-দ্বয়ে শরকে সন্তুষ্ট করে, পরিত্যক্ত করে, ঝজু ও কর্মনীয় করে। যেহেতু শর প্রস্তুতকারীর শর জ্ঞান-কাঠখণ্ডদ্বয়ের মধ্যে সন্তুষ্ট, পরিত্যক্ত, ঝজু ও কর্মনীয় হয়, সেই কারণে সে অন্য সময়ে শরকে জ্ঞান-কাঠখণ্ডদ্বয়ে সন্তুষ্ট, পরিত্যক্ত, ঝজু ও কর্মনীয় করে না। তাহার কি কারণ? যে

উদ্দেশ্যে শর প্রস্তুতকারী শরকে জ্ঞানস্ত কাঠখণ্ডয়ের মধ্যে সন্তুষ্ট, পরিতপ্ত, খঙ্গু ও কর্মনীয় করিতে পারে তাহা অভিনিষ্পন্ন হইতেছে। সেই হেতু শর প্রস্তুতকারী শরকে করে না।

ভিক্ষুগণ, ঠিক এইভাবে কোন ভিক্ষু প্রত্যবেক্ষণ করেন সেই কারণে অন্য সময়ে দুঃখজয়ের প্রচেষ্টায় আতানিরোগ করেন না। এইভাবে উপকৰ্ম ও প্রধান (প্রচেষ্টা) সফল হয়। পুনরায়, হে ভিক্ষুগণ, তথাগত ইহলোকে আর্বিভূত হন, যিনি অর্হৎ, সম্যক্ সমুদ্ধ, বিদ্যাচরণ সম্পন্ন, সুগত, লোকবিদ्, চিন্ত পরিশুদ্ধ করেন^১।

তিনি চিন্তের উপক্রেশ ও প্রজ্ঞার দৌর্বল্যের কারণ এই পঞ্চ নীবরণ পরিত্যাগ করিয়া সর্বপ্রকার কাম ও অকুশল ধর্ম হইতে বিচ্ছিন্ত হইয়া সবিতর্ক, সবিচার বিবেকজ প্রীতিসুখমণ্ডিত প্রথম ধ্যানস্তরে উপনীত হইয়া বিহার করেন। ভিক্ষুগণ, এইরূপে ভিক্ষুর উপকৰ্ম ও প্রধান সফল হয়।

পুনরায়, ভিক্ষুগণ! ভিক্ষু বিতর্ক-বিচার-উপশমে অধ্যাত্ম-সম্প্রসাদী, চিন্তের একীভাব-আনয়নকারী, বিতর্কাতীত, বিচারাতীত, সমাধিজ প্রীতি-সুখমণ্ডিত দ্বিতীয় ধ্যানস্তরে উপনীত হইয়া বিহার করেন। ভিক্ষুগণ, এইরূপে ভিক্ষুর উপকৰ্ম ও প্রধান সফল হয়।

পুনরায়, ভিক্ষুগণ! ভিক্ষু প্রীতিতেও বীতরাগ হইয়া উপেক্ষার ভাবে অবস্থান করেন, স্মৃতিমান ও সম্প্রজ্ঞাত হইয়া দেহের মধ্যে (প্রীতি নিরপেক্ষ) সুখ অনুভব করেন, আর্য্যগণ যে ধ্যানস্তরে উপনীত হইলে ধ্যায়ী উপেক্ষা সম্পন্ন ও স্মৃতিমান হইয়া সুখে বিহার করেন বলিয়া বর্ণনা করেন, সেই তৃতীয় ধ্যানস্তরে উপনীত হইয়া বিহার করেন। ভিক্ষুগণ, এইরূপে ভিক্ষুর উপকৰ্ম ও প্রধান সফল হয়।

পুনরায়, ভিক্ষুগণ, (দৈহিক) সুখ-দুঃখ পরিত্যাগ করিয়া পূর্বেই সৌমনস্য-দৌর্মনস্য (মনের হর্ষ ও বিবাদ ভাব) অন্তর্মিত করিয়া, না দুঃখ-না সুখ, উপেক্ষা ও স্মৃতি দ্বারা পরিশুদ্ধ চিন্তে চতুর্থ ধ্যানস্তরে উপনীত হইয়া বিহার করেন। ভিক্ষুগণ, এইরূপে ভিক্ষুর উপকৰ্ম ও প্রধান সফল হয়।

তিনি এইরূপে সমাহিত চিন্তের (মধ্যমনিকায় ১ম খণ্ড বেণীমাধব বড়ুয়া পৃঃ ১৯৮ পঞ্জি ১১ হইতে ২১ পঞ্জি দ্বয়ৈব পূর্বজন্ম অনুশ্বরণ করেন। ভিক্ষুগণ, এইরূপে ভিক্ষুর উপকৰ্ম ও প্রধান সফল হয়।

^১ মধ্যমনিকায়, (১ম), পৃঃ ১৯৩।

তিনি এইরূপে সমাহিত চিন্দের (মধ্যমনিকায় ১ম পৃঃ ১৯৮ পঙ্ক্তি ২৫ হইতে পৃঃ ১৯৯ পঙ্ক্তি ৬ পর্যন্ত) সুগতি-দুর্গতি প্রাণ হইতেছে। ভিক্ষুগণ, এইরূপে ভিক্ষুর উপকৰণ ও প্রধান সফল হয়।

তিনি এইরূপে সমাহিত চিন্দের (১ম খণ্ড পৃঃ ১৯৯ পঙ্ক্তি ১০ হইতে পঙ্ক্তি ২৩ পর্যন্ত) এখানে আর আসিতে হইবে না।

ভিক্ষুগণ! তথাগত এইরূপ বলেন। তথাগতের দশ সহধার্মিক যুক্তিসঙ্গত মতবাদ প্রশংসাভাজন হয়। যদি সত্ত্বগণ পূর্বকৃতহেতু সুখ দুঃখ অনুভব করে তাহা হইলে নিশ্চয়ই তথাগত পূর্বে সুকর্ম করিয়াছেন যেজন্য তিনি এখন আসবমুক্ত সুখ অনুভব করিতেছেন। যদি সত্ত্বগণ ঈশ্বর সৃষ্টি বলিয়া সুখ ও দুঃখ অনুভব করে তাহা হইলে তথাগত নিশ্চয়ই ভদ্র ঈশ্বরের দ্বারা সৃষ্টি যেই জন্য এখন আসবমুক্ত হইয়া সুখময় বেদনা অনুভব করিতেছেন। যদি সত্ত্বগণ সজ্ঞাতিভাব (সংযোগভাব) হেতু সুখ-দুঃখ অনুভব করে তাহা হইলে নিশ্চয়ই তথাগত, কল্যাণ সংযোগসম্পন্ন, যেই জন্য এখন এইরূপ আসবমুক্ত হইয়া সুখময় বেদনা অনুভব করিতেছেন। হে ভিক্ষুগণ! যদি সত্ত্বগণ (ষড়বিধি) জাতিতে সুখ দুঃখ ভোগ করিতে থাকে, তাহা হইলে নিশ্চয়ই তথাগত কল্যাণ জাতিতে জাত যেই জন্য এখন আসবমুক্ত হইয়া সুখময় বেদনা অনুভব করিতেছেন। যদি সত্ত্বগণ দ্রষ্টব্য-উপকৰণহেতু (ইহ জীবনে প্রচেষ্টা হেতু) সুখ-দুঃখ অনুভব করে, তাহা হইলে নিশ্চয়ই তথাগত কল্যাণময় দ্রষ্টব্য-উপকৰণ যে জন্য এখন এইরূপ আসবমুক্ত হইয়া সুখময় বেদনা অনুভব করিতেছেন। যদি সত্ত্বগণ পূর্বকৃত হেতু সুখ-দুঃখ ভোগ করিয়া থাকে, তাহা হইলে তথাগত প্রশংসাভাজন। যদি সত্ত্বগণ পূর্বকৃত ব্যতীত সুখ-দুঃখ ভোগ করে তাহা হইলেও তথাগত প্রশংসাভাজন।

এইরূপে যদি সত্ত্বগণ ঈশ্বর সৃষ্টি হইয়া, ঈশ্বর সৃষ্টি না হইয়া সজ্ঞাতিভাবহেতু সজ্ঞাতিভাব ব্যতীত (ষড়বিধি) জাতিতে জাত হইয়া জাতিতে জাত না হইয়া দ্রষ্টব্য-উপকৰণহেতু দ্রষ্টব্য-উপকৰণ ব্যতীত-সুখ-দুঃখ ভোগ করে, তাহা হইলেও তথাগত প্রশংসাভাজন। ভিক্ষুগণ, তথাগত এইরূপ মতবাদী এবং তথাগতের দশ সহধার্মিক মতবাদ প্রশংসার কারণ হ্য।

তগবান ইহ বিবৃত করিলেন। ভিক্ষুগণ প্রসন্ন মনে তগবানের ভাষণে আনন্দ প্রকাশ করিলেন।

[দেবদহ সূত্র সমাপ্ত]

ପଞ୍ଚତ୍ରୟ ସୂତ୍ର (୧୦୨)

ଆମି ଏଇରୂପ ଶୁଣିଯାଛି :

ଏକସମୟ ଭଗବାନ ଶ୍ରାଵଣୀ ସମୀପେ ଜେତବନେ ଅନାଥପିଡ଼ିକେର ଆରାମେ ଅବସ୍ଥାନ କରିତେହିଲେନ । ତଥାୟ ଭଗବାନ ଭିକ୍ଷୁଦିଗକେ ଆସ୍ଥାନ କରିଲେନ : “ହେ ଭିକ୍ଷୁଗଣ” । “ହଁ ଭଦ୍ର” ବଲିଯା ଭିକ୍ଷୁଗଣ ପ୍ରତ୍ୟନ୍ତରେ ଭଗବାନକେ ସମ୍ମତି ଜାନାଇଲେନ । ଭଗବାନ ବଲିଲେନ :

ଭିକ୍ଷୁଗଣ ! ଏମନ ଶ୍ରମଣ ଓ ତ୍ରାଙ୍ଗଣ ଆହେନ ଯାହାରା ଅପରାନ୍ତକମ୍ଭିକ, ଅପରାନ୍ତନୁଦୃତି, ଯୀହାରା ଅପରାନ୍ତ ସମ୍ବନ୍ଧେ ନାନାବିଧ ମତ ପ୍ରକାଶ କରେନ । ତ୍ାହାଦେର କେହ କେହ ବଲେନ- ମରଣାନ୍ତେ ଆତ୍ମା ନିତ୍ୟ^୧ ଓ ସଚୈତନ୍ୟ ଅବସ୍ଥାଯ ବିଦ୍ୟମାନ ଥାକେ । କେହ କେହ ବଲେନ- ମରଣାନ୍ତେ ଆତ୍ମା ନିତ୍ୟ ଓ ଅଚୈତନ୍ୟ ଅବସ୍ଥାଯ ବିଦ୍ୟମାନ ଥାକେ । କେହ କେହ ବଲେନ- ମରଣାନ୍ତେ ଆତ୍ମା ନିତ୍ୟ ଏବଂ ସଚୈତନ୍ୟଓ ଥାକେ ନା, ଅଚୈତନ୍ୟଓ ଥାକେ ନା । ତ୍ାହାରା ବିଦ୍ୟମାନ ସତ୍ତ୍ଵେର ଉଚ୍ଛେଦ, ବିନାଶ ଓ ବିଭବ ଘୋଷଣା କରେନ । କେହ କେହ (ଜୀବେର) ଦୃଷ୍ଟିଧର୍ମ ନିର୍ବାଣ ଲାଭ ସମ୍ପର୍କେ ବଲେନ । ଏଇରୂପେ ମରଣାନ୍ତେ ଆତ୍ମା ନିତ୍ୟ ବଲିଯା ଘୋଷଣା କରେନ । କେହ କେହ ବିଦ୍ୟମାନ ସତ୍ତ୍ଵେର ଉଚ୍ଛେଦ ବିନାଶ ଓ ବିଭବ ଘୋଷଣା କରେନ । ଏଇରୂପେ ଏଇଗୁଲି ପାଂଚଟି ହେଁ, ତିନଟି ହେଁ ଯା ପାଂଚଟି ହେଁ । ଇହାଇ ପଞ୍ଚତ୍ରୟ ଶଦେର ବିଶ୍ଳେଷଣ ।

ଭିକ୍ଷୁଗଣ ! ଏଇ ସକଳ ଶ୍ରମଣ ତ୍ରାଙ୍ଗଣ ମରଣାନ୍ତେ ଆତ୍ମା ରୂପୀ, ନିତ୍ୟ ଓ ସଂଜ୍ଞୀ (ସଚୈତନ୍ୟ) ଅବସ୍ଥାଯ ଥାକେ ବଲିଯା ଘୋଷଣା କରେନ; ମରଣାନ୍ତେ ଆତ୍ମା ଅରୂପୀ, ନିତ୍ୟ ଓ ସଂଜ୍ଞୀ ଅବସ୍ଥାଯ ଥାକେ ବଲିଯା ଘୋଷଣା କରେନ; ଆତ୍ମା ଏକାଧାରେ ରୂପୀ ଓ ଅରୂପୀ; ଆତ୍ମା ରୂପୀଓ ନହେ, ଅରୂପୀଓ ନହେ; ଆତ୍ମା ଏକତ୍ର ସଂଜ୍ଞୀ, ଆତ୍ମା ନାନାତ୍ମ ସଂଜ୍ଞୀ, ଆତ୍ମା ପରିମିତ ସଂଜ୍ଞାସମ୍ପନ୍ନ, ଏଇ ସକଳ ଶ୍ରମଣ-ତ୍ରାଙ୍ଗଣ ମରଣାନ୍ତେ ଆତ୍ମା ଅପରିମିତ ସଂଜ୍ଞାସମ୍ପନ୍ନ ଓ ନିତ୍ୟ ସଂଜ୍ଞୀ ଅବସ୍ଥାଯ ଥାକେ ବଲିଯା ଘୋଷଣା କରେନ ।

କେହ କେହ ବଲେନ- ମୁକ୍ତ ବିଜ୍ଞାନ-କୃତ୍ସ୍ନ (ଚେତନାମୟ ଚିନ୍ମାତ୍ର) ଅପରାମଣ ଓ ନିଶ୍ଚଳା । ତଥାଗତ ଜାନେନ- ଏଇ ସକଳ ଶ୍ରମଣ-ତ୍ରାଙ୍ଗଣ ମରଣାନ୍ତେ ଆତ୍ମା ରୂପୀ, ନିତ୍ୟ ଓ ସଂଜ୍ଞୀ ଅବସ୍ଥାଯ ଥାକେ ବଲିଯା ଘୋଷଣା କରେନ, ଆତ୍ମା ଏକାଧାରେ ରୂପୀ ଓ ଅରୂପୀ ଆତ୍ମା ରୂପୀଓ ନହେ, ଅରୂପୀଓ ନହେ ଆତ୍ମା ଏକତ୍ର-ସଂଜ୍ଞୀ

^୧ ଅରୋଗ୍ୟ ତି ନିଚ୍ଛ୍ଵାସ- ପ-ସ୍ନ୍ମ୍ରୀ ।

আত্মা নানাত্মসংজ্ঞী আত্মা অপরিমিত সংজ্ঞী আত্মা মরণান্তে অপরিমিত সংজ্ঞী, নিত্য ও অচৈতন্য অবস্থায় থাকে বলিয়া ঘোষণা করেন।

সংজ্ঞাগুলির মধ্যে সেই গুলিই পরিশুদ্ধ, পরম ও অগ্র (শ্রেষ্ঠ), অনুত্তর বলিয়া “যাথ্যাত যাহা রূপসংজ্ঞা (চতুর্থ ধ্যান স্তরে লক্ষ্য), অরূপ সংজ্ঞা (অনন্ত-আকাশ-যাথ্যাতন ও অনন্ত বিজ্ঞান-আয়তন সমাপ্তিতে লক্ষ্য), একত্র সংজ্ঞা ও নানাত্ম-সংজ্ঞা। কেহ কেহ বলেন— “কিছুই নাই” অর্থবোধক যে অকিঞ্চন-আয়তন (সমাপ্তি) তাহা অপরিমেয় ও নিশ্চল। যাহা সমবায়ে গঠিত (সংকৃত) তাহা খুঁণ এবং সংক্ষার সকলের নিরোধ আছে জানিয়া তথাগত নিঃসরণদর্শী হইয়া সংক্ষার অতিক্রান্ত (নির্বাণ প্রাপ্ত)।

ভিক্ষুগণ! কোন কোন শ্রমণ ব্রাহ্মণ আত্মা মরণান্তে রূপী, নিত্য ও অচৈতন্য অবস্থায় থাকে বলিয়া ঘোষণা করেন। তাহারা আত্মা অরূপী, আত্মা একাধারে রূপী ও অরূপী..., আত্মা রূপীও নহে, অরূপীও নহে অচৈতন্য অবস্থায় থাকে বলিয়া ঘোষণা করেন। ভিক্ষুগণ! যে সকল শ্রমণ ব্রাহ্মণ আত্মা মরণান্তে নিত্য ও সংজ্ঞী অবস্থায় থাকে বলিয়া ঘোষণা করেন, তাহাদের প্রতি কেহ কেহ আক্রোশ প্রকাশ করেন। তাহা কি কারণে? তাহারা বলেন— সংজ্ঞা শোগ, সংজ্ঞা গন্ত, সংজ্ঞা শল্য কিন্তু অসংজ্ঞা শান্ত ও প্রণীত। ভিক্ষুগণ! তথাগত ধানেন— কোন কোন শ্রমণ ব্রাহ্মণ আত্মা মরণান্তে নিত্য ও অসংজ্ঞী অবস্থায় দাকে বলিয়া ঘোষণা করেন। আবার যে সকল শ্রমণ ব্রাহ্মণ আত্মা মরণান্তে রূপী, নিত্য ও সংজ্ঞী অবস্থায় থাকে বলিয়া ঘোষণা করেন। আত্মা মরণান্তে অরূপী, নিত্য ও অসংজ্ঞী, আত্মা একাধারে রূপী ও অরূপী, আত্মা রূপীও নহে, অরূপীও নহে, নিত্য ও অসংজ্ঞী অবস্থায় থাকে বলিয়া ঘোষণা করেন। ভিক্ষুগণ, কোন শ্রমণ বা ব্রাহ্মণ এইরূপ বলিতে পারেন— রূপ, বেদনা, সংজ্ঞা, সংক্ষার ও বিজ্ঞান ছাড়াও আমি আগমন, গমন, চৃতি, উৎপত্তি, বৃদ্ধি, পশার ও বৈপুলোর প্রজ্ঞাপনা করিতে পারিব, ইহা হইতে পারে না। যাহা সংকৃত (সমবায়ে গঠিত) তাহা স্তুল এবং সংক্ষার সকলের নিরোধ আছে জানিয়া তথাগত তাহার নিঃসরণদর্শী হইয়া সংক্ষার অতিক্রান্ত (নির্বাণ প্রাপ্ত)।

ভিক্ষুগণ! কোন কোন শ্রমণ ব্রাহ্মণ মরণান্তে আত্মা রূপী, নিত্য, সংজ্ঞীও নহে, অসংজ্ঞীও নহে অবস্থায় থাকে বলিয়া ঘোষণা করেন, আত্মা অরূপী, আত্মা একাধারে রূপী ও অরূপী, মরণান্তে আত্মা রূপীও নহে, অরূপীও

নহে, নিত্য এবং সংজ্ঞীও নহে, অসংজ্ঞীও নহে অবস্থায় থাকে বলিয়া ঘোষণা করেন। এখন, ভিক্ষুগণ! যে সকল শ্রমণ ব্রাহ্মণ মরণান্তে আত্মা নিত্য ও সংজ্ঞী অবস্থায় থাকে বলিয়া ঘোষণা করেন তাহাদের কেহ কেহ আক্রোশ প্রকাশ করেন। আবার যে সকল শ্রমণ ব্রাহ্মণ মরণান্তে আত্মা নিত্য ও অসংজ্ঞী অবস্থায় থাকে বলিয়া ঘোষণা করেন তাহাদের কেহ কেহও আক্রোশ প্রকাশ করেন। তাহার কারণ কি? কারণ, সংজ্ঞা রোগ, সংজ্ঞা গন্ধ, সংজ্ঞা শল্য এবং অসংজ্ঞা সম্মোহ, অথচ সংজ্ঞাও নহে, অসংজ্ঞাও নহে বিষয়ে ইহা শাস্তি ও প্রণীত (উৎকৃষ্ট)। ভিক্ষুগণ! তথাগত ইহা জানেন— ঐ সকল শ্রমণ ব্রাহ্মণ মরণান্তে আত্মা রূপী, নিত্য এবং সংজ্ঞীও নহে, অসংজ্ঞীও নহে অবস্থায় থাকে বলিয়া ঘোষণা করেন, মরণান্তে আত্মা অরূপী, একাধারে রূপীও অরূপী, রূপীও নহে, অরূপীও নহে, নিত্য এবং সংজ্ঞীও নহে, অসংজ্ঞীও নহে অবস্থায় থাকে বলিয়া ঘোষণা করেন। ভিক্ষুগণ! ঐ সকল শ্রমণ ব্রাহ্মণ দৃষ্ট (প্রত্যক্ষ), শুত, মত (অনুমিত) বিজ্ঞাতব্য—সংক্ষার মাত্রের দ্বারা আয়তনের (নৈবসংজ্ঞা—নাসংজ্ঞা) সম্পাদন (প্রভিলাভ) প্রজ্ঞাপন করেন।

এই আয়তনের প্রতিলাভের নিমিত্ত ইহা ব্যসন (বিনাশ) বলিয়া আখ্যাত হয়। এই আয়তন (নৈবসংজ্ঞা—নাসংজ্ঞা) সূল সংক্ষার সমাপত্তি দ্বারা প্রাপ্তব্য নহে, কেবলমাত্র সূক্ষ্ম সংক্ষার প্রবর্তনের দ্বারা প্রাপ্তব্য যাহা সংস্কৃত (সমবায়ে গঠিত) তাহা সূল এবং সংক্ষার সকলের নিরোধ আছে জানিয়া তথাগত নিঃসরণদশী হইয়া সংক্ষার অতিক্রান্ত (নির্বাণপ্রাপ্ত)।

ভিক্ষুগণ! যে সকল শ্রমণ ব্রাহ্মণ বিদ্যমান সত্ত্বের উচ্ছেদ, বিনাশ ও বিভব ঘোষণা (প্রজ্ঞাপনা) করেন, যাহারা মরণান্তে আত্মা সংজ্ঞী ও নিত্য অবস্থায় থাকে বলিয়া ঘোষণা করেন, তাহাদের কেহ কেহ আক্রোশ প্রকাশ করেন। যে সকল শ্রমণ ব্রাহ্মণ মরণান্তে আত্মা নৈবসংজ্ঞা—নাসংজ্ঞা অবস্থায় থাকে বলিয়া ঘোষণা করেন, তাহাদের কেহ কেহ আক্রোশ প্রকাশ করেন। তাহার কারণ কি? এই সকল শ্রমণ ব্রাহ্মণ আসক্তি সম্পর্কে উচ্চভায়ী হনঃ “আমরা পরজন্মে এইরূপ হইব, আমরা পরজন্মে এইরূপ হইব।” যেমন কোন বণিকের বাণিজ্য যাইতে যাইতে মনে হয়ঃ ‘এইখান হইতে আমার ইহা হইবে, এইরূপে আমি ইহা লাভ করিব।’ এইরূপ আমি মনে করি, এই সকল শ্রমণ ব্রাহ্মণ বণিক সদৃশ প্রতিভাত হয়ঃ “আমরা পরজন্মে এইরূপ হইব, আমরা পরজন্মে এইরূপ হইব।” ভিক্ষুগণ! তথাগত জানেনঃ যে সকল শ্রমণ ব্রাহ্মণ বিদ্যমান সত্ত্বের

টাইওন, বিনাশ ও বিভব প্রজ্ঞাপনা করেন, তাঁহারা সৎকায় ভয় বশতঃ সৎকায় শান্তিগুপ্তসাবশতঃ সৎকায়কে কেন্দ্র করিয়া পরিধাবিত ও পরিচালিত হয়। যেমন দৃঢ় স্তম্ভে বা খীলে (খুঁটিতে) রজ্জুবন্ধ কুকুর সেই স্তম্ভ বা খুঁটির টাপাটাকে অনুধাবিত ও অনুপরিবর্তিত হয়, ঠিক এইরূপ ভাবে এই সকল শ্রমণ প্রাণ্য সৎকায় ভয় বশতঃ ও সৎকায় পরিজুগুপ্তসা বশতঃ জুগুপ্সাকে কেন্দ্র টাপাটা অনুপরিধাবিত ও অনুপরিবর্তিত হয়। যাহা কিছু সংস্কৃত তাহা স্থূল এবং মানবাদ সমূহের নিরোধ আছে জানিয়া তথাগত নিঃসরণদশী হইয়া তাহা ঘোষণাপ্ত।

ভিক্ষুগণ! যে সকল শ্রমণ ব্রাহ্মণ অপরান্তকল্পিক, অপরান্তানুদ্রষ্টি সম্পন্ন, ধ্যানাদ সম্বন্ধে অনেক প্রকার মন্তব্য প্রকাশ করেন, তাঁহারা সকলেই এই পদঃ আয়তন বা ইহাদের যে কোনটি সম্পর্কে বলেন। কোন কোন শ্রমণ প্রাণ্য আছেন যাঁহারা পূর্বান্তকল্পিক, পূর্বান্তনুদ্রষ্টি সম্পন্ন, পূর্বান্ত সম্পর্কে অনেক ধ্যানাদ মন্তব্য প্রকাশ করেন। কেহ বলেন— আত্মা ও জগৎ শাশ্঵ত, ইহাই সত্য, অন্য কিছু মিথ্যা। কেহ বলেন— আত্মা ও জগৎ শাশ্বত, আশাশক্তাবে অশাশ্বতও, ইহাই সত্য, অন্য কিছু মিথ্যা। কেহ বলেন আত্মা ও জগৎ শাশ্বতও নহে, অশাশ্বতও নহে, ইহাই সত্য, অন্য মিথ্যা। কেহ বলেন— আত্মা ও জগৎ শাশ্বত অনন্ত (অন্তবান)। ইহাই সত্য, অন্য মিথ্যা। কেহ বলেন আত্মা ও জগৎ অনন্ত, ইহাই সত্য অন্য মিথ্যা। কেহ কেহ বলেন— আত্মা ও জগৎ সান্ত প অনন্ত, ইহাই সত্য, অন্য মিথ্যা। কেহ কেহ বলেন আত্মা ও জগৎ সান্তও অনন্তও নহে ইহাই সত্য, অন্য সব মিথ্যা। কেহ বলেন— আত্মা ও জগৎ সান্তও সংজ্ঞী, ইহাই সত্য, অন্য মিথ্যা। কেহ কেহ বলেন— আত্মা ও জগৎ সান্তও সংজ্ঞী, ইহাই সত্য, অন্য মিথ্যা। কেহ কেহ বলেন— আত্মা ও জগৎ সান্তও সংজ্ঞী, ইহাই সত্য অন্য মিথ্যা। কেহ কেহ বলেন— আত্মা ও জগৎ সান্তও সংজ্ঞী, ইহাই সত্য, অন্য মিথ্যা। কেহ কেহ বলেন— আত্মা ও জগৎ সান্তও সংজ্ঞী, ইহাই সত্য, অন্য মিথ্যা। কেহ কেহ বলেন— আত্মা ও জগৎ সুখী প পুঁথী, ইহাই সত্য, অন্য মিথ্যা। কেহ কেহ বলেন— আত্মা ও জগৎ দুঃখীও পাঁচ, পুঁথীও নহে, ইহাই সত্য, অন্য মিথ্যা। ভিক্ষুগণ! যে সকল শ্রমণ ব্রাহ্মণ যথোচ্চ মতবাদী ও দৃষ্টিসম্পন্নঃ ‘আত্মা ও জগৎ শাশ্বত, ইহাই সত্য, অন্য মিথ্যা। তাঁহাদের শুন্ধা, রুচি, অনুশৰ্ব এবং আকারপরিবিতর্ক ও দৃষ্টি নামানামাদ ব্যতীত প্রত্যান্ত (ব্যক্তিগত) জ্ঞান পরিশুন্ধ ও পর্যবেদাত হয়—

তাহা হইতে পারে না। ব্যক্তিগতভাবে জ্ঞান পরিশুদ্ধ ও পর্যবেদাত না হইলেও ভবদীয় শ্রমণ ব্রাহ্মণগণ জ্ঞানের যে অংশমাত্র পর্যবেদাত করেন তাহাই তাঁহাদের উপাদান বলিয়া আখ্যাত হয়। যাহা সংস্কৃত তাহা স্থূল এবং সংস্কারগুলির নিরোধ আছে জানিয়া তথাগত নিঃসরণদর্শী হইয়া তাহা অতিক্রান্ত (নির্বাণ প্রাপ্ত)।

ভিক্ষুগণ! যে সকল শ্রমণ ব্রাহ্মণ এইরূপ মতবাদ ও দৃষ্টি পোষণ করেন, “আত্মা ও জগৎ অশাশ্঵ত শাশ্঵ত এবং অশাশ্঵ত শাশ্঵তও নহে, অশাশ্঵তও নহে সান্ত এবং অনন্ত সান্তও নহে, অনন্তও নহে একত্র সংজ্ঞী নানাত্ম সংজ্ঞী পরিমিত সংজ্ঞী অপরিমিত সংজ্ঞী একান্ত সুখী একান্ত দুঃখী দুঃখী ও নহে, সুখী ও নহে, ইহাই সত্য, অন্যরূপ মিথ্যা, তাঁহাদের শৰ্ম্মা, বুঢ়ি, অনুশৰ, আকারপরিবর্তক ও দৃষ্টিনির্ধ্যান-ক্ষান্তি ব্যতীত জ্ঞান পরিশুদ্ধ ও পর্যবেদাত হইবে— তাহা হইতে পারে না। ভিক্ষুগণ! ব্যক্তিগতভাবে জ্ঞান পরিশুদ্ধ ও পর্যবেদাত না হইলেও শ্রমণ-ব্রাহ্মণগণ জ্ঞানের যে অংশমাত্র পর্যবেদাত করেন, তাহাই তাঁহাদের উপাদান বলিয়া আখ্যাত হয়। যাহা সংস্কৃত তাহা স্থূল এবং সংস্কার সকলের নিরোধ আছে জানিয়া তথাগত নিঃসরণদর্শী হইয়া তাহা (সংস্কার) হইতে অতিক্রান্ত।

ভিক্ষুগণ, কতিপয় শ্রমণ ব্রাহ্মণ পূর্বান্তানুদৃষ্টি ও অপরান্তানুদৃষ্টি পরিত্যাগ করিয়া এবং সর্বপ্রকার কাম সংযোজনের অধিষ্ঠান না করিয়া প্রবিবেক ও প্রীতি লাভ করিয়া অবস্থান করেন ৪ যে প্রবিবেকজনিত প্রীতি লাভ করিয়া আমি বিহার করি তাহা শান্ত ও প্রণীত। তাঁহার প্রবিবেকজনিত প্রীতি নিরুদ্ধ হইলে দৌর্মনস্য উৎপন্ন হয়, দৌর্মনস্য নিরুদ্ধ হইলে প্রবিবেকজনিত প্রীতি উৎপন্ন হয়, ভিক্ষুগণ! যেমন, কোন ঘৃন হইতে ছায়া চলিয়া গেলে তাহাতে উত্তাপ স্ফুরিত হয়। আবার উত্তাপ চলিয়া গেলে ছায়া স্ফুরিত হয়। এইরূপে, ভিক্ষুগণ! প্রবিবেকজনিত প্রীতি নিরুদ্ধ হইলে দৌর্মনস্য উৎপন্ন হয় এবং দৌর্মনস্য নিরুদ্ধ হইলে প্রবিবেকজনিত প্রীতি উৎপন্ন হয়। ভিক্ষুগণ! তথাগত ইহা জানেন, এই ভবদীয় শ্রমণ-ব্রাহ্মণ পূর্বান্তানুদৃষ্টি ও অপরান্তানুদৃষ্টি পরিত্যাগ করিয়া সর্বপ্রকার কামসংযোজনের অধিষ্ঠান না করিয়া প্রবিবেকজনিত প্রীতি লাভ করিয়া আমি বিহার করি তাহা শান্ত ও প্রণীত। তাঁহার সেই প্রবিবেকজনিত

প্রীতি নিরুদ্ধ হইলে দৌর্মনস্য উৎপন্ন হয়, দৌর্মনস্য নিরুদ্ধ হইলে প্রবিবেকজনিত প্রীতি উৎপন্ন হয়। যাহা সংস্কৃত তাহা স্থূল এবং সংস্কার সকলের নিরোধ আছে জানিয়া তথাগত নিঃসরণদশী হইয়া তাহা (সংস্কার) অতিক্রান্ত।

ভিক্ষুগণ! কতিপয় শ্রমণ-ব্রাহ্মণ পূর্বান্তানুদৃষ্টি ও অপরান্তানুদৃষ্টি পরিত্যাগ করিয়া এবং সর্বপ্রকার কাম সংযোজনের অধিষ্ঠান না করিয়া প্রবিবেকজনিত প্রীতি অতিক্রম করিয়া নিরামিষ (কামমুক্ত) সুখ লাভ করিয়া বিহার করেনঃ যে নিরামিষ সুখ লাভ করিয়া আমি বিহার করি তাহা শাস্তি ও প্রণীত। সেই নিরামিষ সুখ নিরুদ্ধ হইলে প্রবিবেকজনিত প্রীতি উৎপন্ন হয় এবং প্রবিবেকজনিত প্রীতি হইলে নিরামিষ সুখ উৎপন্ন হয়। ভিক্ষুগণ! যেমন, কোন স্থান হইতে ছায়া চলিয়া গেলে সেই ছানে উত্তাপ স্ফুরিত হয় নিরামিষ সুখ উৎপন্ন হয়। ভিক্ষুগণ! তথাগত ইহা জানেনঃ এই ভবদীয় শ্রমণ-ব্রাহ্মণ পূর্বান্তানুদৃষ্টি ও অপরান্তানুদৃষ্টি পরিত্যাগ করিয়া নিরামিষ সুখ উৎপন্ন হয়। যাহা সংস্কৃত তাহা স্থূল উৎপন্ন সংস্কার অতিক্রান্ত।

ভিক্ষুগণ! কতিপয় শ্রমণ-ব্রাহ্মণ পূর্বান্তানুদৃষ্টি, অপরান্তানুদৃষ্টি পরিত্যাগ করিয়া, সর্বপ্রকার কামসংযোজনের অধিষ্ঠান না করিয়া, প্রবিবেকজনিত প্রীতি অতিক্রম করিয়া ও নিরামিষ সুখ অতিক্রম করিয়া ‘দুঃখও নহে, সুখও নহে’ বেদনা লাভ করিয়া বিহার করেন। যে ‘অদুঃখ-অসুখ’ বেদনা লাভ করিয়া আমি বিহার করি তাহা শাস্তি ও প্রণীত। তাহার সেই অদুঃখ-অসুখ বেদনা নিরুদ্ধ হইলে নিরামিষ সুখ উৎপন্ন হয় যেমন ছায়া তথাগত ইহা জানেন সংস্কার অতিক্রান্ত।

ভিক্ষুগণ! কতিপয় শ্রমণ-ব্রাহ্মণ পূর্বান্তানুদৃষ্টি ও অপরান্তানুদৃষ্টি পরিত্যাগ করিয়া, সর্বপ্রকার কামসংযোজনের অধিষ্ঠান না করিয়া, প্রবিবেকজনিত প্রীতি, নিরামিষ সুখ, অদুঃখ, অসুখ বেদনা অতিক্রম করিয়া নিজেকে ‘আমি শাস্তি’ আমি নির্বাণপ্রাপ্ত, আমি অনুপাদান (অনাসঙ্কৃ)’ বলিয়া সম্যক্ দর্শন করেন। তথাগত ইহা জানেন, এই ভবদীয় শ্রমণ-ব্রাহ্মণ অনুপাদান বলিয়া সম্যক্ দর্শন করেন। তথাগত ইহা জানেনঃ এই ভবদীয় শ্রমণ-ব্রাহ্মণ সম্যক্ দর্শন করেন, নিষ্ঠয়ই এই আয়ুম্বান নির্বাণ-উপযোগী প্রতিপদ সম্পর্কে বলেন। অথচ এই ভবদীয় শ্রমণ-ব্রাহ্মণ পূর্বান্তানুদৃষ্টি অপরান্তানুদৃষ্টি।

কামসংযোজন, প্রবিবেকজনিত প্রীতি, নিরামিষ সুখ, না দুঃখ না সুখ

বেদনার প্রতি অনুরাগযুক্ত হয়, যাহাতে এই আযুশ্যান, আমি শান্ত, অনুপাদান হইয়া নির্বাণ প্রাপ্ত হইয়াছি বলিয়া সম্যক্ দর্শন করেন, তাহাকে এই ভবদীয় শ্রমণ-ত্রাঙ্গণের উপাদান বলা হয়। যাহা সংস্কৃত তাহা স্থূল এবং সংস্কার নিরোধ আছে জানিয়া তথাগত নিঃসরণদশী হইয়া তাহা (সংস্কার) হইতে অতিরুচি।

ভিক্ষুগণ! অনুস্তর শান্তিবরপদ (নির্বাণ) লাভ যাহা ছয় স্পর্শ আয়তনের উৎপত্তি (সমুদয়), বিলয়, আশ্বাদ, আদীনব, নিঃসরণ এই তত্ত্বান যথার্থ জানিয়া অনুপাদ (অনাসক্ত) বিমুক্তি তাহা তথাগত কর্তৃক অভিসমুদ্ধ হইয়াছে।

ভগবান ইহা বিবৃত করিলেন। ভিক্ষুগণ প্রসন্নমনে ভগবানের ভাষণ শ্রবণ করিয়া আনন্দ প্রকাশ করিলেন।

[পঞ্চত্রয় সূত্র সমাপ্ত]

কিঞ্চি সূত্র^১ (১০৩)

আমি এইরূপ শুনিয়াছি :

একসময় ভগবান কুশীনগর সমীপে বলিহরণ^২ বনসঞ্চে অবস্থান করিতেছিলেন। তথায় ভগবান সমবেত ভিক্ষুদিগকে আহ্বান করিলেন : “হে ভিক্ষুগণ!” “হঁ ভদ্র! বলিয়া ভিক্ষুগণ ভগবানকে প্রত্যক্ষে দিলেন। ভগবান কহিলেন, “ভিক্ষুগণ! তোমাদের জন্য আমার মধ্যে কি আছে? আমার প্রতি তোমাদের মনোভাব কি? ইহা কি সত্য যে শ্রমণ গৌতম চীবরের জন্য বা পিণ্ডপাতের (ভিক্ষা) জন্য বা শয়নাসনের (বাসস্থান) জন্য কিংবা ভবাভবের জন্য ধর্ম দেশনা করেন”। “ভদ্র! ভগবান! আমাদের এইরূপ মনে হয় না, চীবরের জন্য বা শ্রমণ গৌতম ধর্ম দেশনা করেন”। ভিক্ষুগণ! আমার প্রতি তোমাদের এইরূপ মনে হয় না : চীবরের জন্য শ্রমণ গৌতম ধর্মদেশনা করেন। তাহা হইলে আমার সম্পর্কে তোমাদের কিরূপ মনে হয়?” “ভদ্র, ভগবানের সম্পর্কে আমাদের এইরূপ মনে হয় : ভগবান অনুকম্পাপরায়ণ, হিতৈষী এবং অনুকম্পাবশতঃ ধর্ম দেশনা করেন।” “হঁ, ভিক্ষুগণ! আমার সম্পর্কে তোমাদের এইরূপ মনে হয় : ভগবান

^১ কিং ইতি অর্থাৎ তারপর কি?

^২ কুশীনগরের নিকটস্থ একটি উপর্যুক্ত যেখানে বিভিন্ন উপদেবতাদের পূজা দেওয়া হইত।

অনুকম্পাপরায়ণ দেশনা করেন। অতএব, হে ভিক্ষুগণ! যে সকল অভিজ্ঞা ধর্ম, যথা- চারি শৃতি প্রস্তান, চারি সম্যক্ প্রধান, চারি ঋক্ষিপাদ, পঞ্চ ইন্দ্রিয়, পঞ্চ বল, সপ্ত বোধাঙ্গা, আর্য অষ্টাঙ্গিক মার্গ আমার দ্বারা দেশিত হইয়াছে, তাহা সকলের সামগ্রিকভাবে, সম্মতিসহকারে এবং বিবাদ না করিয়া শিক্ষা করা উচিত এবং তোমাদের সকলে সামগ্রিকভাবে (একত্রে) সম্মতিসহকারে ও বিবাদ না করিয়া শিক্ষা করা হইলে দুইজন ভিক্ষু অভিধর্মে- (উল্লিখিত ৩৭ বৌধিপঙ্খীয় ধর্মে) ভিন্নমত পোষণ করিতে পারেন। তখন তোমাদের এইরূপ মনে হইতে পারে : এই আযুশ্মানদের মধ্যে অর্থ সম্পর্কে ও ব্যঞ্জনা সম্পর্কে ভিন্নমত রহিয়াছে এবং যে ভিক্ষুকে তোমরা অধিকতর সম্যক্বাক্সম্পন্ন মনে কর, তাহার নিকট উপস্থিত হইয়া এইরূপ বলিতে পার : আযুশ্মানদের মধ্যে অর্থ সম্পর্কে ভিন্নমত ও ব্যঞ্জনা সম্পর্কে ভিন্নমত রহিয়াছে, আযুশ্মানগণ জানেন যে অর্থ সম্পর্কে ভিন্নমত ও ব্যঞ্জনা সম্পর্কে ভিন্নমত আছে। কাজেই আপনারা বিবাদ করিবেন না। অতঃপর বিবাদমান ভিক্ষুদের যে কোন একজন যাঁহাকে সম্যক্বাক্সম্পন্ন মনে কর, তাহার নিকট উপস্থিত হইয়া এইরূপ বলিতে পার : আযুশ্মানদের মধ্যে অর্থ সম্পর্কে ভিন্নমত ও ব্যঞ্জনা সম্পর্কে ভিন্নমত থাকিতে পারে, কাজেই আযুশ্মানদের বিবাদে লিঙ্গ হওয়া উচিত নয়। এইভাবে যাহা দুর্গৃহীত তাহা দুর্গৃহীত বলিয়া অবধারণ করা উচিত। যাহা সুগৃহীত তাহা সুগৃহীত বলিয়া অবধারণ করা উচিত, দুর্গৃহীতকে দুর্গৃহীত বলিয়া সুগৃহীতকে সুগৃহীত বলিয়া অবধারণ করিয়া ধর্ম এবং বিনয় ভাষণ করা উচিত। তখন তোমাদের এইরূপ মনে হইতে পারেঃ এই আযুশ্মানদের মধ্যে অর্থ সম্পর্কে সাম্য রহিয়াছে কিন্তু ব্যঞ্জনা সম্পর্কে ভিন্নমত রহিয়াছে। যে ভিক্ষুকে সম্যক্বাক্সম্পন্ন মনে কর তাহার নিকট উপস্থিত হইয়া এইরূপ বলিতে পার : আযুশ্মানদের অর্থ সম্পর্কে সাম্য আছে আর ব্যঞ্জনা সম্পর্কে ভিন্নমত আছে। আযুশ্মানগণ ইহা জানুন যে, অর্থ সম্পর্কে সাম্য আছে ও ব্যঞ্জনা সম্পর্কে ভিন্নমত আছে এবং যেহেতু ব্যঞ্জনা ব্যাপারটা সামান্যমাত্র ব্যাপার অতএব সামান্য ব্যাপারের জন্য আযুশ্মানগণ বিবাদে লিঙ্গ হইবেন না। অতঃএব বিবাদমান ভিক্ষুদের যে কোন একজনের যাঁহাকে অধিকতর সম্যক্বাক্সম্পন্ন মনে কর, তাহার নিকট উপস্থিত হইয়া এইরূপ বলা উচিত : আযুশ্মানদের অর্থ

সম্পর্কে সাম্য ও ব্যঞ্জনা সম্পর্কে ভিন্নত আছে। আযুশ্মানগণ ইহা জানুন যে অর্থ—সম্পর্কে সাম্য আছে অথচ ব্যঞ্জনা সম্পর্কে ভিন্নত আছে— এবং এই ব্যঞ্জনা সামান্যমাত্র ব্যাপার, অতএব সামান্য ব্যাপারের জন্য বিবাদ করিবেন না। এইভাবে সুগ্রহীতকে সুগ্রহীত বলিয়া অবধারণ করা উচিত আর দুর্গ্রহীতকে দুর্গ্রহীত বলিয়া অবধারণ করা উচিত এবং সুগ্রহীতকে সুগ্রহীত বলিয়া ও দুর্গ্রহীতকে দুর্গ্রহীত বলিয়া অবধারণ করিয়া ধর্ম এবং বিনয় ভাষণ করা উচিত।

পুনরায়, তোমাদের এইরূপ মনে হইতে পারে ৪ এই আযুশ্মানদের অর্থ সম্পর্কে ও ব্যঞ্জনা সম্পর্কে সাম্য আছে। যে ভিক্ষুকে অধিকতর সম্যক্বাক্সম্পন্ন মনে কর তাহার নিকট উপস্থিত হইয়া এইরূপ বলা উচিত, আযুশ্মানদের মধ্যে অর্থ সম্পর্কে ও ব্যঞ্জনা সম্পর্কে সাম্য আছে। এই কারণে আযুশ্মানগণ জানুন, যেরূপ অর্থ সম্পর্কে ও ব্যঞ্জনা সম্পর্কে সাম্য আছে সেই কারণে আযুশ্মানগণ বিবাদ করিবেন না। অতঃপর বিবাদমান ভিক্ষুদের যে কোন একজন যাহাকে সম্যক্বাক্সম্পন্ন মনে কর, তাহার নিকট উপস্থিত হইয়া এইরূপ বলা উচিত ৫ আযুশ্মানদের মধ্যে অর্থ সম্পর্কে ও ব্যঞ্জনা সম্পর্কে সাম্য আছে। এই কারণে আযুশ্মানগণ ইহা জানুন যে অর্থ সম্পর্কে ও ব্যঞ্জনা সম্পর্কে সাম্য আছে। অতএব, আযুশ্মানগণ বিবাদ করিবেন না। এইভাবে সুগ্রহীতকে সুগ্রহীত বলিয়া অবধারণ করিয়া ধর্ম এবং বিনয় ভাষণ করা উচিত। ভিক্ষুগণ! তোমাদের সকলের সামগ্রিকভাবে (একত্রে) সম্মতিসহকারে ও বিবাদ না করিয়া শিক্ষাপ্রাপ্ত হইলে কোন ভিক্ষুর আপত্তি (দোষ) হইতে পারে, (বিনয়) নিয়ম লঙ্ঘন হইতে পারে। তখন সেই ব্যক্তিকে অভিযুক্ত না করিয়া পরীক্ষা করা উচিত ৬ এইভাবে ইহা আমার অবিহিংসা হইবে এবং অপর ব্যক্তিকেও আঘাত করা হইবে না, অপর ব্যক্তি ক্রোধহীন, অনুপনাহী (অচিদ্রাম্ভেষী), নিরাসক্ত দৃষ্টি, সুপরিহারী। আমি এই ব্যক্তিকে অকুশল হইতে উঠাইয়া কুশলে প্রতিষ্ঠিত করিতে সক্ষম। ভিক্ষুগণ, যদি এমন হয়, তাহা উত্তম কথা আর যদি এইরূপ মনে হয়, আমার অবিহিংসা এবং অপর ব্যক্তির উপঘাত (দুঃখ্যোৎপত্তি) হইবে, তাহা হইলে অপর ব্যক্তি ক্রোধপরায়ণ, উপনাহী, আসক্তদৃষ্টি, কিন্তু সুপরিহারী হইবে। এই ব্যক্তিকে আমি অকুশল হইতে উঠাইয়া কুশলে প্রতিষ্ঠিত করিতে সক্ষম। অপর ব্যক্তির এই উপঘাত অতিসামান্য মাত্র। আমি অনেক বার এই ব্যক্তিকে অকুশল হইতে উঠাইয়া কুশলে প্রতিষ্ঠিত করিতে সক্ষম। ভিক্ষুগণ! যদি এইরূপ হয়, তাহা উত্তম

কথা। আর যদি তোমাদের এইরূপ মনে হয় : আমার বিহিংসা হইবে আর অপর ব্যক্তির হইবে অনুপযাত এবং অপর ব্যক্তি ক্রোধহীন, অনুপনাহী, নিরাসকৃ দৃষ্টি কিন্তু দুর্পরিহারী, এই ব্যক্তিকে আমি অকুশল হইতে উঠাইয়া কুশলে প্রতিষ্ঠিত করিতে সক্ষম। আমার এই বিহিংসা অতি সামান্য মাত্র। আমি বহুবার এই ব্যক্তিকে অকুশল হইতে উঠাইয়া কুশলে প্রতিষ্ঠিত করিতে সক্ষম। ভিক্ষুগণ, যদি এইরূপ হয়, তাহা হইলে উত্তম কথা। ভিক্ষুগণ! যদি তোমাদের এইরূপ মনে হয়, আমার বিহিংসা হইবে আর অপর ব্যক্তিরও উপযাত হইবে, এই অপর ব্যক্তি ক্রোধপরায়ণ, উপনাহী, আসক্তদৃষ্টি ও দুর্পরিহারী। আমি এই ব্যক্তিকে অকুশল হইতে উঠাইয়া কুশলে প্রতিষ্ঠিত করিতে সক্ষম। আমার এই বিহিংসা ও অপর ব্যক্তির উপযাত অতি সামান্যমাত্র। আমি বহুবার এই ব্যক্তিকে অকুশল হইতে উঠাইয়া কুশলে প্রতিষ্ঠিত করিতে পারি। ভিক্ষুগণ! যদি এইরূপ হয়, তাহা উত্তম কথা। ভিক্ষুগণ, যদি তোমাদের এইরূপ মনে হয়, আমার বিহিংসা হইবে আর অপর ব্যক্তির উপযাত হইবে এবং অপর ব্যক্তি ক্রোধপরায়ণ, উপনাহী, আসক্তদৃষ্টি ও দুর্পরিহারী হয়। এই ব্যক্তিকে আমি অকুশল হইতে উঠাইয়া কুশলে প্রতিষ্ঠিত করিতে সক্ষম নহি। ভিক্ষুগণ, এইরূপ ব্যক্তির প্রতি উপেক্ষা অবজ্ঞেয় নহে। ভিক্ষুগণ! তোমাদের সামগ্রিকভাবে (একত্রে), সর্বসম্মতিক্রমে, বিবাদ না করিয়া শিক্ষাপ্রাপ্ত হইলে পরম্পরের মধ্যে বাক্-সংস্কার (পূর্বে বিতর্ক বিচার করিয়া পরে বাক্যে উচ্চারণ করা), দৃষ্টিপর্যাস, চিন্তিবিদ্যে, অপ্রস্তুতি ও অসন্তুষ্টি উৎপন্ন হইয়াছে। অতঃপর বিবাদমান ভিক্ষুদের যে কোন একজনের যাহাকে অধিকতর সম্যক্বাক্সম্পন্ন মনে কর, তাহার নিকট উপস্থিত হইয়া এইরূপ বলা উচিত, বন্ধু! সম্মিলিতভাবে সর্বসম্মতভাবে ও বিবাদরহিত ভাবে শিক্ষাপ্রাপ্ত আমাদের পরম্পরের মধ্যে বাক্সংস্কার, দৃষ্টিপর্যাস, চিন্তিবিদ্যে, অপ্রস্তুতি ও অসন্তুষ্টি উৎপন্ন হইয়াছে এবং তাহা জ্ঞাত হইয়া শাস্তা আমাদের নিদ্বা করিতে পারেন। ভিক্ষুগণ, সম্যক্বিশ্লেষণ করিয়া ভিক্ষু এইরূপ উত্তর দিতে পারেন, “বন্ধুগণ, সম্মিলিতভাবে শাস্তা আমাদের নিদ্বা (দোষারোপ) করিতে পারেন”। এই ধর্ম পরিত্যাগ না করিয়া কি নির্বাণ উপলব্ধি করা যাইতে পারে? অতঃপর বিবাদমান ভিক্ষুদের যে কোন একজন যাহাকে তোমরা অধিকতর সম্যক্বাক্সম্পন্ন মনে কর, তাহার নিকট উপস্থিত হইয়া এইরূপ বলিতে পার : বন্ধু! সম্মিলিতভাবে শাস্তা আমাদের

দোষারোপ করিতে পারেন। সম্যক্ বিশ্লেষণ করিয়া ভিক্ষু এইরূপ উত্তর দিতে পারেন : বন্ধুগণ! সম্মিলিত ভাবে শাস্তা আমাদের নিন্দা করিতে পারেন। এই ধর্ম পরিত্যাগ না করিয়া নির্বাণ উপলব্ধি করা যায় না। ভিক্ষুগণ, সম্যক্ বিশ্লেষণ করিয়া ভিক্ষু এইরূপ উত্তর দিতে পারেন। ভিক্ষুগণ! সেই ভিক্ষুকে পরে এইরূপ জিজ্ঞাসা করা যাইতে পারে : আয়ুশানের দ্বারা এই ভিক্ষুগণ অকুশল হইতে উত্তোলিত হইয়া কুশলে প্রতিষ্ঠিত হইয়াছে। সম্যক্ বিশ্লেষণ করিয়া ভিক্ষু এইরূপ উত্তর দিতে পারেন। বন্ধুগণ! আমি ভগবানের নিকট উপস্থিত হইয়াছিলাম এবং ভগবান আমাকে ধর্মদেশনা করিয়াছিলেন। সেই ভিক্ষুগণ ধর্ম শুবণ করিয়া অকুশল হইতে উঠিয়া কুশলে প্রতিষ্ঠিত হইয়াছেন। এইরূপ ব্যাখ্যার সময়ে ভিক্ষু আত্মপ্রশংসা করেন না। অপরকে ও অবজ্ঞা (নিন্দা) করেন না, ধর্মের অনুধর্ম বর্ণনা করেন এবং তাহার যুক্তিসংজ্ঞাত কোন বাদানুবাদ নিন্দার কারণ হয় না।

ভগবান ইহা বিবৃত করিলেন। ভিক্ষুগণ সম্মুষ্টমনে ভগবানের ভাষণে আনন্দ প্রকাশ করিলেন।

[কিন্তি সূত্র সমাপ্ত]

সামগ্রাম সূত্র (১০৮)

আমি এইরূপ শুনিয়াছি :-

এক সময় ভগবান শাক্যদের রাজ্যে অবস্থান করিতেছিলেন সামগ্রামে। সেই সময় নির্গুহ জ্ঞাতপুত্র (মহাবীর)^১ পাবাতে সম্প্রতি মারা গিয়াছেন। তাহার মৃত্যুর পর অন্যান্য নির্গুহণ দিধাবিভক্ত, ভগ্নজাত (ভেদস্বভাব)^২, কলহজাত, বিবাদরত হইয়া পরম্পর পরম্পরকে মুখতুংডে ব্যথিত করিয়া অবস্থান করিতেছিলেন : তুমি এই ধর্মবিনয় জান না। আমি এই ধর্মবিনয় জানি। কিরূপে তুমি এই ধর্মবিনয় জানিবে? তুমি মিথ্যা-প্রতিপন্ন। আমি সম্যক্ প্রতিপন্ন, আমার বাক্য অর্থযুক্ত আর তোমার বাক্য নিরীক্ষক। পূর্বের বচনীয় পূর্বে বল, অনভ্যন্তকে (অবিচীর্ণকে) তুমি বিপর্যস্ত করিতেছ, তোমার দোষ আরোপিত এবং তুমি নিগৃহীত, বাদ (দোষ) মোচনার্থ-যত্ন কর। অথবা যদি সমর্থ হও তবে গ্রন্থি খোল। মনে হয় নির্গুহ জ্ঞাতপুত্রীয়দের (মহাবীরের

^১: মধ্যমনিকায় (১ম) পৃঃ ১৭।

^২: আচার্য বুদ্ধঘোষের মতে ভগ্ন কলহের পূর্ববস্তা (প.সু।

শিষ্যদের) মৃত্যু ঘনাইয়া আসিয়াছে। এমন কি নির্ণল জ্ঞাতপুত্রের গৃহী শিষ্যদের যাহারা শ্বেতবসন পরিহিত, তাঁহারা ধর্মবিনয়ে দুরাখ্যাত, দুঃপ্রচারিত, অপরিচালিত, শাস্তিতে অননুবর্তিত, অসম্যক সম্মুখ্য-প্রবেদিত। ভিন্ন মতাবলম্বী ও অপ্রতিশরণ নির্ণল জ্ঞাতপুত্রীদের প্রতি বিরূপ, বিরক্ত ও শুন্দ্রা প্রদর্শনে বিরত আছেন।

সেই সময়ে শ্রামণের চূন্দ পাবাতে বর্ধাবাস যাপন করিয়া সামগ্রামে আযুশ্মান আনন্দের নিকট উপস্থিত হইলেন, উপস্থিত হইয়া আযুশ্মান আনন্দকে অভিবাদন করিয়া এক পার্শ্বে উপবেশন করিলেন। এক পার্শ্বে উপবিষ্ট শ্রামণের চূন্দ আযুশ্মান আনন্দকে বলিলেন— ভদ্র, নির্ণল জ্ঞাতপুত্র সম্প্রতি পাবাতে দেহত্যাগ করিয়াছেন। তাঁহার মৃত্যুর পর অন্যান্য নির্ণলগণ দ্বিধাবিভক্ত, ভঙ্গনজাত, কলহজাত, বিবাদাপন্ন হইয়া পরম্পর পরম্পরকে মুখতুংডে ব্যথিত করিয়া অবস্থান করিতেছেন অপ্রতিশরণ জ্ঞাতপুত্রীয়দের প্রতি বিরূপ, বিরক্ত ও শুন্দ্রা প্রদর্শনে বিরত আছেন। এইরূপ উক্ত হইলে আযুশ্মান আনন্দ শ্রামণের চূন্দকে বলিলেন— বন্ধু চূন্দ! ভগবানের সাক্ষাতে ইহা একটি আলোচ্য বিষয়, আমরা ভগবানের নিকট উপস্থিত হইব। উপস্থিত হইয়া ভগবানের নিকট ইহা গোচর করিব। “হ্যাঁ ভদ্র!” বলিয়া শ্রামণের চূন্দ আযুশ্মান আনন্দকে প্রত্যুষ্ণর দিলেন।

অতঃপর আযুশ্মান আনন্দ ও শ্রামণের চূন্দ ভগবানের নিকট উপস্থিত হইলেন, উপস্থিত হইয়া ভগবানকে অভিবাদনপূর্বক এক পার্শ্বে উপবেশন করিলেন এবং এক পার্শ্বে উপবিষ্ট আযুশ্মান আনন্দ ভগবানকে এইরূপ বলিলেন— ভদ্র শ্রামণের চূন্দ এইরূপ বলিয়াছে, “নির্ণল জ্ঞাতপুত্র শুন্দ্রা প্রদর্শনে বিরত আছেন।” ভদ্র, তখন আমার এইরূপ মনে হইলঃ ভগবানের মৃত্যুর পরে যেন সংযোগে বিবাদ উৎপন্ন না হয়। বিবাদ বহুজনের অহিত, সুখহীনতা, অনর্থ এবং দেবমনুষ্যের অহিত ও দুঃখের কারণ।

—“আনন্দ, তুমি কি মনে কর? আমার দ্বারা যে সকল অভিজ্ঞা সম্পন্ন ধর্ম দেশিত হইয়াছে, যথা— চারি শৃতিপ্রস্থান, চারি সম্যক্প্রধান, চারি ঋক্ষিপাদ, পঞ্চ ইন্দ্রিয়, পঞ্চ বল, সপ্তরোধাঙ্গ, আর্য-অষ্টাঙ্গিক মার্গ,— আনন্দ, তুমি কি দেখিয়াছ যে এই সকল ধর্মে দুইজন ভিক্ষুও ভিন্নমত পোষণ করেন?— “ভদ্র! যে সকল অভিজ্ঞাসম্পন্ন ধর্ম ভগবান কর্তৃক দেশিত হইয়াছে, যথা, চারি শৃতিপ্রস্থান মার্গ, এই সকল ধর্মে দুইজন ভিক্ষুকেও ভিন্নমত পোষণ

করিতে আমি দেখি নাই। ভদ্র! যে সকল ব্যক্তি ভগবানকে আশ্রয় করিয়া অবস্থান করিতেছেন, ভগবানের মৃত্যুর পর তাঁহারা সঙ্গে মধ্যে আজীব (জীবিকা) ও প্রাতিমোক্ষ নিয়ম প্রসঙ্গে বিবাদ সৃষ্টি করিতে পারেন এবং এই বিবাদ বহুজনের অহিত, অ-সুখ, অনর্থ, দেবমনুষ্যের অহিত ও দুঃখের কারণ হইবে। - আনন্দ! আজীব ও প্রাতিমোক্ষ সংক্রান্ত বিবাদ সামান্যমাত্র। কিন্তু মার্গ বা প্রতিপদ সংক্রান্ত সঙ্গে বিবাদ বহুজনের অহিত, অ-সুখ, অনর্থ এবং দেবমনুষ্যের অহিত ও দুঃখের কারণ।

আনন্দ! এই ছয়টি বিবাদমূল। ছয়টি কি কি? আনন্দ, কোন ভিক্ষু ক্রোধপরায়ণ ও বিদ্যেষভাবাপন্ন হয়, সে শাস্তা (বুদ্ধ), ধর্ম ও সঙ্গের প্রতি অশুচ্চ ও দুর্বিনীত হয় এবং শিক্ষায় পরিপূর্ণকারী হয় না। আনন্দ, যে ভিক্ষু শাস্তা, ধর্ম ও সঙ্গের প্রতি অশুচ্চ ও দুর্বিনীত এবং শিক্ষায় পরিপূর্ণকারী নহে, সে সঙ্গে বিবাদ সৃষ্টি করে। সেই বিবাদ বহুজনের অহিত, অসুখ, অনর্থ এবং দেব মনুষ্যের অহিত ও দুঃখের কারণ হয়। এইরূপে আনন্দ! তোমরা বিবাদমূলকে অধ্যাত্মভাবে ও বাহিরে দেখ এবং বিবাদমূলকে দূরীভূত করিবার জন্য চেষ্টা কর। যদি এইরূপে বিবাদমূলকে অধ্যাত্মভাবে ও বাহিরে না দেখ তাহা হইলে তোমরা অনাগতে (ভবিষ্যতে) পাপস্বরূপ বিবাদ মূলের অনাস্ত্রবে প্রতিপাদন কর। এইভাবে পাপস্বরূপ বিবাদমূলের পরিত্যাগ হয় ও অনাগতে অনাস্ত্র হয়।

পুনরায়, আনন্দ! কোন ভিক্ষু মঙ্গী (ভঙ্গ বা কপট), পর্যাসী (নিষ্ঠুর) ঈর্ষাপরায়ণ ও মাংসর্যপরায়ণ শৰ্ঠ, মায়াবী হয় পাপেচ্ছু ও মিথ্যাদৃষ্টি সম্পন্ন হয় লৌকিক মতাবলম্বী দৃঢ়গ্রাহী ও দুর্পরিহারী হয়। সে শাস্তা, ধর্ম ও সঙ্গের প্রতি অশুচ্চ ও দুর্বিনীত ও শিক্ষায় পরিপূরণকারী হয় না। আনন্দ! যে শাস্তা, ধর্ম ও সঙ্গের প্রতি অশুচ্চ ও দুর্বিনীত হয়, সে সঙ্গে বিবাদ সৃষ্টি করে। সেই বিবাদ বহুজনের অহিত, অ-সুখ অনর্থ এবং দেব মনুষ্যের অহিত ও দুঃখের কারণ। এইরূপে আনন্দ, তোমরা বিবাদমূলকে অধ্যাত্মভাবে অনাগতে অনাস্ত্র হয়। আনন্দ! এই ছয়টিই বিবাদমূল।

আনন্দ! এই চারিটি অধিকরণ, (বিবাদ) মীমাংসার বিষয়। চারিটি কি কি? বিবাদ-অধিকরণ, অনুবাদ-অধিকরণ, আপত্তি-অধিকরণ ও কৃত্য-অধিকরণ। এই চারিটি অধিকরণ। সময়ে সময়ে উৎপন্ন বিবাদাদি অধিকরণের শর্মথ বা উপশমের জন্য এই সাতটি অধিকরণ শর্মথ আছে। যথা- সম্মুখবিনয়

দাতব্য, শৃতিবিনয় দাতব্য, অমৃচবিনয় দাতব্য, প্রতিজ্ঞা করণ কর্তব্য যন্ত্রয়সিকা, তস্যপাপীয়সিকা ও তৃণবন্ধারক। আনন্দ! কিভাবে সম্মুখ বিনয়^১ হয়? আনন্দ! কোন কোন ভিক্ষু এইভাবে বিবাদ করেন : “ইহা ধর্ম, ইহা অধর্ম, ইহা বিনয়, ইহা অবিনয়”। এই ভিক্ষুগণকে সামগ্রিকভাবে সমবেত হইতে হইবে এবং যাহা ধর্মসঙ্গত (ধর্মনেত্রী) তাহা বাছিয়া লইয়া প্রয়োজন অনুসারে সেই বিবাদের মীমাংসা করিতে হইবে। আনন্দ! এইভাবেই সম্মুখবিনয় হয় এবং এইভাবে কতিপয় অধিকরণের (বিচার) মীমাংসা হয়, যেমন সম্মুখবিনয়ের দ্বারা।

আনন্দ! কিরূপে যন্ত্রয়সিকা^২ হয়? যদি সেই ভিক্ষুগণ সেই আবাসে সেই অধিকরণের (বিচার্য বিষয়ের) মীমাংসা করিতে না পারেন, তাহা হইলে যে আবাসে বহসৎ্যক ভিক্ষু আছেন সেখানে যাইতে হইবে এবং তথায় সকলকেই সামগ্রিকভাবে সমবেত হইয়া যাহা মীমাংসা করিতে হইবে। এইভাবে যন্ত্রয়সিকা হয় যাহাতে কতিপয় বিবাদের মীমাংসা হয়।

আনন্দ! কিরূপে শৃতিবিনয় হয়? আনন্দ, ভিক্ষুগণ কোন ভিক্ষুকে পারাজিক কিংবা পারাজিকক্ষে কোন গুরুতর অপরাধের জন্য অভিযুক্ত করিয়া এইভাবে বলেন- “আযুশ্মান কি পারাজিক বা পারাজিকক্ষে কোন গুরুতর অপরাধ করিয়াছেন বলিয়া শ্মরণ করেন? তিনি বলিলেন “বন্ধুগণ, আমি পারাজিক বা পারাজিকক্ষে কোন গুরুতর অপরাধ করিয়াছি বলিয়া শ্মরণ করি না। তখন সেই ভিক্ষুকে শৃতিবিনয় দিতে হইবে। আনন্দ এইরূপে শৃতিবিনয় হয় এবং এইভাবে কতিপয় অধিকরণের মীমাংসা হয় যেমন শৃতিবিনয়ের দ্বারা।

আনন্দ! কিরূপে অমৃচবিনয় হয়? আনন্দ! ভিক্ষুগণ কোন ভিক্ষুকে পারাজিক বা পারাজিকক্ষের মত কোন গুরুতর অপরাধের জন্য এইভাবে অভিযুক্ত করেন- “আযুশ্মান কি পারাজিক বা পারাজিকক্ষে কোন গুরুতর করিয়াছেন বলিয়া শ্মরণ করেন?” তিনি বলিলেন- “আমি পারাজিক বা পারাজিকক্ষে কোন গুরুতর অপরাধ করিয়াছি বলিয়া শ্মরণ করিতে পারিতেছি না।” (অপরাধ) উদ্ঘাটনের জন্য আবার বলা হইল- “বন্ধু! উত্তমরূপে জ্ঞাত

^১: সকল ভিক্ষুর সমক্ষে বিবাদ নিষ্পত্তি।

^২: অধিকার্থের মতে বিচার মীমাংসা। এই মতামত জ্ঞানিবার জন্য শলাকা ব্যবহারের রীতি ছিল (বিনয়পিটক ২য়, পৃষ্ঠা ১৩)

হও যে তুমি পারাজিক বা পারাজিককল্প কোন গুরুতর অপরাধ করিয়াছ কিনা স্মরণ কর।” তিনি এইরূপ বলিলেন- ‘বন্ধুগণ! আমি উন্নাদ অবস্থা ও চিন্তের বিপর্য্যাস প্রাণ হইয়াছিলাম এবং সেই উন্নত অবস্থায় বহু শ্রমণ-অনুচিত আচরণ ও ভাষণ করিয়াছি। মৃঢ় অবস্থায় ইহা আমি করিয়াছি। এখন তাহা স্মরণ করিতে পারিতেছি না।’ আনন্দ! তাহাকে অমৃতবিনয় দিতে হইবে। আনন্দ, এইরূপে অমৃতবিনয় হয় এবং এইভাবে কতিপয় অধিকরণের মীমাংসা হয়, যেমন, অমৃত-বিনয়ের দ্বারা।

আনন্দ! কিরূপে প্রতিজ্ঞাকরণ বিনয়^১ হয়? আনন্দ! কোন ভিক্ষু অভিযুক্ত হইয়া বা অভিযুক্ত না হইয়া স্থীয় অপরাধ স্মরণ, বিবৃত ও প্রকাশ করেন। সেই ভিক্ষুর কোন জোষ্ট ভিক্ষুর নিকট উপস্থিত হইয়া একাংসে চীবর রাখিয়া পদে বস্দনা করিয়া উৎকৃটিকভাবে উপবেশন করিয়া কৃতাঙ্গলি হইয়া এইরূপ বলা উচিত- “ভদ্র! আমি অপরাধ করিয়াছি, তাহা প্রতিদেশনা (স্থীকার) করিতেছি।” তিনি বলেন- “তুমি দেখিতেছ?”- “হঁ, আমি দেখিতেছি।” - “তবিষ্যতে সংযত, আচরণ করিতে হইবে।” - “হঁ সংযম গ্রহণ করিব।” আনন্দ এইরূপে প্রতিজ্ঞা করা হয় এবং এইভাবে কতিপয় অধিকরণের মীমাংসা হয় যেমন প্রতিজ্ঞাকরণের দ্বারা।

আনন্দ! কিরূপে তস্যপাপীয়সিকা^২ হয়? আনন্দ! ভিক্ষুগণ কোন ভিক্ষুকে পারাজিক বা পারাজিককল্প গুরুতর অপরাধের জন্য অভিযুক্ত করেন- “আয়ুশ্মান কি পারাজিক বা পারাজিককল্প কোন গুরুতর অপরাধ করিয়াছেন বলিয়া স্মরণ করেন?” তিনি উত্তর দেন- “বন্ধুগণ, আমি পারাজিক বা পরাজিককল্প কোন গুরুতর অপরাধ করিয়াছি বলিয়া স্মরণ করিতে পারিতেছি না।” (অপরাধ) উদ্ঘাটনের জন্য বলা হইল- “আয়ুশ্মান! উত্তমরূপে জ্ঞাত হইয়া স্মরণ করুন যে পারাজিক বা পারাজিককল্প কোন গুরুতর অপরাধ করিয়াছেন কিনা।” “বন্ধুগণ, আমি এইরূপ পারাজিক বা পারাজিককল্প কোন গুরুতর অপরাধ করিয়াছি বলিয়া স্মরণ করিনা, অবশ্য সামান্য মাত্র অপরাধ করিয়াছি বলিয়া স্মরণ করি।” অপরাধ উদ্ঘাটনের জন্য তাহাকে আবার বলা হইল- “আয়ুশ্মান উত্তমরূপে জানিতে চেষ্টা করুন যদি আপনি পারাজিক বা পারাজিককল্প কোন গুরুতর অপরাধ করিয়াছেন বলিয়া স্মরণ করিতে

^১ যে ভিক্ষু নিজের দোষ স্থীকার করেন তাহার সরলেখ বিচার।

^২ দুর্বাচারী ভিক্ষুর সম্বন্ধে বিচার।

পারেন।” তিনি এইরূপ বলিতে পারেন, “জিজ্ঞাসিত না হইয়াও আমি স্বীকার করিব যে সামান্যমাত্র অপরাধ আমি করিয়াছি, কাজেই জিজ্ঞাসিত হইয়া আমি কি পারাজিক বা পারাজিকক্ল গুরুতর অপরাধ করিয়াছি বলিয়া স্বীকার করিব না?” (তাঁহাকে) কেহ এইরূপ বলিতে পারেন—“বন্ধু! তুমি জিজ্ঞাসিত না হইয়া সামান্যমাত্র অপরাধ করিয়া স্বীকার করিবে না, তুমি কি জিজ্ঞাসিত হইয়া পারাজিক বা পারাজিকক্ল কোন গুরুতর অপরাধ করিয়াছি বলিয়া স্বীকার করিবে? হে আয়ুশ্মান! উক্তমরূপে জানিতে চেষ্টা করুন যদি আপনি পারাজিক বা পারাজিকক্ল কোন গুরুতর অপরাধ করিয়াছেন বলিয়া শ্মরণ করিতে পারেন।” তিনি এইরূপ বলিতে পারাজিক বা পারাজিকক্ল গুরুতর অপরাধ করিয়াছি বলিয়া শ্মরণ করিতে পারি, কৌতুক বা তামাসা করিবার জন্যই ইহা বলিয়াছি, আমি পারাজিক বা পারাজিকক্ল কোন গুরুতর অপরাধ করিয়াছি শ্মরণ করিতে পারিতেছি না।” আনন্দ! এইরূপে তস্যপাপীয়সিকা হয় এবং এইভাবে কতিপয় অধিকরণের উপশম হয় যেমন তস্যপাপীয়সিকার দ্বারা।

আনন্দ! কিরূপে তৃণবন্তারক^১ হয়? আনন্দ! ভিক্ষুদের ভেদস্বভাবজ্ঞাত, কলহজ্ঞাত ও বিবাদাপন্ন হইয়া বিহারকালে বহু শ্রামণের অনুচিত আচরণ করেন বা ভাষণ দেন। আনন্দ! সেই সকল ভিক্ষুকে সামগ্রিকভাবে সমবেত হইতে হইবে, সমবেত হইয়া যে কোন পক্ষের একজন পদ্ধিত ভিক্ষুকে আসন হইতে উঠিয়া একাংসে চীবর ধারণ করিয়া কৃতাঙ্গলি হইয়া প্রণাম পূর্বক সঙ্গকে জ্ঞাপন করিতে হইবে : “মাননীয় সঙ্গ! আমার প্রস্তাৱ শ্ৰবণ কৰুন। ভেদস্বভাবজ্ঞাত, কলহজ্ঞাত ও বিবাদাপন্ন হইয়া বিহারকালে আমাদের দ্বারা বহু শ্রামণের অনুচিত আচরণ কৃত ও ভাষণ প্রদন্ত হইয়াছে। যদি সঙ্গ উচিত মনে করেন তাহা হইলে এই আয়ুশ্মানদের এবং আমার নিজের অপরাধের জন্য স্থূল দোষ ও গৃহী প্রতিসংযুক্ত বাদে আয়ুশ্মানদের ও আমার মঙ্গলের জন্য সঙ্ঘমধ্যে তৃণবন্তারকের দ্বারা দেশনা করা হইবে।” অতঃপর যে কোন পক্ষের ভিক্ষুদের একজন পদ্ধিততর ভিক্ষুকে আসন হইতে উঠিয়া একাংসে চীবর ধারণ করিয়া কৃতাঙ্গলি প্রণাম পূর্বক সঙ্গকে জ্ঞাপন করিতে হইবে : মাননীয় সঙ্গ! আমার একটি প্রস্তাৱ শ্ৰবণ কৰুন। আমাদের দ্বারা ভেদস্বভাবজ্ঞাত, কলহজ্ঞাত দেশনা করিতে হইবে। আনন্দ, এইরূপে তৃণবন্তারক হয় এবং এইভাবে কতিপয় অধিকরণ মীমাংসা হয় যেমন তৃণবন্তারকের দ্বারা।

^১ মহাবৃৎপন্থি তৃণপ্রক্ষেপক।

আনন্দ! এই ছয়টি ধর্ম^১ স্মরণীয়, প্রীতিকর, গৌরবকর, যাহা মিলন, অবিসম্বাদ, অখণ্ডতা ও ঐক্য অভিমুখে সংবর্তিত হয়। ছয়টি কি কি? আনন্দ, স্বরূপচারীদের (সতীর্থগণের) প্রতি প্রকাশ্যে বা গোপনে ভিক্ষুর মৈত্রীপূর্ণ কায়কর্ম প্রত্যুপস্থিত (আরম্ভ) হয়, এই ধর্ম স্মরণীয় প্রীতিকর সংবর্তিত হয়। পুনঃরায়, আনন্দ! সতীর্থগণের প্রতি মৈত্রী পূর্ণ বাক্কর্ম সংবর্তিত হয়। পুনশ্চ, আনন্দ, সতীর্থগণের প্রতি মৈত্রীপূর্ণ মনোকর্ম সংবর্তিত হয়। পুনশ্চ, আনন্দ! ধর্মত যাহা লাভ হয়, যাহা ধর্মলব্ধ, এমন কি ভিক্ষাপাত্রে ও যাহা প্রদত্ত হয়, এইরূপ কোন লব্ধবস্তুই অবিভক্তভাবে একা ভোগ না করিয়া ভিক্ষু তাহা শীলবান স্বরূপচারীদের সহিত সমভাবে ভাগ করিয়া ভোগ করেন। এই ধর্ম সংবর্তিত হয়। পুনশ্চ, আনন্দ! যে সকল শীলচারণ অখণ্ড, নিশ্চিদ্র, নিকলঙ্ক, নিকলুষ, (পাপ হইতে) মুক্তিদায়ক, বিদ্বজ্ঞ প্রশংসিত, অপরামৃষ্ট ও সমাধি অভিমুখী, ভিক্ষু সেই সকল শীলগুণে সমন্বিত হইয়া প্রকাশ্যে অথবা গোপনে স্বরূপচারীদের মধ্যে বিচরণ করেন। এই ধর্ম সংবর্তিত হয়। পুনশ্চ, আনন্দ! যে দৃষ্টি আর্য (নির্দোষ) মুক্তি অভিমুখী, যাহা তদনুবর্তী ব্যক্তির পক্ষে যথার্থ দুঃখ ক্ষয়ের উপায় হয়, ভিক্ষু সেইরূপ দৃষ্টি দ্বারা সমন্বিত হইয়া প্রকাশ্যে অথবা গোপনে স্বরূপচারীদের মধ্যে বিচরণ করেন। এই ধর্ম স্মরণীয়, প্রীতিকর, গৌরবকর, যাহা মিলন, অবিসম্বাদ, অখণ্ডতা ও ঐক্য অভিমুখে সংবর্তিত হয়।

আনন্দ! এই ছয়টি ধর্ম স্মরণীয়, প্রীতিকর, গৌরবকর, যাহা মিলন, অবিসম্বাদ, অখণ্ডতা ও ঐক্য অভিমুখে সংবর্তিত হয়। আনন্দ, এই ছয়টি স্মরণীয় ধর্ম গ্রহণ করিয়া যদি তোমরা পালন কর তাহা হইলে কি সূক্ষ্ম বা স্ফূর্ত বচনপথ দেখিবে না যাহা তোমরা সমর্থন করিবে না?— “ভদ্রন্ত, না।”

অতএব, আনন্দ! এই স্মরণীয় ধর্ম গ্রহণ করিয়া পালন কর, দীর্ঘকাল তাহা তোমাদের হিত ও সুখের কারণ হইবে।

ভগবান ইহা বিবৃত করিলেন। আযুশ্মান আনন্দ, সন্তুষ্ট মনে ভগবানের ভাষণে আনন্দ প্রকাশ করিলেন।

[সামগ্রাম সূত্র সমাপ্ত]

^১ কৌশল্যী সূত্রে (৪৮) উল্লিখিত হইয়াছে।

সুনক্ষত্র সূত্র (১০৫)

আমি এইরূপ শুনিয়াছি :

এক সময় ভগবান বৈশালী সমীপে মহাবনে কৃটাগার শালায় অবস্থান করিতেছিলেন। সেই সময়ে বহু ভিক্ষু ভগবানের নিকট তাঁহাদের (পরম) জ্ঞান সম্পর্কে ব্যক্ত করিলেন,- জন্মবীজ ক্ষীণ হইয়াছে, ব্রহ্মচর্যব্রত উদ্যাপিত হইয়াছে, করণীয় কার্য্য কৃত হইয়াছে, অতঃপর অত্র আর আসিতে হইবে না বলিয়া আমরা জানি। লিচ্ছবিপুত্র সুনক্ষত্র শুনিলেন- “বহু ভিক্ষু আমরা জানি।” তখন লিচ্ছবিপুত্র সুনক্ষত্র ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একপার্শ্বে বসিলেন। একপার্শ্বে উপবিষ্ট লিচ্ছবিপুত্র সুনক্ষত্র ভগবানকে বলিলেন- “ভদ্র! আমি ইহা শুনিয়াছি- বহু ভিক্ষু আমরা জানি।” ভদ্র! যে সকল ভিক্ষু ভগবানের নিকট তাঁহাদের পরম জ্ঞান ব্যক্ত করিলেন- “জন্মবীজ ক্ষীণ হইয়াছে আমরা জানি, তাঁহারা কি যথার্থ পরম জ্ঞান ব্যক্ত করেন কিংবা তাঁহাদের কেহ কেহ নিজেদের সম্পর্কে উচ্চ ধারণাবশতঃ এইরূপ জ্ঞান ব্যক্ত করেন?”

- সুনক্ষত্র! যে সকল ভিক্ষু আমার নিকট তাঁহাদের পরম জ্ঞান ব্যক্ত করেন- ‘জন্মবীজ ক্ষীণ হইয়াছে আমরা জানি’ তাঁহাদের কেহ কেহ জ্ঞান যথার্থ ব্যক্ত করেন, আবার কেহ কেহ নিজেদের সম্পর্কে উচ্চ ধারণাবশতঃ তাঁহাদের পরম জ্ঞান ব্যক্ত করেন। সুনক্ষত্র! এই ক্ষেত্রে যে সকল ভিক্ষু সম্যক্ত্বাবে পরম জ্ঞান ব্যক্ত করেন, তাঁহাদের পক্ষে সেইরূপই হয় এবং যে সকল ভিক্ষু নিজেদের সম্পর্কে উচ্চ ধারণাবশতঃ তাঁহাদের পরম জ্ঞান ব্যক্ত করেন সেখানে তথাগত চিন্তা করেন- তাঁহাদিগকে আমার ধর্ম দেশনা করা উচিত।

এইভাবে, সুনক্ষত্র! তথাগত চিন্তা করেন- তাঁহাদিগকে আমার ধর্মদেশনা করা উচিত। অথচ কতিপয় মোহগ্রস্ত পুরুষ প্রশ়ুত করিয়া তথাগতের নিকট উপস্থিত হইয়া জিজ্ঞাসা করেন। সুনক্ষত্র! তখন তথাগতেরও মনে হইল- তাঁহাদিগকে ধর্মদেশনা করিতে হইবে, এবং তাঁহার ও ভাবান্তর হইল।- “ভগবান! ইহাই যথার্থ সময়োপযোগী, সুগত! ইহাই যথার্থ সময়োপযোগী। যে ধর্ম ভগবান দেশনা করিলেন, তাহা ভগবানের নিকট হইতে শুনিয়া ভিক্ষুগণ ধারণ করিবেন”।

- সুনক্ষত্র! তাহা হইলে উক্তমরূপে মনোযোগ সহকারে শ্রবণ কর, আমি

ভাষণ দিতেছি। “ইঁ ভদ্র!” বলিয়া লিছবিপুত্র সুনক্ষত্র উত্তর দিলেন। ভগবান বলিলেন— এই পঞ্চ কামগুণ। কি-কি? চক্ষু-বিজ্ঞেয় রূপ ইষ্ট, কান্ত, মনোজ্ঞ, প্রিয়রূপ, কামোপসংহিত ও মনোরঞ্জক, শ্রোত্র-বিজ্ঞেয় শব্দ ইষ্ট, কান্ত, মনোজ্ঞ, প্রিয়রূপ, কামোপসংহিত ও মনোরঞ্জক, ঘ্রাণ-বিজ্ঞেয় গন্ধ ইষ্ট, কান্ত, মনোজ্ঞ, প্রিয়রূপ, কামোপসংহিত ও মনোরঞ্জক, জিহ্বা-বিজ্ঞেয় রস ইষ্ট, কান্ত, মনোজ্ঞ, প্রিয়রূপ, কামোপসংহিত ও মনোরঞ্জক এবং কায় (তৃক) বিজ্ঞেয় স্পর্শ ইষ্ট, কান্ত, মনোজ্ঞ, প্রিয়রূপ, কামোপসংহিত ও মনোরঞ্জক। সুনক্ষত্র এই পঞ্চ কামগুণ।

সুনক্ষত্র! ইহা সম্ভব যে কোন কোন পুরুষ লোকামিষাধিমুক্ত (পার্থিব লাভে নিমগ্ন) হইতে পারেন এবং লোকামিষাধিমুক্ত সেই পুরুষের কামগুণসুলভ^১ কথা তিনি যেভাবে চিন্তা বা ভাবনা করেন তদনুযায়ী সংস্কৃত হয় এবং যাহার মধ্যে আনন্দ পান, তাহাকে ভজনা করেন। কিন্তু সমাপত্তি প্রতিসংযুক্ত কথা আলোচিত হইলে তিনি শুনিতে চাহেন না, কর্ণপাত করেন না, গন্ত্বীর জ্ঞানে চিন্ত উপস্থাপিত করেন না এবং সেই পুরুষকে ভজনা করেন না যাহার মধ্যে আনন্দ লাভ করেন না। যেমন, সুনক্ষত্র! কোন ব্যক্তি বহুদিন নিজ গ্রাম বা নিগম হইতে প্রবাসী। তিনি সেই গ্রাম বা নিগম হইতে সম্প্রতি আগত অন্য একজন পুরুষকে দেখিতে পান। তিনি তাঁহার গ্রামের বা নিগমের শান্তি, সমৃদ্ধি ও আরোগ্যতা সম্পর্কে জিজ্ঞাসা করেন, সেই ব্যক্তি তাঁহার গ্রামের বা নিগমের শান্তি, সমৃদ্ধি ও আরোগ্যতা সম্পর্কে বলেন। সুনক্ষত্র! তুমি কি মনে কর? সেই ব্যক্তি কি তাহার কথা শুনিতে চাহিবেন? কর্ণপাত করিবেন? গন্ত্বীর জ্ঞানে চিন্ত উপস্থাপিত করিবেন। ও সেই পুরুষকে ভজনা করিবেন যাহার মধ্যে আনন্দলাভ করিবেন? “— ইঁ ভদ্র!” — “সুনক্ষত্র! ঠিক এইরূপে ইহা সম্ভব যে তাঁহাকে ভজনা করেন। তাহা এইরূপ হইতে পারে বলিয়া জ্ঞাতব্য : সেই ব্যক্তি লোকামিষাধিমুক্ত।”

সুনক্ষত্র! ইহা সম্ভব যে কোন পুরুষ আনিঙ্গ্য (নিক্ষিপ্ত) অধিমুক্ত (নিমগ্ন) হইতে পারেন এবং আনিঙ্গ্যাধিমুক্ত সেই পুরুষের কামগুণসুলভ কথা তিনি যেভাবে চিন্তা করেন বা ভাবনা করেন তদনুযায়ী সংস্কৃত হয় এবং যাহার মধ্যে আনন্দ লাভ করেন তাঁহাকে ভজনা করেন। কিন্তু লোকামিষ প্রতিসংযুক্ত কথা আলোচিত হইলে তিনি শুনিতে চাহেন না, কর্ণপাত করেন না, গন্ত্বীর জ্ঞানে

^১ কামগুণসভাগা (প. সূ.)

চিত্ত উপস্থাপিত করেন না আনন্দ লাভ করেন না। যেমন, সুনক্ষত্র! পলাশপত্র বন্দন মুক্ত হইলে (বৃক্ষ্যুত) আর হরিৎবর্ণ ফিরিয়া পায় না, তেমনি, সুনক্ষত্র! আনিঙ্গ্যাধিমুক্ত পুরুষের লোকামিষ-সংযোজন শিথিল হয়, তাঁহাকে আনিঙ্গ্যাধিমুক্ত পুরুষ বলা যাইতে পারে, কারণ, তাঁহার লোকামিষ সংযোগ বিছিন্ন হইয়াছে।

সুনক্ষত্র! ইহা সম্ভব যে কোন পুরুষ আকিঞ্চন আয়তন অধিমুক্ত হইতে পারেন এবং আকিঞ্চন (সমাপত্তি) অধিমুক্ত পুরুষের কথা তিনি যেভাবে চিন্তা করেন বা ভাবনা করেন তদনুযায়ী সংস্থিত হয় এবং যাহার মধ্যে সুখ লাভ করেন সেই পুরুষকে ভজন করেন। কিন্তু আনিঙ্গ্য প্রতিসংযুক্ত কথা আলোচিত হইলে তাহা শুনিতে চাহেন না কর্ণপাত করেন না ভজন করেন না। যেমন, সুনক্ষত্র! দ্বিধাবিভক্ত শিলা পুনরায় জোড়া লাগে না, আকিঞ্চনায়তন-অধিমুক্ত পুরুষের আনিঙ্গ্য সংযোজন শিথিল হয়, তাহা হইলে তাঁহাকে আকিঞ্চন-আয়তন অধিমুক্ত পুরুষ বলা যাইতে পারে। কারণ তাঁহার আনিঙ্গ্য সংযোগ বিসংযুক্ত হইয়াছে।

সুনক্ষত্র! ইহা সম্ভব যে কোন পুরুষ নৈবসংজ্ঞা-নাসংজ্ঞায়তন অধিমুক্ত হইতে পারেন এবং সেইরূপ পুরুষের কথা তিনি যেভাবে চিন্তা ভাবনা করেন সেভাবে সংস্থিত হয় এবং যাহার মধ্যে আনন্দলাভ করেন সেরূপ পুরুষকে তিনি ভজন করেন। কিন্তু আকিঞ্চনায়তন প্রতিসংযুক্ত কথা আলোচিত হইলে তিনি তাহা শুনিতে চাহেন না, কর্ণপাত করেন না ভজন করেন না। যেমন, সুনক্ষত্র! কোন পুরুষ ইচ্ছানুরূপ ভোজন করিয়া ভুক্তাবশিষ্ট পরিত্যাগ করেন। সুনক্ষত্র! তুমি কি মনে কর? সেই পুরুষের কি ঐ ভাত পুনরায় খাইবার ইচ্ছা থাকিতে পারে?

-“না, ভদ্র! ”- “কি হেতু? ”- “ভদ্র! ”- কারণ সেই ভাত ভোজনের অযোগ্য। ” সুনক্ষত্র! ঠিক এইভাবে নৈবসংজ্ঞা-নাসংজ্ঞায়তন-অধিমুক্ত পুরুষের আকিঞ্চনায়তন-সংযোজন শিথিল হইলে তিনি নৈবসংজ্ঞা-নাসংজ্ঞায়তন অধিমুক্ত পুরুষ বলিয়া কথিত হইতে পারেন, কারণ তাঁহার আকিঞ্চনায়তন সংযোজন বিসংযুক্ত হইয়াছে।

সুনক্ষত্র! ইহা সম্ভব যে কোন পুরুষ সম্যক নির্বাণ অধিমুক্ত হইতে পারেন। সম্যক নির্বাণ-অধিমুক্ত পুরুষের তিনি যেভাবে চিন্তা বা ভাবনা করেন, তদনুযায়ী কথা সংস্থিত হয়, যাহার মধ্যে আনন্দ লাভ করেন সেই পুরুষকে

তিনি ভজনা করেন। কিন্তু নৈবসংজ্ঞানাসংজ্ঞায়তন-প্রতিসংযুক্ত কথা আলোচিত হইলে তিনি শুনিতে চাহেন না ভজনা করেন না। যেমন, সুনক্ষত্র! তালবৃক্ষের মস্তক ছিন্ন হইলে পুনরায় বর্দ্ধিত হইতে পারে না, ঠিক এইরূপে, সুনক্ষত্র! সম্যক নির্বাণ অধিমুক্ত পুরুষের নৈবসংজ্ঞা-নাসংজ্ঞায়তন-সংযোজন সমূলে উচ্ছিন্ন হইয়াছে, শীর্ষহীন তালবৃক্ষ সদৃশ হইয়াছে, পুনর্ভবরহিত হইয়াছে ভবিষ্যতে পুনর্ভবের সম্ভাবনা নাই। তিনি সম্যক নির্বাণ অধিমুক্ত পুরুষ বলিয়া কথিত হইতে পারেন, কারণ, তাহার নৈবসংজ্ঞা-নাসংজ্ঞায়তন সংযোজন বিসংযুক্ত হইয়াছে।

সুনক্ষত্র! ইহা সম্ভব যে কোন কোন ভিক্ষুর এইরূপ মনে হইতে পারেঃ (বুদ্ধ) শ্রমণ বলিয়াছেন যে— শল্যরূপ ত্যগ এবং অবিদ্যা বিষদোষ- ছন্দ, রাগ ও ব্যাপাদের দ্বারা (কোন ব্যক্তিকে) ধ্বংস করে, আমাতে সেই তৃষ্ণাশল্য প্রহীন হইয়াছে, অবিদ্যা বিষদোষ অপনীত হইয়াছে, আমি সম্যক নির্বাণ অধিমুক্ত হইয়াছি। এইভাবে তিনি প্রার্থিত লক্ষ্য (অর্থ) লাভ করিয়া গর্ব বোধ করিতে পারেন। তিনি সম্যক নির্বাণ অধিমুক্তের যাহা অনুপযোগী তাহা অনুসরণ করেন, চক্ষুদ্বারা ক্ষতিকর বৃপদর্শন করিয়া থাকেন, শ্রোত্রের দ্বারা ক্ষতিকর শব্দ শ্রবণ করেন, ঘ্রাণের দ্বারা ক্ষতিকর গন্ধ গ্রহণ করেন, জিহ্বার দ্বারা ক্ষতিকর রস আস্বাদন করেন, কায়ের দ্বারা ক্ষতিকর স্পর্শ করেন এবং মনের দ্বারা ক্ষতিকর ধর্ম (চিন্তনীয় বিষয়) চিন্তা করেন। চক্ষুদ্বারা ক্ষতিকর বৃপদর্শনে অনুযুক্ত, শ্রোত্রদ্বারা ক্ষতিকর শব্দ গ্রহণে অনুযুক্ত, ঘ্রাণদ্বারা ক্ষতিকর গন্ধ গ্রহণের অনুযুক্ত, জিহ্বাদ্বারা রস আস্বাদনে অনুযুক্ত, কায় (ত্রুক) দ্বারা ক্ষতিকর স্পর্শে অনুযুক্ত, মন দ্বারা ক্ষতিকর বিষয় চিন্তায় অনুযুক্ত ব্যক্তির চিন্তকে অনুরাগ ধ্বংস করিতে পারে। অনুরাগের (আসক্তি) দ্বারা ধ্বংস প্রাপ্ত চিন্তের দ্বারা মরণ অথবা মরণ দুঃখ ভোগ করে। যেমন, সুনক্ষত্র! কোন ব্যক্তি গাঢ়লিঙ্গ বিষয়ুক্ত শল্যের দ্বারা বিন্ধ হইল। তখন তাহার সলোহিত জ্ঞাতি, মিত্র-সুহৃদগণ কোন শল্যকর্তা ভিষককে উপস্থিত করিল। সেই শল্যকর্তা ভিষক শস্ত্রের দ্বারা ব্রণমুখ পরিকর্তন করিল, শল্যের দ্বারা ব্রণমুখ পরিকর্তন করিয়া এষণী (লৌহবান) দ্বারা শল্য অব্বেষণ করিয়া শল্য টানিয়া বাহির করিল, অবশিষ্ট কিছু নাই মনে করিয়া কিছু পরিমাণ বিষদোষ দূরীভূত করিল। সে এইরূপ বলিতে পারেঃ তোমার শল্য টানিয়া বাহির করা হইয়াছে, বিষদোষ দূরীভূত হইয়াছে, আর কিছুই অবশিষ্ট নাই এবং আর কোন বিপদের কারণ নাই। কিন্তু উপকারী খাদ্য

ভোজন করিতে হইবে। অপকারী খাদ্য ভোজন করিলে ক্ষত স্বাবিত হইবে। সময়মত ব্রণ ধৌত করিতে হইবে। ব্রণমুখে ঔষধ অবলেপন করিতে হইবে, সময়মত ব্রণ ধৌত না করিলে, ব্রণমুখে ঔষধ অবলেপন না করিলে পূরাতন রক্ত ব্রণমুখে পতিত হইবে, উন্মুক্ত বাতাসে বা খরতাপে বিচরণ করিলে ধূলা-আবর্জনা ক্ষতমুখের ক্ষতি করিবে। মহাশয়! ব্রণমুখ রক্ষার জন্য সাবধান হইয়া বিচরণ করিবে, তাহা হইলে ক্ষত সারিয়া যাইবে। তাহার এইরূপ মনে হইতে পারে ৪ আমার শল্য বাহির করা হইয়াছে, বিষদোষ অপনীত হইয়াছে, আর কিছুই অবশিষ্ট নাই, আর বিপদের আশঙ্কা নাই। সুতরাং সে ক্ষতিকর খাদ্য ভোজন করিতে পারে এবং ক্ষতিকর খাদ্য ভোজন করিবার ফলে ব্রণ স্বাবিত হইতে পারে, যথাসময়ে সে ব্রণ ধৌত না করিতে পারে ও ব্রণমুখে ঔষধ অবলেপন না করিতে পারে। যথাসময়ে ব্রণ ধৌত না করিবার ও ব্রণমুখে ঔষধ অবলেপন না করিবার ফলে পূরাতন রক্ত ব্রণমুখে পতিত হইতে পারে। সে উন্মুক্ত বাতাসে ও খরতাপে বিচরণ করিতে পারে এবং বাতাসে ও খরতাপে বিচরণ করিবার ফলে ধূলা ও আবর্জনা ব্রণমুখ ক্ষতিগ্রস্ত করিতে পারে ও ব্রণের জন্য সাবধান না হইলে ব্রণ সারিবে না! ক্ষতিকর ক্রিয়াকলাপ (ক্ষতিকর খাদ্য প্রহণাদি) এবং যদিও অশুচি বিষদোষ অপনীত হইয়াছে কিছু কিছু অবশিষ্ট রহিয়াছে এই উভয় কারণে ব্রণ বিস্তার লাভ করিতে পারে এবং স্ফীত ব্রণ মরণ বা মরণদুঃখের কারণ হইতে পারে।

সুনক্ষত্র! ঠিক এইভাবে ইহা সম্ভব যে কোন কোন ভিক্ষুর এরূপ মনে হইতে পারে, (বুদ্ধ) শ্রমণ বলিয়াছেন যে শল্যরূপ তৃষ্ণা মরণ-দুঃখের কারণ হইতে পারে। সুনক্ষত্র! ইহাই আর্য্য বিনয়ে মরণ যখন সে শিক্ষা প্রত্যাখ্যান করিয়া হীনবস্তুয় (গৃহীজীবনে) প্রত্যাবর্তন করে, ইহাই মরণ-দুঃখ যখন সে কোন গুরুতর অপরাধ করে।

সুনক্ষত্র! ইহা সম্ভব যে কোন ভিক্ষুর এইরূপ মনে হইতে পারে ৪ শ্রমণ (বুদ্ধ) বলিয়াছেন যে শল্যরূপ তৃষ্ণা আমি সম্যক্ নির্বাণ-অধিমুক্ত হইয়াছি। এইভাবে সম্যক্ নির্বাণ অধিমুক্তে যাহা কিছু সম্যক্ নির্বাণ-অধিমুক্তের পক্ষে অমঙ্গলদায়ক তাহা অনুসরণ করেন না, চক্ষুদ্বারা অমঙ্গলদায়ক রূপদর্শন অনুসরণ করেন না, শ্রোত্র দ্বারা অমঙ্গলদায়ক শব্দ অনুসরণ করেন না, স্নান দ্বারা অমঙ্গলদায়ক গৰ্ভ অনুসরণ করেন না, জিহ্বাদ্বারা অমঙ্গলদায়ক রস গ্রহণ করেন না, কায় দ্বারা অমঙ্গলদায়ক স্পর্শ

করেন না, মন দ্বারা অমঙ্গলদায়ক বিষয় চিন্তা করেন না; তাঁহার চক্ষুদ্বারা অমঙ্গলদায়ক রূপদর্শন, শ্বেতদ্বারা মন দ্বারা অমঙ্গলদায়ক বিষয় (ধর্ম) চিন্তা করিতে নিযুক্ত নহে বলিয়া অনুরাগ (আসক্তি) চিন্তকে ধ্বংস করিতে পারে না। তাঁহার চিন্ত রাগানুরোগসিত নহে বলিয়া তিনি মরণ বা মরণদুঃখ ভোগ করেন না। যেমন, সুনক্ষত্র! কোন ব্যক্তি গাঢ়লিঙ্গ শল্যের মরণদুঃখের কারণ হইবে। সুনক্ষত্র! অর্থ সুস্পষ্ট করিবার জন্য এই উপমা আমার দ্বারা কৃত হইয়াছে।

সুনক্ষত্র! এখানে ইহাই অর্থ। ব্রহ্ম ছয়প্রকার আভ্যন্তরীন আয়তনের অধিবচন (নামান্তর), বিষদোষ অবিদ্যার নামান্তর, শল্য প্রজ্ঞার নামান্তর, এষণী স্মৃতির নামান্তর, শন্ত আর্য্য-প্রজ্ঞার নামান্তর এবং ভিষক অর্থাৎ সম্যক্ সম্মুখ্য তথাগতের নামান্তর। সুনক্ষত্র! সেই ভিক্ষু ছয় স্পর্শ-আয়তনে সংবৃতকারী হয় : উপধি (পঞ্চ স্ফৰ্ন্দ্র) দুঃখের মূল, ইহা বিদিত হইয়া উপধি সংক্ষয়ে নিরূপধি হইয়া বিমুক্ত হয়, কায়কে উপধির অভিমুখী করিবেন এবং চিন্তকে নিযুক্ত করিবেন- ইহা সম্ভব নহে। যেমন, সুনক্ষত্র! কোন কাংস্যপাত্রে বর্ণসম্পন্ন অথচ পানের অযোগ্য বিষযুক্ত পানীয় আছে, অতঃপর জীবনকামী, মরিতে অনিচ্ছুক, সুখকামী ও দুঃখ বিরোধী কোন পুরুষ তথায় আসিতে পারেন। সুনক্ষত্র! তুমি কি মনে কর? সেই পুরুষ কি, “ইহা পান করিয়া আমি মৃত্যুমুখে পতিত হইব, মরণ দুঃখ ভোগ করিব”- ইহা জানিয়া সেই কাংস্য পাত্র হইতে অযোগ্য পানীয় প্রহ্লণ করিবে?

- না, ভদ্রস্ত।

এইরূপে সুনক্ষত্র! সেই ভিক্ষু ছয় স্পর্শ- আয়তনে সংবৃতকারী হয়। ‘উপধি দুঃখের মূল’ ইহা জানিয়া নিরূপধি, উপধি বিনষ্ট করিয়া বিমুক্ত হয় এবং দেহকে উপধি-অভিমুখী করেন ও উহাতে চিন্ত উৎপাদন করেন, ইহা সম্ভব নহে। যেমন, সুনক্ষত্র! কোন মারাত্মক বিষধর সর্প আছে এবং বাঁচিতে ইচ্ছুক, মরিতে অনিচ্ছুক, সুখকামী ও দুঃখবিরোধী কোন পুরুষ ঐ স্থানে আসিলেন। সুনক্ষত্র! তুমি কি মনে কর? সেই পুরুষ কি “ইহার দ্বারা দর্শিত হইয়া মৃত্যুমুখে পতিত হইব বা মরণ-দুঃখ ভোগ করিব” ইহা জানিয়া সেই বিষধর সর্পের সম্মুখে হস্ত বা অঙ্গুষ্ঠ উপস্থাপন করিবে?- “না, ভদ্রস্ত”। - এইভাবে সুনক্ষত্র! সেই ভিক্ষু ছয় স্পর্শ- আয়তনে সংবৃতকারী হন : ‘উপধি দুঃখের মূল’ ইহা জানিয়া নিরূপধি, উপধি বিনষ্টে বিমুক্ত হয় এবং দেহকে

উপর্যুক্তি—অভিমুখী করেন এবং উহাতে চিন্ত উৎপাদন করেন— ইহা সম্ভব নহে।

তগবান ইহা বিবৃত করিলেন। লিঙ্গবিপুত্র সুনক্ষত্র সম্ভুষ্টচিন্তে তগবানের ভাষণে আনন্দ প্রকাশ করিলেন।

[সুনক্ষত্র সূত্র সমাপ্ত]

আনিঞ্জ্য সাম্প্রেয় সূত্র (১০৬)

আমি এইরূপ শুনিয়াছি :

এক সময় তগবান কুরুদের মধ্যে অবস্থান করিতেছিলেন— কর্মাশুদ্ধম্য^১ নামক কুরুদের নিগমে। তথায় তগবান ভিক্ষুদিগকে আহ্বান করিলেন—‘হে ভিক্ষুগণ!— “হঁ, ভদ্র” বলিয়া তগবানকে প্রত্যন্তর দিলেন। তগবান বলিলেন : হে ভিক্ষুগণ! কাম অনিত্য, তুচ্ছ, মিথ্যা, মোহ-ধৰ্মী, ইহা মায়াকৃত, নির্বাধের প্রলাপ। যাহা দৃষ্টধার্মিক (ইহকালের) কাম, যাহা অনাগত কাম, যাহা দৃষ্টধার্মিক কামসংজ্ঞা, যাহা সাম্প্ররায়িক কামসংজ্ঞা, ইহাদের উভয়ই মারপ্রভাবিত, মারবিষয়, মারনিবাপ, মারের বিচরণভূমি। এই কামগুলির মধ্যে পাপময় অকুশল মানস (ইচ্ছা) অভিধ্যা, ব্যাপাদ ও ধৰ্মসের দিকে সংবর্তিত হয় এবং এইগুলি এখানে আর্য শ্রাবকের অনুশিষ্টায় অন্তরায় সৃষ্টি করে। তখন আর্যশ্রাবক এইরূপ প্রত্যবেক্ষণ করেন; যাহা দৃষ্টধার্মিক কাম, যাহা অনাগত কাম সৃষ্টি করে। অতএব আমার বিপুল মহদ্বাতচিন্তে পৃথিবীকে জয়, অধিষ্ঠান মানসে বিহার করার জন্য যাহা পাপময় অকুশল মানস, অভিধ্যা, ব্যাপাদ ও বিনাশ, তাহা উৎপন্ন হইতে পারিবে না। তাহাদের প্রহান হেতু আমার চিন্ত অসামান্য, অপ্রমেয় ও সুভাবিত হইবে। এইভাবে প্রতিপন্ন তাঁহার (আর্যশ্রাবক) আয়তনে (অর্হত্ব বা অর্হত্ব-বিদর্শন বা চতুর্থ-ধ্যানস্তরে) চিন্ত প্রসন্নতা লাভ করে এবং প্রসন্নতা লাভ করিবার পর এখন স্থিতি লাভ করে ও প্রজ্ঞার জন্য নমিত হয়। মৃত্যুর পর দেহ বিলীন হইলে ইহা সম্ভব যে সংবর্তনিক বিজ্ঞান (বা প্রশাস্তি) লাভ করে। ভিক্ষুগণ! ইহাকে আনিঞ্জ্যসাম্প্রেয়ের (স্থায়ী মঙ্গল উপযোগী) প্রথম প্রতিপদ বলা হয়।

পুনরায় ভিক্ষুগণ, আর্যশ্রাবক এইরূপ প্রত্যবেক্ষণ করেন : এই সকল দৃষ্টধার্মিক কাম, এইগুলি অনাগত কাম, এইগুলি দৃষ্টধার্মিক কামসংজ্ঞা, এইগুলি সাম্প্ররায়িক (পারত্রিক) কামসংজ্ঞা, চারি মহাভূত এবং চারিভূতোৎপন্ন

^১ দ্রষ্টব্য ১ম খন্ড, পৃঃ ৫৭

রূপ। এইভাবে প্রতিপন্ন ও বহুল পরিমাণে প্রতিপদবিহারী তাঁহার চিত্ত প্রসন্নতা লাভ করে সংবর্তনিক বিজ্ঞান অনড়তা (বা প্রশান্তি) লাভ করে। ভিক্ষুগণ, ইহাকেই দ্বিতীয় আনিষ্ট্য-সাম্প্রেয় প্রতিপদ বলা হয়।

পুনরায়, ভিক্ষুগণ, আর্যশ্রাবক এইরূপ প্রত্যবেক্ষণ করেন : এইগুলি দৃষ্টধার্মিক কাম, এইগুলি পারত্রিক কাম, এইগুলি দৃষ্টধার্মিক কামসংজ্ঞা, এইগুলি অনাগত কামসংজ্ঞা, এইগুলি দৃষ্টধার্মিক রূপ, এইগুলি সাম্প্ররায়িক রূপ, এইগুলি দৃষ্টধার্মিক রূপসংজ্ঞা, এইগুলি সাম্প্ররায়িক রূপসংজ্ঞা, ইহাদের উভয়ই অনিত্য। যাহা অনিত্য তাহার জন্য আনন্দ করিবার, প্রকাশ করিবার বা তাহার প্রতি অনুরোদ হইবার প্রয়োজন নাই। এইভাবে প্রতিপন্ন অনড়তা (প্রশান্তি) লাভ করে। ইহাকেই তৃতীয় আনিষ্ট্য সাম্প্রেয় প্রতিপদ বলা হয়।

পুনরায়, ভিক্ষুগণ, আর্যশ্রাবক এইরূপ প্রত্যবেক্ষণ করেন : এই সকল দৃষ্টধার্মিক এই সকল অনাগত রূপসংজ্ঞা, এই সকল অনেজ সংজ্ঞা সম্পূর্ণরূপে নিরুদ্ধ হয়। অকিঞ্চন আয়তন বিষয়ে ইহা শান্ত ও প্রণীত। এইভাবে প্রতিপন্ন সংবর্তনিক বিজ্ঞান অকিঞ্চন আয়তন স্তরে উপনীত হয়। ইহাকে প্রথম অকিঞ্চন-আয়তন সাম্প্রেয় প্রতিপদ বলা হয়।

পুনরায়, ভিক্ষুগণ, অরণ্যগত বা বৃক্ষমূলে বাসরত আর্যশ্রাবক^১ এইরূপ প্রত্যবেক্ষণ করেন : যাহা আত্মা এবং আত্মনীয় তাহা শূন্য^২।

এইভাবে প্রতিপন্ন সংবর্তনিক বিজ্ঞান অকিঞ্চন আয়তন সমাপ্তি স্তরে উপনীত হয়। ইহাকে দ্বিতীয় অকিঞ্চন আয়তন সাম্প্রেয় প্রতিপদ বলা হয়।

পুনরায়, ভিক্ষুগণ, আর্যশ্রাবক এইরূপ প্রত্যবেক্ষণ করেন :^৩ আমি কাহারও মধ্যে, কোথাও কিছুর মধ্যে নাই, আমারও কিছুর মধ্যে কিছুই নাই। এইভাবে প্রতিপন্ন সংবর্তনিক বিজ্ঞান অকিঞ্চন আয়তন স্তরে উপনীত হয়। ইহাকে তৃতীয় অকিঞ্চন-আয়তন সাম্প্রেয় প্রতিপদ বলা হয়।

পুনরায়, আর্যশ্রাবক এইরূপ প্রত্যবেক্ষণ করেন : এইসকল দৃষ্টধার্মিক এইসকল অকিঞ্চন আয়তন সংজ্ঞা, সমষ্ট সংজ্ঞা, সমষ্ট সংজ্ঞাই সম্পূর্ণরূপে নিরুদ্ধ হয়, নৈবসংজ্ঞা না-সংজ্ঞা বিষয়ে ইহা শান্ত ও প্রণীত।

^১ যিনি অনন্ত বিজ্ঞান-আয়তন সমাপ্তি স্তরে উপনীত হইয়াছেন।

^২ গ্রহের P.T.S সংক্ষরণের অঞ্চলিক এর পরিবর্তে সুঞ্চেক্ষণ বলিয়া শুন্ধ করিতে হইবে। অট্টঠকথা মতে 'আমি' এবং 'আমার' চিন্তা বলিয়া শূন্যতা দুই প্রকার।

^৩ তিনি এখন অনন্ত বিজ্ঞান আয়তনে উপনীত (প.সূ.)।

এইভাবে প্রতিপন্থ সংবর্তনিক বিজ্ঞান নৈবসংজ্ঞা-নাসংজ্ঞায়তন স্তরে উপনীত হয়। ইহাকে নৈবসংজ্ঞা-নাসংজ্ঞা-আয়তন-সাম্প্রয় প্রতিপদ বলা হয়।

এইরূপ উক্ত হইলে আয়ুশ্মান আনন্দ ভগবানকে বলিলেন : “ভদ্র! এখানে ভিক্ষু এইরূপ প্রতিপন্থ হন : ইহা না হইলে আমার এইরূপ হইত না, এইরূপ হইবে না, যাহা আছে, যাহা ভৃত, তাহা আমি পরিত্যাগ করি। এইভাবে তিনি উপেক্ষা লাভ করেন। ভদ্র! এই ব্যক্তি পরিনির্বাণ লাভ করেন কি? – “আনন্দ, কতিপয় ভিক্ষু পরিনির্বাণ লাভ করিতে পারেন। কিন্তু কেহ কেহ লাভ করিতে পারেন না।”

- “ভদ্র! কি হেতু কি প্রতায় যে কেহ কেহ পরিনির্বাণ লাভ করিতে পারেন, আবার কেহ কেহ পারেন না?” – আনন্দ, কোন ভিক্ষু এইরূপে প্রতিপন্থ হন : ইহা না হইলে আমার এইরূপ হইত না উপেক্ষা লাভ করেন। তিনি উপেক্ষা তে আনন্দ করেন, তাহা প্রকাশ করেন এবং তাহাতে সংলগ্ন থাকেন। যখন তিনি উপেক্ষাতে আনন্দ লাভ করেন, তাহা প্রকাশ করেন ও তাহাতে সংলগ্ন থাকেন। তাহাতে বিজ্ঞান তারপর উপাদান নিশ্চিত হয় (কাম, দৃষ্টি, শীলবৃত্ত ও আত্মাদকে দৃঢ়ভাবে গ্রহণ) আনন্দ! উপাদানযুক্ত ভিক্ষু পরিনির্বাণ লাভ করেন না।

- “ভদ্র! কোথায় আসক্তিগ্রস্ত ভিক্ষু আসক্তি উৎপাদন করে।”

- “আনন্দ! নৈবসংজ্ঞা-নাসংজ্ঞায়তন স্তরে।”

- “বাস্তবিক, ভদ্র! আসক্তিগ্রস্ত ভিক্ষু শ্রেষ্ঠ উপাদানে (শ্রেষ্ঠ ভাব - প্রতিসন্ধি) আসক্তি উৎপাদন করেন।” – “আনন্দ! আসক্তিগ্রস্ত ভিক্ষু শ্রেষ্ঠ উপাদানে আসক্তি উৎপাদন করেন। নৈবসংজ্ঞানাসংজ্ঞায়তনই উপাদান শ্রেষ্ঠ। আনন্দ! ভিক্ষু এইরূপে প্রতিপন্থ হয় : ইহা না হইলে আমার এইরূপ হইত না, এইরূপ হইবে না, যাহা আছে, যাহা ভৃত তাহা আমি পরিত্যাগ করি, এইভাবে তিনি উপেক্ষা লাভ করেন। কিন্তু উপেক্ষাতে তিনি আনন্দ লাভ করেন না, তাহা প্রকাশ করেন না ও তাহাতে প্রতিসংলগ্ন থাকেন না। তাহার উপেক্ষাতে আনন্দ লাভ না করা, তাহা প্রকাশ না করা ও তাহাতে প্রতিসংলগ্ন না থাকার জন্য তাহাতে বিজ্ঞান ও তারপর উপাদান নিশ্চিত হয় না এবং উপাদান মুক্তি ভিক্ষু পরিনির্বাণ লাভ করেন।” আচর্য ভদ্র! অদ্ভুত ভদ্র! ভগবান কর্তৃক বিভিন্ন সমাপত্তি অবলম্বন করিয়া ওঘ (অবিদ্যা, তৃষ্ণা ইত্যাদি) অতিরুম্ভ আখ্যাত হইয়াছে। ভদ্র! আর্য বিমোক্ষ কি?” – “এখানে, আনন্দ! আর্য শ্রা঵ক এইরূপ প্রত্যবেক্ষণ করেন : যাহা দৃষ্টধার্মিক কাম, অনাগত কাম, দৃষ্টধার্মিক কামসংজ্ঞা, অনাগত কামসংজ্ঞা, দৃষ্টধার্মিক রূপ, অনাগত রূপ, দৃষ্টধার্মিক রূপসংজ্ঞা, অনাগত রূপসংজ্ঞা, অনিজ্ঞা

সংজ্ঞা, অকিঞ্চনায়তন সংজ্ঞা, নৈবসংজ্ঞানাসংজ্ঞায়তনসংজ্ঞা যাহা সৎকায় (কাম-রূপ-অরূপলোকে বর্তমান) তাহাই সৎকায়, ইহাই অমৃত (নির্বাণ) অর্থাৎ অনুপূদ চিত্তে বিমুক্তি। আনন্দ, এইভাবেই আমার দ্বারা অনিঞ্জ সাম্প্রেয় প্রতিপদ, অকিঞ্চন-আয়তন-সাম্প্রেয় প্রতিপদ, নৈবসংজ্ঞা-নাসংজ্ঞায়তন-সাম্প্রেয় প্রতিপদ, বিভিন্ন সমাপত্তি অবলম্বনে শুষ অতিরুম এবং আর্থ্য বিমোক্ষ দেশিত হইয়াছে। আনন্দ, শ্রাবকদের মঙ্গলের জন্য শা স্তুর করণীয় আমি অনুকম্পাবশতঃ তোমাদের জন্য করিয়াছি। এইগুলি হইতেছে বৃক্ষমূল ও শৃঙ্গাগার। আনন্দ, ধ্যান কর, প্রয়াদগ্রস্ত হইও না এবং পরে অনুত্তাপ করিও না। ইহাই তোমাদের প্রতি আমার অনুশুসন।”

ভগবান ইহা বলিলেন। সন্তুষ্ট মনে আযুম্যান আনন্দ ভগবানের ভাষণে আনন্দ প্রকাশ করিলেন।

[আনিঞ্জ্য সাম্প্রেয় সূত্র সমাপ্ত]

গণক মৌকাল্যায়ন সূত্র (১০৭)

আমি এইরূপ শুনিয়াছি :-

এক সময় ভগবান শ্রাবণ্তী সমীপে অবস্থান করিতেছিলেন পূর্বারামে মৃগার মাতৃপ্রাসাদে।^১ তখন গণক মৌকাল্যায়ন ব্রাহ্মণ ভগবানের নিকট উপস্থিত হইলেন, উপস্থিত হইয়া শ্রীত্যালাপ ও কুশল প্রশ্নাদি বিনিময় করিয়া একান্তে উপবেশন করিলেন। একান্তে উপবিষ্ট গণক মৌকাল্যায়ন ব্রাহ্মণ ভগবানকে বলিলেন, “হে গৌতম! যেমন মৃগার মাতার প্রাসাদে শেষ সোপান শ্রেণী পর্যন্ত অনুপূর্ব শিক্ষা, অনুপূর্ব ক্রিয়া ও অনুপূর্ব প্রতিপদ (ক্রমিক প্রগতি) দেখা যায়, হে গৌতম! এই ব্রাহ্মণদের মধ্যে অধ্যয়নে তদ্বৃত্ত অনুপূর্ব শিক্ষা তীরন্দাজদের মধ্যে তীর চালনা বিষয়ে দেখা যায়, হে গৌতম! আমরা গণনাকারী ও গণনাজীবিদের মধ্যে সংখ্যা বিষয়ে অনুপূর্ব যায়। আমরা অন্তেবাসী লাভ করিয়া তাহাকে প্রথমে এইভাবে গণনা করাই : এক একটি, দুই দুইটি, তিন তিনটি, চারি চারিটি, পাঁচ পাঁচটি, ছয় ছয়টি, সাত সাতটি, আট আটটি, নয় নয়টি, দশ দশটি, এইভাবে শত পর্যন্ত গণনা করাই। হে গৌতম! এই ধর্মবিনয়েও (বুদ্ধ প্রবর্তিত) কি এইরূপ অনুপূর্ব শিক্ষা অনুপূর্ব ক্রিয়া অনুপূর্ব প্রতিপদ প্রজ্ঞাপন করা সম্ভব?

^১ মধ্যম নিকায়, ১ম ভাগ, পৃঃ ২৭৪ দ্রষ্টব্য।

হে ব্রাহ্মণ! এই ধর্মবিনয়ে অনুপূর্ব সম্ভব। যেমন, হে ব্রাহ্মণ! কোন দক্ষ অশুদ্ধমক ভদ্র অশুজ্ঞানেয় (উত্তমজাত) লাভ করিয়া প্রথমে মূখ্যবরণ (লাগাম) ধারণ করিতে শিক্ষা দেন, পরে অন্য পরবর্তী শিক্ষা দেন, ঠিক এইরূপে তথাগত দমনীয় পুরুষ লাভ করিয়া তাহাকে প্রথমে এই শিক্ষা দেন : এস, ভিক্ষু! শীলবান হও, প্রাতিমোক্ষ (উল্লিখিত) সংবর দ্বারা সংবৃত হও। আচারগোচর সম্পন্ন হইয়া অবস্থান কর, অনুমাত্র দোষেও ভয়দর্শী হইয়া বিহার কর, শিক্ষাপদ সমূহ গ্রহণ করিয়া শিক্ষা লাভ কর। হে ব্রাহ্মণ, যখন ভিক্ষু শীলবান হয় শিক্ষা লাভ করেন, তখন তথাগত তাহাকে এই পরবর্তী শিক্ষা দেন : এস ভিক্ষু! ইন্দ্রিয়ে গুণ্ডুদ্বার (সংযত) হও, চক্ষু দ্বারা রূপ দর্শন করিয়া নিমিত্তগ্রাহী ও অনুব্যঞ্জনগ্রাহী (লক্ষণ দ্বারা অভিভৃত) হইও না। চক্ষু-ইন্দ্রিয় বিষয়ে অসংযত হইয়া বিহার করিলে অভিধ্যা, দৌর্মনস্য, পাপ ও অকুশল ধর্ম অনুস্মাবিত হয়, তাহার সংযম সাধনে প্রবৃত্ত হও। চক্ষু ইন্দ্রিয় রক্ষা কর, চক্ষু-ইন্দ্রিয়ে সংযম প্রাপ্ত হও। শ্রোত্র, ঘ্রাণ, জিহ্বা, কায় ও মন সম্পর্কেও এইরূপ। হে ব্রাহ্মণ! যখন ভিক্ষু ইন্দ্রিয়ে গুণ্ডুদ্বার হয়, তখন তথাগত তাহাকে এই পরবর্তী শিক্ষা দেন : এস, ভিক্ষু! ভোজনে মাত্রাজ্ঞ হও, গভীর মনোনিবেশ সহকারে আহার কর, এই আহার ক্রীড়ার জন্য নহে, মন্ত্রতার জন্য নহে, সৌষ্ঠবের জন্য নহে, শোভাবর্দ্ধনের জন্যও নহে, ইহা শুধু দেহের ছিত্রির জন্য, জীবন যাপনের জন্য, বিহিংসা উপরতির (ক্ষতি নিবারণ) এবং ব্রহ্মচর্য অনুগ্রহার্থ (উপযোগিতার জন্য), যাহাতে, “পুরাতন বেদনা প্রতিহত করিব ও নৃতন বেদনা উৎপন্ন হইতে দিব না, যেন আমার জীবনযাত্রা অনবদ্য ও স্বচ্ছল্দ বিহার হয়।” হে ব্রাহ্মণ! যখন ভিক্ষু ভোজনে মাত্রাজ্ঞ হয়, তখন তথাগত তাহাকে এই পরবর্তী শিক্ষা দেন : “এস, ভিক্ষু! জাগরণে অনুযুক্ত হও, দিবসে চক্রমণ ও উপবেশনে আবরণীয় ধর্ম হইতে চিন্ত পরিশুন্ধ কর। রাত্রির প্রথম যামে চক্রমণে, উপবেশনে আবরণীয় ধর্ম হইতে চিন্ত পরিশুন্ধ কর, রাত্রির মধ্যম যামে পায়ের উপর পা রাখিয়া স্মৃতিমান ও সম্প্রজ্ঞাত হইয়া যথাসময়ে পুনরুত্থানের জন্য মনস্কার করিয়া দক্ষিণ পার্শ্বে সিংহশয্যা গ্রহণ কর, রাত্রির শেষ যামে প্রত্যুত্থান করিয়া পুনরায় চক্রমণে, উপবেশনে আবরণীয় ধর্ম হইতে চিন্ত পরিশুন্ধ কর।” হে ব্রাহ্মণ! যখন ভিক্ষু জাগরণে অনুযুক্ত হন, তখন তথাগত তাহাকে এই পরবর্তী শিক্ষা দেন : “এস, ভিক্ষু! স্মৃতিসম্প্রজ্ঞান সমন্বিত হও, অভিগমনে, প্রত্যাগমনে, আলোকনে-বিলোকনে, সঙ্কোচনে-

প্রসারণে, সঙ্গোটি-পাত্র-চীবর ধারণে, ভোজনে, পানে, খাদনে, আস্থাদনে, মলমৃত্ত্ব ত্যাগে, গমনে, স্থিতিতে, উপবেশনে, শয়নে, জাগরণে, তাষ্যকালে ও তুষ্টিভাব ধারণে স্মৃতি-সম্পত্তিজ্ঞান অনুশীলনকারী হও।” হে ব্রাহ্মণ! যখন ভিক্ষু স্মৃতি সম্পত্তিজ্ঞান সমন্বিত হয়, তখন তথাগত তাহাকে এই পরবর্তী শিক্ষা দেন : এস ভিক্ষু! নির্জন শয়নাসন ভজনা কর, যথা- অরণ্য, বৃক্ষমূল, পর্বতকম্পর, গিরিগৃহ, শাশান, বনখণ্ড, উন্মুক্ত প্রান্তর ও পলালপুঞ্জ। তিনি নির্জন শয়নাসন ভজনা করেন, যথা অরণ্য পলালপুঞ্জ। তিনি ভিক্ষানু সংগ্রহ কার্য হইতে প্রত্যাগমন করিয়া ভুক্তাবসানে পদ্মাসন করিয়া দেহাগ্রভাগ ঝজ্জুভাবে বিন্যস্ত করিয়া লক্ষ্যভিমুখে স্মৃতি উপস্থাপিত করিয়া উপবেশন করেন। তিনি পৃথিবীতে অভিধ্যা পরিত্যাগ করিয়া অভিধ্যা বিগত চিন্তে অবস্থান করেন, অভিধ্যা হইতে চিন্ত পরিশুম্ব করেন, ব্যাপাদ দ্বেষ পরিত্যাগ করিয়া অব্যাপন্ন চিন্তে সর্বজীবের হিতানুকূলজী হইয়া অবস্থান করেন, ব্যাপাদ দ্বেষ হইতে চিন্ত পরিশুম্ব করেন, স্ত্যানমিন্দ (তন্দুলস্য) পরিত্যাগ করিয়া তিনি স্ত্যানমিন্দ বিগত, আলোক সংজ্ঞাযুক্ত, স্মৃতিমান ও সম্পত্তিজ্ঞাত হইয়া অবস্থান করেন, স্ত্যানমিন্দ হইতে চিন্ত পরিশুম্ব করেন, উদ্ধৃত্য-কৌকৃত্য (উদ্ধৃত-চঞ্চলভাব) পরিত্যাগ করিয়া অনুন্দিত ও অধ্যাত্মে উপশান্তচিন্ত হইয়া অবস্থান করেন। উদ্ধৃত্য-কৌকৃত্য হইতে চিন্ত পরিশুম্ব করেন। বিচিকিৎসা (দ্বিধাভাব, সম্দেহ) পরিত্যাগ করিয়া বিচিকিৎসা উত্তীর্ণ কুশলকর্মে অকথ্যকথিক (অসন্দিগ্ধ) হইয়া অবস্থান করেন, বিচিকিৎসা হইতে চিন্ত পরিশুম্ব করেন।

তিনি চিন্তের উপক্রেশ ও প্রজ্ঞার দৌর্বল্যের কারণ এই পঞ্চনীবরণ পরিহার করিয়া কাম হইতে বিবিক্ত হইয়া, অকুশলধর্ম হইতে বিবিক্ত (মুক্ত) হইয়া সবিতর্ক সবিচার বিবেকজ প্রীতিসুখমণ্ডিত প্রথম ধ্যান লাভ করিয়া তাহাতে অবস্থান করেন। বিতর্ক বিচার উপশমে অধ্যাত্ম-সম্প্রসাদী, চিন্তের একীভাব আনয়নকারী, বিতর্কাতীত, বিচারাতীত সমাধিজ প্রীতিসুখমণ্ডিত দ্বিতীয় ধ্যান লাভ করিয়া তাহাতে অবস্থান করেন। প্রীতিতে ও বিরাগী হইয়া উপেক্ষার ভাবে অবস্থান করেন, স্মৃতিমান ও সম্পত্তিজ্ঞাত হইয়া কায়ে সুখ অনুভব করেন, আর্যগণ যে ধ্যায়ী উপেক্ষাসম্পন্ন ও স্মৃতিমান হইয়া (প্রীতি নিরপেক্ষ) সুখে বিচরণ করেন” বলিয়া বর্ণনা করেন, সেই তৃতীয় ধ্যান লাভ করিয়া তাহাতে অবস্থান করেন। (দৈহিক) সুখদুঃখ পরিহার করিয়া পূর্বেই

সৌমনস্য দৌর্মনস্য অন্তমিত করিয়া সুখ-দুঃখ-মুক্ত, উপেক্ষা-স্মৃতি পরিশুম্বন্ধ চতুর্থ ধ্যান লাভ করিয়া তাহাতে অবস্থান করেন। হে ব্রাহ্মণ! যে সকল তিক্ষ্ণ এখনও শৈক্ষ্য, অপ্রাপ্তমানস এবং অনুস্তুর যোগফ্রেম নির্বাণ আকাঙ্ক্ষা করিয়া সাধনা নিরত, তাঁহাদের প্রতি আমার এই অনুশাসন। যে সকল তিক্ষ্ণ অর্হৎ, স্কীটাসব, যাঁহার ব্রহ্মচর্যব্রত উদ্ধাপিত হইয়াছে, করণীয় কার্য কৃত হইয়াছে, যিনি অপনোদিতভার, পরিষ্কীণভব-সংযোজন এবং সম্যক্ত জ্ঞান দ্বারা বিমুক্ত, তাঁহাদেরকে এই ধর্ম দৃষ্টধর্মে (ইহজীবনে) স্মৃতি-সম্পজ্জনে সুখ বিহারের জন্য সংবর্তন করে।

এইরূপ কথিত হইলে গণক মৌলিক্যায়ন ব্রাহ্মণ ভগবানকে বলিলেন : “হে গৌতম! ভবদীয় গৌতমের শিষ্যদের কেহ কেহ কি ভবদীয় গৌতমের দ্বারা উপদিষ্ট ও অনুশাসিত হইয়া নির্বাণ লাভ করেন কিংবা কেহ কেহ লাভ করেন না?— হে ব্রাহ্মণ, আমার দ্বারা উপদিষ্ট ও অনুশাসিত হইয়াও আমার শিষ্যদের কেহ কেহ পরম নির্বাণ লাভ করেন, আবার কেহ কেহ লাভ করেন না।— “হে গৌতম, কি হেতু কি প্রত্যয় যে, নির্বাণ আছে, নির্বাণগামী মার্গ আছে এবং উপদেষ্টা ভবদীয় গৌতম আছেন, অথচ ভবদীয় গৌতমের শিষ্যদের লাভ করেন না?”

“— হে ব্রাহ্মণ! তাহা হইলে আমি আপনাকে প্রতিজ্ঞাসা করিব। আপনার সাধ্যানুযায়ী ব্যাখ্যা করিয়া উত্তর দিবেন। আপনি কি মনে করেন? আপনি কি রাজগৃহগামী মার্গ জানেন?”— “হ্যা, আমি রাজগৃহগামী মার্গ জানি।”— “হে ব্রাহ্মণ! আপনি কি মনে করেন? মনে করুন এখানে রাজগৃহগামী কোন পুরুষ আসিলেন। তিনি আপনার নিকট উপস্থিত হইয়া বলিলেন, ‘ভদ্র! আমি রাজগৃহ গমন করিতে ইচ্ছুক। আপনি আমাকে রাজগৃহের মার্গ সম্পর্কে উপদেশ দিন’। তখন আপনি তাঁহাকে এরূপ বলিতে পারেন : ‘মহাশয়! এই মার্গ রাজগৃহ পর্যন্ত গিয়াছে, সেই পথ দিয়া কিছুক্ষণ গমন করুন, কিছুক্ষণ পরে অমুক গ্রাম দেখিতে পাইবেন, তারপর মুহূর্তকাল যাইয়া অমুক নিগম দেখিতে পাইবেন, তারপর কিছুক্ষণ যাইয়া রাজগৃহের মনোরম উপবন, বন, ভূমি ও পুষ্করিণী দেখিতে পাইবেন’। তিনি আপনার দ্বারা উপদিষ্ট ও অনুশাসিত হইয়া উন্মার্গামী হইয়া বিপরীত দিকে যাইতে পারেন। অতঃপর রাজগৃহ গমনার্থী দ্বিতীয় ব্যক্তি আপনার নিকট উপস্থিত হইয়া বলিলেন, ‘আমি রাজগৃহ উপদেশ দিন।’ আপনি তাঁহাকে বলিলেন : ‘মহাশয়

পুকুরিণী দেখিতে পাইবেন”। তিনি আপনার দ্বারা উপদিষ্ট ও অনুশাসিত হইয়া স্বষ্টিতে (উত্তমরূপে) রাজগৃহে পৌছিলেন। হে ব্রাহ্মণ! কি কারণ, কি হেতু যেখানে রাজগৃহ আছে। রাজগৃহগামী মার্গ আছে এবং আপনি উপদেষ্টা আছেন, অথচ আপনার দ্বারা উপদিষ্ট ও অনুশাসিত হইয়া একজন উন্নার্গগামী হইয়া বিপরীত দিকে গেলেন, অন্যজন স্বষ্টিতে রাজগৃহ পৌছিলেন”?— “হে গৌতম! এখানে আমি কি করিতে পারি? আমি একজন মার্গ প্রদর্শক মাত্র।”

— “হে ব্রাহ্মণ! ঠিক এইরূপে যেখানে নির্বাণ আছে। নির্বাণগামী মার্গ আছে এবং উপদেষ্টা আমি আছি, অথচ আমার শিষ্যদের কেহ কেহ লাভ করেন না। ব্রাহ্মণ! আমি এখানে কি করিতে পারি? তথাপত একজন মার্গ প্রদর্শক মাত্র।”

এইরূপ বিবৃত হইলে গণক মৌদ্ধাল্যায়ণ ব্রাহ্মণ ভগবানকে বলিলেন : হে গৌতম! যে সকল ব্যক্তি শুধু জীবনধারণের জন্য অশুধ্যা সহকারে গৃহ হইতে অনাগারিকরূপে প্রবর্জিত, শঠ, মায়াবী, কৈকেতী (যাদুকর), উন্দ্রত, গর্বিত, চপল, মুখর, প্রগল্ভ, অসংযতেন্দ্রিয়, ভোজনে অমাত্রাঞ্জ, অজগ্রত, শ্রামণ্যে অনাগ্রহী, শিক্ষণীয় বিষয়ে তীব্র গৌরব অনুভবকারী নহে, অমিতব্যযী, শিথিলধৰ্মী, অধোগমনে পুরোগামী, বিবেক বৈরাগ্যসাধনে বিপর্যামী, অলস, হীনবীর্য, শৃতিভ্রষ্ট, অসম্পজ্ঞাত, অসমাহিত, বিভ্রান্তচিত্ত, দুষ্প্রাঞ্জ, লালামুখ (মূর্খ), তাহাদের সহিত ভবদীয় গৌতম বসবাস করেন না। পক্ষান্তরে যে সকল কুলপুত্র শুধ্যাসহকারে গৃহ হইতে গৃহহীনরূপে প্রবর্জিত, অশঠ, অমায়াবী, অকৈকেতী, অনুন্দ্রত, অগর্বিত, অচপল, অমুখর, অপ্রগল্ভ, সংযতেন্দ্রিয়, পরিমিতভোজী, জাগরণযুক্ত, শ্রামণ্যে আগ্রহী, শিক্ষণীয় বিষয়ে তীব্র গৌরবসম্পন্ন, মিতব্যযী, অশিথিলধৰ্মী, অধোগমন পরিহারী, বিবেক-বৈরাগ্য সাধনে পুরোগামী, আরৰ্থবীর্য, প্রহিতাত্ম (ধ্যাননিবিষ্ট), উপস্থিতশৃতিসম্পন্ন, সম্পজ্ঞাত, সমাহিত, একাগ্রচিত্ত, প্রজ্ঞাবান, অলালামুখ(সুবক্তু), তাহাদের সহিত ভবদীয় গৌতম বসবাস করেন। যেমন, হে গৌতম! গন্ধমূলের মধ্যে কলানুসারিক, গন্ধসারের মধ্যে রক্তচন্দন, গন্ধপুষ্পের মধ্যে বর্ষিকী সর্বশ্ৰেষ্ঠ, তেমনি ভবদীয় গৌতমের উপদেশ ধর্মের মধ্যে শ্ৰেষ্ঠ।— অতি সুন্দর, হে গৌতম! অতি মনোহর হে গৌতম! যেমন, কেহ উল্টানকে সোজা করে, প্রতিচ্ছন্নকে উন্মুক্ত করে, মূঢ়কে পথনির্দেশ করে অথবা অন্ধকারে তৈলপ্রদীপ ধারণ করে যাহাতে চক্ষুশ্বান ব্যক্তি বৃপ (দৃশ্যবস্তু) দেখিতে পায়,

ঠিক এইরূপে ভবদীয় গৌতমের বহু পর্যায়ে ধর্ম প্রকাশিত হইয়াছে। আমি (মহানুভব) গৌতমের, (তৎপ্রবর্তিত) ধর্মের এবং (তৎপ্রতিষ্ঠিত) ভিক্ষুসংখ্যের শরণাগত হইতেছি এবং আজ হইতে আমরণ শরণাগত আমাকে ভবদীয় গৌতম উপাসকরূপে ধারণ করুন।

[গোপক মৌদ্ধল্যায়ন সূত্র সমাপ্ত]

গোপক মৌদ্ধল্যায়ন সূত্র (১০৮)

আমি এইরূপ শুনিয়াছি :

এক সময় আনন্দ ভগবানের পরিনির্বাণের অনতিকাল পরে রাজগৃহের বেণুবনে কলম্বক-নিবাপে অবস্থান করিতেছিলেন। সেই সময় মগধের রাজা বৈদেহী পুত্র অজাতশত্রু রাজা প্রদ্যোতের (আক্রমণের) আশঙ্কায় রাজগৃহকে প্রতিসংস্কৃত (সুরক্ষিত) করাইতেছিলেন, তখন আযুষ্মান আনন্দ পূর্বৰূপ সময়ে বহির্গমনবাস পরিধান করিয়া পাত্র চীবর লইয়া ভিক্ষাচর্য্যার জন্য রাজগৃহে প্রবেশ করিলেন। সেই সময় আযুষ্মান আনন্দ এইরূপ চিন্তা করিলেন- ‘রাজগৃহে ভিক্ষানু সংগ্রহের পক্ষে ইহা অতীব সকাল। ইহা কেমন হয় যদি আমি গোপক মৌদ্ধল্যায়ন ব্রাহ্মণের কর্মস্ফ্লে উপস্থিত হই! তখন আযুষ্মান আনন্দ গোপক মৌদ্ধল্যায়ন ব্রাহ্মণের কর্মস্ফ্লে উপস্থিত হইলেন। গোপক মৌদ্ধল্যায়ন ব্রাহ্মণ আযুষ্মান আনন্দকে দূর হইতে আসিতে দেখিলেন, দেখিয়া তাহাকে এইরূপ বলিলেন- ‘আসুন ভবদীয় আনন্দ! ভবদীয় আনন্দকে স্বাগত, দীর্ঘদিন পর ভবদীয় আনন্দ এইখানে আগমনের ব্যবস্থা করিলেন, এই প্রজ্ঞপ্ত আসনে আপনি উপবেশন করুন’। আযুষ্মান আনন্দ প্রজ্ঞপ্ত (নির্ধারিত) আসনে উপবেশন করিলেন। গোপক মৌদ্ধল্যায়ন ব্রাহ্মণও অন্য একটি আসন গ্রহণ করিয়া এক পার্শ্বে উপবেশন করিলেন। এক পার্শ্বে উপবিষ্ট গোপক মৌদ্ধল্যায়ন আযুষ্মান আনন্দকে এই কথা বলিলেন : যেই সকল ধর্মে সমন্বাগত হইয়া ভবদীয় গৌতম অর্হৎ সম্মুদ্ধ হইয়াছেন সেই সকল ধর্মে কি সর্বতোভাবে একজন ভিক্ষুও সমন্বাগত হইয়াছেন?— “হে ব্রাহ্মণ! যেই সকল ধর্মে সমন্বাগত হইয়া ভগবান অর্হৎ ও সম্যকসম্মুদ্ধ হইয়াছেন, সেই সকল ধর্মে সর্বতোভাবে একজন ভিক্ষুও সমন্বাগত হন নাই।— হে ব্রাহ্মণ! সেই ভগবান অনুপনু মার্গের উৎপাদনকারী, অসংজ্ঞাত মার্গের সংজ্ঞাতা, অনাখ্যাত মার্গের আখ্যাতা, মার্গাঞ্জলি, মার্গাবিদ এবং মার্গকোবিদ। এইখানে (ভগবানের)

শিয়গণ মার্গানুগামী হইয়া বিহার করিয়া শেষে পারদশী হন”।

গোপক মৌদ্ধল্যায়ন ব্রাহ্মণের সহিত আয়ুষ্মান আনন্দের এই আলোচনা বিঘ্নিত (বিপ্রকৃত) হইল। মগধের মহামাত্য বর্ষকার ব্রাহ্মণ রাজগৃহে কর্মোপলক্ষে আসিয়া গোপক মৌদ্ধল্যায়ন ব্রাহ্মণের কর্মসূলে আয়ুষ্মান আনন্দের নিকট উপস্থিত হইয়া প্রীত্যালাপচ্ছলে কুশল সংবাদ জানাইলেন। প্রীতিকর কুশলবাদ বিনিময়ের পর একান্তে উপবেশন করিলেন। একান্তে উপবিষ্ট হইয়া মগধের মহামাত্য বর্ষকার ব্রাহ্মণ আয়ুষ্মান আনন্দকে বলিলেন : হে আনন্দ! আপনার এখন কি কথা লইয়া সমাচীন আছেন? আপনাদের মধ্যে কি কথাই বা বিপ্রকৃত হইল (অসমাপ্ত রহিল) ?

হে ব্রাহ্মণ! গোপক মৌদ্ধল্যায়ন ব্রাহ্মণ এইখানে আমাকে ইহা বলিতেছেন : হে আনন্দ! যেই সকল ধর্মে সমন্বাগত একজন ভিক্ষুও সমন্বাগত হইয়াছেন? এইরূপ উক্ত হইলে আমি বলিলাম— ‘সেই সকল ধর্মে পারদশী হন। গোপক মৌদ্ধল্যায়ন ব্রাহ্মণের সহিত এই কথা অসমাপ্ত রহিয়াছে। সেই সময় আপনি সমাগম হইয়াছেন।’

হে আনন্দ! এমন কোন ভিক্ষু আছেন কি যিনি ভবদীয় গৌতমের দ্বারা এইভাবে প্রতিষ্ঠিত : “আমার মৃত্যুর পর এইটি প্রতিশরণ যাহার প্রতি তোমরা ধাবিত হইবে (অর্থাৎ সম্মুখীন হইবে)”?

হে ব্রাহ্মণ! একজন ভিক্ষুও নাই যিনি সেই জাতা ও দ্রষ্টা ভগবানের অর্হৎ সম্যক্ সম্মুদ্ধের দ্বারা এইভাবে প্রতিষ্ঠিত— ‘আমার মৃত্যুর পর এইটি তোমাদের প্রতিশরণ যাহার প্রতি তোমরা ধাবিত হইবে।’

হে আনন্দ! একজন ভিক্ষুও কি বহু স্থবির ও সংঘের দ্বারা এইভাবে স্বীকৃত ও প্রতিষ্ঠিত; ইহাই ভগবানের মৃত্যুর পর আমাদের প্রতিশরণ তোমরা যাহার প্রতি ধাবিত হইবে?

হে ব্রাহ্মণ! একজন ভিক্ষু ও বহু সংখ্যক স্থবির ও সংঘের দ্বারা সম্মানিত ও এইভাবে প্রতিষ্ঠিত নহে : “ইহাই যাহার প্রতি তোমরা ধাবিত হইবে।” — হে আনন্দ! এইরূপ অপ্রতিশরণ হওয়া সত্ত্বেও (তোমাদের) অব্যুত্তার (ঐক্য) কারণ কি?

হে ব্রাহ্মণ! আমরা অপ্রতিশরণ নহি, আমরা সপ্রতিশরণ, ধর্ম প্রতিশরণ। — হে আনন্দ! “একজন ভিক্ষুও কি ভবদীয় গৌতমের দ্বারা ধাবিত হইবে?” এইরূপে জিজ্ঞাসিত হইয়া “হে ব্রাহ্মণ! একজন ভিক্ষুও নাই যিনি ধাবিত

হইবে” এইরূপ উত্তর দিলেন।— হে আনন্দ! ‘একজন ভিক্ষুও কি বহু স্থবির ও সংঘের দ্বারা ধাবিত হইবে, এইরূপে জিজ্ঞাসিত হইয়া— ‘একজন ভিক্ষুও বহু সংখ্যক স্থবির ধাবিত হইবে’ আপনি এইরূপ উত্তর দিলেন। হে আনন্দ! এইরূপে অপ্রতিশরণ কারণ কি? জিজ্ঞাসিত হইয়া, আপনি ‘আমরা অপ্রতিশরণ নহি ধর্ম প্রতিশরণ’ এইরূপ উত্তর দিলেন। হে আনন্দ! এই ভাষণের ক্রিয় অর্থ দ্রষ্টব্য?

হে ব্রাহ্মণ! সেই জ্ঞাতা, দ্রষ্টা ভগবান অর্হৎ সমাক্ষ সমুদ্রের দ্বারা ভিক্ষুদের জন্য শিক্ষাপদ প্রজ্ঞপ্ত ও প্রাতিমোক্ষ উদ্দিষ্ট (নির্ধারিত) হইয়াছে। প্রত্যেক উপোসথ দিবসে আমরা যাহারা একই গ্রামফেতকে নির্ভর করিয়া বিহার করি, সকলেই একত্র সমবেত হইয়া (পক্ষকালে) প্রত্যেকের ঘটনা বিষয়ে অম্বেষণ করি। তাহা উক্ত হইলে কোন ভিক্ষুর যদি অপরাধ সংঘটিত হয়, তাহা হইলে যথাধর্ম (নিয়মানুযায়ী), যথাশাস্ত্র (শাস্তি) বিধান করি। বাস্তবিক ভবদীয়গণ আমাদের এই বিধান করেন না। ধর্মই আমাদের বিধান করেন।

হে আনন্দ! এমন কোন ভিক্ষু আছেন কি যাঁহাকে আপনারা সৎকার করেন, গুরুর মত সম্মান করেন, মান্য করেন, পূজা করেন এবং সৎকার সম্মান করিয়া (তাঁহার) আশ্রয়ে বিহার করেন?

হে ব্রাহ্মণ! সেইরূপ ভিক্ষু আছেন যাঁহাকে আমরা সৎকার করি, গুরুর মত সম্মান করি, মান্য করি, পূজা করি এবং সৎকার সম্মান করিয়া তাঁহার আশ্রয়ে বিহার করি।

হে আনন্দ! ‘একজন ভিক্ষুও কি আছেন যিনি ভবদীয় গৌতমের দ্বারা ধাবিত হইবে? এইরূপে জিজ্ঞাসিত হইয়া আপনি, ‘একজন ভিক্ষুও নাই যিনি ধাবিত হইবে।’ এইরূপ উত্তর দিলেন। আবার একজন ভিক্ষুও কি বহু সংখ্যক স্থবির ও সংঘের দ্বারা ধাবিত হইবে? এইরূপ জিজ্ঞাসিত হইয়া আপনি, ‘একজন ভিক্ষুও নাই ধাবিত হইবে’, এইরূপ উত্তর দিলেন। হে আনন্দ! একজন ভিক্ষুও কি আছেন যাঁহাকে আপনারা সৎকার বিহার করেন? এইরূপ জিজ্ঞাসিত হইয়া আপনি ‘একজন ভিক্ষু আছেন যাঁহাকে আমরা সৎকার বিহারকারী’ এইরূপ উত্তর দিলেন। হে আনন্দ! এই ভাষণের অর্থ ক্রিয় দ্রষ্টব্য?

হে ব্রাহ্মণ! জ্ঞাতা, দ্রষ্টা ভগবান অর্হৎ সম্যক্সমুদ্রের দ্বারা দশ প্রসাদনীয় ধর্ম আখ্যাত হইয়াছে। আমাদের যাঁহার মধ্যে এই ধর্মগুলি বিদ্যমান, তাঁহাকে

আমরা সৎকার করি আশ্রয়ে বিহার করি। দশটি (ধর্ম) কি কি? এইখানে, হে ব্রাহ্মণ, ভিক্ষু শীলবান হয়, প্রাতিমোক্ষ সংযম শিক্ষাপদগুলি গ্রহণ করিয়া শিক্ষালাভ করে, বহুশৃত, শুতিধর (যিনি শুতির বা গৃহীত বিদ্যার আধার স্বরূপ-প.সূ., বড়ুয়া-২৩২), শুতিসংক্রয়ী (যাহার দ্বারা গৃহীত ধর্মোপদেশ সুনিহিত, সুসঞ্চিত, সুগৃহীত হয়, প. সূ.) হন। যে সকল (বুদ্ধবর্ণিত) ধর্মের আদিতে কল্যাণ, মধ্যে কল্যাণ ও অন্তে কল্যাণ, যে সকল ধর্ম সার্থক, সব্যঙ্গন, কেবলমাত্র পরিপূর্ণ ও পরিশুল্দ ব্রহ্মচর্য প্রকাশিত করে, এই যে ধর্মগুলি (ভিক্ষুর দ্বারা) বহুবার শৃত, উত্তমরূপে ধৃত, বচনের দ্বারা সূপরিচিত, মননের দ্বারা অনুবীক্ষিত ও দৃষ্টি দ্বারা সুপ্রতিবিদ্য (পজ্জার দ্বারা সুপ্রবিষ্ট) হয়। তিনি চীবর, পিণ্ডপাত (ভিক্ষানু), শয়নাসন, রোগের প্রতিকার বৈষম্য প্রভৃতি প্রয়োজনীয় জীবনোপকরণে সমৃষ্ট। সুস্পষ্টচিত্তে ও দৃষ্টিধর্মের (ইহ জীবনের) সুখবিহারে ইহজীবনের সুখবিহারস্বরূপ চারিধ্যানের অনায়াসলাভী, যথেছলাভী ও অপরিমেয়লাভী হন এবং নানা প্রকার অল্লোকিক ক্ষমতা অনুভব করেন। (তিনি) এক হইয়া বহু, বহু হইয়া এক হন, (ইচ্ছাক্রমে) আবির্ভাব তিরোভাব সাধন করিতে পারেন, প্রাচীর- প্রাকার ও পর্বত স্পর্শ না করিয়া অতিক্রম করিতে পারেন, আকাশে উজ্জ্বলমান হইবার মত, পৃথিবীতে (ছলে) উঠা নামা করিতে পারেন, উদকে (জলে) ডুবা-উঠার মত উদকে পদব্রজে গমন করিতে পারেন, ছলে গমনের মত, আকাশেও পর্যাঙ্গবন্ধ হইয়া পক্ষীদের মত চলিতে পারেন, মহাখণ্ডি সম্পন্ন, মহাশক্তি সম্পন্ন চন্দ্ৰ সূর্যকে হন্ত দ্বারা স্পর্শ ও পরিমর্দন করিতে (হাত বুলাইতে) পারেন, ব্ৰহ্মালোক পর্যন্ত স্ববশে আনিতে পারেন, দিব্য, পরিশুল্দ ও অতিমানবীয় শোত্রধাতু (কর্ণ) দ্বারা উভয় শব্দ শুনিতে পারেন, যাহা দিব্য ও যাহা মানুষীয়, যাহা দূরে ও যাহা নিকটে, (তিনি) স্বচিত্তে অপর বাস্ত্রির চিত্তের অবস্থা প্রকৃষ্টরূপে জানিতে পারেন, চিত্ত সরাগ হইলে সরাগ, বীতরাগ হইলে বীতরাগ, সদেষ হইলে সদেষ, বীতদেষ হইলে বীতদেষ, সমোহ হইলে সমোহ, বীতমোহ হইলে বীতমোহ, সংক্ষিপ্ত (বিক্ষিপ্তের বিপরীত) হইলে সংক্ষিপ্ত, বিক্ষিপ্ত হইলে বিক্ষিপ্ত, মহদ্বাত (মহৎ অবস্থা প্রাপ্ত) হইলে মহদ্বাত, অমহদ্বাত হইলে অমহদ্বাত, স-উত্তর (যাহা অনুভৱের বিপরীত) হইলে স-উত্তর, অনুভব হইলে অনুভব, সমাহিত হইলে সমাহিত, অসমাহিত হইলে অসমাহিত, বিমুক্ত হইলে বিমুক্ত, অবিমুক্ত হইলে অবিমুক্ত। (তিনি) বহু প্রকারে বহুবিধ পূর্বজন্ম স্মরণ করিতে পারেন। যথা-

একজন্ম, দুইজন্ম, তিনজন্ম.....। (তিনি) বিশুদ্ধ ও অতিমানবীয় দিব্য চক্ষুদ্বারা অপর সত্ত্বদের (জীবগণকে) দেখিতে পারেন, তাহারা চুক্ত হইতেছে, পুনরায় উৎপন্ন হইতেছে, হীন, উৎকৃষ্ট, সুবর্ণ, দুর্বর্ণ, সুগত, দুর্গত, কর্মানুযায়ী জীবগণ জন্মগ্রহণ করিতেছে জানিতে পারেন। (তিনি) আসবক্ষয়ে অনাসব হইয়া দৃষ্টধর্মে স্বয়ং অভিজ্ঞা দ্বারা চেতোবিমুক্তি, প্রজ্ঞাবিমুক্তি সাক্ষাৎ করিয়া (উপলব্ধি করিয়া) বিহার করেন। হে ব্রাহ্মণ! এই দশটি প্রসাদনীয় ধর্মের জ্ঞাতা দ্রষ্টা আখ্যাত হয়েছে আশ্রয়ে বিহার করি।

এইরূপ উক্ত হইলে মগধের মহামাত্য ব্রাহ্মণ বর্ষকার সেনাপতি উপনন্দকে বলিলেন- আপনি কি মনে করেন? যাহারা সৎকার যোগ্য তাহাদের সৎকার, গুরুস্বরূপকে (শ্রদ্ধাভাজন) শ্রদ্ধাভজাপন, মাননীয়কে মান্য করা, পূজনীয়কে পূজা করা উচিত? এই ভবদীয়গণ অবশ্যই সৎকারের যোগ্যকে সৎকার পূজনীয়কে পূজা করেন। যদি তাহারা সৎকারযোগ্যকে সৎকার পূজনীয়কে পূজা না করিতেন, তাহা হইলে এই ভবদীয়গণ কাহার আশ্রয়ে বাস করিয়া বিহার করিতেন?

তখন মগধের মহামাত্য বর্ষকার ব্রাহ্মণ আয়ুশ্মান আনন্দকে এইরূপ বলিলেন- ভবদীয় আনন্দ! এখন কোথায় বাস করিতেছেন?- হে ব্রাহ্মণ! আমি এখন বেণুবনে বাস করিতেছি।- হে আনন্দ! বেণুবন কি রমণীয়, শব্দহীন ঘোবরহিত (গোলমালবিহীন) ও জন-বাতবিরল, মানুষের গুপ্ত মন্ত্রগাযোগ্য ও ধ্যান সমাধির উপযোগী?- অবশ্যই, হে ব্রাহ্মণ! বেণুবন রমণীয় উপযোগী যাহা আপনাদের মত রক্ষকের উপযুক্ত।- অবশ্যই, হে আনন্দ! বেণুবন উপযোগী যাহা ভবদীয়গণের মত ধ্যানী ও ধ্যানশীলদের উপযুক্ত। (প্রকৃতই) ভবদীয়গণ ধ্যানী ও ধ্যানশীল। হে আনন্দ! এক সময় ভবদীয় গৌতম বৈশালীর মহাবনে কূটাগারশালায় বাস করিতেছিলেন। সেই সময় আমি মহাবনে কূটাগারশালায় ভবদীয় গৌতমের নিকট উপস্থিত হই। তথায় তিনি বহুভাবে ধ্যানের কথা বলিলেন। ভবদীয় গৌতম ধ্যানী ও ধ্যানশীল ছিলেন। তিনি সমস্ত ধ্যানের বিবরণ দিলেন।- হে ব্রাহ্মণ! ভগবান সমস্ত ধ্যান বর্ণনা করেন নাই, ইহাও ঠিক নহে যে ভগবান সমস্ত ধ্যান বর্ণনা করেন নাই। হে ব্রাহ্মণ! ইহা কিরূপ যে ভগবান ধ্যান বর্ণনা করেন নাই? হে ব্রাহ্মণ, কোন কোন লোক কামরাগাভিভূত, কামরাগ পরিবৃত চিত্তে বসবাস করে। এবং সে উৎপন্ন কামরাগ হইতে নিঃসরণ উপায় যথাভৃত জানে না,

কামরাগ পরিত্যাগ করিয়া ধ্যান করে, প্রধ্যান করে, নিধ্যান করে, অভিধ্যান করে। (সে) ব্যাপাদভিত্তি চিত্তে ব্যাপাদ পরিবৃত্ত চিত্তে বিহার করে এবং উৎপন্ন ব্যাপাদ হইতে নিঃসরণ উপায় যথাভৃত জানে না। সে ব্যাপাদকে দূরীভূত করিয়া ধ্যান করে অভিধ্যান করে। স্ত্যানমিদ্ধ, ঔন্ধত্যকৌকৃত্য, বিচিকিংসা (সন্দেহ) সমন্বেশেও এইরূপ। হে ব্রাহ্মণ! ভগবান বুদ্ধ (বুদ্ধ) এইভাবে ধ্যান বর্ণনা করেন নাই। কিরূপভাবে, ব্রাহ্মণ! ভগবান ধ্যান বর্ণনা করিয়াছেন? এইখানে, হে ব্রাহ্মণ, ভিক্ষু কাম ও অকুশল ধর্ম হইতে বিবিক্ত হইয়া সবিতর্ক সবিচার বিবেকজ প্রীতিসুখমণ্ডিত প্রথম ধ্যান লাভ করিয়া তাহাতে বিহার করেন, বিতর্ক বিচার উপশমে অধ্যাত্ম-সম্প্রসাদী চিত্তের একীভাব আনয়নকারী বিতর্কাতীত, বিচারাতীত সমাধিজ প্রীতিসুখমণ্ডিত দ্বিতীয় ধ্যান, তৃতীয় ধ্যান, চতুর্থ ধ্যান লাভ করিয়া তাহাতে বিহার করেন। এইরূপে ব্রাহ্মণ। ভগবান ধ্যান বর্ণনা করিয়াছেন।

হে আনন্দ, ভবদীয় গৌতম নিদনীয় ধ্যানের নিদা করিয়াছেন, প্রশংসনীয়ের প্রশংসা করিয়াছেন। আচ্ছা এখন আমরা যাইব। আমাদের বহুকৃত্য বহু করণীয় আছে।— ব্রাহ্মণ! আপনি যাহা কালোপযোগী মনে করেন।

অতঃপর মগধের মহামাত্য বর্ষকার ব্রাহ্মণ আয়ুশ্মান আনন্দের ভাষণকে অভিনন্দিত ও অনুমোদন করিয়া আসন হইতে উঠিয়া চলিয়া গেলেন। তখন গোপক মৌদ্ধল্যায়ন ব্রাহ্মণ মগধের মহামাত্য বর্ষকার ব্রাহ্মণ চলিয়া যাইবার অন্তিকাল পরে আয়ুশ্মান আনন্দকে বলিলেন— আমরা ভবদীয় আনন্দকে যাহা জিজ্ঞাসা করিয়াছিলাম, তাহা ব্যাখ্যা করেন নাই।

হে ব্রাহ্মণ! আমরা কি বলি নাই যে ভগবান অর্হৎ সম্যক্ সম্বুদ্ধ, ভগবান যে সকল গুণের দ্বারা সর্বতোভাবে সমন্বাগত একজন ভিক্ষুও সমন্বাগত হন নাই। ভগবান অনুৎপন্ন মার্গের উৎপাদনকারী পারদশী হন।

[গোপক মৌদ্ধল্যায়ন সূত্র সমাপ্ত]

মহাপূর্ণিমা সূত্র (১০৯)

আমি এইরূপ শুনিয়াছি :-

একসময় ভগবান পূর্বারামে মৃগারমাতার প্রাসাদে অবস্থান করিতেছিলেন। সেই সময় ভগবান উপোসথিদিবসে পঞ্চদশীর পূর্ণ পূর্ণিমার রাত্রিতে ভিক্ষুসংঘ

পরিবৃত হইয়া উন্মুক্ত আকাশতলে উপবিষ্ট ছিলেন। তখন একজন ভিক্ষু আসন হইতে উঠিয়া একাংসে চীবর ধারণ করিয়া ভগবানকে কৃতজ্ঞলিপুটে প্রণাম করিয়া এইরূপ বলিলেন : ‘ভদ্র, ভগবান যদি প্রশ্নের ব্যাখ্যাদানের অবকাশ করেন তাহা হইলে আমি ভগবানকে কোন একটি বিষয়ে জিজ্ঞাসা করিতে পারি’।— ভিক্ষু! তাহা হইলে স্মীয় আসনে বসিয়া অভীন্মিত বিষয়ে জিজ্ঞাসা কর।

তখন সেই ভিক্ষু স্মীয় আসনে বসিয়া ভগবানকে বলিলেন— ভদ্র! এইগুলি কি পঞ্চ উপাদান ক্ষম্ব, যথা— রূপ-উপাদান ক্ষম্ব, বেদনা-উপাদান ক্ষম্ব, সংজ্ঞা-উপাদান ক্ষম্ব, সংক্ষার-উপাদান ক্ষম্ব ও বিজ্ঞান-উপাদান ক্ষম্ব?— ভিক্ষু! এইগুলিই পঞ্চ-উপাদান ক্ষম্ব, যথা— রূপ-উপাদান ক্ষম্ব বিজ্ঞান-উপাদান ক্ষম্ব। ‘সাধু ভদ্র’! বলিয়া সেই ভিক্ষু ভগবানের ভাষণকে অভিনন্দিত ও অনুমোদন করিয়া ভগবানকে পরবর্তী প্রশ্ন জিজ্ঞাসা করিলেন— এই পঞ্চ-উপাদান ক্ষম্বের মূল কি?— হে ভিক্ষু! এই পঞ্চ উপাদান ক্ষম্বের মূল ছন্দ (ত্রঞ্চার গতি)।— ভদ্র, এই পঞ্চ উপাদান ক্ষম্বই কি মোট উপাদান? এই পঞ্চ-উপাদান ক্ষম্ব ছাড়া আর কোন উপাদান আছে?— হে ভিক্ষু! এই পঞ্চ-উপাদান ক্ষম্বই মোট উপাদান নয়, তথাপি ইহদের বাহিরে আর কোন উপাদান নাই। পঞ্চ-উপাদান ক্ষম্বের জন্য যে ছন্দরাগ, সেইখানে তাহাই উপাদান।— ভদ্র, পঞ্চ-উপাদান ক্ষম্বের মধ্যে ছন্দরাগের নানাত্ত আছে কি?

ভগবান বলিলেন— “হে ভিক্ষু! সম্ভবতঃ তাহাই, কাহারো কাহারো এইরূপ মনে হয় : সুদীর্ঘ অনাগতে এইরূপ রূপ হইতে পারে। সুদীর্ঘ অনাগতে এইরূপ বেদনা হইতে পারে, সুদীর্ঘ অনাগতে এইরূপ সংজ্ঞা সংক্ষার এইরূপ বিজ্ঞান হইতে পারে। এইভাবেই পঞ্চ-উপাদান-ক্ষম্বের মধ্যে ছন্দরাগের নানাত্ত হয়”।— ভদ্র! কিসে ক্ষম্বগুলির ক্ষম্ব নামান্তর হয়?— হে ভিক্ষু! যাহা কিছু রূপ অতীত, অনাগত অথবা প্রত্যৎপন্ন (বর্তমান) অধ্যাত্মে অথবা বাহিরে, মূল বা সূচক, হীন অথবা উৎকৃষ্ট, দূরে অথবা নিকটে, তাহাই রূপ ক্ষম্ব, যাহা কিছু বেদনা বেদনা ক্ষম্ব যাহা কিছু সংজ্ঞা সংজ্ঞাক্ষম্ব যাহা কিছু সংক্ষার সংক্ষার ক্ষম্ব, যাহা কিছু বিজ্ঞান বিজ্ঞানক্ষম্ব : এইভাবে, হে ভিক্ষু! ক্ষম্বগুলির ক্ষম্ব অধিবচন বা নামান্তর হয়।

— ভদ্র! রূপক্ষম্ব বিজ্ঞাপনের (প্রকাশের) কি হেতু, কি প্রত্যয় (কারণ)?

বেদনা ক্ষম্ব, সংজ্ঞা, ক্ষম্ব, সংক্ষারক্ষম্ব বিজ্ঞানক্ষম্ব বিজ্ঞাপনের কি হেতু কি প্রত্যয়?— হে ভিক্ষু! রূপক্ষম্ব বিজ্ঞাপনের চারি মহাভূতই হেতু-প্রত্যয়, বেদনাক্ষম্ব—সংজ্ঞাক্ষম্ব—সংক্ষারক্ষম্ব বিজ্ঞাপনের স্পর্শই—হেতু-প্রত্যয়। বিজ্ঞান ক্ষম্ব বিজ্ঞাপনের নামরূপই হেতু—প্রত্যয়। — ভদ্র! সংকায় দৃষ্টি কিরূপ? হে ভিক্ষু, অশুভবান পৃথগ্জন (ইতরসাধারণ) যাহারা আর্যগণের দর্শনলাভ করে নাই, আর্যধর্মে অকোবিদ (অবিদ্বান), আর্যধর্মে অবিনীত, সৎপুরুষগণের দর্শন লাভ করে নাই, সৎপুরুষগণের ধর্মে অকোবিদ, সৎপুরুষগণের ধর্মে অবিনীত, সে রূপকে আআদৃষ্টিতে দেখে, আআকে রূপবান দেখে, আআয় রূপ দেখে, কিংবা রূপের আআদর্শন করে। বেদনা, সংজ্ঞা, সংক্ষার এবং বিজ্ঞান সমন্বেও এইরূপ। হে ভিক্ষু, এইভাবেই সৎকায়দৃষ্টি হয় (অর্থাৎ লোক সৎকায়দৃষ্টির বশবত্তী হয়)। — ভদ্র! কিরূপে লোক সৎকায়দৃষ্টির বশবত্তী হন না?— হে ভিক্ষু! শুভবান আর্যশ্রাবক, যিনি আর্যগণের দর্শন লাভ করিয়াছেন, আর্যধর্মে কোবিদ, আর্যধর্মে সুবিনীত, যিনি সৎপুরুষগণের দর্শন লাভ করিয়াছে, সৎপুরুষ ধর্মে কোবিদ, সৎপুরুষধর্মে সুবিনীত, তিনি রূপে আআকে দেখেন না। আআ রূপবান দেখেন না কিংবা রূপে আআয় আআদর্শন করেন না। বেদনা, সংজ্ঞা, সংক্ষার এবং বিজ্ঞান সমন্বেও এইরূপ। এইরূপেই লোক সৎকায়দৃষ্টির বশবত্তী হন না।

ভদ্র! রূপের আস্থাদ কি? রূপের আদীনব কি? রূপ হইতে নিঃসরণ কি? বেদনা, সংজ্ঞা, সংক্ষার, বিজ্ঞান সম্পর্কেও এইরূপ।

— হে ভিক্ষু! রূপ জনিত যে সুখ ও সৌমনস্য উৎপন্ন হয় তাহাই রূপের আস্থাদ। যেই রূপ অনিত্য, দুঃখদায়ক ও দুঃখ পরিণামী তাহাই রূপের আদীনব। রূপ সম্পর্কে যাহা ছন্দরাগ—দমন, ছন্দরাগ—পরিহার (সম্পূর্ণরূপে আসক্তি ত্যাগ), তাহাই রূপ হইতে নিঃসরণ। বেদনা, সংজ্ঞা, সংক্ষার ও বিজ্ঞান সম্পর্কেও এইরূপ। — ভদ্র! এই বিজ্ঞানযুক্ত কায়ে সর্বনিমিত্তে কি জানিয়া, কি দেখিয়া অহঙ্কার, মমকার ও মানানুশয়যুক্ত হয় না? — হে ভিক্ষু! যাহা কিছু রূপ অতীত, অনাগত ও প্রত্যুৎপন্ন দূরে অথবা নিকটে অথবা সমগ্ররূপে : ইহা আমার নহে, আমিও তাহা নহি, তাহা আমার আআ নহে, এইভাবে ইহাকে যথার্থরূপে সম্যক্ প্রজ্ঞার দ্বারা দর্শন করে। বেদনা, সংজ্ঞা, সংক্ষার ও বিজ্ঞান সম্পর্কেও এই রূপ। অতঃপর অন্য এক ভিক্ষুর চিত্তের এইরূপ পরিবিতর্ক উৎপন্ন হইল : ইহা উক্ত হইয়াছে যে রূপ অনাত্ম, বেদনা

অনাত্মা, সংজ্ঞা অনাত্মা। কাজেই যাহা আত্মাকৃত নহে, তাহা কিরূপে আত্মাকে স্পর্শ করে?

তখন ভগবান সেই ভিক্ষুর চিন্তের পরিবিতর্ক জানিতে পারিয়া ভিক্ষুদিগকে সংশ্লেষণ করিয়া বলিলেন— হে ভিক্ষুগণ! ইহা সম্ভব যে কোন মোঘপুরুষ যে অজ্ঞানতঃ অবিদ্যাগত ও ত্রুট্য প্রভাবিত চিন্তে শান্তার শাসনকে এইরূপে অধিকভাবে চিন্তা করে : রূপ অনাত্মা আত্মাকে স্পর্শ করে? হে ভিক্ষুগণ! তোমরা আমার দ্বারা সেই ধর্মে কার্যকারণ সম্পর্কে শিক্ষাপ্রাপ্ত (প্রতীত্যবিনীত)।

হে ভিক্ষুগণ! তোমরা কি মনে কর, রূপ নিত্য না অনিত্য?— “ভদ্রন্ত অনিত্য”—“যাহা অনিত্য তাহা দুঃখ কিংবা সুখ?” — “ভদ্রন্ত! দুঃখ”—“যাহা অনিত্য, দুঃখ ও বিপরিণামী— তাহা কি জ্ঞানতঃ এইরূপে দেখা যুক্তিযুক্ত : ইহা আমার, আমি ইহা, ইহা আমার আত্মা?”— “না ভদ্রন্ত, তাহা যুক্তিযুক্ত নহে।” বেদনা, সংজ্ঞা, সংক্ষার ও বিজ্ঞান সম্পর্কেও এইরূপ। অতএব হে ভিক্ষুগণ, যাহা কিছু রূপ অতীত, অনাগত অথবা প্রত্যুৎপন্ন, অধ্যাত্ম অথবা বাহিরে, এইরূপে ইহা যথার্থভাবে সম্যক্ প্রজ্ঞাদ্বারা দ্রষ্টব্য। বেদনা, সংজ্ঞা, ও বিজ্ঞান সম্পর্কে ও এইরূপ। হে ভিক্ষুগণ! (বিষয়টি) এইরূপে দেখিয়া শূতবান আর্যশ্রাবক রূপে নির্বেদ প্রাপ্ত হন, বেদনায় নির্বেদ প্রাপ্ত হন, সংজ্ঞায় নির্বেদ প্রাপ্ত হন, সংক্ষারে নির্বেদ প্রাপ্ত হন, বিজ্ঞানে নির্বেদ প্রাপ্ত হন, নির্বেদহেতু বৈরাগ্য লাভ করেন, বৈরাগ্যহেতু বিমুক্ত হন, বিমুক্ত হইলে ‘বিমুক্ত হইয়াছি’ জ্ঞান হয়, এবং জানেন : জন্ম ক্ষীণ হইয়াছে, ব্রহ্মচর্য উদ্যাপিত হইয়াছে, করণীয় কার্য কৃত হইয়াছে, ইহার পর আর এইখানে আসিতে হইবে না। ভগবান ইহা বলিলেন। ভিক্ষুগণ প্রসন্নমনে ভগবানের ভাষণে আনন্দ-প্রকাশ করিলেন।

ইহা বিশ্লেষণ করিয়া বলিবার সময়ে যাট জন ভিক্ষুর চিন্ত বীতরাগ বশতঃ আসব হইতে বিমুক্ত হইল।

[মহাপূর্ণিমা সূত্র সমাপ্ত]

ক্ষুদ্রপূর্ণিমা সূত্র (১১০)

আমি এইরূপ শুনিয়াছি :-

এক সময় ভগবান শ্রাবণী সমীপে পূর্বারামে মৃগারমাতার প্রাসাদে অবস্থান করিতেছিলেন। সেই সময় ভগবান উপোসথ দিবসে পঞ্চদশী পূর্ণ-পূর্ণিমার রাত্রিতে ভিক্ষুসংঘ পরিবৃত হইয়া উন্মুক্ত আকাশতলে উপবিষ্ট ছিলেন। তখন ভগবান তৃষ্ণীভূত ভিক্ষুসংঘকে অবলোকন করিয়া ভিক্ষুদের আহ্বান করিয়া বলিলেন : ভিক্ষুগণ! অসৎপুরুষ কি অসৎপুরুষকে জানিতে পারে, ‘এই ব্যক্তি অসৎপুরুষ’? - ‘ভদ্রন্ত! না’। - উত্তম, ভিক্ষুগণ! ইহা অসম্ভব। কোন অসৎপুরুষের একজন অসৎপুরুষকে জানিবার সুযোগ নাই ? ‘এই ব্যক্তি অসৎপুরুষ’। কিন্তু কোন অসৎপুরুষ কি একজন সৎপুরুষকে জানিতে পারেন ‘এই ব্যক্তি সৎপুরুষ?’ - ‘ভদ্রন্ত! না’। ‘উত্তম, ভিক্ষুগণ! ইহা সম্ভব নহে যে কোন অসৎপুরুষ একজন সৎপুরুষকে জানিতে পারেন - ‘এই ব্যক্তি সৎপুরুষ’। অসৎপুরুষ অসম্বৰ্মসমংবাগত^১। অসৎপুরুষসেবী অসৎপুরুষেচিত চিন্তাকায়মণ্ড, অসৎপুরুষের সহিত মন্ত্রণাকারী, অসৎপুরুযোচিত ভাষণকারী, অসৎপুরুযোচিত কর্মী, অসৎপুরুযোচিত মতবাদী হয় এবং অসৎপুরুযোচিত দান প্রদান করে। ভিক্ষুগণ! কিরূপে অসম্বৰ্মসমংবাগত হয়? ভিক্ষুগণ! এই স্থলে অসৎপুরুষ, শ্রদ্ধাবিহীন, ত্রীবিহীন (নির্লজ্জ), অননুতাপী, অনশ্বৃত, কুসীত (হীনবীর্য), মৃচ্ছ্যুতি এবং দুশ্প্রাঙ্গ হয় - এইরূপে অসৎপুরুষ অসম্বৰ্মসমংবাগত হয়। ভিক্ষুগণ! কিরূপে অসৎপুরুষ - অসৎপুরুষসেবী হয়? এইস্থলে যে সকল শ্রমণ-ব্রাহ্মণ শ্রদ্ধাবিহীন, ত্রীবিহীন, অননুতাপী, অনশ্বৃত, কুসীত, মৃচ্ছ্যুতি এবং দুশ্প্রাঙ্গ, তাহারা এই অসৎপুরুষের মিত্র ও সহায়ক হয় - এইরূপে অসৎপুরুষ অসৎপুরুষসেবী হয়। ভিক্ষুগণ! কিরূপে অসৎপুরুষ অসৎপুরুষেচিত চিন্তাকারী হয়? ভিক্ষুগণ! এইস্থলে অসৎপুরুষ আতপীড়নার্থ চিন্তা করে, পর-পীড়নার্থ চিন্তা করে ও উভয় পীড়নার্থ চিন্তা করে, এইরূপে অসৎপুরুষ অসৎপুরুযোচিত মন্ত্রণাকারী হয়। এইস্থলে অসৎপুরুষ আতপীড়নার্থ মন্ত্রণা করে, পর-পীড়নার্থ মন্ত্রণা করে ও উভয় পীড়নার্থ মন্ত্রণা করে - এইরূপে অসৎপুরুষ অসৎপুরুযোচিত মন্ত্রণাকারী হয়। ভিক্ষুগণ! কিরূপে অসৎপুরুষ অসৎপুরুযোচিত বাক্যালাপী হয়? ভিক্ষুগণ! এইস্থলে অসৎপুরুষ মিথ্যাবাদী, পিশুনভাষী, পরুষভাষী ও সম্প্রলাপী

¹: পাপধর্মসমংবাগত - প.সূ.।

হয়— এইরূপে অসংপুরুষোচিত বক্তা হয়। ভিক্ষুগণ! কিরূপে অসংপুরুষ অসংপুরুষোচিত কর্মকরী হয়? এইস্থলে অসংপুরুষ প্রাণি হত্যাকারী, অদন্তগ্রহণকারী ও কামে ব্যভিচারী হয়, এইরূপে অসংপুরুষোচিত কর্মকরী হয়। কিরূপে অসংপুরুষ অসংপুরুষোচিত দৃষ্টি সম্পন্ন (মতবাদী) হয়? এইস্থলে অসংপুরুষ এইরূপ দৃষ্টিসম্পন্ন হয় : দান নাই, হোত্র নাই, সুকৃত দুকৃত ধর্মের ফল ও বিপাক নাই, ইহলোক নাই, পরলোক নাই, মাতা নাই, পিতা নাই, ঔপপাতিক সন্তু নাই, সম্যক্গত, সমাক্ষতিপন্ন এমন কোন শ্রামণ-ব্রাহ্মণ নাই যিনি ইহলোক পরলোক স্থয়ং অভিজ্ঞা দ্বারা সাক্ষাত্কার করিয়া উহাদের স্বরূপ প্রকাশ করিতে পারেন। এইরূপে অসংপুরুষোচিত দৃষ্টিসম্পন্ন হয়। কিরূপে অসংপুরুষ অসংপুরুষোচিত দান প্রদান করে? এইস্থলে অসংপুরুষ অশুম্বা সহকারে পরহস্তে দান করে, অবিবেচনা সহকারে দান করে, অবহেলা সহকারে দান করে, প্রতিদান বা প্রতিশোধ বিবেচনা না করিয়া দান করে। এইভাবে অসংপুরুষ অসংপুরুষোচিত দান প্রদান করে, অসংপুরুষ অসম্বর্মসম্বাগত হইয়া অসংপুরুষোচিত দান প্রদান করা হেতু দেহত্যাগ করিয়া মৃত্যুর পর অসংপুরুষদের যে গতি তথায় উৎপন্ন হয়। অসংপুরুষদের কি গতি? নিরয় অথবা তর্যকব্যোনি।

ভিক্ষুগণ! সংপুরুষ কি সংপুরুষকে জানিতে পারেন : এই ব্যক্তি সংপুরুষ?— হ্যা, ভদ্র!— উওম ভিক্ষুগণ! ইহা সম্ভব যে সংপুরুষ অসংপুরুষকে জানিতে পারেন : এই ব্যক্তি অসংপুরুষ। সংপুরুষ সম্বর্মসম্বাগত, সংপুরুষসেবী, সংপুরুষোচিত চিন্তাকারী, সংপুরুষোচিত মন্ত্রণাকারী, সংপুরুষোচিত বক্তা, সংপুরুষোচিত কর্মকরী, সংপুরুষোচিত দৃষ্টিসম্পন্ন হয় এবং সংপুরুষোচিত দান প্রদান করেন। কিরূপে সংপুরুষ সম্বর্মসম্বাগত হয়? সংপুরুষ শ্রাদ্ধাশীল, হীযুক্ত, অনুতাপী, বৃশুত, বীর্যবান, উপচ্ছিত স্মৃতি ও প্রজ্ঞাবান হন। এইরূপে হন। কিরূপে সংপুরুষ সংপুরুষসেবী হন? এইস্থলে যে সকল শ্রমণ ব্রাহ্মণ শ্রদ্ধাশীল, হীযুক্ত প্রজ্ঞাবান তাঁহারা সংপুরুষের মিত্র বা সহায়ক হন। এইরূপে হন। কিরূপে সংপুরুষ সংপুরুষোচিত চিন্তাকারী হন? এইস্থলে সংপুরুষ আত্মপীড়নার্থ, পরপীড়নার্থ বা উভয়পীড়নার্থ চির্তা করেন না। এইরূপে হন? কিরূপে সংপুরুষ সংপুরুষোচিত মন্ত্রণাকারী হন? এইস্থলে সংপুরুষ মিথ্যাভাষণ, পিশুনভাষণ, পরমভাষণ ও সম্প্রলাপ হইতে বিরত হন। এইরূপে হন। কিরূপে সংপুরুষ সংপুরুষোচিত কর্মকরী হন। এইস্থলে সংপুরুষ প্রাণি হত্যা, অদন্তগ্রহণ ও কামে ব্যভিচার হইতে বিরত থাকেন। এইরূপে হন। কিরূপে সংপুরুষ

সংপুরুষোচিত দৃষ্টিসম্পন্ন হন? এইস্থলে সংপুরুষ এইরূপ দৃষ্টিসম্পন্ন হন : দান আছে। ইষ্ট আছে ইহলোক পরলোক স্বয়ং অভিজ্ঞা দ্বারা উপলব্ধি করিয়া প্রকাশ করেন। এইরূপে হন। কিরূপে সংপুরুষ সংপুরুষোচিত দান প্রদান করেন? এইস্থলে সংপুরুষ সম্মানসহকারে স্বহস্তে দান করেন। তিনি বিবেচনা সহকারে দান করেন। তিনি পরিশুদ্ধভাবে দান করেন এবং প্রতিদান বা প্রতিশোধ বিবেচনা করিয়া দান করেন। এইরূপে সংপুরুষ সংপুরুষোচিত দান করেন। ভিক্ষুগণ! সংপুরুষ সন্দর্ভসমন্বাগত হইয়া সংপুরুষোচিত দান করা হেতু দেহত্যাগ করিয়া মৃত্যুর পর সংপুরুষদের যে গতি তথায় উৎপন্ন হন। সংপুরুষদের কি গতি? – দেবমহস্ত অথবা মনুষ্যমহস্ত।

ভগবান ইহা বিবৃত করিলেন। ভিক্ষুগণ সন্তুষ্ট মনে ভগবানের ভাষণে আনন্দ প্রকাশ করিলেন।

[ক্ষুদ্রপূর্ণিমা সূত্র সমাপ্ত]

অনুপদ বর্গ

অনুপদ সূত্র (১১১)

আমি এইরূপ শুনিয়াছি ৪—

এক সময় ভগবান শ্রাবণী সমীপে জেতবনে অনাথপিণ্ডিকের আরামে অবস্থান করিতেছিলেন। তথায় ভগবান ভিক্ষুদিগকে আহ্বান করিলেন— “হে ভিক্ষুগণ! ‘হাঁ ভদ্র!’ বলিয়া ভিক্ষুগণ প্রত্যন্তের করিলেন। ভগবান এইরূপ বলিলেন— হে ভিক্ষুগণ! শারিপুত্র পণ্ডিত, মহাপ্রাজ্ঞ, বিবিধজ্ঞানসম্পন্ন^১ আনন্দ প্রাজ্ঞ, জবন (প্রথর) প্রাজ্ঞ, তীক্ষ্ণ প্রাজ্ঞ, নিবেদিক (লক্ষ্যবেদী) প্রাজ্ঞ। ধর্ম বিষয়ে অবিছিন্ন বিদর্শন ভাবনা করিয়া প্রজ্ঞা লাভ করিয়া, হে ভিক্ষুগণ! শারিপুত্র অন্ধব্রামস হইল অনুপদধর্মবিদর্শন দর্শন করিয়াছেন, অর্থাৎ অর্হত্ব লাভ করিয়াছেন। ইহা শারীরিকভাবের জন্য নির্দিষ্ট ছিল। এখন শারিপুত্র যাবতীয় কাম ও অকুশলধর্ম হইতে বিচ্যুত হইয়া সবিতর্ক, সবিচার, বিবেকজ, প্রতিসুখ মণ্ডিত প্রথম ধ্যানস্তরে উপনীত হইয়া বিহার করে। প্রথম ধ্যানস্তরে যাহা কিছু বিতর্ক, বিচার, প্রীতি, সুখ, চিন্তের একাগ্রতা, স্পর্শ, বেদনা, সংজ্ঞা, চেতনাচিন্ত, ছন্দ, অধিমোক্ষ, বীর্য্য, স্মৃতি, উপেক্ষা, মনসিকার, তাহা (যোগাবচরের দ্বারা) অবিছিন্নভাবে ব্যবস্থিত এবং জ্ঞানতঃ সেইগুলি উৎপন্ন হয়, স্থায়ী হয় ও বিলীন হয়। তিনি এইরূপ জানেন ৪: এই ধর্মগুলি যাহা পূর্বে ছিল না তাহা আমার মধ্যে আবির্ভূত হইয়া গোচরীভূত হয়। তিনি সেই সকল ধর্মে অনুপায়, অনপায়, অনিশ্চিত, অপ্রতিবন্ধ, বিপ্রমুক্ত ও বিমর্যাদাকৃত চিন্তে (বন্ধনমুক্ত) বিহার করেন। তিনি পরবর্তী নিঃসরণ আছে বলিয়া জানেন। এবং জানার জন্য তিনি বহুলকারী হন।

পুনরায় হে ভিক্ষুগণ! শারিপুত্র বিতর্ক বিচার উপশমে অধ্যাত্ম সম্প্রসাদী, চিন্তের একীভাব-আনয়নকারী, বিতর্কাতীত, বিচারাতীত, সমাধিজ প্রতিসুখমণ্ডিত দ্বিতীয় ধ্যানস্তরে উপনীত হইয়া তাহাতে বিহার করেন। দ্বিতীয় ধ্যানস্তরে যাহা কিছু অধ্যাত্ম সম্প্রসাদী, প্রীতি, সুখ, চিন্তের একাগ্রতা বহুলকারী হন।

পুনরায়, হে ভিক্ষুগণ! শারিপুত্র প্রীতিতে ও বিরাগী হইয়া উপেক্ষারভাবে অবস্থান, স্মৃতিমান ও সম্প্রজ্ঞাত হইয়া দেহের মধ্যে (নিরপেক্ষ) সুখ অনুভব

^১ পুরু নানা বন্ধেসু এবান পবত্তৰ্তী তি পুরুপঞ্চাঙ্গা-(প.সূ.)।

করেন। আর্যগণ যেই ধ্যানস্তরে আরোহণ করিলে ‘ধ্যায়ী উপেক্ষা সম্পন্ন ও শৃতিমান হইয়া (প্রীতি নিরপেক্ষ) সুখবিহারী’ বলিয়া বর্ণনা করেন— সেই তৃতীয় ধ্যানস্তরে উপনীত হইয়া তাহাতে অবস্থান করেন। তৃতীয় ধ্যানস্তরে যাহা কিছু উপেক্ষা, সুখ, শৃতি, সম্পত্তিগত, চিন্তের একাগ্রতা বহুলকারী হন।

পুনরায়, হে ভিক্ষুগণ! শারিপুত্র (সর্বদৈহিক) সুখ-দুঃখ পরিত্যাগ করিয়া পূর্বেই সৌমনস্য-দৌর্মনস্য অন্তর্মিত করিয়া, না-দুঃখ-না-সুখ, উপেক্ষা ও শৃতিদ্঵ারা পরিশুদ্ধ চিন্তে চতুর্থ ধ্যানস্তরে উপনীত হইয়া বিহার করেন। চতুর্থ ধ্যানস্তরে যাহা কিছু উপেক্ষা, না-দুঃখ-না-সুখদ্বয়ক বেদনা, চিন্তের অনাভেগ (চিন্তের নিষ্ক্রিয়তা), শৃতি, পারিশুদ্ধি, চিন্তের একাগ্রতা বহুলকারী হন।

পুনরায়, হে ভিক্ষুগণ! শারিপুত্র সর্বাংশে রূপসংজ্ঞা অতিক্রম করিয়া, প্রতিঘসংজ্ঞা অন্তর্মিত করিয়া, নানাত্ম সংজ্ঞা মনন না করিয়া, ‘আকাশ অন্ত’— এইরূপ ভাবিয়া আকাশ অন্ত আয়তন নামক সমাপত্তি (প্রথম অরূপ ধ্যানস্তর) লাভ করিয়া তাহাতে বিচরণ করেন। আকাশ-অন্ত-আয়তন সমাপত্তি স্তরে যাহা কিছু আকাশ অন্ত আয়তন সংজ্ঞা, চিন্তের একাগ্রতা বহুলকারী হন।

পুনরায়, হে ভিক্ষুগণ! শারিপুত্র সর্বাংশে আকাশ-অন্ত-আয়তন সমাপত্তি অতিক্রম করিয়া, ‘বিজ্ঞান অন্ত’ এইরূপ ভাবিয়া বিজ্ঞান-অন্ত-আয়তন নামক সমাপত্তি (দ্বিতীয় অরূপ ধ্যানস্তর) লাভ করিয়া তাহাতে বিচরণ করেন। বিজ্ঞান-অন্ত-আয়তন সমাপত্তি স্তরে যাহা কিছু বিজ্ঞান-অন্ত-আয়তন-সংজ্ঞা, চিন্তের একাগ্রতা বহুলকারী হন।

পুনরায়, হে ভিক্ষুগণ! শারিপুত্র সর্বাংশে বিজ্ঞান-অন্ত-আয়তন সমাপত্তি অতিক্রম করিয়া, ‘কিছুই নাই’ এইরূপ ভাবিয়া অকিঞ্চন আয়তন নামক সমাপত্তি (তৃতীয় অরূপ ধ্যানস্তর) লাভ করিয়া তাহাতে বিচরণ করেন। অকিঞ্চন-আয়তন সমাপত্তিস্তরে যাহা কিছু অকিঞ্চন-আয়তন-সংজ্ঞা, চিন্তের একাগ্রতা বহুলকারী হন।

পুনরায়, হে ভিক্ষুগণ! শারিপুত্র সর্বাংশে অকিঞ্চন আয়তন সমাপত্তি অতিক্রম করিয়া নৈবসংজ্ঞা-নাসংজ্ঞা-আয়তন নামক সমাপত্তি (চতুর্থ অরূপ ধ্যানস্তর) লাভ করিয়া তাহাতে বিচরণ করেন। তিনি সেই সমাপত্তি হইতে শৃতিমান হইয়া আরোহণ করেন। তিনি সেই সমাপত্তি হইতে শৃতিমান হইয়া

আরোহণ করিয়া যাহা কিছু অতীত, নিরুদ্ধ, বিপরিণত তাহা সম্যক্ভাবে দর্শন করেন : এই সকল ধর্মে অনুপায়, অনপায় বহুলকারী হন।

পুনরায়, হে ভিক্ষুগণ ! শারিপুত্র সর্বাংশে নৈবসংজ্ঞা—নাসংজ্ঞায়তন সমাপ্তি অতিক্রম করিয়া সংজ্ঞাবেদয়িত নিরোধ নামক সমাপ্তি (পঞ্চম অবৃপ্ত ধ্যানন্তর) লাভ করিয়া তাহাতে বিচরণ করেন। প্রজ্ঞার দ্বারা—দর্শনহেতু আসব বিনষ্ট হয়। তিনি সেই সমাপ্তি হইতে স্মৃতিমান হইয়া আরোহণ করেন এবং তাহা হইতে আরোহণ করিয়া যাহা কিছু অতীত, নিরুদ্ধ বহুলকারী হন।

হে ভিক্ষুগণ ! কাহারো সম্পর্কে, সম্যক্ভাবে বলিতে গেলে বলা যায় আর্যের শীলে বশিপ্রাণ্ত, পারমিপ্রাণ্ত, আর্যের সমাধিতে বশিপ্রাণ্ত পারমিপ্রাণ্ত, আর্যের সংজ্ঞা ও বিমুক্তিতে বশিপ্রাণ্ত, পারমিপ্রাণ্ত, তেমনি শারিপুত্র সম্পর্কেও সম্যক্ভাবে বলা যায় আর্যে, শীলে, সমাধিতে, প্রজ্ঞায় ও বিমুক্তিতে বশিপ্রাণ্ত, পারমিপ্রাণ্ত।

হে ভিক্ষুগণ ! অন্য কিছু সম্পর্কে যেমন সম্যক্ভাবে বলা যায়— ভগবানের উরসঙ্গাত মুখ হইতে জাত পুত্র ধর্মজ, ধর্মনিমিত্ত, ধর্মদায়াদ, আমিষদায়াদ নহে, শারিপুত্র সম্পর্কেই এইরূপ বলা যায় : ভগবানের আমিষদায়াদ নহে।

হে ভিক্ষুগণ ! শারিপুত্রেই তথাগত প্রবর্তিত ধর্মচক্রকে অনুপ্রবর্তন করিয়াছিলেন।

ভগবান ইহা বিবৃত করিলেন। ভিক্ষুগণ প্রসন্নমনে ভগবানের ভাষণে আনন্দ প্রকাশ করিলেন।

[অনুপদ সূত্র সমাপ্ত]

ছয় বিশোধন সূত্র (১১২)

আমি এইরূপ শুনিয়াছি :

এক সময় ভগবান শ্রাবণ্তীতে বিহার করিতেছিলেন— জ্ঞেতবনে, অনাথপিণ্ডিকের আরামে। তথায় ভগবান (সমবেত) ভিক্ষুদিগকে আহ্বান করিলেন ‘হে ভিক্ষুগণ !— ইঁ, ভদ্র !’ বলিয়া ভিক্ষুগণ ভগবানকে প্রত্যুত্তর দিলেন। ভগবান বলিলেন :

হে ভিক্ষুগণ ! কোন কোন ভিক্ষু (স্তৰ্য) প্রজ্ঞাকে (অর্হত) এইরূপে ব্যাখ্যা করেন : “আমার জন্মবীজক্ষীণ (বিনষ্ট) হইয়াছে, ব্রহ্মচর্যব্রত উদ্ধাপিত

হইয়াছে, করণীয় কার্য্য কৃত হইয়াছে, অতঃপর আর অত্র আসিতে হইবে না বলিয়া আমি জানি”। হে ভিক্ষুগণ! সেই ভিক্ষুর ভাষণ অভিনন্দনযোগ্যও নহে, তিরস্তৃত্বও নহে, আনন্দ বা আঙ্গোশ প্রকাশ না করিয়া বরং প্রশ্ন জিজ্ঞাসা করা যাইতে পারে,” বন্ধু, জ্ঞানী, দ্রষ্টা, অর্হৎ, সম্যক্সমুদ্ধ ভগবানের দ্বারা আখ্যাত এই চারিটি ব্যবহার। চারিটি কি কি? দ্রষ্টিতে^১ (প্রত্যক্ষে) দ্রষ্টিবাদিতা, শুতে শুতবাদিতা, অনুমিতে^২ অনুমিতবাদিতা, বিজ্ঞাতে^৩ বিজ্ঞাতবাদিতা। বন্ধু, এই চারিটি- ব্যবহার (বাকবিধি) সেই জ্ঞাতা, দ্রষ্টা, অর্হৎ সম্যক সমুদ্ধ ভগবানের দ্বারা আখ্যাত হইয়াছে। কি জানিয়া, কি দেখিয়া এই চারি ব্যবহারে বীতরাগ হইয়া আসব হইতে চিন্ত বিমুক্ত হয়? হে ভিক্ষুগণ! যিনি ক্ষীণাসব, সম্পন্ন ব্ৰহ্মচৰ্য্যাত্ম, যিনি কৃতকার্য্য, অপনীতভাব, পরমার্থপ্রাপ্ত, পরিক্ষীণভাবসংযোজন ও সম্যক্জ্ঞানের দ্বারা বিমুক্ত, তাহার পক্ষে ইহা ধর্মের অনুকূল বর্ণনার যোগ্যঃ বন্ধু! দ্রষ্টে অনুপায়, অনপায়, অনিশ্চিত, অপ্রতিবন্ধ, বিপ্রমুক্ত, বিসংযুক্ত ও বন্ধনমুক্ত চিন্তে আমি বিহার করি। শুতে অনুমিতে বিজ্ঞাতে বিহার করি।

বন্ধুগণ! এইরূপে জানিয়া ও দেখিয়া এই চারি ব্যবহারে বীতরাগ হইয়া আসব হইতে- চিন্ত বিমুক্ত হয়। হে ভিক্ষুগণ! সেই ভিক্ষুর ভাষণ সাধুবাদ দ্বারা অভিনন্দনযোগ্য অনুমোদনযোগ্য এবং সাধুবাদ দ্বারা অভিনন্দিত করিয়া ও অনুমোদন করিয়া পরবর্তী প্রশ্ন জিজ্ঞাসিতব্যঃ জ্ঞাতা সম্যক সমুদ্ধ ভগবানের দ্বারা- এই পঞ্চ-উপাদান ক্ষম্ব, যথা- বৃপ উপাদান ক্ষম্ব, বেদনা-সংজ্ঞা-সংক্ষার-বিজ্ঞান-উপাদান ক্ষম্ব এই ভগবানের দ্বারা বর্ণিত হইয়াছে। কি জানিয়া, কি দেখিয়া এই পঞ্চ-উপাদান ক্ষম্বে অনাসন্ত হইয়া আসব হইতে চিন্ত বিমুক্ত হয়? হে ভিক্ষুগণ, যিনি ক্ষীণাসব তাহার বর্ণনা ধর্মের অনুকূল যখন তিনি বলেনঃ বন্ধুগণ! বৃপ বলহীন, বিৱাগ ও আশ্঵াসৱহিত জানিয়া যে সকল বৃপ উপাদান সম্পন্ন (মিথ্যাদৃষ্টিপূৰ্ণ) চিন্তে অধিষ্ঠান, অভিনিবেশ, অনুশয়যুক্ত, তাহাদের ক্ষয়, বিৱাগ, নিৰোধ, ত্যাগ, বিসৰ্জনহেতু আমার চিন্ত বিমুক্ত বলিয়া জানি। বেদনা, সংজ্ঞা, সংক্ষার, বিজ্ঞান সম্পর্কেও এইরূপ। সেই ভিক্ষুর

^১ দ্রষ্ট হইলে দ্রষ্ট হইয়াছে বলিয়া কথিত।

^২ প্রথম খন্দ, পৃঃ ৫ দ্রষ্টব্য।

^৩ প্রথম খন্দ, পৃঃ ৫ দ্রষ্টব্য।

ভাষণকে জিজ্ঞাসিতব্য, এই ছয় ধাতু ভগবানের দ্বারা বর্ণিত হইয়াছে। ছয় ধাতু, যথা- পৃথিবী ধাতু, আপধাতু, তেজধাতু, বাযুধাতু, আকাশধাতু ও বিজ্ঞানধাতু। এই ছয়ধাতুতে কি জানিয়া কি দেখিয়া বীতরাগ হইয়া আসব হইতে চিত্ত বিমুক্ত হয়? হে বন্ধুগণ! যিনি ক্ষীণাসব বর্ণনা ধর্মানুকূল হয়।” আমি পৃথিবী ধাতুকে অনাত্ম বলিয়া জানি। আত্ম পৃথিবী ধাতু নিশ্চিত নহে, যে সকল পৃথিবী নিশ্চিত উপাদান পূর্ণ চিত্তের অধিষ্ঠান জানি। আপধাতু, তেজধাতু, বাযুধাতু, আকাশধাতু, বিজ্ঞানধাতু সম্পর্কেও এইরূপ। পরবর্তী প্রশ্ন জিজ্ঞাসিতব্য : এই আধ্যাত্মিক ও বাহ্যিক আয়তন ভগবানের দ্বারা সম্যক্তভাবে বর্ণিত হইয়াছে। ছয় আয়তন, যথা : - চক্ষু এবং রূপ, শ্রোত্র এবং শব্দ, দ্বাণ (নাসিকা) এবং গন্ধ, জিহ্বা এবং রসস্মাদ, কায় এবং স্পর্শ, মন এবং ধর্ম। এই ছয় আয়তনে কি জানিয়া ধর্মানুকূল হয়, যখন তিনি বলেন- হে বন্ধুগণ, চক্ষুতে, রূপে, চক্ষুবিজ্ঞানে, চক্ষুবিজ্ঞানবিজ্ঞানব্য ধর্মে যে সকল ছন্দ, রাগ (অনুরাগ), নব্দী, তৃষ্ণা উপাদান পূর্ণ চিত্তের অধিষ্ঠান জানি। শ্রোত্রায়তন শব্দ, দ্বাণায়তন গন্ধ, জিহ্বায়তন রস, কায়ায়তন স্পর্শ এবং মনায়তন ধর্ম সম্পর্কেও এইরূপ। পরবর্তী প্রশ্ন জিজ্ঞাসিতব্য এই বিজ্ঞানযুক্ত কায়ে বাহ্যিক সর্বনিমিত্তে কি জানিয়া কি দেখিয়া আয়ুশানের অহঙ্কার, মমকার ও মানানুশয় যথার্থরূপে দূরীভূত হয়?

হে ভিক্ষুগণ! যিনি ক্ষীণাসব তাঁহার ধর্মানুকূল হয় যখন তিনি বলেন বন্ধুগণ! আমি যখন পূর্বে গৃহী ছিলাম তখন অবিদ্বান ছিলাম, সেই সময়ে তথাগত কিংবা তথাগতের শিষ্য ধর্ম দেশনা করিলেন। সেই ধর্ম শুনিয়া তথাগতের প্রতি শুন্ধা অর্জন করি। আমি ঐ শুন্ধা সম্পদে সমন্বিত হইয়া এইরূপে প্রত্যবেক্ষণ করি : “গুহবাস বাধাপূর্ণ, (রাগ) রাজোকীর্ণ পথ, প্রবজ্যা উন্মুক্ত আকাশতুল্য, গৃহে বাস করিয়া একান্ত পরিপূর্ণ, একান্ত পরিশুন্ধ, ‘শঙ্খলিখিত’^১ ব্রহ্মচর্য পালন সুকর নহে, অতএব আমার পক্ষে কেশশাশু অপসারিত করিয়া, কাষায় বস্ত্রে (দেহ) আচ্ছাদিত রূপে প্রবজ্যা গ্রহণ করা কর্তব্য। আমি পরবর্তীকালে অন্ন অথবা মহা-ভোগৈশ্বর্য, অন্ন অথবা মহা-জ্ঞাতি-পরিজন পরিত্যাগ করিয়া, কেশ-শাশু অপসারিত করিয়া, কাষায় বস্ত্রে (দেহ) আচ্ছাদিত করিয়া আগার হইতে অনাগারিক রূপে প্রবজিত হই।

আমি এইরূপে প্রবৃজিত হইয়া ভিক্ষুগণের উপযোগী শিক্ষা বৃত্তি সমাপন্ন হইয়া, প্রাণিহত্যা পরিত্যাগ করিয়া, প্রাণিহত্যা হইতে প্রতিবিরত হই, দণ্ড বিরহিত ও শস্ত্র বিরহিত হইয়া (প্রাণিহত্যা বিষয়ে) লজ্জিত, (জীবের প্রতি) দয়াশীল এবং সর্বপ্রাণির হিতানুকর্ষী হইয়া বিচরণ করি। অদন্ত আদান (চৌর্য) পরিত্যাগ করিয়া, আমি অদন্ত- আদান হইতে প্রতিবিরত হই এবং দণ্ডগ্রাহী ও দণ্ড-প্রত্যাকাঙ্গী হইয়া সম্ভাবে (চুরি না করিয়া) ও শুচি-চিন্তে বিচরণ করি। অবস্ক্রচর্য পরিত্যাগ করিয়া ব্রহ্মচারী (পাপ হইতে) দূরে অবস্থানকারী হই এবং গ্রাম বা লোকাচারিত মৈথুন হইতে বিরত হই। মৃষাবাদ (সত্ত্বের অপলাপ) পরিত্যাগ করিয়া মৃষাবাদ হইতে বিরত হই এবং সত্যবাদী, সত্যসম্মত, (সত্ত্বে) স্থিত, প্রত্যয়িক (বিশ্঵াসভাজন) ও জনগণের নিকট অবিস্বাদী (অবঞ্চক) হই। পিশুন বাক্য পরিত্যাগ করিয়া আমি পিশুন বাক্য হইতে বিরত হই, এইস্থান হইতে শুনিয়া অন্যত্র ইহাদের মধ্যে ভেদ ঘটাইবার জন্যই বা কিছু বলি নাই। এইভাবে আমি বিচ্ছিন্নের মধ্যে মিলনকর্তা, সংহিতের (মিলিতের) মধ্যে উৎসাহদাতা, ঐক্যগ্রাহী, ঐক্যরত, ঐক্যনিষ্ঠ হইয়া ঐক্যকর বাক্য বলিয়াছি। পরূষ বাক্য পরিত্যাগ করিয়া আমি পরূষবাক্য হইতে বিরত হই। যে বাক্য নির্দোষ, কর্ণসুখকর প্রীতিকর, হৃদয়গ্রাহী, পুরজনোচিত (তদ্ব), বহুজনকস্তু, বহুজন মনোজ্ঞ সেইরূপ বাক্যই আমি বলিয়াছি। সম্প্রলাপ (বৃথা বা অযথাবাক্য) পরিত্যাগ করিয়া সম্প্রলাপ হইতে আমি বিরত হই, আমি কালবাদী (যিনি কালোপযোগী কথা বলেন), ভূতবাদী (সত্যবাদী), অর্থবাদী, (মজ্জালদায়ক কথা যিনি বলেন), ধর্মবাদী, বিনয়বাদী (সংহয় সম্পর্কে যিনি বলেন) এবং আমি যথাকালে যুক্তিপূর্ণ, সমাপ্তিযোগ্য, অর্থযুক্ত ও নিধানযোগ্য বলিয়াছি। আমি বীজগ্রাম ও ভূতগ্রাম (গুল্ম ও বৃক্ষ) কর্তন হইতে বিরত হই। একাহারী হইয়া রাত্রি তোজন ও বিকালতোজন হইতে বিরত হই। নৃত্য, গীত ও বাদিত্রাদি কৌতুহলোদীপক দর্শন হইতে বিরত হই, মালাগন্ধ, বিলেপন প্রভৃতি ধারণ- মণ্ডন বিভূষণ উপকরণ হইতে বিরত হই। উচ্চ শয্যা, মহাশয্যা ব্যবহার হইতে বিরত হই, জাতৱৃপ (স্বর্ণ) ও রঞ্জত প্রতিগ্রহণ হইতে বিরত হই। অপক মাংস, স্ত্রী, কুমারী, দাস, দাসী, অজ, মেষ, কুকুট, শূকর, হন্তী, গো, অশ্ব, বড়বা (যোটক), ক্ষেত্র ও বাস্তু প্রতিগ্রহণ হইতে বিরত হই। নীচ দৌত্যকার্য হইতে বিরত হই। ক্রয় বিক্রয় কার্য হইতে বিরত হই। তুলাকূট, কাংস্যকূট ও মানকূট (ওজন দ্বারা প্রবঞ্চনা)

হইতে, বঞ্চনা, মায়া ও যাদু দ্বারা প্রতারণা কার্য্য হইতে বিরত হই। ছেদন, বধ, বন্ধন, লুঠন দ্বারা আতঙ্ক উৎপাদন, বিলোপ-সাধন প্রভৃতি সাহসিক কার্য্য হইতে প্রতিবিরত হই। মাত্র দেহাচ্ছাদনের উপযোগী চীবর, শুন্নিবৃত্তির উপযোগী পিণ্ডপাত (ভিক্ষান) লইয়া আমি সম্ভুষ্ট এবং আমি যেখানে যেখানে যাই (চীবর, ভিক্ষাপাত্র ইত্যাদি অষ্ট বস্তু) মাত্র সঙ্গে লইয়া যাই। যেমন পক্ষীশকুন যেখানে যেখানে উড়িয়া যায়, মাত্র পক্ষ সম্ভল করিয়া উড়িয়া যায়, সেইভাবে আমি দেহাচ্ছাদনের উপযোগী চীবর এবং শুন্নিবৃত্তির উপযোগী ভিক্ষান লইয়া আমি সম্ভুষ্ট সঙ্গে লইয়া যাহা এইরূপে আমি আর্যজনোচিত শীল সমষ্টিতে সমন্বিত হইয়া অধ্যাত্মে অনবদ্য সুখ অনুভব করি।

আমি চক্ষু দ্বারা রূপ (দৃশ্য বস্তু) দর্শন করিয়া নিমিত্তগ্রাহী অনুবৃজ্ঞন গ্রাহী (কামব্যজ্ঞক আচারগ্রাহী) হই নাই। যে কারণে চক্ষু ইন্দ্রিয় সম্পর্কে অসংযত হইয়া বিচরণ করিলে অভিধ্যা (লোভ) ও দৌর্মনস্যাদি পাপ অকুশল ধর্ম অনুস্থিত হয়, আমি উহার সংযমের জন্য তৎপর হই। চক্ষু-ইন্দ্রিয় রক্ষা করি, চক্ষু-ইন্দ্রিয় বিষয়ে সংযমপ্রাপ্ত হই। শ্রোত্র এবং শব্দ, স্থান এবং গন্ধ, জিহ্বা এবং রস, কায় এবং স্পর্শ, মন এবং ধর্ম সম্পর্কেও এইরূপ। আমি এইরূপে আর্যাইন্দ্রিয় সংবর দ্বারা সমন্বিত হইয়া অধ্যাত্মে অক্লেশপ্রাপ্ত (ক্লেশ বিরহিত) সুখ অনুভব করি। আমি অভিগমনে, প্রত্যাগমনে, আলোকনে, বিলোকনে, সংক্ষেপে, প্রসারণে, সংজ্ঞাটি পাত্র-চীবর-ধারণে, ভোজনে, পানে, খাদনে, আশ্঵াদনে, মণ-মূত্র ত্যাগ কালে, গমনে, স্থিতিতে, উপবেশনে, সুষ্ঠিতে, জাগরণে, ভায়ণে তৃষ্ণীভাবে সম্পজ্জনকারী হই।

আমি এইরূপ আর্যশীলস্তন্ত্র দ্বারা, এইরূপ আর্য ইন্দ্রিয় সংযম দ্বারা এবং এইরূপ আর্যস্মৃতি-সম্পজ্জন দ্বারা সমন্বিত হইয়া অরণ্য, বৃক্ষমূল, পর্বত, কল্দর, গিরিগুহা, শুশান, বনপ্রস্থ (জঙ্গল), উন্মুক্ত আকাশতল, পলালপুঁজি (আবর্জনাস্তুপ) প্রভৃতি বিবিক্ত (নির্জন) শয়ন-আসন ভজনা (থাকার অভ্যাস) করি। আমি ভিক্ষান (পিণ্ডপাত) সংগ্রহাত্তে ভোজন শেষ করিয়া পর্যজ্ঞাবন্ধ হইয়া (পদ্মাসন করিয়া), দেহকে ঋজুভাবে রাখিয়া লক্ষ্যাভিমুখে (পরিমুখে) স্মৃতিকে উপস্থাপিত করিয়া উপবেশন করি। আমি জগতে অভিধ্যা (লোভ, কামচ্ছন্দ) পরিত্যাগ করিয়া অভিধ্যা বিগত চিত্তে বিচরণ করি, অভিধ্যা হইতে চিত্ত পরিশুন্দ করি, ব্যাপাদ-দেষ (হিংসা-বিদ্রে) পরিত্যাগ করিয়া

অব্যাপন্নচিত্তে সর্বজীবের প্রতি হিতানুকর্মী হইয়া বিচরণ করি, ব্যাপাদ দেশ হইতে চিত্ত পরিশূল্ধ করি। স্ন্যানমিষ্ট (তন্ত্রালস্য) পরিত্যাগ করিয়া আমি স্ন্যানমিষ্ট-বিগত, আলোকসংজ্ঞায় উদ্বৃত্ত এবং স্মৃতি-সম্প্রজ্ঞান সমন্বিত হইয়া বিচরণ করি, স্ন্যান-মিষ্ট হইতে চিত্ত পরিশূল্ধ করি। উদ্বৃত্ত-কৌকৃত্য (উদ্বৃত্ত ও চক্ষলভাব) পরিত্যাগ করিয়া আমি অনুদ্বৃত্ত ও অধ্যাত্মে উপশান্তচিত্ত হইয়া বিচরণ করি, উদ্বৃত্ত কৌকৃত্য হইতে চিত্ত পরিশূল্ধ করি। বিচিকিৎসা (সংশয়) পরিত্যাগ করিয়া আমি বিচিকিৎসা উন্নীর্ণ এবং কুশল ধর্ম বিষয়ে অকথ্যকথী (অসন্দিধি) হইয়া বিচরণ করি, বিচিকিৎসা হইতে চিত্ত পরিশূল্ধ করি।

আমি চিত্তের উপক্রেশ ও প্রজ্ঞার দৌর্বল্যের কারণ এই পঞ্চনীবরণ পরিত্যাগ করিয়া যাবতীয় কাম ও অকুশল ধর্ম হইতে বিবিক্ত (বিচ্যুত) হইয়া সবিতর্ক, সবিচার বিবেকজ প্রীতিসুখমণ্ডিত প্রথম ধ্যানস্তরে উপনীত হইয়া বিহার করি, বিতর্ক-বিচার উপশমে অধ্যাত্ম-সম্প্রসাদী, চিত্তের একীভাব আনয়নকারী, বিতর্কাতীত, বিচারাতীত, সমাধিজ প্রীতিসুখমণ্ডিত দ্বিতীয় ধ্যানস্তরে উপনীত হইয়া বিহার করি, চতুর্থ ধ্যানস্তরে প্রবেশ করিয়া বিহার করি।^১

আমি এইরূপে সমাহিত চিত্তের পরিশূল্ধ, পর্যাবৰ্দাত (পরিস্কৃত) অনঙ্গন, উপক্রেশ-বিগত, মৃদুভূত, কর্মনীয়, স্থিত ও অনেজ (হ্রিয়) অবস্থায় আসবক্ষয়-জ্ঞানাভিমুখে চিত্তকে নমিত করি। আমি যথার্থরূপে বিশদভাবে জানিতে পারি ‘ইহা দুঃখ’, ‘ইহা দুঃখ সমুদয়’, ‘ইহা দুঃখ-নিরোধ’, ‘ইহা দুঃখ-নিরোধ-গামী প্রতিপদ’। ইহা আসব, ইহা আসব সমুদয়, ইহা আসব-নিরোধ, ইহা আসব-নিরোধগামী প্রতিপদ। এইরূপে জানিবার এবং দেখিবার ফলে কামাসব হইতে আমার চিত্ত বিমুক্ত হয়, ভবাসব হইতে আমার চিত্ত বিমুক্ত হয়, অবিদ্যাসব হইতে আমার চিত্ত বিমুক্ত হয় এবং বিমুক্ত চিত্তে ‘বিমুক্ত হইয়াছি’ এই জ্ঞান উদ্বিত্ত হয় : জন্মবীজ শ্ফীণ হইয়াছে আসিতে হইবে না।

বন্ধুগণ! এইরূপে জানিবার ও দেখিবার ফলে এই বিজ্ঞানযুক্ত কায়ে দূরীভূত হইয়াছে। হে ভিক্ষুগণ! সেই ভিক্ষুর ভাষণ সাধুবাদ দ্বারা অভিনন্দন ঘোগ্য, অনুমোদনযোগ্য এবং সাধুবাদ দ্বারা অভিনন্দিত ও অনুমোদন করিয়া তাঁহাকে এইরূপ বলা উচিত : বন্ধু! ইহা আমাদের লাভ, ইহা আমাদের সুলভ

^১ গণকমৌকাল্যায়ন সূত্র দ্রষ্টব্য।

যে আমরা আদর্শ ব্রহ্মচারী দেখিতে পাইয়াছি।

ভগবান এইরূপ বলিলেন। ভিক্ষুগণ সম্ভুষ্টমনে ভগবানের ভাষণ শুবণ করিয়া আনন্দ প্রকাশ করিলেন।

[ছয় বিশোধন সূত্র সমাপ্ত]

সংপুরুষ সূত্র (১১৩)

আমি এইরূপ শুনিয়াছি :-

এক সময় ভগবান শুবষ্টী সমীপে জেতবনে অনাথপিণ্ডিকের আরামে বিহার করিতেছিলেন। তথায় ভগবান ভিক্ষুদিগকে আহ্বান করিলেন, ‘হে ভিক্ষুগণ!— ‘ইঁ ভদ্র’ বলিয়া ভিক্ষুগণ ভগবানকে প্রত্যন্তর দিলেন। ভগবান কহিলেন— ‘হে ভিক্ষুগণ! আমি তোমাদিগের নিকট সংপুরুষ ধর্ম এবং অসংপুরুষ ধর্ম সম্পর্কে দেশনা করিব, তাহা শুবণ কর, উত্তমরূপে মনোনিবেশ কর, আমি তাহা বিবৃত করিতেছি’।— “যথা আজ্ঞা, ভদ্র”, বলিয়া ভিক্ষুগণ ভগবানকে প্রত্যন্তর দিলেন। ভগবান বলিলেন :— হে ভিক্ষুগণ! অসংপুরুষধর্ম কি? হে ভিক্ষুগণ! অসংপুরুষ উচ্চ কুল হইতে প্রবৃজিত হন। তিনি এইরূপ প্রত্যবেক্ষণ করেন— আমি উচ্চ কুল হইতে প্রবৃজিত। কিন্তু অন্য ভিক্ষুগণ উচ্চ কুল হইতে প্রবৃজিত নহেন। তিনি স্বীয় উচ্চ কৌলিন্যের জন্য আত্মপ্রশংসা করেন, অপরকে অবজ্ঞা করেন। হে ভিক্ষুগণ! ইহাই অসংপুরুষধর্ম। কিন্তু সংপুরুষ এইরূপ প্রত্যবেক্ষণ করেন— উচ্চ কৌলিন্যের জন্য লোভ-দ্রেষ-মোহ ধর্ম বিনষ্ট হয় না। উচ্চ কুল হইতে প্রবৃজিত না হইয়াও যদি কেহ ধর্মানুর্ধ্ম প্রতিপন্ন, সম্যক্ত প্রতিপন্ন (যথার্থ সদ-জীবন-যাপনকারী) ও অনুর্ধ্মচারী হন, তিনি সর্বত্র পৃজ্য ও প্রশংসনীয় হন। তিনি প্রতিপন্ন (ধর্মজীবনচর্য্যা), উচ্চ কৌলিন্যের জন্য আত্মপ্রশংসা বা অন্যকে অবজ্ঞা করেন না। হে ভিক্ষুগণ!

ইহাই সংপুরুষধর্ম।

পুনরায়, হে ভিক্ষুগণ! মহাকুল হইতে প্রবৃজিত হন উপরে উল্লিখিত রূপে বর্ণনীয়, মহাভোগকুল (ধনী) হইতে প্রবৃজিত হন, উদার ভোগবান কুলে জন্মগ্রহণ করেন। তিনি এইরূপ প্রত্যবেক্ষণ করেন— “আমি উদার ভোগবান কুল হইতে প্রবৃজিত হইয়াছি।” তিনি উদার ভোগহেতু (যথেষ্ট সম্পদ) আত্মপ্রশংসা করেন, অন্যকে অবজ্ঞা করেন। ইহা অসংপুরুষ-ধর্ম। সংপুরুষ ভিক্ষু কিন্তু এইরূপ প্রত্যবেক্ষণ করেন— উদারভোগ হেতু লোভ-দ্রেষ-মোহধর্ম

.... বিনষ্ট হয় না। উদার ভোগকুল হইতে প্রবর্জিত না হইয়া যদি কেহ ধর্মানুধর্ম প্রতিপন্ন ইহাই সংপুরুষধর্ম।

পুনরায়, হে ভিক্ষুগণ, কোন অসৎপুরুষ ভিক্ষু জ্ঞাত ও যশস্বী হইয়া এইরূপ প্রত্যবেক্ষণ করেন— আমি জ্ঞাত ও যশস্বী, কিন্তু অন্য ভিক্ষুগণ অপ্রজ্ঞাত ও ক্ষমতাহীন। তিনি স্বীয় জ্ঞানের জন্য আত্ম-প্রশংসা করেন ও অন্যকে অবজ্ঞা করেন। ইহাই অসৎপুরুষধর্ম। হে ভিক্ষুগণ, সংপুরুষ ভিক্ষু এইরূপ প্রত্যবেক্ষণ করেন— স্বীয় জ্ঞান হেতু লোভ-দেৰ-মোহধর্ম বিনষ্ট হয় না। জ্ঞাত ও যশস্বী না হইয়াও যদি ধর্মানুধর্ম প্রতিপন্ন সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু চীবর পিণ্ডপাত, রোগের প্রতিকার তৈয়জ্য লাভী হন। তিনি এইরূপ প্রত্যবেক্ষণ করেন— আমি চীবর কিন্তু অন্য ভিক্ষুগণ লাভী নহেন। তিনি সে লাভ হেতু অসৎপুরুষধর্ম। সংপুরুষ ভিক্ষু এইরূপ প্রত্যবেক্ষণ করেন সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু বহুশৃত (পঞ্চিত) হইয়া এইরূপ প্রত্যবেক্ষণ করেন— আমি বহুশৃত, অন্য ভিক্ষুগণ বহুশৃত নহে। তিনি সেই স্বীয় পাণ্ডিত্যহেতু অসৎপুরুষধর্ম। সংপুরুষ সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু বিনয়ধর হন। তিনি এইরূপ প্রত্যবেক্ষণ বিনয়ধর হইবার কারণে অসৎপুরুষধর্ম। সংপুরুষ ভিক্ষু সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু ধর্মকথিক হইয়া এইরূপ প্রত্যবেক্ষণ সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু আরণ্যবিহার হেতু ভিক্ষু আরণ্যক (অরণ্যবিহারী) এইরূপ প্রত্যবেক্ষণ সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু পাশ্চাকুলধারী হইয়া প্রত্যবেক্ষণ সেই পাশ্চাকুলচর্য্যাহেতু সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু পিণ্ডচারী হইয়া এইরূপ প্রত্যবেক্ষণ পিণ্ডচর্য্যাহেতু সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু বৃক্ষতলবাসী হইয়া এইরূপ প্রত্যবেক্ষণ বৃক্ষতল বাস হেতু সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু শাশানবাসী ইত্যাদি উন্মুক্ত আকাশতলবাসী ইত্যাদি তপচর্য্যায় উপবেশনকারী

যথাথলখ আসন প্রহণকারী একাসনিক (একাকী বসবাসকারী) হইয়া
এইরূপ প্রত্যবেক্ষণ একাকী বাসহেতু সংপুরুষ ধর্ম।

পুনরায়, হে ভিক্ষুগণ! কোন অসৎপুরুষ ভিক্ষু সর্ব কাম্য বস্তু হইতে বিবিক্ত
হইয়া সবিতর্ক, সবিচার, প্রীতি সুখমণ্ডিত প্রথম ধ্যানে উপনীত হইয়া বিহার
করেন। তিনি এইরূপ প্রত্যবেক্ষণ আমি প্রথম ধ্যান সমাপ্তি লাভ
করিয়াছি কিন্তু অন্য ভিক্ষুগণ প্রথম ধ্যান সমাপ্তি লাভ করেন নাই। তিনি
প্রথম ধ্যান সমাপ্তি হেতু আত্মপ্রশংসা করেন ও অন্যকে অবজ্ঞা করেন। ইহাই
অসৎপুরুষ ধর্ম। কিন্তু সৎপুরুষ এইরূপ প্রত্যবেক্ষণ করেন— শগবান কর্তৃক উক্ত
হইয়াছে যে প্রথম ধ্যান সমাপ্তির জন্য প্রয়োজন অত্যন্ত তা (ত্রুষ্ণামুক্তি)
অবজ্ঞা করেন না সংপুরুষধর্ম।

পুনরায়, হে ভিক্ষুগণ! কোন অসৎপুরুষ ভিক্ষু বিতর্ক-বিচার উপশমে
অধ্যাত্মে সম্প্রসাদী, চিত্তের একীভাব আনয়নকারী, অবিতর্ক অবিচার
সমাধিজ প্রীতিসুখমণ্ডিত দ্বিতীয় ধ্যান তৃতীয় ধ্যান চতুর্থ ধ্যানে
উপনীত হইয়া বিহার করেন। তিনি এইরূপ প্রত্যবেক্ষণ সংপুরুষধর্ম।

পুনরায়, হে ভিক্ষুগণ! কোন অসৎপুরুষ রূপসংজ্ঞা অতিক্রম করিয়া,
প্রতিষ্ঠ সংজ্ঞা অন্তর্মিত করিয়া, নানাত্ম-সংজ্ঞা মনন না করিয়া ‘আকাশ
অনন্ত’ এই ভাবেদয়ে আকাশ-অনন্ত-আয়তন নামক প্রথম অরূপধ্যানে
উপনীত হইয়া তাহাতে বিহার করেন। তিনি এইরূপ প্রত্যবেক্ষণ
সংপুরুষধর্ম।

পুনরায়, হে ভিক্ষুগণ! অসৎপুরুষ ভিক্ষু আকাশ-অনন্ত-আয়তন ধ্যানস্তর
অতিক্রম করিয়া ‘বিজ্ঞান অনন্ত’ এই ভাবেদয়ে বিজ্ঞান-অনন্ত-আয়তন নামক
দ্বিতীয় অরূপ ধ্যানস্তরে উপনীত হইয়া বিহার করেন। তিনি এইরূপ প্রত্যবেক্ষণ
.... সংপুরুষধর্ম।

পুনরায়, হে ভিক্ষুগণ! অসৎপুরুষ ভিক্ষু সর্বাংশে বিজ্ঞান-অনন্ত-আয়তন
নামক ধ্যানস্তর (সমাপ্তি) অতিক্রম করিয়া ‘কিছুই নাই’ এই ভাবেদয়ে
অকিঞ্চন-আয়তন নামক তৃতীয় অরূপধ্যান স্তরে উপনীত হইয়া তাহাতে
বিহার করেন। তিনি এইরূপ প্রত্যবেক্ষণ সংপুরুষধর্ম।

পুনরায়, হে ভিক্ষুগণ! অসৎপুরুষ ভিক্ষু অকিঞ্চন আয়তন নামক সমাপ্তি
অতিক্রম করিয়া নৈব-সংজ্ঞা-ন-অসংজ্ঞা নামক চতুর্থ অরূপ ধ্যানস্তরে
(সমাপ্তি) উপনীত হইয়া তাহাতে বিহার করেন। তিনি এইরূপ প্রত্যবেক্ষণ

.... সৎপুরুষধর্ম।

পুনরায়, হে ভিক্ষুগণ! সৎপুরুষ ভিক্ষু সর্বাংশে নৈব-সংজ্ঞা-ন-অসংজ্ঞা নামক সমাপত্তি অতিক্রম করিয়া সংজ্ঞাবেদয়িতনিরোধ নামক পঞ্চম অরূপ ধ্যানশ্লেষে (সমাপত্তি) উপনীত হইয়া তাহাতে বিহার করেন, এবং প্রজ্ঞার দ্বারা দর্শন করিয়া আসবগুলি বিনষ্ট করেন। ভিক্ষুগণ! এই ভিক্ষু কোথাও কিছু মনে করিতে (কল্পনা করিতে) পারে না।

ভগবান ইহা বিবৃত করিলেন। ভিক্ষুগণ সন্তুষ্টমনে ভগবানের ভাষণে আনন্দ প্রকাশ করিলেন।

[সৎপুরুষ সূত্র সমাপ্ত]

✓ সেবিতব্য-অসেবিতব্য সূত্র (১১৪)

আমি এইরূপ শুনিয়াছি :

এক সময় ভগবান শ্রাবণ্তী সমীপে জেতবনে অনাথপিডিকের আরামে অবস্থান করিতেছিলেন। তথায় ভগবান ভিক্ষুদিগকে আহ্বান করিয়া বলিলেন— “হে ভিক্ষুগণ”— “ইঝ্যা ভদ্র” বলিয়া ভিক্ষুগণ ভগবানকে প্রত্যন্তর দিলেন। ভগবান কহিলেন : আমি তোমাদের নিকট সেবিতব্য-অসেবিতব্য ধর্মপর্যায় দেশনা করিব। তোমরা উত্তমরূপে মনোযোগসহকারে শ্রবণ কর। আমি ভাষণ দিতেছি। ভিক্ষুগণ “ইঝ্যা ভদ্র” বলিয়া প্রত্যন্তর দিলেন। ভগবান কহিলেন :

হে ভিক্ষুগণ! আমি কায় সমাচার^১— (কার্যক শিষ্টাচার) সেবিতব্য (অনুসরণ যোগ্য) ও অসেবিতব্য এই দুই প্রকার বলিয়া প্রকাশ করি এবং তাহাই পরম্পর কায়-সমাচার। এইভাবে আমি বলি দ্঵িবিধ সেবিতব্য ও অসেবিতব্য বাক-সমাচার^২, দ্঵িবিধ মনসমাচার^৩, দ্঵িবিধ কুশলধর্মে চিত্তোৎপাদ (চিন্তবৃত্তি) দ্঵িবিধ সংজ্ঞাপ্রতিলিপি, দ্঵িবিধ দৃষ্টিপ্রতিলিপি, দ্বিবিধ আত্মাবপ্রতিলিপি, যথা-সেবিতব্য ও অসেবিতব্য।

ভগবান কর্তৃক এইরূপ উক্ত হইলে আযুষ্মান শারিপুত্র ভগবানকে বলিলেন— ভদ্র! ভগবান কর্তৃক সংক্ষিপ্ত ভাষণের বিস্তারিত অর্থ যাহা পরিপূর্ণরূপে ব্যাখ্যাত হয় নাই, তাহা আমি এইরূপ জানি— ভগবান কর্তৃক এইরূপ উক্ত

^১ প্রথম খন্দ, পৃঃ ২৯৩ দ্রষ্টব্য।

^২ প্রথম খন্দ, পৃঃ ২৯৪ দ্রষ্টব্য।

^৩ প্রথম খন্দ, পৃঃ ২৯৪ দ্রষ্টব্য।

হইয়াছে, ‘হে ভিক্ষুগণ, আমি কায়-সমাচার পরম্পর কায়সমাচার।’ কি হেতু ইহা উক্ত হইয়াছে? যেইরূপ কায়সমাচার অনুসরণ করিলে অকুশল ধর্ম অভিবর্দ্ধিত হয় এবং কুশল হ্রাস প্রাপ্ত হয়, সেইরূপ কায়সমাচার সেবিতব্য নহে। যেরূপ কায়-সমাচার অনুসরণ করিলে অকুশলধর্ম হ্রাস প্রাপ্ত হয় এবং কুশলধর্ম পরিবর্দ্ধিত হয় সেইরূপ কায়সমাচার সেবিতব্য। তদন্ত! কিরূপ কায় সমাচার অনুসরণ করিলে অকুশলধর্ম বর্দ্ধিত হয় এবং কুশল ধর্ম হ্রাস প্রাপ্ত হয়? এখানে কেহ কেহ প্রাণঘাতী, বুদ্ধপ্রকৃতি, লোহিতপাণি, হনন ও প্রহার কার্য্যে নিবিষ্ট, সকল জীবের প্রতি দয়াহীন হয়, তাহারা অদণ্ডগ্রাহী হয়, যাহা পরম্পর, পরিবিন্দ-উপকরণ, গ্রামগত অথবা অরণ্যগত যে অদন্ত বস্তুর গ্রহণ চৌর্য বলিয়া অভিহিত হয়, উহার গ্রহীতা হয়। কামে মিথ্যাচারী (ব্যতিচারী) হয়, মাতৃরক্ষিতা, পিতৃরক্ষিতা, ভাতৃরক্ষিতা, ভগিনীরক্ষিতা, সধবা, দণ্ডবারিতা,^১ অথবা এমন কি মাল্যার্পণ দ্বারা বাগ্দস্তা, এইরূপ কোন নারীতে ব্যতিচারে রত হয়। তদন্ত, এইরূপ কায়সমাচার অনুসরণ করিলে অকুশল ধর্ম বর্দ্ধিত হয় এবং কুশল ধর্ম হ্রাসপ্রাপ্ত হয়।

তদন্ত! কিরূপ কায়সমাচার অনুসরণ পালন করিলে অকুশল ধর্ম হ্রাসপ্রাপ্ত হয় এবং কুশল ধর্ম পরিবর্দ্ধিত হয়? তদন্ত! এখানে কেহ কেহ প্রাণহত্যা পরিত্যাগ করিয়া প্রাণহত্যা হইতে প্রতিবিরত হন, নিহিতদণ্ড, নিহিতশস্ত্র, লজ্জী, দয়ালু, সর্বজীবের হিতানুকল্পী হইয়া বিহার করেন, অদণ্ডগ্রহণ পরিত্যাগ করিয়া অদন্ত গ্রহণ হইতে প্রতিবিরত হন, যাহা পরম্পর পরিবিন্দ-উপকরণ, গ্রামগত অথবা অরণ্যগত যাহার গ্রহণ চৌর্য বলিয়া অভিহিত হয় তাহার গ্রহীতা হন না, ব্যতিচার (কামে মিথ্যাচার) পরিত্যাগ করিয়া ব্যতিচার হইতে প্রতিবিরত হন, এবং মাতৃরক্ষিতা, পিতৃরক্ষিতা, ভাতৃরক্ষিতা, ভগিনীরক্ষিতা, জ্ঞাতিরক্ষিতা, সধবা, দণ্ডবারিতা এমন কি মাল্যার্পণ দ্বারা বাগ্দস্তা এইরূপ নারীতে ব্যতিচারে রত হন না। তদন্ত, এইরূপে কুশল ধর্ম বর্দ্ধিত হয়।

হে ভিক্ষুগণ! “আমি কায়সমাচার পরম্পর কায়সমাচার” এই কারণেই তগবান কর্তৃক এইরূপ উক্ত হইয়াছে।

তগবান কর্তৃক এইরূপ উক্ত হইয়াছে, “হে ভিক্ষুগণ! আমি বাক্ত-সমাচার পরম্পর বাক্ত-সমাচার।” কি কারণে ইহা উক্ত হইয়াছে? যেইরূপ বাক্ত-সমাচার অনুসরণ (পালন) করিলে অকুশল ধর্ম পরিবর্দ্ধিত হয় ও কুশল ধর্ম হ্রাস

^১ প্রথম খণ্ড, পৃঃ ৩০৮ দ্রষ্টব্য।

প্রাণ্ত হয়, সেইরূপ বাক্-সমাচার সেবিতব্য নহে এবং যেরূপ বাক্-সমাচার অনুসরণ করিলে অকুশল ধর্মহ্রাস প্রাণ্ত হয় ও কুশল ধর্ম পরিবর্দ্ধিত হয়, সেইরূপ বাক্-সমাচার সেবিতব্য।

তদন্ত! কিরূপ বাক্-সমাচার অনুসরণ করিলে অকুশল ধর্ম পরিবর্দ্ধিত হয় ও কুশল ধর্ম-হ্রাস প্রাণ্ত হয়? এখানে কেহ কেহ মিথ্যাবাদী হয়, সভাগত, পরিষদগত, জ্ঞাতিমধ্যগত, পৃথমধ্যগত (শ্রেণী বা দলমধ্যগত), রাজকুলমধ্যগত, সাক্ষীরূপে আনীত হইয়া “মহাশয়, যাহা জান তাহা বল” এইরূপে প্রশ্ন জিজ্ঞাসিত হইলে সে না জানিয়া বলে ‘জানি’ এবং জানে অথচ বলে ‘জানি না’, দেখে নাই অথচ বলে ‘দেখিয়াছি’ এবং দেখিয়াছে অথচ বলে ‘দেখি নাই’, ইত্যাদি ভাবে আত্ম-হেতু, পর-হেতু অথবা যৎকিঞ্চিত্ত লাভহেতু সজ্ঞানে মিথ্যাকথা বলে। সে পিশুনভাষী হয়, এখানে কিছু শুনিয়া সেখানে যাইয়া কথা বলে, ইহাদের মধ্যে তেদ ঘটাইবার জন্য। সেখানে কিছু শুনিয়া ইহাদের বলে, ইহাদের মধ্যে তেদ ঘটাইবার জন্য। এইভাবে সংহতের মধ্যে ভেঙ্গা (বিভেদকারী), ভিন্নদের মধ্যে ভেদ দিয়ে উৎসাহদাতা, বর্গারাম, বর্গরত ও বর্গনন্দি হইয়া বর্গকরণী (ভেদকরণী) বাক্যের বক্তা হয়, সে প্রযুক্তাষী হয়, যে বাক্য অন্ডক (বিরক্তিকর) কর্কশ, পরের নিকট কাটু, পরের মর্মবিদ্যকারী, ক্রোধান্বীপক, সমাধি প্রতিকূল, সেইরূপ বাক্যের বক্তা হয়, সম্প্রলাপী, অকালবাদী, অভূতবাদী, অনর্থবাদী, অধর্মবাদী, অবিনয়বাদী হয়, অনুপ্যুক্ত কালে প্রণিধানযোগ্য বাক্যের বক্তা হয় যে বাক্য অশাস্ত্রীয়, অপ্রাসঙ্গিক ও অনর্থযুক্ত। তদন্ত! এইরূপ বাক্-সমাচার অনুসরণ করিলে অকুশল ধর্ম প্রবর্দ্ধিত হয় ও কুশল ধর্মহ্রাস প্রাণ্ত হয়।

তদন্ত, কিরূপ বাক্-সমাচার অনুসরণ (পালন করিলে) অকুশল ধর্মহ্রাসপ্রাণ্ত হয় ও কুশলধর্ম প্রবর্দ্ধিত হয়? এখানে কেহ কেহ মিথ্যাভাষণ পরিত্যাগ করিয়া মিথ্যাভাষণ হইতে প্রতিবরিত হন, সভামধ্যগত, পরিষদ্গত, জ্ঞাতিমধ্যগত, পৃথমধ্যগত, রাজকুলমধ্যগত, সাক্ষীরূপে আনীত হইয়া “মহাশয় যাহা জান তাহা বল” এইরূপে প্রশ্ন জিজ্ঞাসিত হইলে, তিনি যাহা জানেন না তাহা ‘আমি জানিনা’ বলেন এবং জানিলে বলেন ‘আমি জানিয়াছি’, না দেখিলে বলেন ‘আমি দেখি নাই’ এবং দেখিলে বলেন ‘আমি দেখিয়াছি’— এইভাবে আত্মহেতু, পরহেতু, যৎকিঞ্চিত্ত লাভ-হেতু সজ্ঞানে মিথ্যাভাষী হন না। তিনি পিশুন বাক্য হইতে প্রতিবরিত হন, এখানে কিছু শুনিয়া তাহা সেখানে বলেন

না, ইহাদের মধ্যে ভেদ ঘটাইবার জন্য সেখানে কিছু শুনিয়া তাহা এখানে বলেন না তাহাদের মধ্যে ভেদ ঘটাইবার জন্য। এইভাবে ভিন্ন ব্যক্তিদের মধ্যে মিলনকারী, সংহতদের উৎসাহদাতা, সমগ্রাম, সমগ্ররত, সমগ্রনন্দি হইয়া সমগ্রকরণী বাক্যের বক্তা হন। তিনি পরুষ বাক্য পরিত্যাগ করিয়া পরুষ বাক্য হইতে প্রতিবরত হন। যে বাক্য নির্দোষ, কর্ণসুখকর (শুতিমধুৰ), প্রতিকর, হৃদয়গ্রাহী, পুরজনোচিত (ভদ্র), বহুজনকন্ত, বহুজনমনোজ্ঞ তদুপ বাক্যের বক্তা হন। সম্প্রলাপ পরিত্যাগ করিয়া সম্প্রলাপ হইতে প্রতিবরত হন, কালবাদী, ভৃতবাদী, যথার্থবাদী, ধর্মবাদী, বিনয়বাদী হন, যথাকালে প্রণিধানযোগ্য বাক্যের বক্তা হন, যে বাক্য শাস্ত্রীয় প্রাসঙ্গিক ও অর্থবৃক্ত। ভদ্র, এইরূপ বাক্সমাচার অনুসরণ করিলে অকুশল ধর্মহ্রাসপ্রাপ্ত হয় ও কুশল ধর্ম পরিবর্ত্তিত হয়।

“হে ভিক্ষুগণ! আমি বাক্স-সমাচার পরম্পর বাক্সমাচার এই কারণে ভগবান কর্তৃক এইরূপ উক্ত হইয়াছে।

“হে ভিক্ষুগণ! আমি মনঃসমাচার সেবিতব্য ও অসেবিতব্য এই দুই প্রকার বলিয়া প্রকাশ করি এবং তাহাই পরম্পর মনঃসমাচার,” এইভাবে ভগবান কর্তৃক উক্ত হইয়াছে। কি কারণে ইহা উক্ত হইয়াছে? ভদ্র! যেরূপ মনঃসমাচার অনুসরণ করিলে অকুশল ধর্ম পরিবর্ত্তিত হয় অসেবিতব্য যেরূপ মনঃসমাচার অনুসরণ করিলে অকুশল ধর্মহ্রাসপ্রাপ্ত হয় সেবিতব্য।

ভদ্র, কিরূপ মনঃসমাচার অনুসরণ করিলে অকুশল ধর্ম পরিবর্ত্তিত হয় ও কুশল ধর্মহ্রাস প্রাপ্ত হয়? এখানে কেহ কেহ অভিধ্যালু (লোভী) হয়, যাহা পরম্প, পরবিন্ত-উপকরণ, তাহাতে লোলুপ হয়,- “অহো, অপর ব্যক্তির যাহা কিছু তাহা যদি আমার হইত!” ব্যাপন্নচিত্ত হয়, প্রদুষ্টমনে এই সংকল্প করে- এই সন্তুগ্ন হত হউক, বধ ও উচ্ছিন্ন হউক, বিনাশ-প্রাপ্ত হউক ও ভাল কিছু না হউক।- ভদ্র! এইরূপ মনঃসমাচার অনুসরণ করিলে অকুশল ধর্ম পরিবর্ত্তিত হয় ও কুশল ধর্মহ্রাসপ্রাপ্ত হয়। কিরূপ মনঃসমাচার অনুসরণ করিলে অকুশল ধর্মহ্রাসপ্রাপ্ত হয় ও কুশলধর্ম পরিবর্ত্তিত হয়? ভদ্র, এখানে কেহ কেহ অনভিধ্যালু (নির্লোভ) হন, যাহা কিছু পরম্প, পরবিন্ত-উপকরণ, ‘অহো, যাহা কিছু পরম্প পরবিন্ত-উপকরণ, যাহা কিছু পরম্প তাহা আমার হউক’ এইরূপ ভাবিয়া তাহাতে লোলুপ হন না। অব্যাপন্নচিত্ত হন, অপ্রদুষ্ট মনে সংকল্প করেন- ‘এই সন্তুগ্ন বৈরীহীন, বিঘ্নহীন ও সুখী হইয়া নিজেদের

জীবনযাত্রা নির্বাহ করুন'। ভদ্র! এইরূপ মনঃসমাচার অনুসরণ কুশলধর্ম পরিবর্ত্তিত হয়।

হে ভিক্ষুগণ! আমি মনঃসমাচার পরম্পর মনঃসমাচার এই কারণেই ভগবান এইরূপ বলিয়াছেন।

ভগবান এইরূপ বলিয়াছেন- হে ভিক্ষুগণ! চিন্তোৎপাদ সেবিতব্য ও অসেবিতব্য এবং এই দুই প্রকার বলিয়া প্রকাশ করি এবং তাহাই পরম্পর চিন্তোৎপাদ। কি কারণে ইহা উক্ত হইয়াছে? ভদ্র! যেরূপ চিন্তোৎপাদ অনুসরণ করিলে অকুশল ধর্ম-পরিবর্ত্তিত কুশল ধর্ম পরিবর্ত্তিত হয়, সেরূপ চিন্তোৎপাদ সেবিতব্য।

ভদ্র! কিরূপ চিন্তোৎপাদ অনুসরণ করিলে অকুশল ধর্ম পরিবর্ত্তিত হয় ও কুশল ধর্ম-হ্রাসপ্রাপ্ত হয়? এখানে কেহ কেহ অভিধ্যালু হয়, অভিধ্যাসহগত চিন্তে বিহার করে, ব্যাপাদবান হয়, ব্যাপাদ সহগত চিন্তে বিহার করে, বিহিংসা-পরায়ণ হয়, বিহিংসাসহগত চিন্তে বিহার করে। ভদ্র! এইরূপ চিন্তোৎপাদ অনুসরণ করিলে অকুশল ধর্ম পরিবর্ত্তিত হয় ও কুশল ধর্ম-হ্রাসপ্রাপ্ত হয়। কিরূপ চিন্তোৎপাদ অনুসরণ করিলে অকুশল ধর্মহ্রাস প্রাপ্ত হয় এবং কুশল ধর্ম পরিবর্ত্তিত হয়? এখানে কেহ কেহ অনভিধ্যালু হন, অনভিধ্যাসহগত চিন্তে বিহার করেন। অব্যাপাদবান হন, অব্যাপাদসহগত চিন্তে বিহার করেন এবং অবিহিংসা পরায়ণ হন বা অবিহিংসাসহগত চিন্তে বিহার করেন। ভদ্র! এইরূপ চিন্তোৎপাদ অনুসরণ করিলে অকুশল ধর্ম হ্রাসপ্রাপ্ত হয় ও কুশলধর্ম পরিবর্ত্তিত হয়।

“হে ভিক্ষুগণ! আমি চিন্তোৎপাদ.... দুই প্রকার বলিয়া প্রকাশ করি এবং তাহা পরম্পর চিন্তোৎপাদ” এই কারণেই ভগবান কর্তৃক এইরূপ উক্ত হইয়াছে।

“- হে ভিক্ষুগণ! আমি সংজ্ঞা প্রতিলাভ সেবিতব্য ও অসেবিতব্য এই দুই প্রকার বলিয়া প্রকাশ করি এবং তাহা পরম্পর সংজ্ঞা প্রতিলাভ ভগবান কর্তৃক এইরূপ উক্ত হইয়াছে। কি কারণে ইহা উক্ত হইয়াছে? ভদ্র! যেরূপ সংজ্ঞা প্রতিলাভ অনুসরণ করিলে অকুশল ধর্ম পরিবর্ত্তিত অসেবিতব্য সংজ্ঞা প্রতিলাভ। যেরূপ সংজ্ঞা প্রতিলাভ অনুসরণ করিলে অকুশল ধর্ম হ্রাসপ্রাপ্ত হয় সেবিতব্য সংজ্ঞা প্রতিলাভ। ভদ্র, কিরূপ সংজ্ঞা প্রতিলাভ অনুসরণ করিলে অকুশল ধর্ম পরিবর্ত্তিত হয় ও কুশল ধর্ম হ্রাসপ্রাপ্ত হয়? এখানে কেহ

কেহ অভিধ্যালু হয়, অভিধ্যাসহগত সংজ্ঞায় বিহার করে, ব্যাপাদবান হয়, ব্যাপাদ সহগত সংজ্ঞায় বিহার করে, বিহিংসাপরায়ণ হয়, বিহিংসাসহগত সংজ্ঞায় বিহার করে- এইরূপ সংজ্ঞা প্রতিলাভ অনুসরণ কুশলধর্ম হ্রাসপ্রাপ্ত হয়। ভদ্র! সংজ্ঞা প্রতিলাভ অনুসরণ কুশলধর্ম হ্রাসপ্রাপ্ত হয়। ভদ্র! কিরূপ সংজ্ঞা প্রতিলাভ অনুসরণ করিলে অকুশলধর্ম হ্রাসপ্রাপ্ত হয় ও কুশল ধর্ম পরিবর্দ্ধিত হয়? ভদ্র! এখানে কেহ কেহ অনভিধ্যালু হন, অনভিধ্যাসহগত সংজ্ঞায় বিহার করেন অব্যাপাদ অবিহিংসা কুশল ধর্ম পরিবর্দ্ধিত হয়।

এই কারণেই ভগবান কর্তৃক উক্ত হইয়াছে “ভিক্ষুগণ! আমি সংজ্ঞা প্রতিলাভ পরম্পর সংজ্ঞা প্রতিলাভ।”

“হে ভিক্ষুগণ, আমি দৃষ্টিপ্রতিলাভ সেবিতব্য ও অসেবিতব্য এই দুই প্রকার বলিয়া প্রকাশ করি এবং তাহা পরম্পর দৃষ্টিপ্রতিলাভ” ভগবান কর্তৃক এইরূপ উক্ত হইয়াছে। কি কারণে এইরূপ উক্ত হইয়াছে এইরূপ দৃষ্টি প্রতিলাভ সেবিতব্য। ভদ্র! কিরূপ দৃষ্টিপ্রতিলাভ অনুসরণ করিলে অকুশল ধর্ম পরিবর্দ্ধিত হয় এবং কুশল ধর্ম হ্রাস প্রাপ্ত হয়? এখানে কেহ কেহ এইরূপ দৃষ্টি-সম্পন্ন (মিথ্যামতবাদী) : দান নাই, ইষ্ট (যজ্ঞে সমর্পিত) নাই, হোত্র নাই, সুকৃত দুষ্কৃত কর্মের ফল ও বিপাক নাই, ইহলোক নাই, পরলোক নাই। মাতা নাই, পিতা নাই, উপপাতিক সন্তোষ নাই, সম্যক্গত, সম্যক্প্রতিপন্ন এমন কোন শ্রমণ-ব্রাহ্মণ নাই যিনি ইহলোক ও পরলোক স্বয়ং অভিজ্ঞ দ্বারা সাক্ষাৎ করিয়া (উপলব্ধি করিয়া) প্রকাশ করিতে পারেন। ভদ্র! এইরূপ দৃষ্টিপ্রতিলাভ অনুসরণ করিলে অকুশল ধর্ম পরিবর্দ্ধিত হয় ও কুশল ধর্ম হ্রাস প্রাপ্ত হয়। কিরূপ দৃষ্টিপ্রতিলাভ অনুসরণ করিলে অকুশল ধর্ম হ্রাসপ্রাপ্ত হয় ও কুশল ধর্ম পরিবর্দ্ধিত হয়? ভদ্র! এখানে কেহ কেহ- এরূপ দৃষ্টিসম্পন্ন হন : দান আছে, ইষ্ট আছে, হোত্র আছে। সুকৃত দুষ্কৃত কর্মের ফল ও বিপাক আছে, ইহলোক আছে, পরলোক আছে, মাতা আছে, পিতা আছে, উপপাতিক সন্তোষ আছে, পৃথিবীতে সম্যক্প্রতিপন্ন এমন শ্রমণ-ব্রাহ্মণ আছেন যিনি ইহলোক ও পরলোক স্বয়ং অভিজ্ঞ দ্বারা সাক্ষাৎ করিয়া প্রকাশ করিতে পারেন। এইরূপ দৃষ্টিপ্রতিলাভ কুশলধর্ম পরিবর্দ্ধিত হয়। হে ভিক্ষুগণ! আমি পরম্পর দৃষ্টিপ্রতিলাভ” বলিয়া ভগবান যাহা বলিয়াছেন তাহা এই কারণেই উক্ত হইয়াছে।

“হে ভিক্ষুগণ, আমি আত্মাব (শরীর) প্রতিলাভ সেবিতব্য ও অসেবিতব্য এই দুই প্রকার বলিয়া প্রকাশ করি এবং তাহা পরম্পর আত্মাব প্রতিলাভ।”— ভগবান কর্তৃক এইরূপ উক্ত হইয়াছে। কি কারণে ইহা উক্ত হইয়াছে? ভদ্র, যেরূপ আত্মাবপ্রতিলাভ অনুসরণ করিলে অসেবিতব্য সেবিতব্য। কিরূপ আত্মাব প্রতিলাভ অনুসরণ করিলে অকুশল ধর্ম পরিবর্দ্ধিত হয় ও কুশল ধর্মহ্রাসপ্রাপ্ত হয়? ভদ্র! ক্ষতিকর আত্মাবপ্রতিলাভ উৎপাদনের জন্য এবং অপরিনিষ্ঠিতভাবে (অসমূর্ণতার) জন্য অকুশল ধর্ম পরিবর্দ্ধিত হয় ও কুশলভাব হ্রাসপ্রাপ্ত হয়। কিরূপ আত্মাব প্রতিলাভ অনুসরণ কুশল ধর্ম পরিবর্দ্ধিত হয়? ক্ষতিকর আত্মাব প্রতিলাভ অনুৎপাদনের এবং পরিনিষ্ঠিত ভাবের (সম্পূর্ণত) জন্য অকুশল ধর্মহ্রাসপ্রাপ্ত হয় ও কুশল ধর্ম পরিবর্দ্ধিত হয়। এই কারণেই ভগবান কর্তৃক এইরূপ উক্ত হইয়াছে : “হে ভিক্ষুগণ, আমি পরম্পর আত্মাব প্রতিলাভ।”

ভদ্র, ভগবান কর্তৃক সংক্ষিপ্ত ভাষণের বিস্তারিত অর্থ যাহা সম্পূর্ণরূপে ব্যাখ্যাত হয় নাই তাহা আমি এইরূপ জানি।— উক্তম, উক্তম, শারিপুত্র, তুমি মদীয় সংক্ষিপ্ত ভাষণের যাহা বিশ্লেষণ করা হয় নাই তাহার এইরূপ বিস্তারিত অর্থ এইরূপ জান।

“হে ভিক্ষুগণ, আমি কায়সমাচার পরম্পর কায়সমাচার”— আমার দ্বারা ইহা উক্ত হইয়াছে। কি কারণে ইহা উক্ত হইয়াছে? শারিপুত্র, যেরূপ কায়সমাচার অনুসরণ করিলে অকুশল ধর্ম পরিবর্দ্ধিত কায়সমাচার সেবিতব্য। শারিপুত্র, কিরূপ কায়সমাচার অনুসরণ করিলে অকুশল ধর্ম পরিবর্দ্ধিত হয় এবং কুশল ধর্মহ্রাসপ্রাপ্ত হয়? শারিপুত্র, এখানে কেহ কেহ প্রাণঘাতী, বুদ্ধপ্রকৃতি কুশলধর্ম হ্রাসপ্রাপ্ত হয়। শারিপুত্র, কিরূপ কায়সমাচার অনুসরণ করিলে অকুশল ধর্মহ্রাসপ্রাপ্ত হয় ও কুশলধর্ম পরিবর্দ্ধিত হয়? এখানে কেহ কেহ পরিত্যাগ করিয়া কুশলধর্ম পরিবর্দ্ধিত হয়। হে ভিক্ষুগণ, আমি কায়সমাচার তাহা পরম্পর কায়সমাচার” এই আমার দ্বারা ইহা উক্ত হইয়াছে এই কারণেই।

“হে ভিক্ষুগণ! আমি বাক্সমাচার তাহা পরম্পর” বাক্সমাচার আমার দ্বারা উক্ত হইয়াছে। কি কারণে ইহা উক্ত হইয়াছে? শারিপুত্র, যেরূপ বাক্সমাচার অনুসরণ করিলে অকুশল ধর্ম পরিবর্দ্ধিত হয় অসেবিতব্য সেবিতব্য। কিরূপ বাক্সমাচার অনুসরণ তাহা পরম্পর আত্মাব

প্রতিলাভ- এই কারণেই আমার দ্বারা ইহা উক্ত হইয়াছে।

শারিপুত্র! আমার সংক্ষিপ্তভাবে ভাষণের বিষ্টারিত অর্থ এইরূপ দ্রষ্টব্য।

শারিপুত্র! আমি চক্ষু-বিজ্ঞেয় রূপ সেবিতব্য ও অসেবিতব্য, এই দুই প্রকার বলিয়া প্রকাশ করি, শ্রোত-বিজ্ঞেয় শব্দ, দ্রাগ বিজ্ঞেয় গন্ধ, জিহ্বা-বিজ্ঞেয় রস, কায় বিজ্ঞেয় স্পন্দিতব্য, মনোবিজ্ঞেয় ধর্ম, প্রত্যেকটি সেবিতব্য ও অসেবিতব্য- এই দুই প্রকার বলিয়া প্রকাশ করি।

এইরূপ উক্ত হইলে আয়ুশ্চান শারিপুত্র ভগবানকে এইরূপ বলিলেন- ভদ্র! ভগবান কর্তৃক সংক্ষিপ্ত ভাষণের বিষ্টারিত অর্থ যাহা পূর্বে ব্যাখ্যাত হয় নাই তাহার বিষ্টারিত অর্থ এইরূপ জানি।

“শারিপুত্র! আমি চক্ষু-বিজ্ঞেয় রূপ শ্রোতবিজ্ঞেয় শব্দ, দ্রাগ বিজ্ঞেয় গন্ধ, জিহ্বাবিজ্ঞেয় রস কায়বিজ্ঞেয় স্পন্দিতব্য মনোবিজ্ঞেয় ধর্ম সেবিতব্য ও অসেবিতব্য এই দুই প্রকার বলিয়া প্রকাশ করি” যাহা ভগবান কর্তৃক এইরূপ উক্ত হইয়াছে তাহা এই কারণেই ভদ্র।

ভগবান কর্তৃক পূর্বে ব্যাখ্যাত সংক্ষিপ্ত ভাষণের বিষ্টারিত অর্থ- আমি এইরূপ জানি। উত্তম শারিপুত্র! উত্তম, তুমি আমার পূর্বে অব্যাখ্যাত সংক্ষিপ্ত ভাষণের বিষ্টারিত অর্থ এইরূপ জান।

“শারিপুত্র! আমি চক্ষু বিজ্ঞেয়রূপ, সেবিতব্য ও অসেবিতব্য, এই দুই প্রকার বলিয়া প্রকাশ করি।” ইহা আমার দ্বারা উক্ত হইয়াছে। “কি কারণে ইহা উক্ত হইয়াছে? যেরূপ মনোবিজ্ঞেয় কর্ম সেবিতব্য ও অসেবিতব্য, এই দুই প্রকার বলিয়া প্রকাশ করি” এইরূপে যাহা আমার দ্বারা উক্ত হইয়াছে তাহা এই কারণেই।

শারিপুত্র! আমার সংক্ষিপ্ত ভাষণের বিষ্টারিত অর্থ এইরূপ দ্রষ্টব্য।

শারিপুত্র! আমি চীবর ভিক্ষান্ন বাসস্থান গ্রাম, নিগম, নগর, জনপদ, পুকাল, ইহাদের প্রত্যেকটি সেবিতব্য ও অসেবিতব্য এই দুই প্রকার বলিয়া প্রকাশ করি।

এইরূপ উক্ত হইলে আয়ুশ্চান শারিপুত্র ভগবানকে বলিলেন- ভদ্র ভগবানের এই সংক্ষিপ্ত ভাষণের জানি :

“শারিপুত্র! আমি প্রকাশ করি”, এই কারণেই ভগবান কর্তৃক ইহা উক্ত হইয়াছে। ভিক্ষান্ন, বাসস্থান, গ্রাম, নিগম, নগর, জনপদ, পুকাল সম্পর্কেও এইরূপ।

শারিপুত্র! সকল ক্ষত্রিয়ের দীর্ঘদিন হিত ও সুখের জন্য আমার সংক্ষিপ্ত ভাষণের বিষ্ণুরিত অর্থ জানিতে পারেন। ব্রাহ্মণ, বৈশ্য, শূদ্র, দেবলোক, মারলোক, ব্রহ্মলোক, শ্রমণ-ব্রাহ্মণমণ্ডল, দেবমনুষ্য সম্পর্কে এইরূপ।

ভগবান এইরূপ বলিলেন। আয়ুমান শারিপুত্র ভগবানের ভাষণে আনন্দ প্রকাশ করিলেন।

[সেবিতব্য-অসেবিতব্য সূত্র সমাপ্ত]

বহুধাতুক সূত্র (১১৫)

আমি এইরূপ শুনিয়াছি :

এক সময় ভগবান শ্রাবণী সমাপ্তে জেতবনে অনাথপিণ্ডিকের আরামে অবস্থান করিতেছিলেন। তথায় ভগবান ভিক্ষুদিগকে আহবান করিয়া বলিলেনঃ “হে ভিক্ষুগণ! – ভিক্ষুগণ “হ্যা ভদ্র”! বলিয়া প্রত্যুক্ত দিলেন। ভগবান কহিলেন-

হে ভিক্ষুগণ! যে সকল ভয় উৎপন্ন হয় তাহা মূর্খ হইতে উৎপন্ন হয়, পঞ্চিতদের নিকট হইতে নহে। যাহা কিছু উপদ্রব উৎপন্ন হয় তাহা মূর্খ হইতে উৎপন্ন হয়, পঞ্চিতের নিকট হইতে নহে। যে সকল উপসর্গ উৎপন্ন হয় তাহা মূর্খ হইতে উৎপন্ন হয়, পঞ্চিতের নিকট হইতে নহে। যেমন, হে ভিক্ষুগণ! নলাগার বা তৃণাগার হইতে অগিম্ফুলিঙ্গ অভ্যন্তরে উৎক্ষিপ্ত, বহিভাগে অবলিপ্ত, নিবাত পুঁজিত, অর্গলযুক্ত বন্ধবাতায়নযুক্ত কূটাগার সকল দম্প করে তেমনি যাহা কিছু ভয় পঞ্চিতের নিকট হইতে নহে। এইভাবে, হে ভিক্ষুগণ! মূর্খ হইতেছে ভয়যুক্ত, উপদ্রবযুক্ত ও উপসর্গযুক্ত আর পঞ্চিত হইতেছেন অপ্রতিভয়, অনুপদ্রব ও অনুপসর্গ। পঞ্চিত হইতে কোন ভয়, উপদ্রব ও উপসর্গ নাই। সেইজন্য, হে ভিক্ষুগণ! ‘আমরা পঞ্চিত মীমাংসক হইব’ তোমাদের এইরূপ শিক্ষণীয়। এইরূপ উক্ত হইলে আয়ুমান আনন্দ ভগবানকে বলিলেন- বলা বাহুল্য, ভদ্র! কিরূপে পঞ্চিত ব্যক্তি মীমাংসক হন? – আনন্দ! যখন ভিক্ষু ধাতুকুশল, আয়তনকুশল, প্রতীত্য সমৃৎপাদকুশল ও স্থান-অস্থানকুশল হয়, তখন পঞ্চিত মীমাংসক হন। – বলা বাহুল্য ভদ্র! কিরূপে ভিক্ষু ধাতুকুশল হন? – আনন্দ! এই আঠার প্রকার ধাতু, যথা- চক্ষুধাতু, রূপধাতু, চক্ষুবিজ্ঞানধাতু, শ্রোত্রধাতু, শব্দধাতু, শ্রোত্রবিজ্ঞানধাতু, ঘ্রাণধাতু, গন্ধধাতু, ঘ্রাণবিজ্ঞানধাতু, জিহ্বাধাতু, রসধাতু, জিহ্বাবিজ্ঞানধাতু,

কায়ধাতু, স্পৃষ্টব্যধাতু, কায়বিজ্ঞানধাতু, মনোধাতু, ধর্মধাতু, মনোবিজ্ঞানধাতু। বলা বাহুল্য, এই আঠারটি ধাতু জানিলে, দেখিলে ভিক্ষু ধাতুকুশল হয়।

ভদ্র! যথার্থ বলিতে গেলে, অন্য কোন উপায় কি আছে যাহাতে ভিক্ষু ধাতুকুশল হইতে পারে!

আনন্দ! তাহা হইতে পারে। এই ছয়টি ধাতু, যথা— পৃথিবীধাতু, আপধাতু, বাযুধাতু, তেজধাতু, আকাশধাতু, বিজ্ঞানধাতু, এই ছয় ধাতু জানিলে ভিক্ষু ধাতুকুশল হয়।

ভদ্র! অন্য কোন উপায় কি আছে যাহাতে ভিক্ষু ধাতুকুশল হইতে পারে?

আনন্দ! তাহা হইতে পারে। এই ছয় ধাতু যথা— সুখধাতু, দুঃখধাতু, সৌমনস্য ধাতু, দৌর্মনস্য ধাতু, উপেক্ষা ধাতু ও অবিদ্যা ধাতু, এই ছয় ধাতু জানিলে, দেখিলে ভিক্ষু ধাতুকুশল হয়।

ভদ্র! অন্য কোন পারে?

আনন্দ! তাহা হইতে পারে। এই ছয় ধাতু, যথা— কামধাতু, বৈক্ষণ্যধাতু, অব্যাপাদধাতু, বিহিংসাধাতু, অবিহিংসাধাতু, এই ছয় ধাতু জানিলে, দেখিলে ভিক্ষু ধাতুকুশল হয়।

ভদ্র! অন্য কোন পারে?

আনন্দ! তাহা হইতে পারে। এই তিনি ধাতু, যথা— কামধাতু, বৃপধাতু, অবৃপধাতু,। এই তিনি ধাতু জানিলে, দেখিলে ভিক্ষু ধাতুকুশল হয়।

ভদ্র! অন্য কোন পারে?

আনন্দ! তাহা হইতে পারে। এই দুই ধাতু যথা সংস্কৃত ধাতু ও অসংস্কৃত ধাতু এই দুই ধাতু ধাতুকুশল হয়।

ভদ্র! কিরূপে ভিক্ষু আয়তনকুশল হয়? আনন্দ! এই ছয় আধ্যাত্মিক (আভ্যন্তরীণ)- বাহ্যিক আয়তন, যথা— চক্ষু ও রূপ, শ্রোত্র ও শব্দ, স্ত্রাণ ও গন্ধ, জিহ্বা ও রস, কায় ও স্পর্শ, মন ও ধর্ম। এই ছয় আধ্যাত্মিক ও বাহ্যিক আয়তন জানিলে, দেখিলে ভিক্ষু আয়তনকুশল হয়।

ভদ্র! কিরূপে ভিক্ষু প্রতীত্যসমৃৎপাদকুশল হয়।

আনন্দ! ভিক্ষু এইরূপ জানেন, ইহা বিদ্যমান থাকিলে তাহা উৎপন্ন হয়, ইহার উৎপত্তিহেতু তাহা উৎপন্ন হয়, ইহা বিদ্যমান না থাকিলে তাহা হয় না, ইহার নিরোধে তাহা নিরুদ্ধ হয়, যথা— অবিদ্যা প্রত্যয় হইতে সংস্কার, সংস্কার

প্রত্যয় হইতে বিজ্ঞান, বিজ্ঞান প্রত্যয় হইতে নামরূপ, নামরূপ প্রত্যয় হইতে ষড়ায়তন, ষড়ায়তন প্রত্যয় হইতে স্পর্শ, স্পর্শ প্রত্যয় হইতে বেদনা, বেদনা প্রত্যয় হইতে তৃখণ, তৃখণ প্রত্যয় হইতে উপাদান, উপাদান প্রত্যয় হইতে ভব, ভব প্রত্যয় হইতে জন্ম, জন্ম প্রত্যয় হইতে জরা, মরণ, শোক, পরিদেবন, দুঃখ, দৌর্মনস্য ও নৈরাশ্য সন্তুত হয়। এইরূপে সমগ্র দুঃখস্ফন্দের সমুদয় হয়। অবিদ্যার অশেষ বিরাগ নিরোধে সংক্ষারনিরোধ, সংক্ষারনিরোধে বিজ্ঞান নিরোধ, বিজ্ঞান-নিরোধে নামরূপনিরোধ, নামরূপ-নিরোধে ষড়ায়তন নিরোধ, ষড়ায়তন-নিরোধে স্পর্শ নিরোধ, স্পর্শ-নিরোধে বেদনানিরোধ, বেদনা-নিরোধে তৃখণনিরোধ, তৃখণ-নিরোধে উপাদাননিরোধ, উপাদান-নিরোধে ভবনিরোধ, ভব-নিরোধে জন্মনিরোধ, জন্ম-নিরোধে জরা, মরণ, শোক, পরিদেবন, দুঃখ, দৌর্মনস্য ও নৈরাশ্য নিরুদ্ধ হয়। এইরূপে সমগ্র দুঃখস্ফন্দের নিরোধ হয়। এইরূপে আনন্দ! ভিক্ষু প্রতীত্যসমৃৎপাদকুশল হয়।

তদন্ত! কিরূপে ভিক্ষু স্থান-অস্থান (কারণ-অকারণ) কুশল হয়? আনন্দ! এইস্থলে ভিক্ষু এইরূপ জানেন : ইহা অসম্ভব, ইহার কোন সুযোগ নাই যে কোন (সম্যক্) দৃষ্টিসম্পন্ন ব্যক্তি সংক্ষারকে নিত্য বলিয়া স্বীকার করিতে পারে, ইহা সম্ভব নহে। বরঞ্চ ইহা সম্ভব যে কোন পৃথগ্জন (সাধারণ মানুষ) সংক্ষারকে নিত্য বলিয়া স্বীকার করিতে পারে। ইহা অসম্ভব ও অনবকাশযুক্ত যে কোন (সম্যক্) দৃষ্টিসম্পন্ন ব্যক্তি সংক্ষারকে সুখদায়ক বলিয়া স্বীকার করিতে পারে, ইহা সম্ভব নহে। বরঞ্চ ইহা সম্ভব যে কোন পৃথগ্জন স্বীকার করিতে পারে। ইহা অসম্ভব ও অনবকাশযুক্ত যে (সম্যক্) দৃষ্টিসম্পন্ন ব্যক্তি ধর্মকে আত্মদৃষ্টিতে গ্রহণ করিতে পারে, ইহা সম্ভব নহে। বরঞ্চ ইহা সম্ভব যে কোন পৃথগ্জন ধর্মকে আত্মদৃষ্টিতে গ্রহণ করে। ইহা অসম্ভব ও অনবকাশযুক্ত মাতাকে জীবন হইতে বঞ্চিত (হত্যা) করিতে পারে। বরঞ্চ ইহা সম্ভব যে বঞ্চিত করিতে পারে। ইহা অসম্ভব পিতাকে জীবন হইতে বঞ্চিত করিতে পারে। ইহা অসম্ভব অর্হন্দের জীবন হইতে বঞ্চিত করিতে পারে। ইহা অসম্ভব ও অনবকাশযুক্ত যে (সম্যক্) দৃষ্টি সম্পন্ন দুষ্টচিন্ত ব্যক্তি তথাগতের রক্ত উৎপাদন (হত্যার উদ্দেশ্য) করিতে পারে। বরঞ্চ ইহা সম্ভব যে দুষ্টচিন্ত পৃথগ্জন তথাগতের রক্ত উৎপাদন করিতে পারে। ইহা অসম্ভব সংঘভেদ করিতে পারে। ইহা অসম্ভব অন্য একজন শাস্তাকে মানিতে পারে। ইহা অসম্ভব ও অনবকাশযুক্ত যে এক লোক-ধাতুতে

(জগতে) দুইজন অর্হৎ সম্যক্সমূল্ব আবির্ভূত হইতে পারেন, ইহা সম্ভব নহে। বরঞ্চ ইহা সম্ভব যে এক লোকধাতুতে একজন অর্হৎ সম্যক্সমূল্ব আবির্ভূত হইতে পারেন। ইহা অসম্ভব যে এক লোকধাতুতে দুইজন চক্ৰবৰ্তী রাজা আবির্ভূত হইবেন, ইহা সম্ভব নহে। ইহা সম্ভব যে এক লোক ধাতুতে একজন চক্ৰবৰ্তী রাজা আবির্ভূত হইবেন। ইহা অসম্ভব ও অনবকাশযুক্ত যে একজন স্ত্রী অর্হৎ সম্যক্সমূল্ব হইতে পারে, ইহা সম্ভব যে একজন পুরুষ অর্হৎ সম্যক্সমূল্ব হইতে পারে। ইহা অসম্ভব যে একজন স্ত্রীলোক চক্ৰবৰ্তী রাজা হইতে পারে পুরুষ পারে। ইহা অসম্ভব পুরুষ শক্ত হইতে পারে মার ব্ৰহ্মা হইতে পারে। ইহা অসম্ভব ও অনবকাশযুক্ত যে কায় দুশ্চরিত্রে-বাক্ত-দুশ্চরিত্রে মনঃদুশ্চরিত্রে ইষ্ট, কান্ত, মনোজ্ঞ বিপাক (পরিণাম) হইতে পারে। ইহা সম্ভব যে কায়দুশ্চরিত্রে অনিষ্ট, অকান্ত, অমনোজ্ঞ বিপাক হইতে পারে। ইহা অসম্ভব যে কায়দুশ্চরিত্রে ইষ্ট, কান্ত, মনোজ্ঞ বিপাক হইতে পারে। ইহা অসম্ভব যে কায়দুশ্চরিত্রে ইষ্ট, কান্ত, মনোজ্ঞ বিপাক হইতে পারে। ইহা অসম্ভব ও অনবকাশযুক্ত যে কায়দুশ্চরিত্র সমন্বাগত, বাক্তদুশ্চরিত্র সমন্বাগত, মনঃদুশ্চরিত্র সমন্বাগত বলিয়া সেই হেতু বা প্রত্যয়ের জন্য দেহাবসানে, মৃত্যুর পর সুগতি প্রাপ্ত হয় এবং স্বর্গলোকে উৎপন্ন হইবে। ইহা সম্ভব যে কায়দুশ্চরিত্র সমন্বাগত, বাক্তদুশ্চরিত্র সমন্বাগত, মনঃদুশ্চরিত্র সমন্বাগত বলিয়া সেই হেতু ও প্রত্যয়ে দেহাবসানে, মৃত্যুর পর অপায়, দুর্গতি, বিনিপাত নৱকে উৎপন্ন হইবে। ইহা অসম্ভব ও অনবকাশযুক্ত যে কেহ কায়দুশ্চরিত্র সমন্বাগত, বাক্সুচরিত্র সমন্বাগত, মনঃসুচরিত্র সমন্বাগত বলিয়া সেই হেতু, সেই প্রত্যয়ের জন্য অপায়, দুর্গতি, বিনিপাত, নৱকে উৎপন্ন হইবে। ইহা সম্ভব যে কায়দুশ্চরিত্র সমন্বাগত স্বর্গলোকে উৎপন্ন হইবে। ইহাই সম্ভব বলিয়া সেই ভিক্ষু জানেন। এইরূপে আনন্দ! বলা বাহুল্য, ভিক্ষু স্থান-অস্থান (সম্ভব-অসম্ভব) কুশল হয়।

এইরূপ উক্ত হইলে অযুশ্মান আনন্দ ভগবানকে বলিলেন- ভদ্র! ইহা আশৰ্য্য! অভুত! এই ধর্মপর্য্যায়ের কি নাম?- তাহা হইলে, আনন্দ এই ধর্মপর্য্যায়কে বহুধাতুক, চারি পরিবর্ত, ধর্মাদাস (আয়না), অমৃতদুদুভি, অনুক্তির সংগ্রামবিজয় বলিয়া মনে কর।

তগবান ইহা বিবৃত করিলেন। আয়ুষ্মান আনন্দ সন্তুষ্টমনে তগবানের ভাষণে আনন্দ প্রকাশ করিলেন।

[বহুধাতুক সূত্র সমাপ্ত]

ঝঘিগিরি সূত্র^১ (১১৬)

আমি এইরূপ শুনিয়াছি :-

এক সময় তগবান রাজগৃহ সমীপে ঝঘিগিরি পর্বতে অবস্থান করিতেছিলেন। তগবান তথায় ভিক্ষুদিগকে আহ্বান করিলেন, ‘হে ভিক্ষুগণ! – ইঁয়া, ভদ্র! বলিয়া ভিক্ষুগণ প্রত্যুষ্মন দিলেন। তগবান কহিলেন – ভিক্ষুগণ! তোমরা কি এই বৈভার পর্বত দেখিতে পাইতেছ? – “ইঁয়া, ভদ্র!” – “ভিক্ষুগণ! এই বৈভার পর্বতের পূর্বে অন্য সংজ্ঞা ছিল, অন্য প্রজ্ঞাপ্তি ছিল। তোমরা কি এই পাঞ্চব পর্বতের পূর্বে অন্য সংজ্ঞা ছিল, অন্য প্রজ্ঞাপ্তি ছিল। তোমার কি এই বৈপুল্য পর্বত দেখিতেছ? ” – “ইঁয়া, ভদ্র! ” – “ভিক্ষুগণ, এই বৈপুল্য পর্বতের পূর্বে অন্য সংজ্ঞা ছিল, অন্য প্রজ্ঞাপ্তি ছিল।” তোমরা কি গৃহ্ণকৃট পর্বত দেখিতেছ? “ইঁয়া ভদ্র”। – ভিক্ষুগণ! এই গৃহ্ণকৃট পর্বতের পূর্বে অন্য সংজ্ঞা ছিল অন্য প্রজ্ঞাপ্তি ছিল। তোমরা কি এই ঝঘিগিরি পর্বত দেখিতেছ? “ইঁয়া ভদ্র”। – “ঝঘিগিরি পর্বতের পূর্বে অন্য সংজ্ঞা ছিল, অন্য প্রজ্ঞাপ্তি ছিল”।

ভিক্ষুগণ! পূর্বকালে পাঁচশত প্রত্যেকবুদ্ধ এই ঝঘিগিরি পর্বতে দীর্ঘদিন ধরিয়া বাস করিতেন। এই পর্বতে প্রবেশ করিবার সময় তাঁহাদের দেখা যাইত, কিন্তু প্রবিষ্ট হইবার পর আর দেখা যাইত না। তখন ইহাকে দেখিয়া মনুয্যগণ এইরূপ বলিতেন : এই পর্বত ঝঘিদিগকে গিলিয়া ফেলে, তাহাতে ঝঘিগিলি সংজ্ঞা (নাম) উৎপন্ন হইয়াছে। ভিক্ষুগণ! আমি প্রত্যেকবুদ্ধদের নাম বর্ণনা করিব কীর্তন করিব ও দেশনা করিব। তোমরা তাহা মনোযোগ সহকারে শুন। আমি বলিতেছি। – “ইঁয়া ভদ্র”, বলিয়া ভিক্ষুগণ প্রত্যুষ্মন দিলেন। তগবান কহিলেন :

ভিক্ষুগণ! এই ঝঘিগিরি পর্বতে অরিষ্ট নামে প্রত্যেকবুদ্ধ দীর্ঘদিন বাস করিয়াছিলেন এবং উপারিষ্ট, টগরশিথী, যশস্বী, সুদর্শন, প্রিয়দর্শী, গন্ধার, পিঙ্গোল, উপঝঘষত, নীত, তথ, শুতবান, তাবিতাত প্রভৃতি প্রত্যেকবুদ্ধগণও

^১ সূত্রের ব্যাখ্যান্যায়ী সূত্রের নাম ঝঘিগিলি (পাণি ইঙ্গিলি)।

দীর্ঘদিন বাস করিয়াছিলেন।

যেইসকল সন্তসার অনিধি (শাস্তি), আকাঞ্চকারহিত, যাহারা প্রত্যেকেই সম্মেধি
লাভ করিয়াছেন, সেইসকল বিশল্য (যন্ত্রণামুক্ত) নরোত্তমদের নাম কীর্তন
করিতেছি, তোমরা শ্রবণ কর : ৷

অরিষ্ট, উপারিষ্ট, টগরশিখী, যশস্মী, সুদৰ্শন, প্রিয়দৰ্শী, প্রভৃতি বুদ্ধ, গুর্জার,
পিংডেল, উপঝষ্ঠত, নীত, তথ, শুতবান्, ভাবিত আ, শস্তি, শুভ, মতুল, অষ্টম,
অষ্ট সুমেধ, অনিধি, সুদন্ত প্রভৃতি প্রত্যেকবুদ্ধ যাহারা ভবনেত্রিক্ষীণ
(পুর্জন্মবিনষ্ট), মহানুভব হিঙ্গু এবং হিঙ্গ, দুই মুনি জালী ও অষ্টক,
কোশলবুদ্ধ, সুবাহু, উপনেমিষ, নেমিষ, শান্তচিত্ত যিনি সত্যবাদী, বিরজ ও
পঞ্চিত, কাল, উপকালল, বিজিত, জিত, অঙ্গ, পঙ্গ, গুপ্তজাত, পাশী, যিনি
দুঃখমূল, উপধি পরিত্যাগ করিয়াছেন, অপরাজিত যিনি মারসৈন্যকে জয়
করিয়াছেন; শাস্তা, প্রবন্ধা, শরণজ্ঞ, লোমহর্ষক, উচ্চাঞ্জমায়, অসিত, অনাস্ত্রব,
মনোময়, মানচিহ্ন যিনি মান পরিত্যাগ করিয়াছেন, বৰ্মুমান, তদাধিমুক্ত যিনি
বিমল ও কেতুমান, কেতুম্পরাগ, আর্য মাতজ্ঞা, অচৃত, অচৃতগাম, ব্যামক,
সুমজ্জল, দর্বিল, সুপ্রতিষ্ঠিত, অসহ্য, ক্ষেমাভিরত, সৌরত, দুরহয়, সঙ্গ,
উচ্চয়, মুনি সহ্য, অনোমনিকম, আনন্দ, ন্দ, উপনন্দ, দ্বাদশ অস্তিমদেহদারী
তারদাজ, বোধি, মহানাম এবং আরো কেশী, শিখী, সুদৱ, ভরদাজ, তিয়,
উপতিষ্য যাহারা ভব-বন্ধন ছেদন করিয়াছেন; ত্যগ ছেদনকারী উপসীদারী ও
সীদারী, বীতরাগ মজ্জলবুদ্ধ, দুঃখমূল- (রাগ) জালছেদনকারী ঋষভ,
শান্তপদলাভী উপনীত, উপোসথ, সুদৱ, সত্যনাম, জেত, জয় স্ত, পদ্ম, উৎপল,
পদ্মোত্তর, রঞ্জিত, পর্বত, মানন্তব্ধ, বীতরাগ, শোভিত, সুবিমুক্তচিত্ত, কৃষ্ণ,
বুদ্ধ- ইহারা এবং অন্যান্য মহানুভব প্রত্যেকবুদ্ধ যাহাদের ভবনেত্রিক্ষীণ
হইয়াছেন এই সকল সম্পূর্ণরূপে নির্বাণ-প্রাপ্ত মহর্ষিকে বৃদ্ধনা কর।

[ঋষিগিরি সৃঙ্গ সমাপ্ত]

মহাচতুরিক্ষণ সূত্র (১১৭)

আমি এইরূপ শুনিয়াছি :

এক সময় ভগবান শ্রাবণী সমীপে জেতবনে অনাথপিণ্ডিকের আরামে
অবস্থান করিতেছিলেন। তথায় ভগবান ভিক্ষুদিগকে আহ্বান করিলেন ‘হে
ভিক্ষুগণ’! আমি তোমাদের নিকট কারণযুক্ত ও পরিষ্কারযুক্ত^১ আর্য সম্যক-

^১ স- উপনিসং তি সপ্তচয়, সপরিক্থারং তি সপরিবারং-প.সূ.

সমাধি দেশনা করিব, তোমরা মনোযোগ সহকারে শুবণ কর। ‘ইঁা ভদ্র’
বলিয়া ভিক্ষুগণ প্রত্যন্তর দিলেন। ভগবান কহিলেন— হে ভিক্ষুগণ, প্রত্যয় ও
পরিষ্কারযুক্ত আর্য্য সম্যক্ সমাধি কি কি? যেমন, সম্যক্ দৃষ্টি, সম্যক্ সংকল্প,
সম্যক্ বাক্, সম্যক্ কর্ম, সম্যক্ আজীব ও সম্যক্ সৃতি। ভিক্ষুগণ! সপ্তাঙ্গের
দ্বারা চিন্তের বে একাগ্রতা পরিস্কৃত হয়,^১ তাহাকেই বলঃ হয় প্রত্যয় ও
পরিষ্কারযুক্ত আর্য্য সম্যক্ সমাধি।

হে ভিক্ষুগণ! সম্যক্ দৃষ্টি পূর্বগামী হয়। ভিক্ষুগণ! কিরূপে সম্যক্ দৃষ্টি
পূর্বগামী হয়? যখন মিথ্যাদৃষ্টিকে মিথ্যাদৃষ্টি বলিয়া জানে, সম্যক্ দৃষ্টিকে
সম্যক্ দৃষ্টি বলিয়া জানে— তাহাই সম্যক্ দৃষ্টি। ভিক্ষুগণ! মিথ্যাদৃষ্টি কি?
কি? দান নাই, ইষ্ট নাই, হোত্র নাই, সুকৃত দক্ষত কর্মের ফল ও বিপাক নাই,
ইহলোক নাই, পরলোক নাই, মাতা নাই, পিতা নাই, উপপাতিক সন্ত্বা নাই,
সম্যক্রগত, সম্যক্পচ্ছী এমন কোন শ্রমণ ব্রাহ্মণ নাই যিনি ইহলোক ও
পরলোক স্বয়ং অভিজ্ঞার দ্বারা সাক্ষাৎ করিয়া উহাদের স্বরূপ প্রকাশ করিতে
পারেন। এইরূপেই, হে ভিক্ষুগণ! মিথ্যাদৃষ্টি হয়। ভিক্ষুগণ! সম্যক্ দৃষ্টি কি?
কি ভিক্ষুগণ! আমি দুই প্রকার সম্যক্ দৃষ্টি সম্পর্কে বলি : আসবযুক্ত,
পুণ্যভাগী, উপাধিফলদায়ী সম্যক্ দৃষ্টি ও আর্য্য, অনাসব লোকেন্তর ও মার্গাজ্ঞ
সম্যক্ দৃষ্টি। ভিক্ষুগণ! আসবযুক্ত সম্যক্ দৃষ্টি কি? দান আছে, ইষ্ট
আছে, স্বরূপ প্রকাশ করেন ইহাই আসবযুক্ত সম্যক্ দৃষ্টি।
ভিক্ষুগণ! আর্য্য অনাসব কি? যে প্রজ্ঞা, প্রজ্ঞা-ইন্দ্রিয়, প্রজ্ঞা-বল,
ধর্মবিচয়সহোধ্যাজ্ঞা, মার্গাজ্ঞা, মার্গাজ্ঞ সম্যক্ দৃষ্টি আর্য্যমার্গের ভাবনার দ্বারা
আর্য্যচিন্তের ও অনাসবচিন্তের ও আর্য্যমার্গের সমজীভূত- তাহাই আর্য্য,
অনাসব সম্যক্ দৃষ্টি। মিথ্যাদৃষ্টি পরিত্যাগের জন্য ও সম্যক্ দৃষ্টি
লাভের জন্য যে প্রচেষ্টা তাহাই সম্যক্ ব্যায়াম। তিনি সৃতিসহকারে
মিথ্যাদৃষ্টি পরিহার করেন ও সম্যক্ দৃষ্টি লাভ করিয়া বিহার করেন, ইহাই
সম্যক্ সৃতি। এইরূপে সম্যক্ দৃষ্টিকে কেন্দ্র করিয়া তিনটি ধর্ম,
অনুপরিধাবিত ও অনুপরিবর্তিত হয়, তিনটি ধর্ম, যথা- সম্যক্ দৃষ্টি, সম্যক্
ব্যায়াম, সম্যক্ সৃতি।

ভিক্ষুগণ! সম্যক্ দৃষ্টি পূর্বগামী হয়। কিরূপে সম্যক্ দৃষ্টি পূর্বগামী হয়?
তিনি মিথ্যা সংকলনকে মিথ্যা সংকলন বলিয়া এবং সম্যক্ সংকলনকে সম্যক্

^১ পরিক্ষতা তি পরিবারিতো অধিঃ পংক্তে—প.স.

সংকল্প বলিয়া জানেন; ইহাই সম্যক্ দৃষ্টি। মিথ্যা সংকল্প কি? কামসংকল্প, ব্যাপাদসংকল্প, বিহিংসাসংকল্প, ইহাই মিথ্যা সংকল্প। সম্যক্ সংকল্প কি? ভিক্ষুগণ! আমি দুই প্রকার সম্যক্সংকল্প বর্ণনা করি: আসবযুক্ত সম্যক্ সংকল্প ও আর্য সম্যক্ সংকল্প। ভিক্ষুগণ! আসবযুক্ত সম্যক্ সংকল্প কি? নৈত্রম্য সংকল্প, অব্যাপাদ সংকল্প, অবিহিংসা সংকল্প, ইহাই আসবযুক্ত সম্যক্ সংকল্প। ভিক্ষুগণ! আর্য, অনাসব সম্যক্ সংকল্প কি? যে তর্ক, বিতর্ক, সংকল্প, চিত্তের অর্পণ ব্যর্পণ, অভিনিরোপনজ্ঞনিত বাক্সংশ্লার আর্যমার্গের ভাবনার দ্বারা আর্য চিত্তের অনাসবচিত্তের ও আর্যমার্গের সমজীভূত, তাহাই আর্য অনাসব সম্যক্ সংকল্প। তিনি মিথ্যা সংকল্প পরিত্যাগের জন্য, সম্যক্ সংকল্প অর্জনের জন্য চেষ্টা করেন— ইহাই সম্যক্ ব্যায়াম। তিনি শৃতি সহকারে মিথ্যা সংকল্প ত্যাগ করেন ও সম্যক্ সংকল্প অর্জন করেন— ইহাই সম্যক্ শৃতি। এইরূপে সম্যক্ সংকল্পকে কেন্দ্র করিয়া অনুপরিধাবিত ও অনুপরিবর্তিত হয়, যথা— সম্যক্ দৃষ্টি, সম্যক্ ব্যায়াম ও সম্যক্ শৃতি।

ভিক্ষুগণ! সম্যক্ দৃষ্টি পূর্বগামী হয়। কিরূপে হয়? কেহ মিথ্যা বাক্যকে মিথ্যাবাক্য বলিয়া জানে ইহাই সম্যক্ দৃষ্টি। মিথ্যা বাক্য কি? মিথ্যা কথা, পিশুন বাক্য, কর্কশ বাক্য ও সম্প্রলাপ, ইহাই মিথ্যা বাক্য। সম্যক্ বাক্য কি? ভিক্ষুগণ! আমি সম্যক্ বাক্য দুই প্রকার বলিয়া বর্ণনা করি। আসবযুক্ত মার্গাঙ্গ সম্যক্ বাক্য। ভিক্ষুগণ! আসবযুক্ত উপধি ফলদায়ী সম্যক্ বাক্য কি? মিথ্যা ভাষণ হইতে বিরতি, পিশুন বাক্য হইতে বিরতি, কর্কশ বাক্য হইতে বিরতি ও সম্প্রলাপ হইতে বিরতি— ইহাই উপধি পরিনামী সম্যক্বাক্য। আর্য অনাসব মার্গাঙ্গ সম্যক্বাক্য কি? চারি প্রকার বাক্সুচরিত্র হইতে আরতি (নিরূতি) বিরতি, প্রতিবিরতি ও বিরমণ আর্যচিত্তের সমজীভূত, তাহাই আর্য, অনাসব সম্যক্বাক্য। তিনি মিথ্যাবাক্য পরিত্যাগের জন্য ও সম্যক্বাক্য কথনের জন্য চেষ্টা করেন। ইহাই সম্যক্ ব্যায়াম। তিনি শৃতিসহকারে মিথ্যাবাক্য ত্যাগ করেন, সম্যক্বাক্য সম্পাদন করিয়া বিহার করেন। ইহাই সম্যক্ শৃতি। এইরূপে সম্যক্বাক্যকে কেন্দ্র করিয়া সম্যক্শৃতি।

ভিক্ষুগণ! সম্যক্দৃষ্টি পূর্বগামী হয়। কিরূপে পূর্বগামী হয়? কেহ মিথ্যা কর্মকে মিথ্যা কর্ম বলিয়া, সম্যক্ কর্মকে সম্যক্ কর্ম বলিয়া জানে, তাহাই

সম্যক্ দৃষ্টি। মিথ্যা কর্ম কি? প্রাণিহত্যা, অদন্তগ্রহণ, কামে মিথ্যাচার (ব্যভিচার) মিথ্যাকর্ম। সম্যক্ কর্ম কি? সম্যক্ কর্ম দুই প্রকার বলিয়া বর্ণনা করি। আসবযুক্ত সম্যক্ কর্ম ও আর্য, অনাসব..সম্যক্ কর্ম। প্রাণিহত্যা হইতে বিরতি, অদন্ত গ্রহণ কামে ব্যভিচার হইতে বিরতি-ইহাই আসবযুক্ত সম্যক্ কর্ম। আর্য, অনাসব কি? কায়দুশুটরিত্ব হইতে আরতি, বিরতি ইহাই সম্যক্ কর্ম। তিনি মিথ্যা কর্ম পরিত্যাগের জন্য সম্যক্ শৃতি।

ভিক্ষুগণ! সেইস্থলে সম্যক্দৃষ্টি পূর্বগামী হয়। কিরূপে হয়? কেহ মিথ্যা জীবিকাকে মিথ্যা জীবিকা বলিয়া, সম্যক্ জীবিকাকে সম্যক্ জীবিকা বলিয়া জানে- তাহাই সম্যক্দৃষ্টি। মিথ্যা জীবিকা কি? কুহন্তা (শঠতা), লপনা (ভিক্ষার জন্য অস্পষ্ট মন্ত্রোচ্চারণ), নৈমিত্তিকতা (ভবিষ্যৎ গণনা)। নিষ্পেষিকতা (যাদুবৃত্তি), লাভের জন্য লাভগৃহ হইয়া জীবিকার্জন, ইহাই মিথ্যা জীবিকা। সম্যক্ জীবিকা কি? আমি সম্যক্ জীবিকা দুই প্রকার মার্গাঙ্গ। এইস্থলে আর্যশাবক মিথ্যা জীবিকা পরিত্যাগ করিয়া সম্যক্ জীবিকা দ্বারা জীবন ধারণ করেন- ইহাই আসবযুক্ত সম্যক্ জীবিকা। আর্য অনাসব..কি? যে মিথ্যা জীবিকা হইতে ধিরতি সম্যক্ শৃতি। ভিক্ষুগণ! সম্যক্ দৃষ্টি কিরূপে পূর্বগামী হয়? ভিক্ষুগণ! সম্যক্ দৃষ্টি হইতে সম্যক্ সংকল্প উৎপন্ন হয়, সম্যক্ সংকল্প হইতে সম্যক্ বাক্, সম্যক্ বাক্ হইতে সম্যক্ কর্ম, সম্যক্ কর্ম হইতে সম্যক্ জীবিকা, সম্যক্ জীবিকা হইতে সম্যক্ ব্যায়াম, সম্যক্ ব্যায়াম হইতে সম্যক্ শৃতি, সম্যক্ শৃতি হইতে সম্যক্ সমাধি, সম্যক্ সমাধি হইতে সম্যক্ জ্ঞান। সম্যক্ জ্ঞান হইতে সম্যক্ বিমুক্তি উৎপন্ন হয়। এইরূপে শৈক্ষ্যের প্রতিপদ (মার্গ) অষ্টাঙ্গাযুক্ত ও অর্হতের দশাঙ্গাযুক্ত হয়।

ভিক্ষুগণ! সেইস্থলে সম্যক্ দৃষ্টি পূর্বগামী হয়? সম্যক্ দৃষ্টি সম্পন্নের^১ মিথ্যা দৃষ্টি নির্জীৰ্ণ হয় এবং মিথ্যা দৃষ্টি জনিত যে পাপ ও অকুশল ধর্ম- উৎপন্ন হয় তাহা নির্জীৰ্ণ হয়, সম্যক্ দৃষ্টিজনিত বহু কুশল ধর্ম পরিভাবনা ও পরিপূর্ণতা লাভ করে। সম্যক্ সংকল্প দ্বারা মিথ্যা সংকল্প সম্যক্ বাক্ সম্পন্নের মিথ্যা বাক্ সম্যক্ কর্ম সম্পন্নের মিথ্যা কর্ম..সম্যক্ জীবির মিথ্যা জীবিকা সম্যক্ ব্যায়াম সম্পন্নের মিথ্যা ব্যায়াম সম্যক্ শৃতি

¹ মঙ্গসম্মা দিচ্ছি঱ং টিতসস পুঁচালসস-প.সু.

দ্বারা মিথ্যা স্মৃতি সম্যক্ স্মৃতি, সম্যক্ সমাধি দ্বারা মিথ্যা সমাধি সমাক্ জ্ঞানসম্পন্নের মিথ্যা জ্ঞান, সম্যক্ বিমুক্তি প্রাপ্তের মিথ্যা বিমুক্তি পরিভাবনা ও পরিপূর্ণতা লাভ করে। এইভাবে কুশল পক্ষে বিশটি, অকুশল পক্ষে বিশটি ধর্ম। যে মহাচতুরিংশৎ ধর্মপর্যায় প্রবর্তিত তাহা কোন শ্রমণ বা ব্রাহ্মণ বা দেব বা মার বা দ্রুক্ষ বা জগতের কোন ব্যক্তি বিশেষের দ্বারা অপ্রতিবর্তনীয়। ভিক্ষুগণ! যে শ্রমণ বা ব্রাহ্মণ এই মহাচতুরিংশৎ ধর্মপর্যায়কে নিন্দনীয় ও তিরকৃতব্য মনে করেন দৃষ্টধর্মে তাহার যুক্তি ধর্মানুযায়ী বাদানুবাদ নিন্দার কারণ হয়। ভবদীয় ব্যক্তি সম্যক্ দৃষ্টিকে নিন্দা করে, মিথ্যাদৃষ্টি সম্পন্ন শ্রমণ ব্রাহ্মণ তাহার পূজ্য ও প্রশংসাপ্রাপ্ত, যে ভবদীয় ব্যক্তি সম্যক্ সংকলকে সম্যক্বাক্যকে.... সম্যক কর্মকে সম্যক্ জীবিকাকে সম্যক্ ব্যায়ামকে সম্যক্ স্মৃতিকে সম্যক্ সমাধিকে সম্যক্ বিমুক্তিকে নিন্দা করে, মিথ্যাসংকলসম্পন্ন মিথ্যাবিমুক্তি প্রাপ্ত শ্রমণ ব্রাহ্মণ তাহার পূজ্য ও প্রশংসাপ্রাপ্ত। যে শ্রমণ ব্রাহ্মণ এই মহাচতুরিংশৎ ধর্মপর্যায়কে নিন্দার কারণ হয়। যাহারা উৎকলবাসী^১, বর্ষ ও ভগ্য^২ অহেতুবাদী, অকার্যবাদী, নাষ্টিকব্যবাদী তাহারা মহাচতুরিংশৎ ধর্মপর্যায়কে নিন্দনীয় ও তিরকৃতব্য বলিয়া মনে করে না। তাহা কি কারণে? নিন্দা বিদ্রূপ তিরক্ষারের ভয়ে।

ভগবান ইহা বিবৃত করিলেন। ভিক্ষুগণ সভুষ্টমনে ভগবানের ভাষণে আনন্দ প্রকাশ করিলেন।

[মহাচতুরিংশৎ সূত্র সমাপ্ত]

আনাপান স্মৃতি সূত্র (১১৮)

আমি এইরূপ শুনিয়াছি ৪-

এক সময়ে ভগবান শ্রাবণী সমীপে পূর্বারামে মৃগারমাতৃ প্রাসাদে আয়ুষ্মান শারিপুত্র, মহামৌদ্গল্যায়ন, মহাকাশ্যপ, মহাকাত্যায়ন, মহাকৌচিত্ত, মহাকঙ্গিন, মহাচূল, অনিলুন্দ, রেবত, আনন্দ প্রভৃতি বহু প্রসিদ্ধ স্তবিত ও অন্যান্য অভিজ্ঞাত স্তবিত শিষ্যদের সহিত অবস্থান করিতেছিলেন। তখন জ্যোষ্ঠ ভিক্ষুগণ নবীন ভিক্ষুদিগকে উপদেশ ও অনুশাসন প্রদান করিতেন।

^১ উৎকল জনপদবাসী— প.সু।

^২ দুইজন ব্যক্তির নাম — প.সু।

কতিপয় স্থবির দশজন ভিক্ষুকে, কতিপয় স্থবির বিশজন ভিক্ষুকে, কতিপয় স্থবির ত্রিশজন চাল্লিশজন ভিক্ষুকে উপদেশ ও অনুশাসন প্রদান করিতেন। সেই নবীন ভিক্ষুগণ স্থবিরদের দ্বারা উপদিষ্ট ও অনুশাসিত হইয়া (ধ্যানে) উন্নত ধারাবাহিক বিশেষজ্ঞান লাভ করিতেন। তখন ভগবান সেই উপোসথ দিবসে পঞ্চদশীর পূর্ণ পূর্ণিমার রাত্রিতে প্রবারণার পর ভিক্ষুসভ্য পরিবৃত হইয়া উন্মুক্ত স্থানে উপবিষ্ট ছিলেন।

অতঃপর ভগবান তুষঘীভূত সভ্যকে অবলোকন করিয়া আহ্বান করিয়া বলিলেন ৎ হে ভিক্ষুগণ! এই প্রতিপদের জন্য আমি আরম্ভচিত্ত (সন্তুষ্ট)। সুতরাং তোমরা অপ্রাপ্তকে প্রাপ্তির জন্য, অনধিগতকে অধিগত করিবার জন্য এবং অসাক্ষাৎকৃতকে সাক্ষাৎ (উপলব্ধি) করিবার জন্য আরও অধিকমাত্রায় শক্তি প্রয়োগ কর, আমি এই শ্রাবণ্তীতে চাতুর্মাসী কৌমুদীতে ফিরিয়া আসিব। জনপদের ভিক্ষুগণ শুনিলেন, ভগবান নাকি চাতুর্মাসী কৌমুদীতে (বর্ষার শেষে কার্তিক পূর্ণিমার পর যখন পদ্ম প্রস্ফুটিত হয়) শ্রাবণ্তীতে আসিবেন। সেই জনপদের ভিক্ষুগণ ভগবানকে দেখিবার জন্য শ্রাবণ্তীতে আসিলেন। সেই স্থবির ভিক্ষুগণ নব্য ভিক্ষুদিগকে অধিকমাত্রায় উপদেশ ও অনুশাসন প্রদান করিতে লাগিলেন। কতিপয় স্থবির দশজন ভিক্ষুকে চাল্লিশজন ভিক্ষুকে উপদেশ ও অনুশাসন প্রদান করিলেন। সেই সকল নব্য ভিক্ষুগণ স্থবিরদের দ্বারা উপদিষ্ট ও অনুশাসিত হইয়া বিশেষ উন্নত জ্ঞান লাভ করেন। সেই সময় ভগবান সেই উপোসথ দিবসে উপবিষ্ট ছিলেন।

অতঃপর ভগবান তুষঘীভূত আহ্বান করিয়া বলিলেন ৎ ভিক্ষুগণ! পরিষদ অপ্রলাপ, নিষ্প্লাপ, শুন্ধ ও সারবস্তুতে প্রতিষ্ঠিত। সেইরূপ এই ভিক্ষুসভ্য যেমন এই পরিযদ, আহ্বানীয়, প্রাহ্বানীয়, দাক্ষিণেয়, অঙ্গলিকরণীয় এবং লোকের (জগতের) অনুকরণ পৃণ্যক্ষেত্র নামে অভিহিত। সেইরূপ এই ভিক্ষুসভ্যকে অল্প কিছু দিলে তাহা বহু হইয়া যায়, বহু দিলে বহুতর হইয়া যায়। সেইরূপ ভিক্ষুসভ্য, যেমন এই পরিষদ, পৃথিবীতে দুর্লভ। এই ভিক্ষুসভ্যকে দেখিবার জন্য ক্ষন্দে খাদ্যথলি^১ বহন করিয়া বহুযোজন পর্যন্ত গমন প্রয়োজন। ভিক্ষুগণ! এই ভিক্ষুসভ্যে বহু ভিক্ষু আছেন যাহারা অর্হৎ, ক্ষীণাসব, ব্রতসম্পন্ন, কৃতকার্য অপনীতভাবে, সদর্থপ্রাপ্ত পরিষ্কীণভবসংযোজন ও সম্যক্ জ্ঞানের দ্বারা বিমুক্ত। ভিক্ষুসভ্যে এইরূপ

^১ । পুটোসেন এর অন্য পাঠ পুটংসো দৃষ্ট হয়- প.সূ.।

ভিক্ষুগণ আছেন যাহারা পঞ্চবিধি অধঃভাগীয় সংযোজনের ক্ষয় করিয়া উপপাত্তিক হইয়া নির্বাণলাভী হইয়াছেন এবং সেই লোক হইতে আর প্রত্যাবর্তন করিবেন না। এই ভিক্ষুসঙ্গে বহু ভিক্ষু আছেন যাহারা ত্রিবিধি সংযোজন ক্ষয় করিয়া রাগ-চেষ্ট-মোহ অতিক্রম করিয়া স্কৃদাগামী হইয়া আরেকবারমাত্র এই পৃথিবীতে আসিয়া দুঃখের অন্ত করিবেন। এই ভিক্ষুসঙ্গে এইরূপ বহু ভিক্ষু আছেন যাহারা ত্রিবিধি সংযোজন ক্ষয় করিয়া স্নোতাপন্ন ও অবিনিপাতধর্মী, নিয়ত সহোধিপরায়ন। এই ভিক্ষুসঙ্গে এইরূপ বহু ভিক্ষু আছেন যাহারা চারি শৃতিপ্রস্থান ভাবনায় অনুযুক্ত হইয়া বিহার করেন। এই ভিক্ষুসঙ্গে যাহারা চারি সম্যক্ প্রধানের ভাবনায় অনুযুক্ত চারি ঋক্ষিপাদের ভাবনায় অনুযুক্ত পঞ্চ ইন্দ্রিয় ভাবনায় অনুযুক্ত পঞ্চ বলের ভাবনায় সপ্ত বোধ্যজ্ঞের ভাবনায় আর্য্য অষ্টাঙ্গিক মার্গের ভাবনায় মৈত্রী ভাবনায় করুণা ভাবনায় মুদিতা ভাবনায় উপেক্ষা ভাবনায় অশুভ ভাবনায় অনিত্যসংজ্ঞা ভাবনায় আনাপান শৃতি ভাবনায় অনুযুক্ত হইয়া বিহার করেন। ভিক্ষুগণ! আনাপান শৃতি যখন ভাবিত হয় তখন ইহা মহাফলপ্রসূ ও মহার্থবহ, মহা-উপকারদায়ক হয়। আনাপান শৃতি যখন ভাবিত ও বহুলকৃত (বর্ধিত) হয়, তাহা চারি শৃতিপ্রস্থানকে পরিপূর্ণ করে, চারি শৃতিপ্রস্থান যখন ভাবিত ও বহুলকৃত হয়, তাহা সপ্তবোধ্যজ্ঞকে পরিপূর্ণ করে, সপ্তবোধ্যজ্ঞ যখন ভাবিত ও বহুলকৃত হয়, তাহা বিদ্যামুক্তিকে পরিপূর্ণ করে। ভিক্ষুগণ! কিরূপে আনাপান শৃতি ভাবিত, বহুলকৃত, মহাফলপ্রসূ ও মহার্থবহ হয়? ভিক্ষুগণ! কোন ভিক্ষু অরণ্যাগত (বনে যাইয়া), বৃক্ষমূলগত শূন্যাগারগত (শূন্যাগারে প্রবেশ করিয়া) ঋজুদেহে প্রণিধানের জন্য অভিমুখে শৃতি উপস্থাপিত করিয়া পর্যাঙ্কাসনে উপবেশন করেন। তিনি শৃতিমান হইয়া শ্বাস-প্রশ্বাস গ্রহণ করেন। দীর্ঘশ্বাস গ্রহণ করিলে ‘দীর্ঘশ্বাস গ্রহণ করিতেছি’, ত্রুষ্পশ্বাস গ্রহণ করিলে ‘ত্রুষ্পশ্বাস গ্রহণ করিতেছি’ বলিয়া প্রকৃষ্টভাবে জানেন। তিনি সর্বকায় প্রতিসংবেদী (সর্বদেহে অনুভূত) শ্বাস গ্রহণ করিতে এবং নিঃশ্বাস পরিত্যাগ করিতে শিক্ষা করেন। সর্বকায়সংক্ষার (যাবতীয় দৈহিক ক্রিয়া) উপশান্ত করিয়া শ্বাসগ্রহণ করিতে এবং নিঃশ্বাস ত্যাগ করিতে শিক্ষা করেন। তিনি প্রীতি সংবেদী (প্রীতিজ্ঞাত) হইয়া ‘আমি শ্বাস গ্রহণ এবং নিঃশ্বাস ত্যাগ করিতেছি সুখ সংবেদী’ চিন্তসংক্ষার প্রীতিসংবেদী চিন্ত প্রমোদিত করিয়া (ধ্যানে) চিন্ত সম্যক্রূপে স্থাপন

করিয়া চিন্তবিমোচন করিয়া (পঞ্চকন্ধের) অনিত্যানুদর্শী হইয়া ... বিরাগানুদর্শী হইয়া....নিরোধানুদর্শী হইয়া... প্রতিবিসর্জনানুদর্শী (আদানমুক্ত চিন্ত) হইয়া ‘শ্঵াস গ্রহণ ও নিশ্বাস ত্যাগ করিতেছি’ বলিয়া শিক্ষা করেন। এইরূপে ভাবিত হইয়া আনাপান স্মৃতি বর্ধিত মহাফলপ্রসূ ও মহাউপকারদায়ক হয়।

ভিক্ষুগণ! কিরূপে আনাপানস্মৃতি ভাবিত হয়? কিরূপে বর্ধিত হইয়া চারি স্মৃতিপ্রমাণকে পরিপূর্ণ করে? ভিক্ষুগণ! যে সময় কোন ভিক্ষু দীর্ঘশ্বাস গ্রহণকালে “দীর্ঘশ্বাস গ্রহণ করিতেছি কায়সংকার উপশান্ত করিয়া নিশ্বাস ত্যাগ করিব” বলিয়া শিক্ষা করেন। সেই সময়ে ভিক্ষু কায়ে কায়ানুদর্শী, আতাপী, সম্পজ্জাত ও স্মৃতিমান হইয়া জগতে অভিধ্যা ও দৌর্মনস্য দূরীভূত করেন। ভিক্ষুগণ! চতুর্বিধ কায়ের মধ্যে শ্বাস প্রশ্বাস অনাতম একটি বলিয়া আমি বলি। সুতরাং সেই সময়ে ভিক্ষু কায়ে কায়ানুদর্শী, আতাপী, সম্পজ্জাত, স্মৃতিমান হইয়া জগতে অভিধ্যা-দৌর্মনস্য দূরীভূত করেন। ভিক্ষুগণ! সেই সময়ে ভিক্ষু ‘প্রাতিসংবেদী হইয়া শ্বাস গ্রহণ করিব, চিন্তসংক্ষার উপশান্ত করিয়া নিঃশ্বাস ত্যাগ করিব’ বলিয়া শিক্ষা করেন। সেই সময়ে তিনি বেদনায় বেদনানুদর্শী, আতাপী, সম্পজ্জাত ও স্মৃতিমান হইয়া জগতে অভিধ্যা দৌর্মনস্য দূরীভূত করেন। ত্রিবিধ বেদনার মধ্যে শ্বাস-প্রশ্বাসের জন্য উক্তমরূপে মনঃসংযোগ একটি অনাতম বলিয়া আমি বলি। সুতরাং সেই ভিক্ষু দূরীভূত করেন। ভিক্ষুগণ! সেই সময়ে ভিক্ষু ‘চিন্তপ্রীতি-সংবেদী হইয়া শ্বাস গ্রহণ করিব চিন্তবিমোচন করিয়া নিঃশ্বাস ত্যাগ করিব’ বলিয়া শিক্ষা করেন। সেই সময়ে ভিক্ষু চিন্তে চিন্তানুদর্শী, আতাপী, অভিধ্যা-দৌর্মনস্য দূরীভূত করেন। ভিক্ষুগণ! আমি মূচ্ছস্মৃতি ও অসম্পজ্জাতের আনাপানস্মৃতি ভাবনা সম্পর্কে কিছু বলি না। সুতরাং সেই ভিক্ষু চিন্তে চিন্তানুদর্শী, আতাপী দৌর্মনস্য দূরীভূত করেন।

ভিক্ষুগণ! যখন ভিক্ষু ‘অনিত্যানুদর্শী হইয়া শ্বাস গ্রহণ করিব.. বিসর্জনানুদর্শী হইয়া নিঃশ্বাস ত্যাগ করিব’ বলিয়া শিক্ষা করেন, সেই সময় ভিক্ষু ধর্মে ধর্মানুদর্শী, আতাপী দৌর্মনস্য দূরীভূত করেন। তিনি অভিধ্যা-দৌর্মনস্যের যাহা ত্যাগ, তাহা প্রজ্ঞার দ্বারা দর্শন করিয়া উক্তমরূপে সম্পূর্ণ উপেক্ষা পরায়ন হন। সুতরাং ভিক্ষু ধর্মগুলির মধ্যে ধর্মানুদর্শী হইয়া দৌর্মনস্য দূরীভূত করে। এইরূপে আনাপানস্মৃতি ভাবিত ও বর্ধিত হইয়া

চারি শৃতিপ্রস্থানকে পরিপূর্ণ করে।

ভিক্ষুগণ! কিরূপে চারিপ্রস্থান ভাবিত ও বর্ধিত হইয়া সপ্তবোধ্যজ্ঞকে পরিপূর্ণ করে? যে সময়ে ভিক্ষু কায়ে কায়ানুদৰ্শী, আতাপী দৌর্মনস্য দূরীভূত করেন, সেই সময়ে তাঁহার শৃতি উপস্থিত থাকে ও সংযুক্ত হয় না। যে সময়ে ভিক্ষুর শৃতি উপস্থিত ও অসংযুক্ত থাকে, সেই সময়ে তাঁহার শৃতিসম্মোধ্যজ্ঞ আরৰ্থ হয়, ভিক্ষু তখন শৃতি সম্মোধ্যজ্ঞকে ভাবনা করেন, সেই সময়ে ভিক্ষুর শৃতিসম্মোধ্যজ্ঞ ভাবনা পরিপূর্ণতা লাভ করে। তিনি সেইরূপ শৃতিসহকারে বিহার করিয়া প্রজ্ঞার দ্বারা সেই ধর্মকে অনুসন্ধান করেন, বিশ্লেষণ করেন ও পরীক্ষা করেন। যে সময়ে ভিক্ষু সেইরূপ শৃতিসহকারে পরীক্ষা করেন, সেই সময়ে ভিক্ষুর ধর্মবিচয় সম্মোধ্যজ্ঞ আরৰ্থ হয়, তখন ভিক্ষু ধর্মবিচয় সম্মোধ্যজ্ঞকে ভাবনা করেন, সেইসময়ে ভিক্ষুর ধর্মবিচয়ের সম্মোধ্যজ্ঞ ভাবনা পরিপূর্ণতা লাভ করে। সেই ধর্মকে (বিষয়কে) প্রজ্ঞার দ্বারা অনুসন্ধান ও পরীক্ষা করার ফলে তাঁহার মধ্যে অবিচল বীর্য আরৰ্থ হয়। ভিক্ষুগণ! যে সময়ে ভিক্ষুর সেই ধর্মকে আরৰ্থ হয়, ভিক্ষু বীর্যসম্মোধ্যজ্ঞ ভাবনা করেন, তাঁহার বীর্যসম্মোধ্যজ্ঞ ভাবনা পরিপূর্ণতা লাভ করে। আরৰ্থ বীর্যের নিরামিষ (নিষ্ঠাম) প্রীতি উৎপন্ন হয়। যে সময়ে আরৰ্থবীর্য ভিক্ষুর নিরামিষ প্রীতি উৎপন্ন হয়, সেই তাঁহার প্রীতিসম্মোধ্যজ্ঞ আরৰ্থ হয়, ভিক্ষু প্রীতিসম্মোধ্যজ্ঞ ভাবনা করেন, তাঁহার প্রীতিসম্মোধ্যজ্ঞ ভাবনা পরিপূর্ণতা লাভ করে। প্রীতমনের দেহ শান্ত হয়, চিত্ত শান্ত হয়। যখন প্রীতমন ভিক্ষুর শান্ত হয়, তখন ভিক্ষু প্রশংসিবোধ্যজ্ঞ আরৰ্থ হয়, ভিক্ষু প্রশংসিবোধ্যজ্ঞ ভাবনা করেন পরিপূর্ণতা লাভ করে। সুখসম্পন্ন প্রশংস কায়ের চিত্ত সমাধিষ্ঠ হয়। যখন ভিক্ষুর সুখসম্পন্ন সমাধিষ্ঠ হয়, সেই সময় তাঁহার সমাধিসম্মোধ্যজ্ঞ আরৰ্থ হয়, ভিক্ষু সমাধিসম্মোধ্যজ্ঞ ভাবনা করেন পরিপূর্ণতা লাভ করে। এইভাবে সমাহিত চিত্ত উত্তমরূপে সম্পূর্ণ উপেক্ষাযুক্ত হয়। যে সময়ে ভিক্ষুর সমাহিত চিত্ত উপেক্ষিত হয়, সেই সময়ে তাঁহার উপেক্ষাসম্মোধ্যজ্ঞ আরৰ্থ হয়, পরিপূর্ণতা লাভ করে। যে সময়ে ভিক্ষু বেদনায় চিত্তে ধর্মে ধর্মানুদৰ্শী হইয়া আতাপী দৌর্মনস্য দূরীভূত করেন। সেই সময়ে তাঁহার শৃতি উপস্থিত ও অসংযুক্ত হয়। যখন ভিক্ষুর শৃতি উপস্থিত ও অসংযুক্ত হয়, তখন তাঁহার শৃতিসম্মোধ্যজ্ঞ আরৰ্থ হয় পরিপূর্ণতা লাভ করে। তিনি এইভাবে শৃতিসহকারে বিহার

করার জন্য সেই ধর্মকে প্রজ্ঞার দ্বারা অনুসন্ধান ও পরীক্ষা করিতে পারেন। যখন ভিক্ষু এইভাবে স্মৃতিমান পরীক্ষা করেন, তখন তাঁহার ধর্মবিচয় সম্বোধ্যজ্ঞ আরব্ধ হয় পরিপূর্ণতা লাভ করে। সেই ধর্মকে প্রজ্ঞার দ্বারা অনুসন্ধান ও পরীক্ষা করার ফলে তাঁহার অবিচল বীর্য আরব্ধ হয়। তখন ভিক্ষুর সেই ধর্মকে অবিচল বীর্য আরব্ধ হয় পরিপূর্ণতা লাভ করে। আরব্ধ বীর্যের নিরামিষ প্রীতি উৎপন্ন হয়। যখন আরব্ধবীর্য ভিক্ষুর নিরামিষ প্রীতি উৎপন্ন হয় প্রতিসম্বোধ্যজ্ঞ পরিপূর্ণতা লাভ করে। প্রীতিমনের দেহ শান্ত হয় প্রশংসিসম্বোধ্যজ্ঞ পরিপূর্ণতা লাভ করে। সুখসম্পন্ন প্রশংসকায়ের সম্পূর্ণ উপেক্ষাযুক্ত হয়। যখন সমাহিত চিন্ত সম্পূর্ণ উপেক্ষাযুক্ত হয় উপেক্ষা সম্বোধ্যজ্ঞ পরিপূর্ণতা লাভ করে। ভিক্ষুগণ! এইরূপে চারি স্মৃতি প্রস্থান ভাবিত ও বর্ধিত হইয়া সম্বোধ্যজ্ঞকে পরিপূর্ণ করে।

ভিক্ষুগণ! কিরূপে সম্বোধ্যজ্ঞ ভাবিত হয়? কিরূপে বর্ধিত হইয়া বিদ্যামুক্তিকে পরিপূর্ণ করে? ভিক্ষুগণ! এই স্থলে বিভাবনা বিবেক-বিরাগ-নিরোধ নিশ্চিত (আশ্রিত), বিসর্জন পরিণামী স্মৃতিসম্বোধ্যজ্ঞ ভাবনা করেন। ধর্মবিচয়সম্বোধ্যজ্ঞ, বীর্যসম্বোধ্যজ্ঞ, প্রতিসম্বোধ্যজ্ঞ, প্রশংসিসম্বোধ্যজ্ঞ, সমাধিসম্বোধ্যজ্ঞ, উপেক্ষাসম্বোধ্যজ্ঞ সম্পর্কেও এইরূপ। সম্বোধ্যজ্ঞ এইরূপে ভাবিত ও বর্ধিত হইয়া বিদ্যাবিমুক্তিকে পরিপূর্ণ করে।

ভগবান এইরূপ বলিলেন। ভিক্ষুগণ সন্তুষ্টমনে ভগবানের ভাষণে আনন্দ প্রকাশ করিলেন।

[আনাপান স্মৃতি সূত্র সমাপ্ত]

কায়গতাস্মৃতি সূত্র (১১৯)

আমি এইরূপ শুনিয়াছি :-

এক সময় ভগবান শ্রাবণী সমীপে জেতবনে অনাথপিণ্ডিকের আরামে অবস্থান করিতেছিলেন। অতঃপর একদিন ভিক্ষাচর্যার পর আহার্য গ্রহণান্তে উপস্থান শালায় সমবেত বহু ভিক্ষুর মধ্যে এইরূপ কথা উৎপন্ন হইয়াছিলঃ আচর্য বন্ধুগণ! অচ্ছুত বন্ধুগণ! যে জ্ঞাতা, দৰ্শী, অর্হৎ, সম্যক্ সমুদ্ধি ভগবানের দ্বারা মহাফলপ্রসূ, মহার্থবহু^১ কায়গতা স্মৃতি ভাবিত ও বর্ধিত হইয়াছে। ভিক্ষুদের এই আভ্যন্তরীণ আলোচনা বিপর্যস্ত হইল। অতঃপর

^১ | আনিসঙ্গ অর্থাৎ আশংসা (ইলিত লক্ষ্য) – প্রথম খন্দ, পৃঃ ২২৪ দ্রষ্টব্য।

ভগবান সায়াহকালে ধ্যান হইতে উঠিয়া উপস্থানশালায় গমনপূর্বক প্রজ্ঞান আসনে উপবেশন করিলেন। উপবেশন করিয়া ভগবান ভিক্ষুদিগকে আহবান করিয়া বলিলেন : ‘ভিক্ষুগণ! কি কথা আলোচনার জন্য তোমরা এখানে সমবেত হইয়াছ? কি অন্তরকথা বাধাপ্রাপ্ত হইয়াছে?’

— ভদ্র! আমরা ভিক্ষাচর্যার পর আহারান্তে উপস্থানশালায় সমবেত ও একত্র হইয়াছি। আমাদের মধ্যে এই আভ্যন্তরীণ কথা উৎপন্ন হইয়াছে : আশ্চর্য বন্ধুগণ! বর্ধিত হইয়াছে। ভগবান পৌছিবার পর আমাদের এই আভ্যন্তরীণ আলোচনা বাধাপ্রাপ্ত হইয়াছে।

ভিক্ষুগণ! কিরূপে কায়গতা স্মৃতি ভাবিত, বর্ধিত, মহাফলপ্রসূ ও মহার্থবহু হয়? ভিক্ষুগণ! এইস্থলে কোন ভিক্ষু অরণ্যাগত, বৃক্ষতলগত, শূন্যাগারে প্রবিষ্ট হইয়া দেহকে ঝজু করিয়া লক্ষ্যত্বমুখে স্মৃতি উপস্থাপিত করিয়া পর্যাকাসনে উপবেশন করেন। তিনি ‘স্মৃতিসহকারে শ্঵াসগ্রহণ নিশ্চাস ত্যাগ করিব’ বলিয়া শিক্ষা করেন। এইরূপে অপ্রমত্ত, আতাপী ও সাধনাতৎপর হইয়া বিহার করার ফলে তাহার যে সকল গৃহীসূলত কামনা বাসনা সেইগুলি দূরীভূত হয় এবং দূরীভূত হইবার ফলে চিন্ত অধ্যাত্মাবে সংস্থিত, উপবিষ্ট, কেন্দ্রীভূত ও সমাধিস্থ হয়। এইরূপে ভিক্ষু কায়গতা স্মৃতি ভাবনা করেন।

পুনরায়, ভিক্ষুগণ! ভিক্ষু গমন করিলে, ‘গমন করিতেছি’ বলিয়া প্রকৃষ্টরূপে জানেন, অবস্থান করিলে ‘অবস্থান করিতেছি’, উপবিষ্ট থাকিলে ‘উপবিষ্ট আছি’ শায়িত থাকিলে ‘শায়িত আছি’ বলিয়া প্রকৃষ্টরূপে জানেন, এইরূপে যখন যেইভাবে দেহ বিন্যস্ত হয়, তখন তিনি তাহা সেইভাবেই জানেন। এইরূপে অপ্রমত্ত কায়গতা স্মৃতি ভাবনা করেন।

পুনরায়, ভিক্ষুগণ! ভিক্ষু অভিগমনে, প্রত্যাগমনে, অবলোকনে, বিলোকনে, সংকোচনে, প্রসারণে, সংযাটি-পাত্র-চীবরধারণে, ভোজনে, পানে, খাদনে, আস্বাদনে, মলমৃত্যাগে, গতিতে, স্থিতিতে, উপবেশনে, জাগরণে, ভাষণে, তুষ়ণীভাবে স্মৃতিসম্পজ্ঞান অনুশীলন করেন। এইরূপে অপ্রমত্ত কায়গতা স্মৃতি ভাবনা করেন।

পুনরায়, ভিক্ষুগণ! ভিক্ষু এই শরীরে পদতলের উর্ধ্বভাগ হইতে কেশের অধোভাগ পর্যন্ত তৃকাবৃত দেহে নানাপ্রকার অশুচি পর্যবেক্ষণ করেন : এই দেহে আছে কেশ, লোম, নখ, দন্ত, তৃক, মাংস, স্নায়, অষ্টি, মজ্জা, বৃক্ক, হৃদয়, ঘৃণ্ণ, ক্রেম, পুরা, ফুসফুস, বৃহদান্ত, ক্ষুদ্রান্ত, উদর, পুরীষ, পিণ্ড,

শ্রেষ্ঠা, পুঁজি, রন্ধন, স্বেদ, মেদ, অশু, বসা, ক্ষেত্র, শিকনি, লাসিকা ও মৃত্র। যেমন ভিক্ষুগণ! শালি, বৃহি, মুদ্রা, মাষ, তিল ও তঙ্গুলাদি বিবিধ শস্যপূর্ণ উভয়মুখ মুতলী (ভাণ্ড) উন্মোচিত করিয়া চক্ষুঘান পুরুষ প্রত্যবেক্ষণ করেনঃ এইগুলি শালি, এইগুলি বৃহি, এইগুলি মুদ্রা, এইগুলি মাষ, এইগুলি তিল, এইগুলি তঙ্গুল, তেমনি এই-দেহে পদতলের উর্ধ্বভাগ হইতে মৃত্র। এইরূপে অপ্রমত্ত কায়গতা স্মৃতি ভাবনা করেন।

পুনরায়, ভিক্ষুগণ! ভিক্ষু এই দেহ যেইভাবে অবস্থিত, যেইভাবে বিনাস্ত তাহা ধাতুর দিক্ হইতে প্রত্যবেক্ষণ করেনঃ এই দেহে আছে পৃথিবী ধাতু (ক্ষিতি), অপ্ ধাতু, তেজ ধাতু এবং বায়ু ধাতু। ভিক্ষুগণ! যেমন দক্ষ গোষাতক বা গোষাতক অন্ত্রেবাসী গাভী বধ করিয়া, উহার দেহ অংশাংশীভাবে বিভক্ত করিয়া, তাহা বিক্রয়ার্থ চৌরাণ্ডায় বসিয়া থাকে, তেমনি এই দেহ যেইভাবে অবস্থিত বাযুধাতু। এইরূপে অপ্রমত্ত কায়গতা স্মৃতি ভাবনা করেন।

পুনরায়, ভিক্ষুগণ! যেমন কেহ শাশানে পরিত্যক্ত, একাহমৃত, দ্যহ-মৃত, ত্রাহ-মৃত, স্ফীত, বিবর্ণ, পুঁজপূর্ণ দেখিতে পায়, তেমনি ভিক্ষু উহার সহিত তুলনা করিয়া দেহ সম্পর্কে এই সিদ্ধান্ত করেনঃ এই দেহ সুদৃশধর্মী, ইহাতে এই পরিণাম অবশ্যম্ভাবী, ইহা অনতিক্রম্য। এইরূপে অপ্রমত্ত ভাবনা করেন।

পুনরায়, ভিক্ষুগণ! যেমন কেহ শাশানে পরিত্যক্ত মৃতদেহকে কাক, কুণাল (ঈগল), গুধ, কুকুর, শৃগাল, বিবিধ কৃমিকীট খাইতেছে দেখিতে পায়, তেমনি ভিক্ষু উহার সহিত তুলনা করিয়া অনতিক্রম্য। এইরূপে অপ্রমত্ত ভাবনা করেন।

পুনরায়, ভিক্ষুগণ! যেমন কেহ শাশানে পরিত্যক্ত মৃতদেহকে স্নায়ুবন্ধ, মাংস-লোহিত সম্পন্ন, অস্থিশৃঙ্খল (কজ্জল), স্নায়ুবন্ধ নির্মাণ কিন্তু এখনও অস্থিশৃঙ্খল, স্নায়ুবন্ধ অস্থিশৃঙ্খল কিন্তু অপগতমাংসলোহিত, স্নায়ুসম্বন্ধহীন দিক্বিদিক্বিক্ষিণ অস্থিগুলি, একস্থানে হাতের অস্থি, একস্থানে পায়ের অস্থি, একস্থানে জঙ্গার অস্থি, একস্থানে উরুর অস্থি, একস্থানে কটির অস্থি, একস্থানে পিঠের অস্থি, একস্থানে শীর্ষকটাহ (মাথার খুলি) পড়িয়া রহিয়াছে, এই অবস্থায় দেখিতে পায়; তেমনভাবে উহার সহিত তুলনা করিয়া ভিক্ষু দেহ সম্পর্কে এই সিদ্ধান্ত গ্রহণ করেন অনতিক্রম্য। এইরূপে অপ্রমত্ত

ভাবনা করেন।

পুনরায় ভিক্ষুগণ! যেমন, কেহ শশানে পরিতাক্ত মৃতদেহের অঙ্গুলি শ্রেতশঙ্খবর্ণ-সদৃশ, বর্ষকাল পরে পুঁজীকৃত, গলিত ও চূর্ণীকৃত হইয়াছে দেখিতে পায়, তেমনি উহার সহিত তুলনা করিয়া ভাবনা করেন।

পুনরায়, ভিক্ষুগণ! ভিক্ষু কাম হইতে বিবিক্ত (মুক্ত) হইয়া, অকুশলধর্ম হইতে বিবিক্ত হইয়া সবিতর্ক সবিচার বিবেকজ প্রীতিসুখমণ্ডিত প্রথম ধ্যান লাভ করিয়া তাহাতে অবস্থান করেন^১। তিনি দেহকে বিবেজক প্রীতি-সুখের দ্বারা অভিস্নিগ্ধ, পরিস্নিগ্ধ, পরিপূরিত ও পরিম্ফুরিত করেন; সমগ্র দেহের কোন অংশ বিবেজক প্রীতিসুখের দ্বারা অস্ফুরিত থাকে না। ভিক্ষুগণ! যেমন, দক্ষ স্নাপক অথবা স্নাপক অন্তেবাসী কাংস্যপাত্রে গন্ধচূর্ণাদি আকীর্ণ করিয়া তাহাতে ফোস ফোস জলসিঞ্চন করে এবং তাহাতে গন্ধচূর্ণ স্নেহদু, স্নেহসিঙ্গ, অন্তরে বাহিরে স্নেহস্পষ্ট হয় অথচ গলিত হয় না তেমনভাবেই ভিক্ষু এই দেহকে বিবেকজ অস্ফুরিত থাকে না ভাবনা করেন।

পুনরায়, ভিক্ষুগণ! ভিক্ষু বিতর্ক বিচার উপশমে অধ্যাতসম্প্রসাদী, চিত্তের একীভাব-আন্যানকারী, বিতর্কাতীত, বিচারাতীত, সমাধিজ প্রীতিসুখমণ্ডিত দ্বিতীয় ধ্যান লাভ করিয়া তাহাতে বিহার করেন। তিনি এই দেহকে সমাধিজ প্রীতিসুখের দ্বারা অভিস্নিগ্ধ, পরিস্নিগ্ধ, পরিপূর্ণ ও পরিম্ফুরিত করেন। তাহার সর্বদেহের কোন অংশ সমাধিজ প্রীতিসুখে অস্ফুরিত থাকে না। ভিক্ষুগণ! যেমন, এক গভীর হৃদ আছে যাহার তলদেশ হইতে স্ফৃতঃই জল উৎপাত হয়, সেই হৃদে পূর্ব-পশ্চিম, উত্তর- দক্ষিণ কোন দিকে জল নির্গমনের পথ নাই এবং আকাশের মেঘ যথাকালে প্রচুর বর্ষণ করে না, সেই হৃদ হইতে ঠাণ্ডা বারিধারা উৎসারিত হইয়া ঐ হৃদকে অভিস্নিগ্ধ, পরিস্নিগ্ধ, পরিপূর্ণ ও পরিম্ফুরিত করে, তেমনভাবে ভিক্ষু সমাধিজ ভাবনা করেন।

পুনরায়, ভিক্ষুগণ! ভিক্ষু প্রীতিতেও বিরাগী হইয়া উপেক্ষার ভাবে শৃতিমান ও সম্প্রজ্ঞাত হইয়া অবস্থান করেন। দেহে সুখ অনুভব করেন। আর্যগণ যে ধ্যানন্তরে আরোহণ করিলে ধ্যায়ী, উপেক্ষা সম্পন্ন ও শৃতিমান হইয়া সুখে বিহার করেন বলিয়া বর্ণনা করেন, সেই তৃতীয় ধ্যান লাভ করিয়া তাহাতে অবস্থান করেন। তিনি এই দেহকে প্রীতি নিরপেক্ষ সুখে অভিস্নিগ্ধ অস্ফুরিত থাকে না। ভিক্ষুগণ! যেমন, উৎপল, পদ্ম বা পুরুষীকের মধ্যে কোন

^১ এই অংশগুলি মহাঅস্সপুর সুন্তে উল্লিখিত হইয়াছে।

কোনটি উদকে জাত হইয়া উদকেই সংবর্ধিত, উদকানুগত এবং জলনিমগ্ন অবস্থায় প্রোথিত থাকে, উহার অগ্রভাগ হইতে মূল পর্যন্ত শীত বারি দ্বারা অভিষিক্ত, পরিষিক্ত, পরিপূরিত ও পরিস্ফুরিত হয়, উহার কিছুই শীতবারিতে অস্ফুরিত থাকে না, তেমনি ভিক্ষু এই দেহকে ভাবনা করেন।

পুনরায়, ভিক্ষুগণ! ভিক্ষু (সর্বদৈহিক) সুখদুঃখ পরিত্যাগ করিয়া, পূর্বেই সৌমসন্ধি-দৌর্ঘ্যনস্য অন্তিমিত করিয়া, নাদুঃখ-নাসুখ, উপেক্ষা ও শৃতি পরিশুন্ধ চিত্তে চতুর্থ ধ্যান লাভ করিয়া তাহাতে অবস্থান করেন। তিনি এই দেহকে পরিশুন্ধ ও পরিকৃত চিত্তের দ্বারা স্ফুরিত করিয়া উপরিষ্ট থাকেন। তাহার সর্বদেহের কোন অংশই পরিশুন্ধ ও পরিকৃত চিত্তের দ্বারা অস্ফুরিত থাকে না। ভিক্ষুগণ! যেমন, কোন পুরুষ পরিকৃত বস্ত্রে আপাদমস্তক আবৃত করিয়া উপবেশন করিলে সমগ্র দেহের কোন অংশ অনাবৃত থাকে না, তেমনি ভিক্ষু পরিশুন্ধ ও পরিকৃত চিত্তের দ্বারা ভাবনা করেন।

ভিক্ষুগণ! যাহার মধ্যে কায়গতা শৃতি ভাবিত ও বর্ধিত হয় তাহার মধ্যে বিদ্যাসম্পর্কিত কুশল ধর্ম গভীরভাবে প্রোথিত হয়। যেমন, ভিক্ষুগণ! যাহার মধ্যে সমুদ্গামী নদীগুলি পতিত হয়; সেই মহাসমুদ্র চিত্তের দ্বারা স্ফুরিত হয়, তেমনি, যাহার মধ্যে কায়গতা শৃতি প্রোথিত হয়। ভিক্ষুগণ! যাহার মধ্যে কায়গতা শৃতি অভাবিত ও অবর্ধিত থাকে, তাহার মধ্যে মার প্রবেশ করিয়া স্থিতি (আলস্বন) লাভ করে। যেমন, কোন পুরুষ গুরুতার শিলাপিণ্ড সিন্ত মৃত্তিকান্তুপে প্রক্ষিপ্ত করে, তাহা হইলে, ভিক্ষুগণ! তোমরা কি মনে কর? গুরুতার শিলাপিণ্ড কি সিন্তমৃত্তিকান্তুপে প্রবেশ করিতে পারে?— ইঁয়া, ভদ্র! ঠিক এইরূপে ভিক্ষুগণ! যাহার মধ্যে লাভ করে। ভিক্ষুগণ! ইহা সেইরূপ, যেমন, কোন শুক কাষ্ঠখণ্ড গুচ্ছ আছে, অতৎপর কোন পুরুষ, ‘আমি অগ্নি প্রজ্ঞলিত করিব, তাহাতে উত্তাপ পাইব’, মনে করিয়া উত্তরারণি লইয়া তথায় আসিল। ভিক্ষুগণ, তোমরা কি মনে কর? এই পুরুষ কি উত্তাপ পাইতে পারে? — ইঁয়া ভদ্র! ভিক্ষুগণ! এইরূপ ভাবে যাহার মধ্যে স্থিতি লাভ করে। ভিক্ষুগণ! ইহা সেইরূপ, যেমন, কোন শূন্য রিন্তু উদকপাত্র আধারে স্থিত থাকে এবং কোন পুরুষ উদকভার লইয়া সেখানে আসে। ভিক্ষুগণ! তোমরা কি মনে কর? সেই পুরুষ কি এই পাত্রে জল নিষ্কেপ করিতে পারে?— ইঁয়া ভদ্র! — ভিক্ষুগণ! ঠিক এইরূপে যাহার মধ্যে স্থিতি লাভ করে। আর যাহার মধ্যে স্থিতি লাভ করিতে পারে না। যেমন, কোন পুরুষ লঘু সূত্রগোলক শক্ত

কাছে নির্মিত অর্গলফলকে নিষ্কিণ্ঠ করে। ভিক্ষুগণ! তোমরা কি মনে কর? সেই হাঙ্গা সূত্রগোলক শক্তিকাছে নির্মিত অর্গলফলকে প্রবেশ করিতে পারে?— না, ভদ্র! ভিক্ষুগণ! ঠিক এইরূপে যাহার মধ্যে স্থিতি লাভ করিতে পারে না। ভিক্ষুগণ, যেমন, স্নেহযুক্ত আর্দ্র কাষ্ঠ আছে, কোন পুরুষ আসিয়া ‘অগ্নি প্রজ্বলিত করিয়া উত্তোপ পাইব’ মনে করিয়া উত্তোরাণি লইয়া তথায় আসিল। তোমরা কি মনে কর? সেই পুরুষ কি সেই স্নেহযুক্ত আর্দ্র কাষ্ঠ উত্তোরাণি লইয়া অগ্নি উৎপাদন করিতে ও তেজ (উত্তোপ) উৎপাদন করিতে পারে?— “না, ভদ্র!” ভিক্ষুগণ! ঠিক এইরূপে যাহার মধ্যে স্থিতি লাভ করিতে পারে না। যেমন, কাকপানযোগ্য কানায় কানায় ভর্তি উদকপরিপূর্ণ উদক পাত্র আধারে রক্ষিত আছে। কোন ব্যক্তি উদকভার লইয়া সেখানে আসিল। ভিক্ষুগণ! তোমরা কি মনে কর? ঐ ব্যক্তি কি সেই জলপূর্ণ পাত্রে জল নিষ্কেপ করিয়া ভর্তি করিতে পারে? ‘না ভদ্র!’— ভিক্ষুগণ! ঠিক এইরূপে যাহার মধ্যে কায়গতা স্মৃতি ভাবিত ও বর্ধিত হয় তিনি যে সকল অভিজ্ঞা দ্বারা উপলব্ধির যোগ্য ধর্মের অভিজ্ঞতা উপলব্ধির জন্য চিন্ত নমিত করেন তথায় স্মৃতির প্রয়োজনে প্রত্যক্ষ অভিজ্ঞতা অর্জন করেন। যেমন, কাকপানযোগ্য কানায় কানায় ভর্তি উদকপরিপূর্ণ উদকপাত্র আধারে রক্ষিত আছে এবং কোন বলবান ব্যক্তি আসিয়া বিভিন্ন দিক হইতে পাত্রটি কাত করে, তাহাতে জল পড়িতে পারে?— হ্যাঁ ভদ্র!— ভিক্ষুগণ, ঠিক এইরূপে যাহার মধ্যে কায়গতা স্মৃতি অর্জন করে। যেমন, সমতল ভূমিভাগে চারিদিকে আইলবন্ধ পুকুরিণী কাকপানযোগ্য কানায় কানায় ভর্তি জলপূর্ণ থাকে এবং কোন বলবান ব্যক্তি তথায় আসিয়া আইল উন্মুক্ত করে, তাহাতে কি জল নির্গত হইতে পারে?— “হ্যাঁ, ভদ্র!”

ভিক্ষুগণ! ঠিক এইরূপে যাহার মধ্যে অর্জন করেন। যেমন, স্বত্ত্বমিতে চারিমহাপথের সংযোগস্থলে সুবিনীত, সুদন্ত-অশ্বযুক্ত রথ সুবিন্যস্ত কশাসহ স্থিত হয়, তাহাতে দক্ষ রথাচার্য দম্য-অশ্ব-সারথি আরোহণ করিয়া বামহস্তে রশি ও দক্ষিণহস্তে কশা গ্রহণপূর্বক যেদিকে যেভাবে ইচ্ছা চালনা করিতে পারেন, ভিক্ষুগণ! ঠিক এইরূপে যাহার মধ্যে অর্জন করেন।

ভিক্ষুগণ! কায়গতা স্মৃতি আসেবিত (পালিত), ভাবিত, বর্ধিত, অনুশীলিত, আয়ত্তীভূত, দৃঢ়প্রতিষ্ঠিত, অনুষ্ঠিত, পুষ্ট ও সুসমারুদ্ধ হইলে এই দশটি সুফল প্রত্যাশা করা যায়। দশটি কি কি?

তিনি অরতিসহ^১ ও রতিসহ^২ হন, অরতি তাহার উপর আসিতে সমর্থ হয় না এবং তিনি যেমন যেমন অরতি উৎপন্ন হয়, তাহা অভিভূত করিয়া বিচরণ করেন। তিনি ভয়ভৈরবসহ^৩ হন, ভয়ভৈরব তাহার উপর আসিতে সমর্থ হয় না এবং যেমন যেমন ভয়ভৈরব উৎপন্ন হয় তিনি তাহা অভিভূত করিয়া বিচরণ করেন। তিনি শীতোষ্ণ, শুরুপিপাসা, দৃশ্য-মশক-বাতাতপ-সরীসৃপ-সম্পর্শ সহনক্ষম হন। দুর্বাক্য, উৎপন্ন শারীরিক বেদনা, তীক্ষ্ণ, খর, কটুক, অসাত (বিরক্তিকর), অমনোজ্ঞ এবং প্রাণহর দুঃখ অধিবাসন-সমর্থ হন। তিনি শুন্ধচিত্তায়ও দ্র্যোধর্ম-সুখবিহারস্বরূপ চারিধ্যান অনায়াসে, বিনাকষ্টে ও স্বেচ্ছাক্রমে লাভ করেন। তিনি অনেক প্রকার ঋক্ষি নিজের মধ্যে অনুভূব করেন- এক হইয়া বহু, বহু হইয়া এক হন, ইচ্ছাক্রমে আবির্ভাব-তিরোভাব সাধন করিতে পারেন। প্রাচীর-প্রাকার, ও পর্বত স্পর্শ না করিয়া লঙ্ঘন করিতে পারেন, যেমন, আকাশে গমনের মত। পৃথিবীতে (ছলে) উঠানামা করিতে পারেন। পৃথিবীর মত জলে চলাফেরা করিতে পারেন, আকাশে পর্যাক্ষবন্ধ হইয়া বিহঙ্গগণের মত গমন করিতে পারেন, মহাকায় মহাশক্তিসম্পন্ন চন্দ্রসূর্যকে হস্তধারা স্পর্শ করিতে পারেন, গায়ে হাত বুলাইতে পারেন, আব্রান্তালোক স্ববশে আনিতে পারেন। তিনি দিব্য, পরিশুন্ধ ও অতিমানুষিক শ্রোত্রাধাতু দ্বারা উভয় শব্দ শুনিতে পারেন, যাহা দিব্য ও যাহা মানবীয়, যাহা দূরে ও যাহা নিকটে। তিনি স্বচিত্তে পরস্তা ও পরপুদ্ধালের (অপর ব্যক্তির) চিত্তের অবস্থা প্রকৃষ্টরূপে জানিতে পারেন, চিত্ত সরাগ হইলে সরাগ, বীতরাগ হইলে বীতরাগ, সদ্বেষ হইলে সদ্বেষ, বীতদ্বেষ হইলে বীতদ্বেষ, সমোহ হইলে সমোহ, বীতমোহ হইলে বীতমোহ- সংক্ষিপ্ত (বিক্ষিপ্তের বিপরীত) হইলে সংক্ষিপ্ত, বিক্ষিপ্ত হইলে বিক্ষিপ্ত, মহদ্বাত (মহৎ অবস্থা প্রাপ্ত) হইলে মহদ্বাত, অমহদ্বাত হইলে অমহদ্বাত, স-উক্তর (যাহা অনুভূত নহে) স-উক্তর, অনুভূত হইলে অনুভূত, সমাহিত হইলে সমাহিত, অসমাহিত হইলে অসমাহিত, বিমুক্ত হইলে বিমুক্ত, অবিমুক্ত হইলে অবিমুক্ত বলিয়া জানিতে পারেন। তিনি বহুপ্রকারে বহুবিধ পূর্বজন্ম অনুশৰণ করিতে পারেন, যথা- একজন্ম, দুইজন্ম ইত্যাদি.....এই প্রকারে

^১ সাধনার পথে উৎকর্ষ (প.সু.)।

^২ বিলাসরতি, পঞ্চকামগুণের প্রতি অনুরাগ (প.সু.)।

^৩ ভয় চিত্তের উত্তাস, ত্বের বিভীষিকময় দৃশ্য (প.সু.)।

আকার ও গতি সহ বহুবিধ পূর্বজন্ম অনুশৰণ করেন। তিনি বিশুদ্ধ অতিমানবীয় দিবাচক্ষুদ্বারা অন্য জীবগণকে দেখিতে পারেন, তাহারা চৃত্য হইতেছে, পুনরায় উৎপন্ন হইতেছে, তাহারা হীনোৎকৃষ্ট, সুর্ণ-দুর্বণ, সুগত-দুর্গত এবং কর্মানুসারে গতিপ্রাপ্ত বলিয়া প্রকৃষ্টরূপে জানিতে পারেন। তিনি আসবক্ষয়ে অনাসব হইয়া দৃষ্টধর্মে (প্রত্যক্ষ জীবনে) স্বয়ং অভিজ্ঞ দ্বারা চেতৎবিমুক্তি ও প্রজ্ঞবিমুক্তি সাক্ষাৎকার করিয়া তাহাতে অবস্থিত হইয়া বিহার করেন।

ভিক্ষুগণ! কায়গতাস্মৃতি আসেবিত প্রত্যাশা করা যায়।

ভগবান ইহা বলিলেন। ভিক্ষুগণ সন্তুষ্টচিত্তে ভগবানের ভাষণে আনন্দ প্রকাশ করিলেন।

[কায়গতাস্মৃতি সূত্র সমাপ্ত]

সংক্ষারোৎপত্তি^১ সূত্র (১২০)

আমি এইরূপ শুনিয়াছি :-

এক সময় ভগবান শ্রাবণী সমীপে জেতবনে অনাথপিণ্ডিকের আরামে অবস্থান করিতেছিলেন। তথায় ভগবান ভিক্ষুদিগকে আহ্বান করিলেন : ‘ভিক্ষুগণ!'-‘ভদ্র’ বলিয়া ভিক্ষুগণ প্রত্যক্ষের দিলেন। ভগবান ইহা বলিলেন, ভিক্ষুগণ! তোমাদিগকে সংক্ষারোৎপত্তি সম্পর্কে দেশনা করিব, উত্তমরূপে মনোযোগ সহকারে তাহা শোন, আমি বলিতেছি। “হঁয়া ভদ্র” বলিয়া ভিক্ষুগণ প্রত্যক্ষের দিলেন। ভগবান বলিলেন :-

ভিক্ষুগণ! কোন ভিক্ষু- শুন্ধা, শীল, শুত,^২ ত্যাগ ও প্রজ্ঞা সমন্বাগত হন। তিনি এইরূপ চিন্তা করেন : ‘অহো! আমি মৃত্যুর পর দেহ বিদীর্ণ হইলে পুনরায় বিন্দুশালী ক্ষত্রিয়দের সহব্যতায় আবির্ভূত হইব। তিনি তাহাতে চিন্ত স্থির করেন, অধিষ্ঠান করেন ও ভাবনা করেন। তাহার সেই সংক্ষারও তাহাতে অবস্থান, এইরূপে ভাবিত ও বর্ধিত হইয়া তথায় উৎপত্তির জন্য সংবর্তিত হয়। ভিক্ষুগণ! এই মার্গ, এই প্রতিপদ তথায় উৎপত্তির জন্য সংবর্তিত হয়।

পুনরায়, ভিক্ষুগণ! কোন ভিক্ষু শুন্ধা, প্রজ্ঞা সমন্বাগত হন। বিন্দুশালী ব্রাহ্মণ গৃহপতিদের মধ্যে সংবর্তিত হয়।

^১ এখানে সংক্ষার শব্দটি প্রার্থনা (মনক্ষেপনা) অর্থে ব্যবহৃত হইয়াছে—প.সু.

^২ পাণ্ডিত্য।

পুনরায়, ভিক্ষুগণ! ভিক্ষু শুন্ধা, সমষ্টাগত হন। তিনি এইরূপ শোনেনঃ চাতুর্মহারাজিক দেবগণ দীর্ঘায়, বর্ণময় ও সুখবহুল। তিনি এইরূপ চিন্তা করেন, অহো সংবর্তিত হয়। ত্রয়স্ত্রিংশৎ, যাম, ভূষিত, নির্মাণরতি, পরনির্মিতবশবত্তী দেবগণ সম্পর্কেও এইরূপ।

পুনরায়, ভিক্ষুগণ! কোন ভিক্ষু শুন্ধা, সহস্র ব্রহ্মা দীর্ঘায়, বর্ণময় ও সুখবহুল হন। সহস্র ব্রহ্মা, সহস্র লোকধাতু বিস্ফারিত ও পরিব্যাপ্ত (চিন্তায়) করিয়া অবস্থান করেন। যে সকল জীব তথায় উৎপন্ন হইয়াছে, তাহাদেরও বিস্ফারিত ও পরিব্যাপ্ত করিয়া অবস্থান করেন। যেমন, কোন চক্ষুশান পুরুষ আমন্ত (আমলকী) হাতে রাখিয়া প্রত্যবেক্ষণ করে, ঠিক এইরূপে সহস্র ব্রহ্মা সংবর্তিত হয়। দ্বিসহস্র ব্রহ্মা, ত্রিসহস্র ব্রহ্মা, চতুর্সহস্র ব্রহ্মা, পঞ্চ সহস্র ব্রহ্মা সম্পর্কেও এইরূপ।

পুনরায়, ভিক্ষুগণ! ভিক্ষু শুন্ধা, দশ সহস্র ব্রহ্মা অবস্থান করেন। যেমন, উন্নত জাতীয় অষ্টাংশ সুকর্তিত বৈদুর্যমণি পাঞ্চুরবর্ণ কম্বলে নিষ্কিণ্ড হইলেও দীপ্ত ও ভাস্ফর হয়, ঠিক এইরূপে সংবর্তিত হয়।

পুনরায়, ভিক্ষুগণ! ভিক্ষু শুন্ধা শতসহস্র ব্রহ্মা পরিব্যাপ্ত করিয়া অবস্থান করেন। যেমন, দক্ষকর্মকার পুত্র দ্বারা উঙ্কামুখে সুকোশলে প্রক্ষিণ নিক্ষ ও জামুনদ (সুবর্ণমুদ্রা) পাঞ্চ কম্বলে নিষ্কিণ্ড^১ হইয়া ভাস্ফর, তৎ ও বিরোচিত হয়, ঠিক এইরূপে সংবর্তিত হয়।

পুনরায়, ভিক্ষুগণ! ভিক্ষু শুন্ধা আভাদেবগণ পরিত্বাভা দেবগণ, অপ্রমাণাভা দেবগণ ও আভাস্ফর দেবগণ দীর্ঘায় সংবর্তিত হয়।

পুনরায়, ভিক্ষুগণ! কোন ভিক্ষু শুভ দেবগণ, পরিত্বশুভ দেবগণ, অপ্রমাণশুভ দেবগণ ও শুভাকীর্ণ দেবগণ, বৃহৎ ফল দেবগণ, অবিহ দেবগণ, অতর্প দেবগণ, সুদৰ্শী দেবগণ, অকণিষ্ঠ দেবগণ সম্পর্কেও এইরূপ।

পুনরায়, ভিক্ষুগণ! কোন ভিক্ষু শুন্ধা আকাশ-অনন্ত-আয়তন, (ধ্যানস্তরে) বিজ্ঞান-অনন্ত-আয়তন, অকিঞ্চন-আয়তন, নৈবসংজ্ঞা না সংজ্ঞায়তন ধ্যানস্তরে উপনীত দেবগণ সংবর্তিত হয়।

পুনরায়, ভিক্ষুগণ! কোন ভিক্ষু শুন্ধা সমষ্টাগত হন। তিনি এরূপ চিন্তা করেনঃ অহো! আমি যদি আসব ক্ষয় করিয়া অনাসব চেতোবিমুক্তি ও প্রজ্ঞাবিমুক্তি দ্রষ্টব্যমৰ্মে স্বয়ং অভিজ্ঞ দ্বারা সাক্ষাত্কার করিয়া তাহাতে অবস্থান

^১ রক্তকম্বলে ঘাপিত-পসু।

করিয়া বিহার করিতে পারি! তিনি আসবক্ষয় করিয়া বিহার করেন।
ভিক্ষুগণ! এই ভিক্ষু কোথাও কোনভাবেই উৎপন্ন হন না।

ভগবান ইহা বলিলেন। ভিক্ষুগণ সম্মুষ্টমনে ভগবানের ভাষণে আনন্দ
প্রকাশ করিলেন।

[সংস্কারোৎপত্তি সূত্র সমাপ্ত]

শূন্যতাবর্গ

স্কুদ্র শূন্যতা সূত্র (১২১)

আমি এইরূপ শুনিয়াছি :-

এক সময় ভগবান শ্রাবণী সমীপে পূর্বারামে মৃগার মাতার প্রাসাদে অবস্থান করিতেছিলেন। আযুশ্মান আনন্দ সায়াহ সময়ে সমাধি হইতে উঠিয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট হইয়া আযুশ্মান আনন্দ ভগবানকে বলিলেন : ভদ্র! এক সময় ভগবান শাক্যদের মধ্যে অবস্থান করিতেছিলেন। নগরক একটি শাক্যদের নিগম। তথায় ভগবানের নিকট হইতে আমার দ্বারা এরূপ শুত ও প্রতিগৃহীত হইয়াছে : “আনন্দ! আমি শূন্যতা বিষয়ে ভাবনা করিয়া এখন তাহাতে পর্যাপ্তরূপে অবস্থান করিতেছি।”- ভদ্র! আমার দ্বারা কি তাহা সুশুত, সুগৃহীত, সুমনোনিবিষ্ট ও সুচিত্তিত হইয়াছে?

- নিশ্চয়ই, আনন্দ! তোমার দ্বারা ইহা সুশুত সুচিত্তিত হইয়াছে। পূর্বে ও বর্তমানে শূন্যতা বিহারের দ্বারা পর্যাপ্তরূপে অবস্থান করিতেছি। যেমন, এই মৃগারমাতার প্রাসাদ হষ্টি, গো, অশ্ব, ঘোটকী, স্বর্ণরূপ্য ও স্তৰী পুরুষের সমাবেশ শূন্য (বর্জিত), আবার ইহা ভিক্ষুসংঘ হেতু একত্র^১ বিষয়ে অশূন্যতা। ঠিক এইরূপে, আনন্দ! ভিক্ষু গ্রাম সংজ্ঞায়^২, মনুষ্যসংজ্ঞায় মনোনিবেশ না করিয়া অরণ্যসংজ্ঞাহেতু একত্রে মনোনিবেশ করেন। অরণ্যসংজ্ঞায় তাঁহার চিন্ত প্রকল্পিত (অবতীর্ণ) হয়, শান্ত হয়, স্থিতি লাভ করে এবং বিমুক্ত হয়। তিনি প্রকৃষ্টরূপে জানেন : গ্রাম্য-জীবন ও মনুষ্যজীবন হেতু যে সকল দুর্বিপাক হইতে পারে সেই সকল এখানে নাই। এই দুর্বিপাকমাত্র আছে যাহা অরণ্যজীবনহেতু একত্র। তিনি প্রকৃষ্টরূপে জানেন : গ্রামসংজ্ঞাজনিত এই সংজ্ঞা শূন্য, মনুষ্যসংজ্ঞাজনিত এই সংজ্ঞা শূন্য। অরণ্যসংজ্ঞাজনিত একত্রে ইহা শূন্যতা নহে। তথায় যাহা নাই, তাহাকে তিনি শূন্য বলিয়া সম্বক্রূপে দর্শন করেন। আর তথায় যাহা অবশিষ্ট আছে, সেই সম্পর্কে তিনি প্রকৃষ্টরূপে জানেন, তাহা বলিয়া ইহা আছে। আনন্দ! এইরূপে তাঁহার নিকট ইহা যথার্থ,

^১ একত্রিত একভাবৎ- অর্থাৎ ভিক্ষুসংঘজনিত একাকিত্ব, প. সু।

^২ গ্রাম সংক্রান্ত চিন্মায়।

অবিপর্যন্ত, পরিশুদ্ধ শূন্যতা জ্ঞান বলিয়া প্রতীত হয়।

পুনরায়, আনন্দ! ভিক্ষু মনুষ্যসংজ্ঞায় ও অরণ্যসংজ্ঞায় মনোনিবেশ না করিয়া পৃথিবী সংজ্ঞা হেতু একচে মনোনিবেশ করেন। তাঁহার পৃথিবী সংজ্ঞায় চিন্ত অবতীর্ণ হয়, শান্ত হয়, স্থিতি লাভ করে ও বিমুক্ত হয়। আনন্দ! যেমন, শত লৌহশূলদ্বারা বিন্দু হইয়া বৃষচর্ম মসৃণতাহীন হয়। ঠিক এইরূপে এই পৃথিবীর শুক ও জলাভূমি, নদী ও দৃগ্মস্থান, কণ্টকপূর্ণ গুল্ম, পর্বত ও অসমতল ভূমি ইত্যাদি কোন কিছুতে মনোনিবেশ না করিয়া পৃথিবী সংজ্ঞাহেতু একচে মনোনিবেশ করেন। তাঁহার পৃথিবী সংজ্ঞায় চিন্ত অবতীর্ণ শূন্যতাজ্ঞান হয়।

পুনরায়, আনন্দ! ভিক্ষু অরণ্যসংজ্ঞায় বা পৃথিবী সংজ্ঞায় মনোনিবেশ না করিয়া আকাশ-অনন্ত আয়তন-সংজ্ঞাহেতু একচে মনোনিবেশ করেন। তাঁহার আকাশ-অনন্ত আয়তন সংজ্ঞায় চিন্ত অবতীর্ণ হয় শূন্যতাজ্ঞান হয়। বিজ্ঞান-অনন্ত-আয়তন সংজ্ঞা, অকিঞ্চন-আয়তন সংজ্ঞা, নৈবসংজ্ঞা-না-অসংজ্ঞা আয়তন সংজ্ঞা সম্পর্কেও এইরূপ।

পুনরায়, আনন্দ! ভিক্ষু অকিঞ্চন-আয়তন সংজ্ঞা ও নৈবসংজ্ঞা না-অসংজ্ঞায়তন সংজ্ঞায় মনোনিবেশ না করিয়া অনিমিত্ত চেতৎসমাধি হেতু একচে মনোনিবেশ করেন। তাঁহার অনিমিত্ত চেতৎসমাধিতে চিন্ত অবতীর্ণ এই দুর্বিপাকমাত্র আছে যাহা এই কায়হেতু যড়ায়তনীয় জীবিত প্রত্যয়। তিনি প্রকৃষ্টরূপে জানেন শূন্যতা জ্ঞান বলিয়া প্রতীত হয়।

পুনরায়, আনন্দ! ভিক্ষু বিমুক্ত হয়। তিনি প্রকৃষ্টরূপে জানেন : এই অনিমিত্ত চেতৎসমাধি অভিসংস্কৃত (নির্মিত) এবং চিত্তের দ্বারা উদ্ভাবিত। যাহা কিছু অভিসংস্কৃত ও উদ্ভাবিত তাহা অনিত্য ও নিরোধ-ধর্মী ইহা বুঝিতে পারেন। তাঁহার এইভাবে জানিবার ও দেখিবার ফলে কামাসব, ভবাসব ও অবিদ্যাসব হইতে চিন্ত বিমুক্তি হয়। বিমুক্তিতে বিমুক্ত বলিয়া এই জ্ঞান হয় : পুনর্জন্ম বিনষ্ট হইয়াছে, ব্রহ্মচর্য পালিত হইয়াছে, সমস্ত করণীয় সম্পাদিত হইয়াছে, ইহার পরে আর এইখানে আসিতে হইবে না বলিয়া জানেন। তিনি প্রকৃষ্টরূপে ইহা জানেন : যে সমস্ত দুর্বিপাক কামাসব হেতু হয় তাহা এখানে নাই। শূন্যতা-জ্ঞান বলিয়া প্রতীত হয়। আনন্দ! অর্তীতের যে সকল শ্রমণ-ব্রাহ্মণ পরিশুদ্ধ পরম ও অনুগ্রহ শূন্যতা লাভ করিয়া তাহাতে অবস্থান করিয়াছিলেন, যে সকল অনাগত শ্রমণ-ব্রহ্মণ অবস্থান করিবেন, যে

সকল বর্তমান শ্রমণ-ত্রাঙ্গণ অবস্থান করেন, তাহারা সকলেই সেই শূন্যতা^১ লাভ করিয়া তাহাতে অবস্থান করিয়াছিলেন, করিবেন ও করেন। সুতরাং আনন্দ! পরিশুন্দ্র ও পরম অনুস্তর শূন্যতা লাভ করিয়া তাহাতে অবস্থান করিব”— ইহাই তোমাদের শিক্ষণীয়।

ভগবান ইহা বলিলেন। আযুষ্মান আনন্দ ভগবানের ভাষণে আনন্দ প্রকাশ করিলেন।

[শুন্দ্র শূন্যতা সূত্র সমাপ্ত]

মহাশূন্যতা সূত্র (১২২)

আমি এইরূপ শুনিয়াছি :-

একসময় ভগবান শাক্যরাজ্যে অবস্থান করিতেছিলেন কপিলাবস্তু সমীক্ষে ন্যায়েধারামে। ভগবান পূর্বাহ্নে বহির্গমন বাস পরিধান করিয়া, পাত্রচীবর লইয়া ভিক্ষার জন্য কপিলাবস্তুতে প্রবেশ করিলেন। কপিলাবস্তুতে ভিক্ষাচর্যা করিয়া প্রত্যাবর্তনপূর্বক ভোজনাত্তে কাঢ়ক্ষেমক শাকেয়ের বিহারে দিবা বিহারের জন্য উপস্থিত হইলেন। সেই সময়ে কাঢ়ক্ষেমক শাকেয়ের বিহারে বহু শয়নাসনের শয্যাদ্রব্য সমর্পিত বাসস্থানের ব্যবস্থা ছিল। ভগবান সেইসকল শয়নাসন দেখিলেন। দেখিয়া ভগবান চিন্তা করিলেন : কাঢ়ক্ষেমক শাকেয়ের বিহারে বহু শয়নাসনের ব্যবস্থা আছে। “এখানে অনেক ভিক্ষু থাকে কি”? এই চিন্তা করিলেন।

সেই সময়ে আযুষ্মান আনন্দ বহু ভিক্ষুর সহিত ঘটায় শাকেয়ের বিহারে চীবরকর্ম করিতেছিলেন। ভগবান সায়াহৃত সময়ে সমাধি হইতে উঠিয়া ঘটায় শাকেয়ের বিহারে উপস্থিত হইয়া নির্দিষ্ট আসনে উপবেশন করিলেন। উপবেশন করিয়া ভগবান আযুষ্মান আনন্দকে আহ্বান করিলেনঃ আনন্দ! কাঢ়ক্ষেমক শাকেয়ের বিহারে বহু শয়নাসনের ব্যবস্থা আছে। এখানে বহু ভিক্ষু বাস করে কি?

ভদ্র! কাঢ়ক্ষেমক শাকেয়ের বিহারে বহু শয়নাসনের ব্যবস্থা আছে। এখানে অনেক ভিক্ষু বাস করেন। এখন আমাদের চীবর প্রস্তুত করিবার সময়।

^১ শূন্যতা ফল সমাপ্তি— প.সু।

^২ ইহা ন্যায়েধারামে নির্মিত অন্য একটি বিহার— প.সু।

আনন্দ! কোন ভিক্ষুর সঙ্গণিকারাম^১, সঙ্গণিকারত, সঙ্গণিকানুলিঙ্গ বা গণারাম^২, গণরত, গণসমুদ্দিত হওয়া শোভা পায় না। বাস্তবিক, আনন্দ! ইহা সম্ভব নহে যে কোন ভিক্ষু সঙ্গণিকারাম গণসমুদ্দিত হইয়া অনায়াসে, স্বেচ্ছা ক্রমে ও আনন্দ সহকারে নৈক্ষেম্যসুখ, বিবেকসুখ, উপশমসুখ ও সম্মেধিসুখ লাভ করিবেন। ইহা সম্ভব যে ভিক্ষু গণ হইতে ব্যপকৃষ্ট (পৃথক) হইয়া একাকী বিচরণ করেন, তাহার নিকট প্রত্যাশা করা যায় যে তিনি অনায়াসে, স্বেচ্ছাক্রমে ও আনন্দ সহকারে নৈক্ষেম্য সুখ সম্মেধি সুখ লাভ করিবেন। বাস্তবিক আনন্দ! ইহা সম্ভব নহে যে কোন ভিক্ষু সঙ্গণিকারাম গণসমুদ্দিত হইয়া অনায়াসে, স্বেচ্ছাক্রমেও আনন্দ সহকারে সামায়িক^৩ কাষ্ট (মনোজ্জ) চেতোবিমুক্তি বা অসামায়িক অবিচল চেতোবিমুক্তি লাভ করিয়া তাহাতে অবস্থান করেন। বরং ইহা সম্ভব যে ভিক্ষুগণ হইতে ব্যপকৃষ্ট হইয়া অবস্থান করিবেন। আনন্দ! আমি কোন একটি রূপ^৪ দেখি না যেখানে রাগ বশে আনন্দরত রূপের বিপরিনাম ও অন্যথাভাবহেতু শোক, রোদন, দুঃখ, দৌর্ঘ্যস্য, উপায়স উৎপন্ন হইবে না।

কিন্তু, আনন্দ! এই অবস্থান যাহা সর্বনিমিত্তের অমনোনিবেশ হেতু অধ্যাত্মন্যতা লাভ করিয়া অবস্থান, তাহা তথাগতের দ্বারা অভিসমুদ্ধ হইয়াছে। যদি এইরূপে অবস্থানরত তথাগতের নিকট ভিক্ষু-ভিক্ষুণী, উপাসক, উপাসিকা, রাজা, রাজমহামাত্য, তীর্থিক ও তীর্থিক শিষ্যগণ উপস্থিত হন। বিবেকভিমুখী, বিবেকপ্রবণ, বিবেক-প্রাগ্ভার, ব্যপকৃষ্ট, নৈক্ষেম্যাতিক্রম চিত্তে আসবের ভিত্তি বিনষ্ট করিয়া তথাগত তাহাদিগকে উৎসাহ ব্যঞ্জক কথা বলেন। সুতরাং, আনন্দ! যদি কোন ভিক্ষু আকাঞ্চ্ছা করেন : ‘অধ্যাত্মন্যতা লাভ করিয়া তাহাতে অবস্থান করিব’ তাহা হইলে সেই ভিক্ষুর দ্বারা চিত্তকে সংস্থাপিত, সন্নিবিষ্ট, একাগ্র ও সমাহিত করা উচিত।

আনন্দ! ভিক্ষু কিরূপে অধ্যাত্মভাবে চিত্তকে প্রতিষ্ঠিত, সন্নিবিষ্ট একাগ্র ও সবিন্যস্ত করেন? এই ছলে ভিক্ষু কাম হইতে বিবিক্ত হইয়া, অকুশলধর্ম হইতে

^১ সঙ্গণিকারাম অর্থে স্থীয় দলের সদস্যদের মধ্যে আনন্দলাভী।

^২ বিভিন্ন দলে আনন্দলাভী।

^৩ অশ্পিত শ্পিত সময়ে কিলেসেহি বিমুক্তঃ-প.সু।

^৪ বৃদ্ধ ঘোষের মতে শরীর প.সু।

বিবিক্ত হইয়া সবির্তক সবিচার বিবেকজ প্রীতিসুখমণ্ডিত প্রথম ধ্যান লাভ করিয়া তাহাতে অবস্থান করেন। বিতর্ক-বিচার উপশমে অধ্যাত্মসম্প্রসাদী, চিন্তের একাগ্রভাব আনয়নকারী অবিতর্ক, অবিচার, সমাধিজ প্রীতিসুখমণ্ডিত দ্বিতীয় ধ্যান তৃতীয় ধ্যান, চতুর্থ ধ্যান লাভ করিয়া তাহাতে অবস্থান করেন। এইরূপে আনন্দ! ভিক্ষু অধ্যাত্মভাব চিন্তকে প্রতিষ্ঠিত সুবিন্যন্ত করেন।

তিনি অধ্যাত্ম শূন্যতাতে মনোনিবেশ করেন, অধ্যাত্ম শূন্যতায় মনোনিবেশ করিবার জন্য অধ্যাত্ম শূন্যতা হইতে চিন্ত প্রকল্পিত হয় না, প্রশাস্তি ও ছিতি লাভ করে না এবং বিমুক্তি লাভ করে না। ইহাতে ভিক্ষু প্রকৃষ্টরূপে জানেন : অধ্যাত্ম শূন্যতায় মনোনিবেশ করার জন্য আমার চিন্ত বিমুক্তি হয় না। এইভাবে তিনি সম্পজ্ঞাত হন। তিনি বহির্শূন্যতায় মনোনিবেশ করেন, তিনি অধ্যাত্মবহির্শূন্যতায় মনোনিবেশ করেন, তিনি অনিষ্টে (সমাধি) মনোনিবেশ করেন, অনিষ্টে মনোনিবেশ করার জন্য তাহার চিন্ত বিমুক্তি লাভ করে না। ইহাতে তিনি সম্পজ্ঞাত হন। আনন্দ! পূর্ব সমাধিনিমিত্তে ভিক্ষুর অধ্যাত্মভাব চিন্তকে সংস্থাপিত, সন্নিবিষ্ট, একাগ্র ও সমাহিত করা উচিত। তিনি অধ্যাত্ম শূন্যতায় মনোনিবেশ করেন বিমুক্তি লাভ করে না। ইহাতে ভিক্ষু প্রকৃষ্টরূপে জানেন অনিষ্টে হইতে চিন্ত প্রকল্পিত হয় এইরূপে তিনি সম্পজ্ঞাত হন।

যদি, আনন্দ! সেই ভিক্ষুর এইভাবে অবস্থান করিবার সময় চক্রমণের জন্য চিন্ত নমিত হয়, তিনি চক্রমণ করেন এবং এইরূপ চিন্তা করেন : ‘এইরূপে চক্রমণকালে কোন অভিধ্যা, দৌর্মনস্য, পাপ ও অকুশলদৰ্শ আমার মধ্যে অনুস্থাবিত হইবে না’— ইহাতে তিনি সম্পজ্ঞাত হন। সেই ভিক্ষুর এইভাবে বিহার করিবার সময়, দাঁড়াইবার জন্য উপবেশনের জন্য শয়নের জন্য ইহাতে তিনি সম্পজ্ঞাত হন। যদি ভিক্ষুর এইরূপে অবস্থান করিবার সময় এই চিন্তা করিয়া ভাষণের জন্য চিন্ত নমিত করেন, যে সমষ্ট কথা হীন, গ্রাম্য, সাধারণ, অনার্থোচিত, অনর্থযুক্ত যাহা নির্বেদের অভিমুখে, বিরাগের অভিমুখে, নিরোধের অভিমুখে, উপশমের অভিমুখে, অভিজ্ঞার অভিমুখে, সম্মোধির অভিমুখে, নির্বাগের অভিমুখে, সংবর্তিত হয় না, যথা : রাজকথা, চোরকথা, মহামাত্যকথা, সেনাকথা, ভয়কথা, যুদ্ধকথা, অনুকথা, পানকথা, বস্ত্রকথা, শয়নকথা, মাল্যকথা, গন্ধকথা, জ্ঞাতিকথা, যানকথা,

গ্রামকথা, নিগমকথা, নগরকথা, জনপদকথা, স্তীকথা, শূরকথা, বিশিখা (যোন্তাবাসী) কথা, কুস্তমুন (জলঘাটে কুস্তদাসীদের) কথা, পূর্বপ্রেত কথা, নানাতৃকথা, লোক-আখ্যায়িকা, সমুদ্র-আখ্যায়িকা, ইতি ভবাভব (এরূপ হইয়াছে বা এরূপ হয় নাই) কথা ইত্যাদি এইরূপ কথা বলিব না। এইরূপে তিনি সম্পজ্ঞাত হন। কিন্তু, আনন্দ! যে সমস্ত কথা কঠোরভাবে সংযত এবং চেতভাবনোয়োগী যাহা সম্পূর্ণরূপে নির্বেদের অভিমুখে সংবর্তিত হয় যথা : অল্লেছাকথা, সন্তুষ্টিকথা, প্রবিবেককথা, অসংসর্গকথা, বীর্যারস্তকথা, শীলকথা, সমাধিকথা, প্রজ্ঞাকথা, বিমুক্তিকথা, বিমুক্তিজ্ঞানদর্শনকথা, ইত্যাদি, এইরূপ কথা বলিব। এইরূপে তিনি সম্পজ্ঞাত হন। যদি সেই ভিক্ষুর এইরূপে অবস্থানের সময় এইরূপ বিতর্কের জন্য চিন্তা নমিত হয় : যে সকল বিতর্ক ইন, গ্রাম্য সংবর্তিত হয়, যথা : কামবিতর্ক, ব্যাপাদবিতর্ক, বিহিংসাবিতর্ক ইত্যাদি বিতর্কে আমি বিতর্ক করিব না, এইরূপে তিনি সম্পজ্ঞাত হন। যে সকল বিতর্ক আর্যোচিত, মুক্তি অনুযায়ী যাহা তদনুবর্তী ব্যক্তির পক্ষে সম্যক্তভাবে দুঃখক্ষয়ের উপায় হয়, যথা— নৈক্ষম্যবিতর্ক, অব্যাপাদবিতর্ক, অবিহিংসাবিতর্ক, ইত্যাদি বিতর্কে আমি বিতর্ক করিব— এইরূপে তিনি সম্পজ্ঞাত হন।

আনন্দ! এইসকল পঞ্চকামগুণ। কি কি পঞ্চ? চক্ষুবিজ্ঞেয়রূপ ইষ্ট, কান্ত, মনোজ্ঞ, প্রিয়রূপ, কামসংযুক্ত, মনোরঞ্জক। শ্রোত্রবিজ্ঞেয় শব্দ, ঘ্রাণবিজ্ঞেয় গন্ধ, জিহ্বাবিজ্ঞেয় রস, কায়বিজ্ঞেয় স্প্রষ্টব্য ইষ্ট মনোরঞ্জক- এই সকল পঞ্চ কামগুণ। আনন্দ! ভিক্ষুর অভিক্ষণ (সতত) স্থীর চিন্তে এরূপ প্রত্যবেক্ষণ করা উচিত : আমার চিন্তে কি এই সকল পঞ্চ কামগুণের কোন একটির আয়তনে সমুদাচার উৎপন্ন হয়? যদি, আনন্দ! প্রত্যবেক্ষণকালে ভিক্ষু প্রকৃষ্টরূপে জানেন : আমার চিন্তে উৎপন্ন হয়, এইরূপ হইলে ভিক্ষু প্রকৃষ্টরূপে জানেন : পঞ্চকামগুণে যে ছন্দরাগ, তাহা আমার মধ্যে প্রহীন হয় নাই। এইরূপে তিনি সম্পজ্ঞাত হন। যদি, আনন্দ! প্রত্যবেক্ষণকালে তিনি এইরূপ প্রকৃষ্টরূপে জানেন : আমার চিন্তে উৎপন্ন হয় না, এইরূপ হইলে ভিক্ষু জানেন : আমার মধ্যে প্রহীন হইয়াছে— এইরূপে তিনি সম্পজ্ঞাত হন।

আনন্দ! এই পঞ্চউপাদান স্ফৰ্প যাহাতে ভিক্ষুর উদয়-ব্যয়ানুদৰ্শী হইয়া অবস্থান করা উচিত। ইহা রূপ, ইহা রূপের সমুদয়, ইহা রূপের অঙ্গমন।

বেদনা, সংজ্ঞা, সংক্ষার, বিজ্ঞান সম্পর্কেও এইরূপ। তাহার এই পঞ্চ-উপাদান-ক্ষম্ভে উদয়-ব্যয়ানুদৰ্শী হইয়া অবস্থানহেতু পঞ্চ-উপাদান-ক্ষম্ভে ‘আমি আছি’ যে অভিমান, তাহা পরিত্যাগ করেন। এইরূপ হইলে ভিক্ষু প্রকৃষ্টরূপে জানেন : পঞ্চ-উপাদান ক্ষম্ভে আমার ‘আমি আছি’ যে অভিমান, তাহা পরিত্যক্ত হইয়াছে— তিনি এইরূপে সম্প্রজ্ঞাত হন। আনন্দ! এই ধর্ম সম্পূর্ণরূপে কুশলোভূত, আর্য্য (নির্দোষ), লোকোন্তর ও পাপমুক্ত।

আনন্দ! তুমি কি মনে কর? কি উপকারিতা দেখিয়া শিষ্য শান্তাকে অনুসরণ করা উচিত মনে করে?— ভদ্র! আমাদের ধর্ম ভগবান মূলক, ভগবান পরিচালিত ও ভগবান আশ্রিত। সাধু, ভদ্র! ভগবান সম্পর্কে এই ভাষণের অর্থ প্রকাশ করুন। ভগবানের নিকট হইতে ভিক্ষুগণ অবধারণ করিবেন।

আনন্দ! সুত্র ও গেয় বিশ্বেষণের জন্য শান্তাকে অনুসরণ করা শিষ্যের উচিত নয়। তাহা কি হেতু? আনন্দ! দীর্ঘকাল ধরিয়া ধর্মশূত, (সুন্দররূপে) ধৃত, আবৃত্তি দ্বারা সুপরিচিত, মন দ্বারা অনুবীক্ষিত এবং প্রজ্ঞার দ্বারা সুপ্রতিবিন্দু। যে সকল কথা কঠোরভাবে সংযত বিমুক্তিজ্ঞান দর্শন কথা এইরূপ কথার জন্য শান্তাকে অনুসরণ করা শিষ্যের পক্ষে উপযোগী।

আনন্দ! এইরূপ হইলে আচার্যের পক্ষে উপদ্রব, অন্তেবাসীর পক্ষে উপদ্রব, ব্রহ্মচর্যের পক্ষে উপদ্রব হয়। কিরূপে আচার্যের পক্ষে উপদ্রব হয়? কোন শান্তা নির্জন শয়নাসন (বাসস্থান) ভজনা করেন, যথা— অরণ্য, বৃক্ষমূল, পর্বত, কল্পর, গিরিগুহা, শুশান, বনখণ্ড, উন্মুক্ত প্রান্তর ও পলালপুঞ্জ। তাহার ব্যপূর্ক্যট (বিবিক্ত) হইয়া অবস্থানকালে ব্রাহ্মণ গৃহপতি, নিগমবাসী ও জনপদবাসী তাঁহার চারিপাশে জড় হয়। উহাদের দ্বারা সমাবৃত হইলে তিনি মৃহিত (মোহিত), কামযুক্ত, ইর্ষাপরায়ন ও প্রাচুর্যের জন্য আবর্তিত হন। আনন্দ! ইহাকেই বলা হয় উপদ্রুত আচার্য। আচার্য-উপদ্রব হেতু সংক্রেশ্যুক্ত, পুনর্জন্মাদায়ী, ভয়জনক, দুঃখবিপাকী, জন্ম-জরামরণ-পরিণামী পাপ ও অকুশল ধর্ম তাঁহাতে আহত করে। এইরূপে আচার্য-উপদ্রব হয়। আনন্দ! কিরূপে অন্তেবাসী উপদ্রব হয়? সেই শান্তার বিবেক (নির্জনবাস) অভ্যাস করিবার কালে নির্জন শয়নাসন ভজনা করেন যথা এইরূপে অন্তেবাসী উপদ্রব হয়।

আনন্দ! কিরূপে ব্রহ্মচর্য-উপদ্রব হয়? আনন্দ! তথাগত অর্হৎ সম্যক সমুদ্ধি, বিদ্যাচরণসম্পন্ন, সুগত, লোকবিদ্, অনুক্তর পুরুষদম্য সারাথি,

দেবমনুষ্যের শাস্তা, বৃদ্ধ, ভগবান এই পৃথিবীতে আবির্ভূত হন। তিনি বিবিক্ত শয়নাসন ভজনা প্রাচুর্যের জন্য আবর্তিত হন না। কিন্তু এই আচার্যের শিষ্য এইরূপে ব্রহ্মচর্য-উপদ্রব হয়।

আনন্দ! ইহাদের মধ্যে আচার্য উপদ্রব ও অন্তেবাসী উপদ্রব অপেক্ষা ব্রহ্মচর্য-উপদ্রব অধিকতর দুঃখ পরিণামী, কটুক পরিণামী এবং বিনিপাতের জন্য সংবর্তিত হয়। সুতরাং তোমারা আমার প্রতি মিত্রবৎ আচরণ কর, শত্রুবৎ নহে, ইহা তোমাদের পক্ষে দীর্ঘকাল হিত ও সুখের কারণ হইবে। আনন্দ! কিরূপে শিষ্যগণ শাস্তার প্রতি শত্রুবৎ আচরণ করে, মিত্রবৎ নহে? এইস্থলে অনুকম্পা হিতৈষী শাস্তা অনুকম্পাৰ্বক শিষ্যদের ধর্ম দেশনা করেন : ইহা তোমাদের হিতের জন্য, ইহা তোমাদের সুখের জন্য। কিন্তু তাঁহার শিষ্যগণ মনোযোগসহকারে শোনেন না, কর্ণপাত করেন না। অন্য বিষয়ে চিন্ত-উপস্থাপিত করেন এবং শাস্তার অনুশাসন হইতে দূরে সরিয়া যান। এইরূপে তাঁহার শিষ্যগণ শত্রুবৎ নহে। আনন্দ! কিরূপে শাস্তার শিষ্যগণ মিত্রবৎ আচরণ করেন, শত্রুবৎ নহে? এইস্থলে অনুকম্পাকারী দূরে সরিয়া যান না। এইরূপে তাঁহার শিষ্যগণ নহে।

সেইজন্য তোমরা আমার প্রতি সুখের কারণ হইবে। আনন্দ! আমি তোমাদের প্রতি সেইরূপ পরাক্রম প্রদর্শন করিব না যেইরূপ একজন কুস্তিকার অদৃশ, অশুশ্র মৃত্যুত্বে করিয়া থাকে। আমি নিরন্তর নিশ্চিহ্ন করিয়া মালিন্য দূর করিয়া কথা বলিব। যাহা সারবান তাহা ছায়ী হইবে।

ভগবান ইহা বলিলেন। আয়ুষ্মান আনন্দ সন্তুষ্টমনে ভগবানের ভাষণে আনন্দ প্রকাশ করিলেন।

[মহাশূন্যাতা সূত্র সমাপ্ত]

আচর্য-অঙ্গুতধর্ম সূত্র (১২৩)^১

আমি এইরূপ শুনিয়াছি :-

একসময় ভগবান শ্রাবণী সমীপে জেতবনে অনাথপিণ্ডিকের আরামে অবস্থান করিতেছিলেন। সেই সময় বহু ভিক্ষু ভিক্ষাচর্য্যা হইতে প্রত্যাবর্তন করিয়া ভোজনাত্তে উপস্থানশালায়^২ সমবেত হইয়া এইকথা আলোচনা

^১ এই সূত্রটি দীর্ঘনিকায়ের মহাপদান সূত্রের অন্তর্ভুক্ত আছে।

^২ সভাকক্ষ।

করিতেছিলেন : আশ্চর্য, বন্ধুগণ! অদ্ভুত, বন্ধুগণ! তথাগতের কি মহিমা! কি মহানুভবতা! যেহেতু তথাগত, অতীতের বুদ্ধগণ যাহারা পরিনির্বাণপ্রাপ্ত, ছিন্পপঞ্চ, ছিন্নাবর্ত^১, কর্মাবর্ত, ক্ষয়সাধক ও সর্বদুঃখমুক্ত হইয়াছেন, তাঁহাদের জানিতে পারেন : ঐ সকল ভগবান এই এই জাতি হইতে উদ্ভুত, এই এই নাম ও গোত্র যুক্ত। এইরূপ শীল ও ধর্মসম্পন্ন, এইরূপ প্রজ্ঞা এইরূপ তাঁহাদের জীবনযাত্রা প্রণালী, এইরূপে বিমুক্ত ছিলেন। এইরূপ কথিত হইলে আযুশ্মান আনন্দ সেই ভিক্ষুদিগকে বলিলেন, বন্ধুগণ! ইহা আশ্চর্য ও অদ্ভুত যে তথাগতগণ আশ্চর্য ও অদ্ভুতধর্ম সমন্বাগত ছিলেন।

সেই ভিক্ষুদের এই আলোচকথা বাধাপ্রাপ্ত হয়। ভগবান সায়াহে সমাধি হইতে উঠিয়া উপস্থানশালায় উপস্থিত হইয়া নির্দিষ্ট আসনে উপবেশন করিলেন। উপবেশন করিয়া ভগবান ভিক্ষুদিগকে সম্মোধন করিয়া বলিলেন : ভিক্ষুগণ! তোমরা এখানে কি আলোচনার জন্য সমবেত হইয়াছ? কি আলোচ কথাই বা বাধাপ্রাপ্ত হইল?

তদন্ত! এখানে আমরা ভিক্ষাচর্য্যা বাধাপ্রাপ্ত হইল, তখন ভগবান আসিয়া উপস্থিত হইয়াছেন।

অতঃপর ভগবান আযুশ্মান আনন্দকে সম্মোধন করিয়া বলিলেন : তাহা হইলে আনন্দ! তথাগতের আশ্চর্য অদ্ভুতধর্ম উন্নতমূল্যে প্রকাশ কর।

তদন্ত! ভগবানের নিকট হইতে সাক্ষাৎ আমি ইহা শুনিয়াছি, সাক্ষাৎ জানিয়াছি : ‘আনন্দ! স্মৃতিমান ও সম্প্রজ্ঞাত হইয়া বৌধিসন্তু তুষিত দেবলোকে আবির্ভূত হইয়াছেন’। তদন্ত! যেহেতু বৌধিসন্তু স্মৃতিমান ও সম্প্রজ্ঞাত হইয়া তুষিত দেবলোকে আবির্ভূত হইয়াছেন, সেইজন্য আমি ইহাকে ভগবানের আশ্চর্য অদ্ভুতধর্ম বলিয়া গণ্য করি।

তদন্ত! ভগবানের নিকট হইতে সাক্ষাৎ তুষিত দেবলোকে বৌধিসন্তু স্মৃতিমান ও সম্প্রজ্ঞাত হইয়া অবস্থান করিয়াছিলেন গণ্য করি। তদন্ত! যতদিন আযুক্ষাল ততদিন তুষিত দেবলোকে অবস্থান করিয়াছিলেন গণ্য করি। বৌধিসন্তু স্মৃতিমান ও সম্প্রজ্ঞাত হইয়া তুষিত দেবলোক হইতে চ্যুত হইয়া মাত্রকুক্ষিতে প্রবেশ করিলেন গণ্য করি।

তদন্ত! যখন বৌধিসন্তু দেবলোক হইতে চ্যুত হইয়া মাত্রকুক্ষিতে প্রবেশ করেন, তখন দেবলোক, মারলোক, ব্ৰহ্মলোক, এবং শ্ৰমণ, ব্ৰাহ্মণ ও

^১ কুশল-অকুশলকৰ্মের আবৰ্ত্ত- প.সু.

দেবমনুষ্যের সহিত এই পৃথিবীতে দেবগণের দেবানুভাব অতিক্রম করিয়া অপরিমিত মহান আলোকের প্রকাশ হয়, অনন্ত ঘন অন্ধকারাচ্ছন্ন লোকস্তুরিত নিরয় যে স্থানে মহাশক্তি সম্পন্ন ও মহানুভব চন্দ্র সূর্যের কিরণও প্রবেশ করিতে অক্ষম, সেই স্থানেও দেবগণের দেবানুভাব অতিক্রম করিয়া অপরিমিত মহান আলোকের প্রকাশ হয়, যে সকল প্রাণি ঐ স্থানে উৎপন্ন হইয়াছে তাঁহারাও ঐ আলোকে পরম্পরাকে জানিতে সক্ষম হয় : “ওহে, অন্যান্য প্রাণিও এই স্থানে উৎপন্ন হইয়াছে”। দশ সহস্র জগৎ সম্পন্ন এই ব্ৰহ্মাণ্ড কম্পিত হয়, প্রকম্পিত হয়, সঞ্চালিত হয়, দেবগণের দেবানুভাব অতিক্রম করিয়া অপরিমেয় বিপুল আলোক প্রাদুর্ভূত হয়। গণ্য করি।

তদন্ত! যখন বৌধিসত্ত্ব মাতৃকুক্ষিতে প্রবিষ্ট হন তখন তাঁহার রক্ষার জন্য চারি দেবপুত্র চারিদিকে গমন করেন : মনুষ্য অথবা অমনুষ্য কেহই যেন বৌধিসত্ত্ব অথবা তদীয় মাতার অনিষ্ট সাধন করিতে না পারে।” গণ্য করি।

তদন্ত! যখন বৌধিসত্ত্ব মাতৃকুক্ষিতে প্রবিষ্ট হন, তখন তাঁহার মাতা স্বভাবতঃ শীলবতী হন, প্রাণাতিপাত, অদ্বিতীয়, ব্যতিচার, মৃষাবাদ, সুরা মৈরেয় মদ্যাদি প্রমাদ স্থান হইতে বিরত হন। গণ্য করি।

তদন্ত! যখন বৌধিসত্ত্ব মাতৃকুক্ষিতে প্রবিষ্ট হন, তখন তাঁহার মাতা পুরুষের প্রতি রাগোপসংহিত চিন্ত উৎপাদন করেন না। তিনি রক্তচিন্ত পুরুষ কৃত্তক অনতিক্রম্যা গণ্য করি।

তদন্ত! যখন প্রবিষ্ট হন, তখন তাঁহার মাতা পঞ্চ কামগুণজনিত সুখের অধিকারিণী হন, তিনি পঞ্চকামগুণের সমর্পিত, সমজীভূত ও পরিবেষ্টিত হন। গণ্য করি।

তদন্ত! যখন প্রবিষ্ট হন, তখন তাঁহার মাতার কোন রোগ উৎপন্ন হয় না। তিনি অক্লান্তদেহে সুখ অনুভব করেন, কুক্ষিনিষ্কান্ত বৌধিসত্ত্বকে তিনি সর্বাঙ্গ, প্রত্যক্ষ এবং সর্বেন্দিয়সম্পন্ন দেখেন। যেমন, আনন্দ! শুভ, উচ্চশ্রেণীতৃত্ত অফ্টাংশ, সুকর্তিত বৈদুর্যমণি নীল, পীত, লোহিত, অবদাত (সাদা) অথবা পাঞ্চুরবণ সূত্রে গ্রথিত আছে, কোন চক্ষুশ্মান পুরুষ উহা হস্তে লইয়া প্রত্যবেক্ষণ করেন : এই শুভ গ্রথিত হইয়াছে, ঠিক এইরূপে যখন বৌধিসত্ত্ব গণ্য করি।

তদন্ত! বৌধিসত্ত্বের জন্মের সপ্তাহকাল পরে তাঁহার মাতা দেহত্যাগ

করেন এবং তুষিত দেবলোকে উৎপন্ন হন। গণ্য করি।

তদন্ত! ভগবানের নিকট হইতে সাক্ষাৎ যেমন অন্য স্তীরা নয় বা দশমাস গর্ভ ধারণ করিয়া প্রসব করে, বোধিসত্ত্বের মাতা এইরূপে তাঁহাকে প্রসব করেন নাই, পূর্ণ দশ মাস তাঁহাকে গর্ভে ধারণ করিয়া প্রসব করেন। গণ্য করি।

তদন্ত! ভগবানের নিকট হইতে সাক্ষাৎ যেমন অন্য স্তীরা উপবিষ্ট অথবা শায়িত অবস্থায় প্রসব করে, বোধিসত্ত্বের মাতা এইরূপে বোধিসত্ত্বকে প্রসব করেন না। তিনি দণ্ডায়মান অবস্থায় বোধিসত্ত্বকে প্রসব করেন। গণ্য করি।

তদন্ত! যখন বোধিসত্ত্ব মাতৃকুক্ষি হইতে নিষ্ক্রান্ত হন, তখন দেবগণ তাঁহাকে গ্রহণ করেন, পরে মনুষ্যগণ। গণ্য করি।

তদন্ত! যখন বোধিসত্ত্ব মাতৃকুক্ষি হইতে নিষ্ক্রান্ত হন, তখন তিনি ভূমির স্পর্শ লাভ করেন নাই, চারি দেবগুরু তাঁহাকে গ্রহণ করিয়া মাতার সম্মুখে স্থাপিত করেন এবং বলেন ‘দেবী, প্রসন্ন হউন, আপনার মহাশক্তিসম্পন্ন পুত্র উৎপন্ন হইয়াছে।’ গণ্য করি।

তদন্ত! নিষ্ক্রান্ত হন, তখন তিনি নির্মল জল, শ্রেষ্ঠা, বুধির অথবা অপর কোন অশুচি দ্বারা লিঙ্গ নহেন, তিনি নির্মল, শুন্ধ, যেমন, আনন্দ! কোন মণিরত্ন কাশীজাত উত্তম বস্ত্রে নিষ্ক্রিপ্ত হইলেও উভয়কে কল্যাণিত করেন না, তাহা কি হেতু? কারণ, উভয়ের শুন্ধতা নিমিত্ত, এইরূপে গণ্য করি।

তদন্ত! নিষ্ক্রান্ত হন, তখন অন্তরীক্ষ হইতে দুইটি উদকধারা নির্গত হয়, একটি শীতল, অপরটি উষ্ণ, যাহার দ্বারা বোধিসত্ত্ব ও তাঁহার মাতার প্রক্ষালনাদি উদককৃত্য সম্পন্ন হয়। গণ্য করি।

তদন্ত! সদ্যোজাত বোধিসত্ত্ব সমপাদোপরি স্থিত এবং উত্তরাভিমুখী হইয়া সপ্ত পদ গমন করেন, মন্তকোপরি শ্রেতছত্র ধৃত হইলে তিনি সর্বদিকে অবলোকন করিয়া এই মহত্ত্বব্যঙ্গক্ বাক্য ঘোষণা করেন ৪ “এই পৃথিবীতে আমি অঞ্চ, আমি শ্রেষ্ঠ, আমি জ্যেষ্ঠ, ইহাই আমার শেষ জন্ম, আর পুনর্জন্ম নাই”। গণ্য করি।

তদন্ত! নিষ্ক্রান্ত হন, তখন দেবলোক, মারলোক, ব্রহ্মলোক এবং শ্রমণ, ব্রাহ্মণ ও দেবমনুষ্য সহিত এই পৃথিবীতে দেবগণের দেবানুভাব অতিরুম্ভ করিয়া অপরিমেয় বিপুল দীপ্তি প্রাদুর্ভূত হয়, অনন্তবন অনন্ধকারাছন্ম

লোকান্তরিত নিরয়, যেমনে মহার্থদ্বি সম্পন্ন ও মহানুভাব চন্দ্র সূর্যের কিরণ ও প্রবেশ করিতে অক্ষম, সেমানেও দেবানুভাব অতিক্রম করিয়া অপরিমেয় বিপুল দীপ্তি প্রাদুর্ভূত হয়, যে সমস্ত সত্ত্ব ঐ স্থানে উৎপন্ন হইয়াছে তাহারাও ঐ আগোকে প্রাদুর্ভূত হয়, তাহারা পরম্পরকে জানিতে পারেন : “ওহে অন্যান্য প্রাণিও এখানে উৎপন্ন হইয়াছে” দশ সহস্র জগৎ কম্পিত হয় প্রাদুর্ভূত হয়। গণ্য করি।

সুতরাং, আনন্দ! তুমি তথাগতের এই আশ্চর্য অঙ্গুতধর্ম ধারণ কর। ইহাতে তথাগতের জ্ঞাত বেদনা উৎপন্ন হয়, জ্ঞাত হইলে স্থিতি লাভ করে, জ্ঞাত হইলে অনুমিত হয়, বিদিত সংজ্ঞা, বিদিত বিতর্ক উৎপন্ন হয়, স্থিতি লাভ করে, অনুমিত হয়। আনন্দ! তুমি ধারণ কর।

ভদ্র! ভগবানের বেদনা উৎপন্ন হয় অনুমিত হয়- এইরূপে আমি ভগবানের আশ্চর্য অঙ্গুতধর্ম ধারণ করি।

আযুষ্মান আনন্দ ইহা বলিলেন। শাস্তা সম্মতি জ্ঞাপন করিলেন। ভিক্ষুগণ, সন্তুষ্টমনে আযুষ্মান আনন্দের ভাষণে আনন্দ প্রকাশ করিলেন।

[আশ্চর্য-অঙ্গুতধর্ম সূত্র সমাপ্ত]

বক্তুল^১ সূত্র (১২৪)

আমি এইরূপ শুনিয়াছি ৪--

এক সময় আযুষ্মান বক্তুল রাজগৃহ সমীপে বেণুবনে কলন্দক নিবাপে অবস্থান করিতেছিলেন। সেই সময় আযুষ্মান বক্তুলের প্রাক্তন গৃহীবন্ধু অচেল কাশ্যপ আযুষ্মান বক্তুলের নিকট উপস্থিত হইয়া প্রীত্যালাপ ও কুশলপ্রশ্নাদি বিনিময় করিয়া একান্তে উপবেশন করিলেন। একান্তে উপবিষ্ট হইয়া অচেল কাশ্যপ আযুষ্মান বক্তুলকে বলিলেন : “বন্ধু বক্তুল! কতদিন হইল আপনি প্রব্রজিত হইয়াছেন?”

- “আশি বৎসর হইল আমি প্রব্রজিত হইয়াছি।”
- এই আশি বৎসরের মধ্যে আপনি কতবার মৈথুন ধর্ম প্রতিসেবন করিয়াছেন?
- বন্ধু কাশ্যপ! আমাকে এইরূপ জিজ্ঞাসা করা উচিত নয় : “বন্ধু বক্তুল! করিয়াছেন”? আমাকে এইরূপ জিজ্ঞাসা করা উচিত : “বন্ধু বক্তুল! এই

আশি বৎসরে আপনার মধ্যে কতবার কামসংজ্ঞা উৎপন্ন হইয়াছে?”

— বন্ধু বকুল! এই আশি বৎসরে হইয়াছে?

— বন্ধু কাশ্যপ! আমার আশি বৎসরের প্রবৃজ্যায় কোন কামসংজ্ঞা উৎপন্ন হইয়াছে বলিয়া জানি না।

(যেহেতু আযুষ্মান বকুল তাঁহার আশি বৎসরের প্রবৃজ্যায় তাঁহার মধ্যে কোন কামসংজ্ঞা উৎপন্ন হইয়াছে বলিয়া জানেন না, সুতরাং ইহাকে আমারা আযুষ্মান বকুলের আশ্চর্য-অস্তুতধর্ম বলিয়া গণ্য করি) : “আমার আশি বৎসরের প্রবৃজ্যায় আমার মধ্যে ব্যাপাদ সংজ্ঞা, বিহিংসাসংজ্ঞা উৎপন্ন হইয়াছে বলিয়া জানি না”। (যেহেতু ব্যাপাদ সংজ্ঞা, বিহিংসা সংজ্ঞা গণ্য করি)। কামবর্তিক, ব্যাপাদ বর্তিক সম্পর্কেও এইরূপ।

“আমার আশি গৃহপতিচীবর^১ গ্রহণ করিয়াছি বলিয়া জানি না !! গণ্য করি।

আমার আশি অন্ত দ্বারা চীবর কাটিয়াছি গণ্য করি।

আমার আশি সৃঁচ দ্বারা চীবর সেলাই গণ্য করি।

আমার আশি রঞ্জক দ্বারা চীবর রঞ্জিত গণ্য করি।

আমার আশি কঠিন চীবর সেলাই করি।

আমার আশি স্বরূপচারীর চীবর কর্মে ব্যাপৃত নিমন্ত্রণ গ্রহণ করিয়াছি এইরূপ চিন্ত উৎপন্ন হইয়াছে, “অহো আমাকে কেহ নিমন্ত্রণ করিতে পারে” বলিয়া জানি না গণ্য করি। আমার আশি অঙ্গুর্ণে উপবেশন করিয়াছি, ভোজন করিয়াছিলাম মাতৃগ্রামের (মহিলার) অনুবাঙ্গন লক্ষণ (দৈহিক রূপের) প্রত্যক্ষ করিয়াছিলাম মাতৃগ্রামকে ধর্মদেশনা করিয়াছিলাম, তাহা চর্তুপদী গাথা মাত্র হইলেও ভিক্ষুণীদের বাসস্থানে গমন করিয়াছিলাম ভিক্ষুণীদের ধর্মদেশনা করিয়াছিলাম শিক্ষার্থীনীদের ধর্মদেশনা করিয়াছিলাম গ্রামনারীদের ধর্মদেশনা করিয়াছিলাম বলিয়া জানি না গণ্য করি। আমার আশি অন্য কেহকে প্রবৃজ্য দিয়াছিলাম, উপসম্পদ দিয়াছিলাম, নিশ্চয় দিয়াছিলাম, শ্রামণেরকে আমার সেবায় নিযুক্ত করিয়াছিলাম, জন্মাঘরে (স্নানঘর) স্নান করিয়াছিলাম, চূর্ণ দ্বারা স্নান করিয়াছিলাম, মুহূর্তের জন্যও রোগ উৎপন্ন হইয়াছে, কোন তৈয়জ্য বহন করিয়াছি, এমন কি হরিতকী খণ্ডমাত্র, ঠেসে হেলান দিয়া বিশ্রাম

^১ গৃহপতিপ্রদত্ত বর্ধাবাস চীবর। প.সু।

করিয়াছি। শথ্যা পাতিয়াছি, গ্রামান্ত বাসস্থানে বর্ষা যাপন করিয়াছি বলিয়া জানি না। গণ্য করি।

সপ্তাহকাল আমি ক্লেশযুক্ত থাকিয়া শৃন্দ্বাদন্ত আহার্য্য গ্রহণ করিয়াছি এবং অষ্টম দিবসে আমার জ্ঞান (অর্হত্ত) উৎপন্ন হইয়াছে। গণ্য করি।

- বন্ধু, বকুল! এই ধর্মবিনয়ে আমি কি প্রবৃজ্যা এবং উপসম্পদা লাভ করিতে পারি? অচেল কাশ্যপ এই ধর্মবিনয়ে প্রবৃজ্যা ও উপসম্পদা লাভ করিলেন। উপসম্পদা লাভ করিয়া অটীরেই আযুষ্মান কাশ্যপ একাকী ব্যপকৃষ্ট, অপ্রমত্ত, আতাপী, প্রহিতাত্ত্বা (ধ্যান নিবিষ্ট) হইয়া অবস্থান করিয়া অন্ন সময়েই যাহার জন্য কুলপুত্রগণ সম্যক্রূপে আগার হইতে অনাগারিকরূপে প্রবৃজ্যা গ্রহণ করেন, সেই অনুত্তর ব্রহ্মাচর্যের পর্যাবসান (নির্বাণ) ইহ জীবনে স্থয়ং অভিজ্ঞ দ্বারা সাক্ষাৎ করিয়া অবস্থান করেনঃ জন্ম বিনষ্ট হইয়াছে আসিতে হইবে না। আযুষ্মান কাশ্যপ অর্হৎ হইলেন।

অতঃপর আযুষ্মান বকুল দরজার চাবি লইয়া বিহার হইতে বিহারে যাইয়া এইরূপ বলিতে লাগিলেনঃ আযুষ্মানগণ অগ্রসর হউন, আদ্য আমার পরিনির্বাণ লাভ হইবে। গণ্য করি।

তখন আযুষ্মান বকুল ভিক্ষুসংঘ মধ্যে উপবিষ্ট অবস্থায় পরিনির্বাণ লাভ করিলেন। গণ্য করি।

[বকুল সূত্র সমাপ্ত]

দান্তভূমি সূত্র (১২৫)

আমি এইরূপ শুনিয়াছিঃ-

একসময় ভগবান রাজগৃহে অবস্থান করিতেছিলেন- বেণুবনে কলন্দক-নিবাপে। সেই সময় অচিরবত শ্রামণের অরণ্যকুটিতে^১ বাস করিতেন। তখন রাজকুমার জয়সেন^২ পাদচারণা করিতে করিতে শ্রামণের অচিরবত্তের নিকট উপস্থিত হইলেন, উপস্থিত হইয়া শ্রামণের অচিরবত্তের সহিত প্রীত্যালাপ ও কুশল প্রশুদ্ধি বিনিময় করিয়া একান্তে উপবেশন করিলেন। একান্তে উপবিষ্ট রাজকুমার জয়সেন শ্রামণের অচিরবত্তকে বলিলেনঃ হে অগ্নিবেশ্বন! আমি শুনিয়াছি যে এখানে কোন ভিক্ষু অপ্রমত্ত, আতাপী, প্রহিতাত্ত্বা (ধ্যাননিবিষ্ট)

^১ বেণুবনের নির্জন অংশে ভিক্ষুদের প্রধানের (ধ্যানের) জন্য বাবহৃত বাসস্থান-প.সু।

^২ রাজা বিশ্বসারের একজন পুত্র।

হইয়া অবস্থান করিলে চিত্তের একাগ্রতা অর্জন করিতে পারে।— রাজকুমার! তাহা ঠিক। এখানে কোন ভিক্ষু করিতে পারে।— ভবদীয় অগ্নিবেশন যথাশুত, যথায়ন্ত ধর্ম দেশনা করিলে আমার পক্ষে উত্তম হইবে।

রাজকুমার! আমি আপনাকে যথাশুত, যথায়ন্ত ধর্ম দেশনা করিতে অক্ষম। সুতরাং আমি যদি আপনাকে যথাশুত, যথায়ন্ত ধর্ম দেশনা করি এবং আপনি আমার ভাষণের অর্থ বুঝিতে না পারেন, তাহা হইলে উহা আমার পক্ষে ক্লেশ ও বিরক্তির কারণ হইবে।

— ভবদীয় অগ্নিবেশন আমাকে যথাশুত, যথায়ন্ত ধর্ম দেশনা করিলে তাহা অন্ন হইলেও আমি বুঝিতে পারিব।

রাজকুমার! আমি আপনাকে যথাশুত, যথায়ন্ত ধর্মদেশনা করিতে পারি, আপনি যদি আমার ভাষণের অর্থ—বুঝিতে পারেন তাহা কুশল, আর বুঝিতে না পারিলে যথাস্থানে অবস্থান করুন, তাহার পর আমাকে প্রতি জিজ্ঞাসা করিতে পারিবেন না।

ভবদীয় অগ্নিবেশন প্রতিজ্ঞাসা করিব না।

তখন শ্রামণের অচিরবত রাজকুমার জয়সেনকে যথাশুত, যথায়ন্ত ধর্ম দেশনা করিলেন। এইরূপ কথিত হইলে রাজকুমার জয়সেন শ্রামণের অচিরবতকে বলিলেন : হে অগ্নিবেশন! ইহা অসম্ভব ও অনবকাশযুক্ত যে কোন ভিক্ষু অপ্রমত্ত অর্জন করিতে পারে। তখন রাজকুমার জয়সেন শ্রামণের অচিরবতকে তাহার এই মত জ্ঞাপন করিয়া আসন হইতে উঠিয়া চলিয়া গেলেন।

রাজকুমার জয়সেন চলিয়া যাইবার পরক্ষণেই শ্রামণের অচিরবত ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট শ্রামণের অচিরবত রাজকুমার জয়সেনের সহিত যে সমস্ত কথাবার্তা হইয়াছিল তাহা সমস্তই ভগবানের নিকট জ্ঞাপন করিলেন। এইরূপ কথিত হইলে ভগবান অচিরবতকে বলিলেন : অগ্নিবেশন! তাহা কি সম্ভব? যাহা নৈষ্ঠ্যম্যের দ্বারা জ্ঞাতব্য, নৈষ্ঠ্যম্য দ্বারা দ্রষ্টব্য, নৈষ্ঠ্যম্য দ্বারা প্রাপ্য, নৈষ্ঠ্যম্য দ্বারা সাক্ষাৎযোগ্য তাহা রাজকুমার জয়সেন কাম মধ্যে বাসরত, কাম-উপভোগ, কামবিত্তক-উপদুত, কাম পরিদাহে দগ্ধ, কামপর্যবেগায় উৎসুক হইয়া জানিবে, দর্শন করিবে, অথবা সাক্ষাৎ করিবে— ইহা হইতে পারে না। যেমন, অগ্নিবেশন! দুই দম্য হস্তী,

দম্য অশ্ব বা দম্যাগরু সুদান্ত ও সুবিনীত হয়, আর দুই দম্য হস্তি, দম্য, অশ্ব বা দম্য গরু অদান্ত ও অবিনীত হয়। অগ্নিবেশন! তুমি কি মনে কর? যে দুই দম্য হস্তি সুবিনীত, তাহারা দান্ত হইয়াই দান্ত অধিকার প্রাপ্ত হইবে, দান্ত হইয়াই দান্ত-প্রাপ্তভূমি পাইবে? - “হ্যাঁ ভদ্র!”। যে দম্যহস্তি অদান্ত ও অবিনীত, তাহারা কি অদান্ত হইয়া দান্ত-অধিকার লাভ করিতে পারে? - “না ভদ্রন্ত”। - অগ্নিবেশন! ঠিক এইরূপে যাহা নৈক্ষম্য দ্বারা জ্ঞাতব্য ইহা হইতে পারে না।

যেমন, অগ্নিবেশন! কোন গ্রাম বা নিগমের নিকটে মহাপর্বত আছে। দুই বন্ধু সেই গ্রাম বা নিগম হইতে বাহির হইয়া হাতে হাত ধরিয়া পর্বতের নিকট উপস্থিত হইল, উপস্থিত হইয়া একজন নীচে পর্বতের পাদদেশে দাঁড়াইয়া রহিল। অপরজন পর্বতের উপরিভাগে আরোহণ করিল। নীচে দণ্ডায়মান বন্ধু উপরের বন্ধুকে এইরূপ বলিল : সৌম্য! পর্বতের উপর দাঁড়াইয়া তুমি কি দেখিতেছ? সে এইরূপ বলিতে পারে, সৌম্য! পর্বতের উপর দাঁড়াইয়া আমি রমণীয় আরাম, রমণীয় বন, রমণীয় ভূমি ও রমণীয় পুকুরিণী দেখিতেছি। সে (নীচে দণ্ডায়মান) এরূপ বলিতে পারে : ইহা অসম্ভব ও অনবকাশযুক্ত যে তুমি পর্বতের উপরে দাঁড়াইয়া রমণীয় দেখিতে পাইতেছ। তখন পর্বতের উপরে স্থিত ব্যক্তি নীচে নামিয়া আসিয়া সেই বন্ধুকে বাহু দ্বারা গ্রহণ করিয়া পর্বতের উপরে লইয়া গিয়া শুস গ্রহণ করিবার জন্য এক মুহূর্ত সময় দিয়া বলিল, সৌম্য! পর্বতের উপর হইতে তুমি কি দেখিতেছ? সেই ব্যক্তি বলিতে পারে : পর্বতের উপরে স্থিত হইয়া আমি রমণীয় দেখিতেছি। সেই ব্যক্তি বলিতে পারে : এখন আমরা তোমার কথা এইরূপ বুঝিতে পারি। ইহা অসম্ভব ও অনবকাশযুক্ত যে তুমি পর্বতের উপরে স্থিত হইয়া রমণীয় আরাম দেখিতে পার !’ এখন আমরা তোমার কথা এইরূপ বুঝিতে পারি : ‘এখন আমি পর্বতের উপরে স্থিত হইয়া রমণীয় আরাম দেখিতে পারি।’ সেই ব্যক্তি এইরূপ বলিতে পারে : সৌম্য! এই বৃহৎ পর্বত দ্বারা আবৃত বলিয়া যাহা দ্রষ্টব্য, তাহা আমি দেখিতে পারি নাই।

অগ্নিবেশন! ঠিক এইরূপে অধিকতর পরিমানে রাজকুমার জয়সেন অবিদ্যা-স্ফৰ্পের দ্বারা আবৃত, নিবারিত, অববৃত ও সমাচ্ছন্ন। যাহা নৈক্ষম্য দ্বারা জ্ঞাতব্য সাক্ষাৎ করিবে, তাহা হইতে পারে না। অগ্নিবেশন! যদি রাজকুমার জয়সেনের জন্য এই দুই উপর্যা তোমাকে প্রতিভাষিত করে, তাহা

হইলে ইহা আশ্চর্য নয় যে রাজকুমার জয়সেন তোমার উপর প্রসন্ন এবং প্রসন্নের মত আচরণ করিবেন।

কিন্তু, তদন্ত! কিরূপে রাজকুমার জয়সেনের জন্য এই দুই অশুতপূর্ব উপমা আমাকে প্রতিভাষিত করিবে, যেমন, তগবানকে।

যেমন, অগ্নিবেশ্যন! মূর্ধাভিষিক্ত ক্ষত্রিয় রাজা কোন নাগশিকারীকে বলেন : সৌম্য নাগশিকারী! রাজহস্তী আরোহণ করিয়া নাগবনে প্রবেশ করিয়া আরণ্যক হষ্টী দেখিয়া তাহাকে রাজহস্তীর গ্রীবায় উপনিবন্ধ কর। “হ্যা প্রভু” বলিয়া নাগশিকারী মূর্ধাভিষিক্ত ক্ষত্রিয় রাজাকে প্রত্যঙ্গের দিয়া রাজহস্তীতে আরোহণ করিয়া নাগবনে প্রবেশপূর্বক আরণ্যক নাগ দেখিয়া রাজহস্তীর গ্রীবায় তাহাকে উপনিবন্ধ করিল। রাজহস্তী তাহাতে উন্মুক্ত হানে লইয়া আসিল এবং এইরূপে আরণ্যক নাগ বাহিরে আসিল। অগ্নিবেশ্যন! নাগবন সম্পর্কে ইহাই আরণ্যক নাগের আকাঞ্চ্ছা। নাগশিকারী মূর্ধাভিষিক্ত ক্ষত্রিয় রাজাকে জ্ঞাপন করিলেন : আরণ্যক নাগ উন্মুক্ত হানে গিয়াছে। তখন রাজা হষ্টীদমনকারীকে আমন্ত্রণ করিয়া বলিলেন : তত্ত্ব হষ্টীদমক! এস, আরণ্যক নাগকে তাহার আরণ্যক আচরণ, স্মরণ, সংজ্ঞ, দুঃখ-কষ্ট, পরিদাহ অবদমিত করিয়া, গ্রামান্তে প্রমোদিত করিয়াও মনুষ্যাচরণে শিক্ষা দিয়া দমিত কর। “হ্যা প্রভু” বলিয়া হষ্টীদমক মূর্ধাভিষিক্ত ক্ষত্রিয় রাজাকে প্রত্যঙ্গের দিয়া আরণ্যক নাগকে তাহার আরণ্যক আচরণ শিক্ষা দিয়া দমিত করিবার জন্য মাটীতে বৃহৎ খুঁটি প্রোথিত করিয়া তাহাতে উপনিবন্ধ করে। অতঃপর আরণ্যক নাগ হষ্টীদমকের যে বাক্য নির্দোষ, কর্ণসুখকর, প্রীতিকর, হৃদয়গ্রাহী, পুরজনোচিত, বহুজনকান্ত, বহুজন-মনোজ্ঞ সেইরূপ বাক্য শ্রবণ করে, কর্ণপাত করে, গল্পীর জ্ঞানে চিন্ত উপস্থাপিত করে। তারপর হষ্টীদমক তাহাকে তৃণ, ঘাস ও জল প্রদান করে। অগ্নিবেশ্যন! যখন আরণ্যক নাগ হষ্টীদমকের তৃণ, ঘাস ও জল গ্রহণ করে, তখন হষ্টীদমক এরূপ চিন্তা করে : “রাজার হষ্টী এখন জীবিত থাকিলে উন্মত্তি”। তারপর হষ্টীদমক তাহাকে পরবর্তী শিক্ষা দান করে : “ওহে গ্রহণ কর, ওহে নিষ্কেপ কর”। অগ্নিবেশ্যন! যখন রাজার হষ্টী গ্রহণে, নিষ্কেপে হষ্টীদমকের বাক্য পালন করে, আদেশ অনুযায়ী কাজ করে, তখন হষ্টীদমক তাহাকে পরবর্তী শিক্ষাদান করে : “ওহে অগ্রসর হও, পশ্চাদ অপসরণ কর”। অগ্নিবেশ্যন! যখন রাজার হষ্টী অগ্রসরকালে, প্রত্যাগমনে হষ্টীদমনকারীর বাক্য পালন করে, আদেশ অনুযায়ী কাজ করে, তখন

হস্তীদমক তাহাকে পরবর্তী শিক্ষা দান করে। ওহে উঠ, ওহে বস।” যখন উঠানে, উপবেশনে স্থির থাকার শিক্ষা দান করে। সে বিশাল শুণ্ডে ফলক উপনিবন্ধ করে, তোমরহষ্ট (বগুম) পুরুষ হস্তীর গ্রীবার উপরে উপবিষ্ট থাকে, তোমরহষ্ট লোকজন চারিদিক ঘিরিয়া দণ্ডায়মান থাকে, হস্তীদমকও দীর্ঘ তোমর দণ্ড লইয়া সম্মুখে দণ্ডায়মান থাকে। “স্থিত থাকা” অভ্যাস করাইবার সময়ে সে সম্মুখের পাদদ্বয় বা পশ্চাতের পাদদ্বয় নাড়ে না, দেহের সম্মুখ ভাগ বা পশ্চাতভাগ নাড়ে না, মন্তক, কর্ণ, লাঞ্জুল বা শুণ্ড নাড়ে না। রাজার সেই হস্তী অসি, তীর বা কুঠারের আঘাত এবং তেরী শব্দ, শঙ্খ শব্দ, নিনাদ শব্দ বা টম টম শব্দ সহ্য করিতে সক্ষম। সে সর্বদোষমুক্ত, বিশুদ্ধ স্বর্ণসদৃশ, রাজপোযুক্ত, রাজভোগ্য এবং রাজকীয় গুণে ভূষিত।

অগ্নিবেশন! ঠিক এইরূপে অর্হৎ সম্যক্সমুদ্ধ তথাগত এই পৃথিবীতে উৎপন্ন হন আগার হইতে অনাগারিকরূপে প্রবর্জিত হন। অগ্নিবেশন! আর্য-শ্রাবক উন্মুক্তজীবন যাপন করেন। কিন্তু পঞ্চকামগুণ সম্পর্কে দেবমনুষ্যদের আকাঙ্খা আছে। তথাগত তাহাকে (আর্যশ্রাবক) এইরূপ পরবর্তী শিক্ষা দেনঃ এস ভিক্ষু! শীলবান হওঁ^১ বিচিকিৎসা হইতে চিত্তকে পরিশুম্ব করেন। তিনি চিত্তের উপক্রেশ ও প্রজ্ঞার দৌর্বল্যের কারণ এই পঞ্চ নীবরণ পরিহার করিয়া কায়ে কায়ানুদৰ্শী, আতাপী, সম্পজ্জত ও স্মৃতিমান হইয়া অবস্থান করেন। এই পৃথিবীতে অবিধ্যা দৌর্মনস্য দূরীভূত করেন, বেদনায় চিত্তে ধর্মে ধর্মানুদৰ্শী, আতাপী, সম্পজ্জত ও স্মৃতিমান হইয়া অবস্থান করেন, এই পৃথিবীতে অবিধ্যা দৌর্মনস্য দূরীভূত করেন।

যেমন, অগ্নিবেশন! হস্তীদমক আরণ্যক নাগকে তাহার আরণ্যক আচরণ শিক্ষা দান করে, ঠিক এইরূপে, অগ্নিবেশন! গৃহীজনোচিত আচরণ, গৃহীজনোচিত সংজ্ঞন, গৃহীজনোচিত দুঃখ-কষ্ট, পরিদাহ দমিত করার জন্য, জ্বানলাভের জন্য ও নির্বাণ সাক্ষাৎ করিবার জন্য আর্যশ্রাবকের এই চারি স্মৃতিপ্রস্থান চিত্তের উপনিবন্ধন প্রয়োজন।

তথাগত তাহাকে এই পরবর্তী শিক্ষা দেনঃ এস ভিক্ষু! কায়ে কায়ানুদৰ্শী হইয়া অবস্থান কর, কায়-উপসংহিত বিতর্ক পোষণ করিও না। বেদনা, চিত্ত, কর্ম সম্পর্কেও এইরূপ। তিনি বিতর্ক-বিচার উপশয়ে অধ্যাত্মসম্প্রসাদী, চিত্তের একীভাব আনয়নকারী অবিতর্ক, অবিচার সমাধিজ প্রতিসুখমণ্ডিত

^১ এই অংশের জন্য গণকমৌদ্রাল্যায়ন সূত্র দ্রষ্টব্য।

দ্বিতীয় ধ্যান, তৃতীয় ধ্যান লাভ করিয়া তাহাতে অবস্থান করেন। তিনি এইরূপ সমাহিত চিত্তে আর এখানে আসিতে হইবে না বলিয়া প্রকৃষ্টরূপে জানেন।

সেই ভিক্ষু শীত-উৎ, ক্ষুধা-ত্রঃঢা, দংশ-মশক, বাতাতপ, সরীসৃপ সংস্পর্শে সহনক্ষম হন। দুর্বাক্য, উৎপন্ন শারীরিক বেদনা, তীব্র তীক্ষ্ণ কটুত্ত, অসাত (বিরক্তিকর), অমনোজ্ঞ এবং প্রাণহর দুঃখ অধিবাসন-সমর্থ হন। সর্বরাগ দ্বেষ-মোহমুক্ত যাহা আহ্বানীয়, প্রাহ্বানীয়, দাঙ্কিণ্যে, অঞ্জলী-করণীয় এবং লোকের অনুভূত পুণ্যক্ষেত্র নামে অভিহিত।

অগ্নিবেশন! যদি অদান্ত অবিনীত রাজার হস্তী বৃন্দবয়সে মারা যায়, রাজার বৃন্দ হস্তী অদান্ত অবস্থায় মারা গিয়াছে বলা যায়। অগ্নিবেশন! রাজার মধ্যবয়সী হস্তী সম্পর্কেও এইরূপ, যদি অদান্ত অবিনীত রাজার হস্তী তরুণ বয়সে মারা যায়, রাজার তরুণ হস্তী অদান্ত অবস্থায় মারা গিয়াছে বলা যায়।

ঠিক এইরূপে, অগ্নিবেশন! যদি কোন স্থবির ভিক্ষু ক্ষীণাসব না হইয়া মারা যায়; স্থবির ভিক্ষু অদান্ত অবস্থায় মারা গিয়াছে বলা যায়। মধ্যবয়সী ভিক্ষু সম্পর্কেও এইরূপ। অগ্নিবেশন! যদি কোন নবীন ভিক্ষু ক্ষীণাসব না হইয়া মারা যায়, সেই নবীন ভিক্ষু অদান্ত অবস্থায় মারা গিয়াছে বলা যায়। অগ্নিবেশন! যদি রাজার বৃন্দ সুদান্ত, সুবিনীত হস্তী মারা যায়, তাহা হইলে রাজার বৃন্দ হস্তী সুদান্ত সুবিনীত অবস্থায় মারা গিয়াছে বলা যায়, মধ্যবয়সী সম্পর্কেও এইরূপ। যদি, অগ্নিবেশন! রাজার সুদান্ত সুবিনীত হস্তী তরুণ বয়সে মারা যায় তাহা হইলে রাজার তরুণ হস্তী সুদান্ত সুবিনীত অবস্থায় মারা গিয়াছে বলা যায়। ঠিক এইরূপে, অগ্নিবেশন! যদি কোন স্থবির ভিক্ষু ক্ষীণাসব হইয়া মারা যায়, তাহা হইলে স্থবির ভিক্ষু দান্ত অবস্থায় মারা গিয়াছে বলা যায়, মধ্য বয়সী সম্পর্কেও এইরূপ, যদি নবীন ভিক্ষু ক্ষীণাসব হইয়া মারা যায়, তাহা হইলে নবীন ভিক্ষু দান্ত অবস্থায় মারা গিয়াছে বলা যায়।

ভগবান ইহা বলিলেন। শ্রামণের অচিরবত সন্তুষ্টমনে ভগবানের ভাষণে আনন্দ প্রকাশ করিলেন।

[দান্তভূমি সূত্র সমাপ্ত]

ভূমিজ সূত্র (১২৬)

আমি এইরূপ শুনিয়াছি :-

এক সময় ভগবান রাজগৃহে অবস্থান করিতেছিলেন বেণুবনে কলন্দকনিবাপে। সেই সময় আযুশ্মান ভূমিজ^১ পূর্বাহে বহির্গমন বাস পরিধান করিয়া পাত্র চীবর লইয়া রাজকুমার জয়সেনের আবাসে উপস্থিত হইলেন। উপস্থিত হইয়া নির্দিষ্ট আসনে উপবেশন করিলেন। তখন রাজকুমার জয়সেন আযুশ্মান ভূমিজের নিকট উপস্থিত হইলেন। উপস্থিত হইয়া আযুশ্মান ভূমিজের সহিত প্রীত্যালাপ ও কুশল প্রশ্নাদি বিনিময় করিয়া একান্তে উপবেশন করিলেন। একান্তে উপবিষ্ট রাজকুমার জয়সেন আযুশ্মান ভূমিজকে বলিলেন : কোন কোন শ্রমণ আছেন যাহারা এরূপ মতবাদী ও এইরূপ দৃষ্টি সম্পন্ন; যদি কেহ আশা করিয়া ব্রহ্মচর্য পালন করে, তাহার পক্ষে ফল লাভ করা সম্ভব নহে, যদি আশা না করিয়া ব্রহ্মচর্য পালন করে, তাহা হইলেও ফল লাভ করা সম্ভব নহে। আশা এবং আশাহীন হইয়া যদি ব্রহ্মচর্য পালন করে, তাহা হইলেও ফল লাভ সম্ভব নহে, আবার আশাও না করিয়া, আশাহীন না হইয়াও যদি ব্রহ্মচর্য পালন করে, তাহা হইলেও ফল লাভ করা সম্ভব নহে। এইস্তে ভবদীয় ভূমিজের শাস্তা কি মতবাদী, কি আখ্যায়ী ?

রাজকুমার! আমি ইহা স্বয�়ং ভগবানের নিকট হইতে শুনি নাই বা জানি নাই। তবে ইহা ছানোপযোগী যে ভগবান এইরূপ ব্যাখ্যা করিতে পারেন : যদি কেহ আশা করিয়া অযোনিশ (অনবধানত) ব্রহ্মচর্য পালন করে, তাহা হইলে ফল লাভ করা সম্ভব নহে, আশা না করিয়া যদি অযোনিশ ফল লাভ সম্ভব নহে। কিন্তু আশা করিয়া যদি যোনিশ (অবধানত) ব্রহ্মচর্য পালন করে ফল লাভ করা সম্ভব। রাজকুমার! আমি ইহা স্বয়ং ভগবানের নিকট হইতে ব্যাখ্যা করেন।

যদি ভবদীয় ভূমিজের শাস্তা এরূপ মতবাদী ও এরূপ আখ্যায়ী হন, তাহা হইলে তিনি নিশ্চয়ই, সকল শ্রমণ-ব্রাহ্মণের মাথার উর্দ্ধে দণ্ডায়মান থাকেন বলিয়া আমি মনে করি। তখন রাজকুমার জয়সেন নিজের জন্য পক্ব খাদ্য আযুশ্মান ভূমিজকে পরিবেশন করিলেন।

অতঃপর আযুশ্মান ভূমিজ তিক্ষ্ণচর্য্যা হইতে প্রত্যাবর্তন করিয়া ভোজনান্তে

^১ রাজকুমার জয়সেনের মাতুল।

ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আযুশ্মান ভূমিজ ভগবানকে বলিলেন : ভদ্র! আমি পূর্বাহে বহির্গমন বাস পরিধান করিয়া দণ্ডায়মান থাকেন।^১ ভদ্র! এইভাবে জিজ্ঞাসিত হইয়া ব্যাখ্যা করিবার সময়ে আমি কি ভগবান সম্পর্কে যথার্থ বলিয়াছি? ভগবানের উপর মিথ্যা দোষারোপ করি নাই ত, যথার্থভাবে ধর্মের খুটিনাটি ব্যক্ত করিয়াছি ত? কোন সহধর্মী বাদানুবাদে নিষ্ঠিত হয় না ত?— “অবশ্যই ভূমিজ ! এইরূপ জিজ্ঞাসিত হইয়া তুমি নিষ্ঠিত হয় না।”

ভূমিজ! যে সকল শ্রমণ ব্রাহ্মণ মিথ্যা দৃষ্টি সম্পন্ন, মিথ্যা সংজ্ঞল ও মিথ্যা বাক্য সম্পন্ন, মিথ্যা কর্মকারী, মিথ্যাজীবি, মিথ্যা ব্যায়াম, মিথ্যা স্মৃতি, মিথ্যা সমাধি সম্পন্ন তাহারা যদি আশা করিয়া ব্রহ্মচর্য ফলাভ সম্ভব নহে। তাহা কি হেতু? ভূমিজ! ইহা ফল লাভের উপায় নহে। যেমন, ভূমিজ! কোন তৈলার্থী, তৈল গবেষক পুরুষ তৈল অন্঵েষণ করিতে করিতে দ্রোণীতে বালি আকীর্ণ করিয়া তাঁহাতে ফোঁস ফোঁস করিয়া জল সিঞ্চন করে, যদিও সে আশা করিয়া দ্রোণীতে বালি আকীর্ণ করিয়া ফোঁস ফোঁস করিয়া জল সিঞ্চন করিয়া পিষিতে থাকে, তাহাতে তৈল পাওয়া সম্ভব নহে। যদি আশা না করিয়া তৈল পাওয়া সম্ভব নহে। তাহা কি হেতু? ভূমিজ! ইহা তৈল লাভের প্রকৃত উপায় নহে। ভূমিজ! ঠিক এইভাবে সকল শ্রমণ ব্রাহ্মণ ফল লাভের উপায় নহে।

যেমন, ভূমিজ! কোন ক্ষীরার্থী ক্ষীর গবেষক পুরুষ ক্ষীর অন্঵েষণ করিতে করিতে বৎসরীর শিং ধরিয়া দোহন করে, যদিও আশা করিয়া ক্ষীর পাওয়া সম্ভব নহে। তাহা কি হেতু? ফল লাভের উপায় নহে।

যেমন, ভূমিজ! কোন নবনীতার্থী নবনীত গবেষক পুরুষ নবনীত অন্঵েষণ করিতে করিতে কলসীতে শুধু জল সিঞ্চন করিয়া দণ্ড দ্বারা মহন করে, যদি আশা করিয়া ফল লাভের উপায় নহে।

যেমন, ভূমিজ! কোন অগ্নি-অর্থী, অগ্নি-গবেষক পুরুষ অগ্নি অন্঵েষণ করিতে করিতে আর্দ্র কাঠ, স্নেহযুক্ত উত্তরারণি লইয়া অগ্নি উৎপাদন করিতে মহন করিতে পারে। যদিও আশা করিয়া ফল লাভের উপায় নহে।

ভূমিজ! যে সকল শ্রমণ ব্রাহ্মণ সম্যক্ সংকল্প ও বাক্সম্পন্ন, সম্যক্

^১ এখান ভূমিজ ও জয়সেনের সাক্ষাৎ ও আলোচনার সম্প্রতি বিবরণ বিবৃত হইয়াছে।

କର୍ମକାରୀ, ସମ୍ୟକ୍‌ଜୀବି, ସମ୍ୟକ୍ ବ୍ୟାଯାମୀ, ସମ୍ୟକ୍ ଶୂତି ଓ ସମାଧିସମ୍ପନ୍ନ, ତାହାର ଯଦି ଆଶା କରିଯା ବ୍ରନ୍ଦାଚର୍ଯ୍ୟ ପାଲନ କରେନ, ତାହା ହଇଲେ ଫଳ ଲାଭ ସମ୍ଭବ, ଆଶା ନା କରିଯା ଫଳ ଲାଭ ସମ୍ଭବ । ତାହାର କାରଣ କି? ଭୂମିଜ ! ଇହାଇ ଫଳ ଲାଭେର ଉପାୟ ।

ଯେମନ, ଭୂମିଜ ! ତୈଲାରୀ ତୈଲଗବେଷୀ କୋନ ପୁରୁଷ ତୈଲ ଅନ୍ଵେଷଣ କରିତେ କରିତେ ପିଣ୍ଡ ତିଲ ଦ୍ରୋଣୀତେ ଆକିରି କରିଯା ଫୋସ ଫୋସ କରିଯା ଜଳ ସିଞ୍ଚନ କରିଯା ପିଷିତେ ଥାକେ, ଯଦିଓ ଆଶା କରିଯା ତୈଲ ପାଓଯା ସମ୍ଭବ ଇହାଇ ଫଳ ଲାଭେର ଉପାୟ ।

ଯେମନ, ଭୂମିଜ ! କୋନ କ୍ଷୀରାର୍ଥୀ, କ୍ଷୀର ଗବେଷୀ ପୁରୁଷ କ୍ଷୀର ଅନ୍ଵେଷଣ କରିତେ କରିତେ ବ୍ସେତରୀର କ୍ଷମ ଦୋହନ କରେ । ଯଦି ଆଶା କରିଯା ବ୍ସେତରୀର କ୍ଷମ ଦୋହନ କରେ, ତାହା ହଇଲେ କ୍ଷୀର ପାଓଯା ସମ୍ଭବ ଇହାଇ ଫଳ ଲାଭେର ଉପାୟ ।

ଯେମନ, ଭୂମିଜ ! କୋନ ନବନୀତାରୀ ନବନୀତଗବେଷୀ ପୁରୁଷ ନବନୀତ ଅନ୍ଵେଷଣ କରିତେ କରିତେ କଲ୍ପନାତେ ଦଧି ସିଞ୍ଚନ କରିଯା ମହ୍ନ କରେ, ଯଦି ଆଶା କରିଯା ନବନୀତ ପାଓଯା ସମ୍ଭବ ଇହାଇ ଫଳ ଲାଭେର ଉପାୟ ।

ଯେମନ, ଭୂମିଜ ! କୋନ ଅଗ୍ନି-ଅର୍ଥୀ, ଅଗ୍ନିଗବେଷୀ ପୁରୁଷ ଅଗ୍ନି ଅନ୍ଵେଷଣ କରିତେ କରିତେ ଶୁକ୍ଳ କାଷ୍ଠ ଉତ୍ସରାରଣି ଲାଇୟା ଘର୍ଯ୍ୟ କରେ ଅଗ୍ନି ପାଓଯା ସମ୍ଭବ ଫଳ ଲାଭ ସମ୍ଭବ ।

ଭୂମିଜ ! ଯଦି ରାଜକୁମାର ଜୟସେନେର ଜନ୍ୟ ଏହି ଚାରିଟି ଉପମା ତୋମାକେ ପ୍ରତିଭାଷ୍ୟିତ ହୁଏ, ଇହା ଆଶ୍ରୟ ନହେ ସେ ରାଜକୁମାର ଜୟସେନ ଶ୍ଵାଭାବିକଭାବେଇ ତୋମାର ଉପର ପ୍ରସନ୍ନ ହଇବେନ ଏବଂ ପ୍ରସନ୍ନେର ମତ କାଜ କରିବେନ । - କିନ୍ତୁ ତଦନ୍ତ ! କିନ୍ତୁ ରାଜକୁମାର ଜୟସେନେର ଜନ୍ୟ ଏହି ଅଶୁତପୂର୍ବ ଉପମା ଆମାକେ ପ୍ରତିଭାଷ୍ୟିତ କରିବେ ?

ଭଗବାନ ଇହା ବଲିଲେନ । ଆୟୁଷ୍ମାନ ଭୂମିଜ ଭଗବାନେର ଭାଷଣେ ଆନନ୍ଦ ପ୍ରକାଶ କରିଲେନ ।

[ଭୂମିଜ ସୂତ୍ର ସମାପ୍ତ]

ଅନିରୁଦ୍ଧ ସୂତ୍ର (୧୨୭)

ଆମି ଏଇରୂପ ଶୁନିଯାଛି :-

ଏକସମୟ ଭଗବାନ ଶ୍ରାବନ୍ତୀ ସମୀପେ ଅବହାନ କରିତେଛିଲେନ ଜେତବନେ ଅନାଥପିଣ୍ଡିକେର ଆରାମେ । ତଥନ ପଞ୍ଚକାଙ୍ଗ^୧ ସ୍ଥପତି ଅନ୍ୟ ଏକ ବ୍ୟକ୍ତିକେ ଆର୍ଥାନ

¹ ବୁଦ୍ଧଘୋଷେର ମତେ ସଙ୍ଗେ ପ୍ରକାର ଯନ୍ତ୍ର ଥାକିତ୍ତ ବଲିଯା ପଞ୍ଚକାଙ୍ଗ ନାମ ହଇଯାଇଁ ।

করিয়া বলিলেন : মহাশয়! আযুষ্মান অনিরুদ্ধের^১ নিকট উপস্থিত হউন, উপস্থিত হইয়া আমার কথা বলিয়া আযুষ্মান অনিরুদ্ধের পায়ে মাথা রাখিয়া বন্দনা করুন এবং এইরূপ বলুন : ভদ্র! পঞ্চকাঙ্গা স্থপতি আযুষ্মান অনিরুদ্ধের পায়ে মাথা রাখিয়া বন্দনা করিয়া বলিতেছেন : ভদ্র! তিনজন ভিক্ষুসহ আগামী কালের জন্য আমার (বাড়ীতে) ভোজন করুন। আযুষ্মান অনিরুদ্ধ যেন ঠিক সময়েই আসেন, যেহেতু পঞ্চকাঙ্গা স্থপতির রাজকার্যের জন্য বহুকৃত্য বহু করণীয় আছে। - হ্যাঁ ‘ভদ্র’ বলিয়া সেই ব্যক্তি পঞ্চকাঙ্গা স্থপতিকে প্রত্যন্তর দিয়া আযুষ্মান অনিরুদ্ধের নিকট উপস্থিত হইলেন, উপস্থিত হইয়া আযুষ্মান অনিরুদ্ধকে অভিবাদনপূর্বক একান্তে উপবেশন করিলেন। একান্তে উপবিষ্ট সেই ব্যক্তি আযুষ্মান অনিরুদ্ধকে বলিলেন : পঞ্চকাঙ্গা স্থপতি বহু করণীয় আছে। আযুষ্মান অনিরুদ্ধ তুঘীভাবে নিমন্ত্রণ স্বীকার করিলেন।

অতঃপর আযুষ্মান অনিরুদ্ধ রাত্রির অবসানে পূর্বাহুসময়ে বহির্গমন বাস পরিধান করিয়া পাত্রচীবর লইয়া পঞ্চকাঙ্গা স্থপতির বাসস্থানে উপস্থিত হইলেন, উপস্থিত হইয়া নিদিষ্ট আসনে উপবেশন করিলেন। তখন পঞ্চকাঙ্গা স্থপতি আযুষ্মান অনিরুদ্ধকে স্বহস্তে উৎকৃষ্ট খাদ্য তোজ্য দারা সন্তুষ্ট ও সম্পূর্ণাত্মক করিলেন। আযুষ্মান অনিরুদ্ধ তোজন সমাপ্ত করিয়া হাত পাত্র হইতে অপনীত করিলে পঞ্চকাঙ্গা স্থপতি এক নীচ আসন লইয়া একান্তে উপবেশন করিলেন, একান্তে উপবিষ্ট হইয়া আযুষ্মান অনিরুদ্ধকে বলিলেন : এখানে স্থবির ভিক্ষুগণ উপস্থিত হইয়া এইরূপ বলিয়াছেন : “গৃহপতি! অপ্রমেয় চেতোবিমুক্তি ভাবনা কর।” আবার কোন কোন স্থবির এইরূপ বলিয়াছেন : “গৃহপতি, মহদ্বাত চিত্তবিমুক্তি ভাবনা কর।” ভদ্র! এই সকল অপ্রমেয়^২ চিত্তবিমুক্তি যাহা মহদ্বাত চিত্তবিমুক্তি এইসকল ধর্ম কি অর্থতঃ ও ব্যঙ্গনত পৃথক পৃথক অথবা অর্থতঃ এক কিন্তু ব্যঙ্গনত পৃথক পৃথক?

- গৃহপতি! এই সম্পর্কে তোমার মত ব্যক্ত কর, তাহা হইলে তোমার নিকট বিষয়টি পরিকার হইবে।

- ভদ্র! আমার এইরূপ মনে হয় : যাহা অপ্রমেয় চিত্তবিমুক্তি এবং যাহা মহদ্বাত চিত্তবিমুক্তি— এই সকল ধর্ম অর্থতঃ এক এবং ব্যঙ্গনত পৃথক পৃথক।

- গৃহপতি! যাহা অপ্রমেয় চিত্তবিমুক্তি এবং যাহা মহদ্বাত চিত্তবিমুক্তি— এই

^১ পালি অনিরুদ্ধ।

^২ এই দুইটি শব্দ ব্রহ্ম বিহারের সঙ্গে যুক্ত।

সকল ধর্ম অর্থতঃ পৃথক্ পৃথক্ এবং ব্যঙ্গনতও পৃথক্ পৃথক্। গৃহপতি! এই ব্যাখ্যা প্রণালী অবলম্বন করিয়া জানা যাইতে পারে- এই সকল ধর্ম অর্থতঃ ও ব্যঙ্গনত পৃথক্ পৃথক্।

গৃহপতি! অপ্রমেয় চিন্তিবিমুক্তি কি? এইচ্ছলে ভিক্ষু মৈত্রী সহগত চিন্তে একদিক্ স্ফুরিত করিয়া অবস্থান করেন, তথা দ্বিতীয় দিক্, তৃতীয় দিক্, চতুর্থ দিক্, ক্রমে উর্ধ্ব, অধঃ, তির্যক, সর্বতোভাবে সর্ব দিক্ মৈত্রী সহগত, বিপুল, মহাকাত, অপ্রমেয়, অবৈর ও অবাধ চিন্তে সর্বলোক স্ফুরিত করিয়া অবস্থান করেন। করুণাসহগত, মুদিতাসহগত এবং উপেক্ষাসহগত চিন্ত সমন্বেও এইরূপ। গৃহপতি! ইহাকেই বলে অপ্রমেয় চিন্তিবিমুক্তি।

গৃহপতি! মহাকাত চিন্তিবিমুক্তি কি? এখানে ভিক্ষু এক বৃক্ষমূল পরিমাণ (ধ্যানের আলম্বনরূপে সেই আকার) স্ফুরিত করিয়া ও অভিমুখী হইয়া অবস্থান করেন- ইহাকেই বলা হয় মহাকাত চিন্তিবিমুক্তি। দুই, তিন বৃক্ষমূল পরিমাণ মহাকাত (বিস্তৃত) এক, দুই, তিন গ্রামক্ষেত্র, এক, দুই, তিন মহারাজ্য, আসমুদ্র পৃথিবী সম্পর্কেও এইরূপ। ইহাকেই মহাকাত চিন্তিবিমুক্তি বলা হয়। এই ব্যাখ্যা প্রণালীতে ব্যঙ্গনত পৃথক্ পৃথক্।

গৃহপতি! এই চারি প্রকার ভবোৎপত্তি। চারিপ্রকার কি কি? এখানে কেহ কেহ ‘পরিস্ত (সীমিত) আভা’ এই ভাবিয়া স্ফুরিত করিয়া ও অভিমুখী (ধ্যানে) হইয়া অবস্থান করেন, তিনি দেহান্তে মৃত্যুর পর পরিস্তাত দেবগণের মধ্যে উৎপন্ন হন। এখানে কেহ কেহ ‘অপ্রমেয়াভা’ বলিয়া ভাবিয়া, স্ফুরিত করিয়া ও অভিমুখী হইয়া অবস্থান করেন, তিনি দেহান্তে মৃত্যুর পর অপ্রমেয়াভ দেবগণের মধ্যে উৎপন্ন হন। এখানে কেহ কেহ ‘সংক্রিষ্টাভা’ ইহা ভাবিয়া, স্ফুরিত করিয়া ও অভিমুখী হইয়া অবস্থান করেন। তিনি দেহান্তে মৃত্যুর পর সংক্রিষ্টাভ দেবগণের মধ্যে উৎপন্ন হন। এখানে কেহ কেহ ‘পরিশুদ্ধাভা’- ইহা ভাবিয়া স্ফুরিত করিয়া ও অভিমুখী হইয়া অবস্থান করেন, তিনি দেহান্তে মৃত্যুর পর পরিশুদ্ধাভ দেবগণের মধ্যে উৎপন্ন হন। গৃহপতি! এইগুলিই চারি ভবোৎপত্তি।

গৃহপতি! একসময় দেবতাগণ এক জায়গায় সমবেত হন। সমবেত দেবতাদের মধ্যে বর্ণের পৃথককৃ দেখা যায়, কিন্তু আভায় পৃথককৃ দেখা যায় না। যেমন, গৃহপতি! কোন পুরুষ বহু তৈল প্রদীপ লইয়া যখন একটি ঘরে প্রবেশ করে, তখন প্রদীপগুলির শিখার পৃথককৃ দেখা যায়, কিন্তু আভার পৃথককৃ

দেখা যায় না। গৃহপতি! ঠিক এইরূপে, যখন দেবতাগণ দেখা যায় না। আবার এক সময় যখন দেবতাগণ চলিয়া যান, তখন তাহাদের বর্ণ ও আভার পৃথক্ত দেখা যায়। গৃহপতি! ইহা সেইরূপে, যেমন, কোন পুরুষ যখন প্রদীপগুলি ঘর হইতে বাহিরে লইয়া যায় তখন শিখা ও আভায় পৃথক্ত দেখা যায়। ঠিক এইরূপে, যখন দেখা যায়। গৃহপতি! ঐ দেবতাদের এইরূপ মনে হয় না : “ইহা আমাদের পক্ষে নিত্য বা ধ্রুব অথবা শুশ্রাত” অধিকন্তু এই সকল যেখানে যেখানে বাস করেন তাঁহারা তথায় প্রমোদ লাভ করেন। যেমন, গৃহপতি! বাঁকে বা ঝুড়িতে বহন করিবার সময় মঙ্গিকাদের এইরূপ মনে হয় না : “ইহা নিত্য বা ধ্রুব অথবা শুশ্রাত,” “অধিকন্তু, মঙ্গিকারা যেখানে থাকে, সেখানে আনন্দ লাভ করে। গৃহপতি! ঠিক এইরূপে প্রমোদ লাভ করেন।

এইরূপ কথিত হইলে আয়ুশ্মান অভিযক্তাত্যায়ন^১ আয়ুশ্মান অনিবৃদ্ধকে বলিলেন : উত্তম, ভদ্র! অনিবৃদ্ধ! ইহার পরেও আবার এ বিষয়ে জিজ্ঞাসা আছে। ভদ্র! যে সকল দেবতা আভাসম্পন্ন, তাঁহারা কি সকলেই পরিভূত কিংবা কোন দেবতা অপ্রমেয়াভ?— বন্ধু কাত্যায়ন। ভবোৎপত্তির কারণানুসারে^২ কোন কোন দেবতা পরিভূত, আবার কোন কোন দেবতা অপ্রমেয়াভ।

ভদ্র! অনিবৃদ্ধ! কি হেতু, কি প্রত্যয় যে এই দেবতারা যদিও একই দেবনিকায়ে উৎপন্ন হইয়াছেন, অথচ তাঁহাদের কেহ কেহ পরিভূত, আবার কেহ কেহ অপ্রমেয়াভ?

তাহা হইলে, বন্ধু কাত্যায়ন! এই সম্পর্কে আমি তোমাকে পান্টা জিজ্ঞাসা করিব। তুমি যে রকম সক্ষম, তদনুসারে ব্যাখ্যা কর। তুমি মনে কর বন্ধু কাত্যায়ন? যে ভিক্ষু এক বৃক্ষমূল মহদ্বাত (বিস্তৃত) ও ধ্যানের আলম্বন রূপে সেই বিস্তৃতি স্ফুরিত করিয়া ও অভিমুখী হইয়া অবস্থান করেন, আর যে ভিক্ষু দুই বা তিন বৃক্ষমূল পরিমাণ মহদ্বাত, তাহা আলম্বন রূপে স্ফুরিত করিয়া ও অভিমুখী হইয়া অবস্থান করেন— এই উভয় চিন্তাবনার মধ্যে কোনটি মহদ্বাততর?

ভদ্র! যে ভিক্ষু (ধ্যান) দুই বা তিন বৃক্ষমূল পরিমাণ মহদ্বাত (বিস্তৃত) সেই বিস্তৃতি আলম্বন রূপে স্ফুরিত করিয়া ও অভিমুখী হইয়া অবস্থান করেন, তাহাই

^১ অন্য শব্দে সভিয় কাত্যায়ন বলিয়া উল্লিখিত।

^২ পঞ্চম শুদ্ধনী চৰ্ত্ত পৃ- ২০২।

উভয় চিত্তভাবনার মধ্যে মহদ্বাততর ।

বন্ধু কাত্যায়ন! তুমি কি মনে কর? যে ভিক্ষু (ধ্যান) দুই বা তিন বৃক্ষমূল আর যে ভিক্ষু (ধ্যান) এক গ্রামক্ষেত্র পরিমাণ মহদ্বাত..কোনটি মহদ্বাততর?

ভদ্র! যে ভিক্ষু (ধ্যান) এক গ্রাম ক্ষেত্র পিরমান মহদ্বাত-মহাদ্বাততর ।

বন্ধু কাত্যায়ন! যে ভিক্ষু.....আর যে ভিক্ষু (ধ্যান) দুই বা তিন গ্রামক্ষেত্র.....মহদ্বাততর?

ভদ্র! যে ভিক্ষু (ধ্যান) দুই বা তিন গ্রামক্ষেত্র মহদ্বাততর ।

বন্ধু কাত্যায়ন! তুমি কি মনে কর? যে ভিক্ষু ধ্যান দুই বা তিন গ্রামক্ষেত্র আর যে ভিক্ষু (ধ্যান) এক মহারাজ্য পরিমাণ মহদ্বাততর?

ভদ্র! যে ভিক্ষু (ধ্যান) এক মহারাজ্য মহদ্বাততর ।

বন্ধু কাত্যায়ন! তুমি কি মনে কর? দুই বা তিন মহারাজ্য পরিমাণ মহদ্বাততর?

ভদ্র! যে ভিক্ষু (ধ্যান) দুই বা তিন মহারাজ্য পরিমাণ মহদ্বাততর ।

বন্ধু কাত্যায়ন! তুমি কি মনে কর? যে ভিক্ষু..আর যে ভিক্ষু (ধ্যান) আসমুদ্র পৃথিবী পরিমাণ মহদ্বাততর?

ভদ্র! যে ভিক্ষু (ধ্যান) আসমুদ্র পৃথিবী পরিমাণ মহদ্বাততর ।

বন্ধু কাত্যায়ন! ইহা হেতু, ইহাই প্রত্যয় যে এই দেবতারা যদিও কেহ কেহ অপমেয়াত ।

উত্তম, ভদ্র অনিবুদ্ধ! ইহার পরেও আমার জিজ্ঞাস্য আছে। যে সকল দেবতা আভাযুক্ত তাঁহারা কি সকলেই সংক্রিষ্টাত, কিংবা কোন কোন দেবতা পরিশুদ্ধাত?

বন্ধু কাত্যায়ন! ভবোৎপত্তির কারণানুসারে কোন কোন দেবতা সংক্রিষ্টাত, আবার কোন দেবতা বিশুদ্ধাত ।

ভদ্র অনিবুদ্ধ! কি হেতু, কি প্রত্যয় যে বিশুদ্ধাত?

বন্ধু কাত্যায়ন! তাহা হইলে আমি উপমা প্রদান করিব। কোন কোন বিজ্ঞ পুরুষ উপমা দ্বারা কথিত বিষয়ের অর্থ বুঝিতে পারেন। যেমন, প্রজ্ঞালিত কোন প্রদীপের তৈল অবিশুদ্ধ, সলিলাদি অবিশুদ্ধ এবং ইহাদের অবিশুদ্ধতার কারণে প্রদীপ অস্পষ্টভাবে জ্বলে, ঠিক এইরূপে, বন্ধু কাত্যায়ন! এখানে কোন ভিক্ষু সংক্রিষ্টাতা স্ফুরিত করিয়া ও অভিমুখী হইয়া অবস্থান করেন, তাঁহার কায়িক

অপবিত্রতা অবদমিত হয়, স্ত্যানমিদ্ব দূরীভূত হয় ও উন্মত্য কৌকৃত্য সুপ্রতিবিনীত হয় এবং তদুপ হইবার দ্রুন তিনি অস্পষ্টভাবে প্রজ্ঞালিত হন না। তিনি দেহবসানে মৃত্যুর পর পরিশুন্ধান্ত দেবগণের মধ্যে উৎপন্ন হন।

বন্ধু কাত্যায়ন! ইহাই হেতু, ইহাই প্রত্যয় কোন কোন দেবতা পরিশুন্ধান্ত।

এইরূপ কথিত হইলে আযুশ্মান অভিযকাত্যায়ন আযুশ্মান অনিবুদ্ধকে বলিলেন— উন্মত্য, ভদ্র! অনিবুদ্ধ! আযুশ্মান অনিবুদ্ধ এইরূপ বলেন নাই : ‘আমি এইরূপ শুনিয়াছি’ বা ‘এইরূপ হওয়া উচিত’ অথচ ভদ্র! আযুশ্মান অনিবুদ্ধ এইরূপ বলিয়াছেন যে এই সকল দেবতা এইরকম এবং ঐ সকল দেবতা ঐরূপ। ভদ্র! তোমার এইরূপ মনে হয় : আযুশ্মান অনিবুদ্ধ নিচয়ই পূর্ব হইতেই ঐ দেবতাদের সহিত বাস করিয়াছেন, আলাপ করিয়াছেন ও সংলাপ করিয়াছেন।

বন্ধু কাত্যায়ন! নিচয়ই তুমি শেষ কথা বলিয়াছ, আমিও তোমাকে উন্মত্য দিব। দীর্ঘকাল ধরিয়া আমি পূর্ব হইতেই ঐ দেবতাদের সহিত বাস করিয়াছি, আলাপ করিয়াছি ও সংলাপ করিয়াছি।

ইহা বিবৃত হইলে আযুশ্মান অভিযকাত্যায়ন পঞ্চকাঙ্গা স্থপতিকে বলিলেন : গৃহপতি! ইহা তোমার বড়ই লাভ, বড়ই সুলাভ, তোমার সন্দেহ দূর করিতে পারিয়াছি এবং ধর্মপর্য্যায় শ্রবণ করাইতে পারিয়াছি।

[অনিবুদ্ধ সূত্র সমাপ্ত]

উপক্রেশ সূত্র (১২৮)

আমি এইরূপ শুনিয়াছি :—

এক সময় ভগবান কৌশাস্তী সমীপে অবস্থান করিতেছিলেন ঘোষিতারামে^১। সেই সময়ে কৌশাস্তীতে ভিক্ষুগণ ভঙ্গজাত, কলহজাত, বিবাদাপন্ন হইয়া পরম্পর পরম্পরকে মৃত্যুভূত্যে ব্যথিত করিয়া অবস্থান করিতেছিলেন। তখন জনৈক ভিক্ষু ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট সেই ভিক্ষু ভগবানকে বলিলেন : ভদ্র! কৌশাস্তীতে ভিক্ষুগণ ব্যথিত করিতেছিলেন। সাধু, ভদ্র! অনুকম্পাপূর্বক ভগবান ভিক্ষুদের

^১ ঘোষিত শ্রেষ্ঠীর নির্মিত বিহারে।

নিকট উপস্থিত হউন। ভগবান তুষ্ণীভাবে স্মৃকৃতি দিলেন। অতঃপর ভগবান ভিক্ষুদের নিকট উপস্থিত হইলেন, উপস্থিত হইয়া ভিক্ষুদিগকে বলিলেন : ভিক্ষুগণ! যথেষ্ট হইয়াছে, আর না, তোমরা ভঙ্গন, কলহ, বিগ্রহ, বিবাদে লিপ্ত হইও না।

এইরূপ বিবৃত হইলে জনৈক ভিক্ষু ভগবানকে বলিলেন : ধর্মস্বামী প্রভু ভগবান! আপনি নিরন্ত হউন। ভদ্র ভগবান! আপনি এই বিষয়ে ঔৎসুক্যহীন হইয়া প্রত্যক্ষ সুখভোগে অনন্যুক্ত হইয়া অবস্থান করুন, এই ভঙ্গন, কলহ, বিগ্রহ এবং বিবাদে আমরা প্রতীয়মান হইব।

ভগবান দ্বিতীয়বার তৃতীয়বার ভিক্ষুদিগকে বলিলেন : ভিক্ষুগণ! যথেষ্ট হইয়াছে সেই ভিক্ষু দ্বিতীয়বার তৃতীয়বার বলিলেন প্রতীয়মান হইব।

অতঃপর ভগবান বহির্গমন বাস পরিধান করিয়া পাত্র চীবর লইয়া ভিক্ষাচর্যার জন্য কৌশাস্তীতে প্রবেশ করিলেন, ভিক্ষাচর্যা হইতে প্রত্যাবর্তন করিয়া ভোজনাল্পে শয্যাসন সামলাইয়া এবং পাত্রচীবর লইয়া দণ্ডায়মান হইয়া এই গাথাগুলি উচ্চারণ করিলেন :-

ভিনুশদ্দ সমজন কেহ নাহি মনে করে আমি মূর্খ জন,

অধিকন্তু নাহি ভাবে আমার কারণ সজ্জত্বেদ হইল এখন।

পরিমুচ্ছ্বৃতি ভাষায় পঞ্চিত বাগীশ বাক্য করে উদ্ধীরণ,

জানে না কি পরিণাম যদিও যথেছ করে মূখব্যাদান।

আক্রোশ, বধ করিল আমায়, উপহাস করে আর জিনিল আমায়,

এই ভাব মনে পোষে যে বৈরিতা কখন তার শান্ত না হয়।

আক্রোশ, বধ করিল আমায়, উপহাস করে, জিনিল আমায়,

এই ভাব পোষে না যে বৈরিতা উপশান্ত তাহার নিশ্চয়।

শত্রুতায় শত্রুতার শান্তি না হয় কখন,

মেট্রীতে শমিত বৈরী ইহা ধর্ম সনাতন।

অন্য লোকে নাহি জানে হেথা হতে যমালয় করিব গমন,

পঞ্চিত সে কথা জানে কলহ শমিত তার হয় সে কারণ।

অস্তিছেদ প্রাণ আর গবাশ্ব হরণ, কিংবা রাষ্ট্র ধ্বংস সাধন

করেও যদি হয় তার মিলন, তোমার তা হবে না কেমন?

যদি লত প্রাঙ্গ সহায় ধীর সহচর আর সাধু সজ্জন,

সর্ব ভীতি জয় করি চর লোকে স্মৃতিমান আনন্দিত মন।

যদি নাহি লভ প্রাঞ্জ সহায় ধীর সহচর আর সাধু সজ্জন,
রাজা যথা জিতরাজ্য ত্যজে একা চলে অরণ্যে মাতঙ্গ যেমন!

একা চলা শ্রেয়, মূর্খ হতে সহায়তা নাহি প্রয়োজন,

একা চল না করি পাপ নিরুৎসুক অরণ্যে মাতঙ্গ যেমন।

দণ্ডায়মান ভগবান এই গাথা আবৃত্তি করিয়া বালকলোগকার গ্রামে^১ উপস্থিত, হইলেন। সেই সময়ে আযুষ্মান ভৃগু বালকলোগকার গ্রামে অবস্থান করিতে ছিলেন। আযুষ্মান ভৃগু ভগবানকে দূর হইতে আসিতে দেখিলেন, দেখিয়া আসন এবং পা ধুইবার জলের ব্যবস্থা করিলেন। ভগবান নির্দিষ্ট আসনে উপবেশন করিলেন এবং পা প্রক্ষালন করিলেন। আযুষ্মান ভৃগুও ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আযুষ্মান ভৃগুকে ভগবান বলিলেন : ভিক্ষু! তোমার ক্ষমনীয় (সহনীয়) ও যাপনীয় (জীবন যাপনের অসুবিধা) আছে কি? ভিক্ষার অভাবে কোন কষ্ট হয় নাত?

- ভগবান! আমার ক্ষমনীয় ও যাপনীয় কিছু আছে, কিন্তু ভিক্ষার জন্য কোন কষ্টভোগ করিতেছি না।

অতঃপর ভগবান আযুষ্মান ভৃগুকে ধর্মকথা দ্বারা সম্বর্শিত, সমাদাপিত, সমুদ্ভেজিত, সম্প্রহর্ষিত করিয়া আসন হইতে উঠিয়া পূর্ববৎসদাবে^২ উপস্থিত হইলেন। সেই সময়ে আযুষ্মান অনিবৃদ্ধ, আযুষ্মান নন্দিয়, আযুষ্মান কিঞ্চিল পূর্ববৎসদাবে অবস্থান করিতেছিলেন। উদ্যানপাল দূর হইতে ভগবানকে আসিতে দেখিলেন, দেখিয়া ভগবানকে বলিলেন : শ্রমণ! এই উদ্যানে প্রবেশ করিবেন না, যেহেতু এখানে তিনজন কুলপুত্র যথারুচি অবস্থান করিতেছেন, আপনি তাহাদের অসুবিধার সৃষ্টি করিবেন না! আযুষ্মান অনিবৃদ্ধ ভগবানের সহিত উদ্যান পালের আলাপ শুনিতে পাইলেন, শুনিতে পাইয়া উদ্যান পালকে বলিলেন : “বন্ধু” উদ্যান পাল! তুমি ভগবানকে বারণ করিও না, আমাদের শাস্তা স্বয়ং ভগবানই এই স্থানে উপনীত হইয়াছেন।” অতঃপর আযুষ্মান অনিবৃদ্ধ আযুষ্মান নন্দিয় ও আযুষ্মান কিঞ্চিলের নিকট উপস্থিত হইলেন, উপস্থিত হইয়া তাঁহাদিগকে কহিলেন : “আযুষ্মানগণ! অগ্রসর হউন।

^১ কৌশাস্থীর নিকটবর্তী একটি গ্রাম।

^২ চেতিয় বা চেদি রাজ্যে একটি উপবন। দাব শব্দের অর্থ অরণ্য প. সু।

আমাদের শান্তা ভগবান এখানে উপনীত হইয়াছেন।” অতঃপর আযুষ্মান অনিরুদ্ধ, আযুষ্মান নন্দিয় এবং আযুষ্মান কিঞ্চিল ভগবানকে সম্বর্ধনা করিয়া একজন ভগবানের হন্ত হইতে পাত্রচীবর গ্রহণ করিলেন, একজন আসন প্রস্তুত করিলেন এবং একজন পাদোদক লইয়া অপেক্ষা করিলেন। ভগবান নির্দিষ্ট আসনে উপবেশন করিলেন, উপবেশন করিয়া পাদ প্রক্ষালন করিলেন। সেই আযুষ্মানগণও ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আযুষ্মান অনিরুদ্ধকে ভগবান বলিলেন : “অনিরুদ্ধ! তোমাদের কষ্ট হয় না ত?— ভগবান! আমাদের ক্ষমনীয় ও যাপনীয় কিছু আছে, কিন্তু ভিক্ষার জন্য আমাদের কোন কষ্ট নাই।

— “অনিরুদ্ধ! তোমরা সমগ্রভাবে, সানন্দে, অবিবাদমান শ্রীরোদকসম হইয়া পরম্পর পরম্পরকে প্রিয়চক্ষে দেখিয়া অবস্থান করত”?- ভদ্র! অবশ্যই আমরা সমগ্রভাবে অবস্থান করি।

— “অনিরুদ্ধ! তোমরা কি প্রকারে সমগ্রভাবে, অবস্থান কর?”— ভদ্র! আমাদের এইরূপ মনে হয় : ইহা আমার পক্ষে পরম লাভ ও সৌভাগ্য যে আমি এহেন সতীর্থগণের সহিত অবস্থান করিবার সুযোগ পাইয়াছি। এই আযুষ্মানদের প্রতি আমার মৈত্রীপূর্ণ কায়কর্ম, বাক্কর্ম ও মনোকর্ম প্রবৃত্ত আছে। ভদ্র! তখন আমার মনে এই চিন্তা হয়। আমার পক্ষে নিজ চিন্তকে দূরে নিষ্কেপ করিয়া এই আযুষ্মানগণের চিন্তবশে অনুবর্তন করা বিধেয়। বাস্তবিক আমি নিজ চিন্তকে দূরে নিষ্কেপ করিয়া এই আযুষ্মানগণের চিন্তবশেই অনুবর্তন করি। দেহ ভিন্ন বটে, কিন্তু আমাদের চিন্ত যেন একই।

আযুষ্মান নন্দিয়, আযুষ্মান কিঞ্চিলও জিজ্ঞাসিত হইয়া এইরূপেই উত্তর প্রদান করিলেন :

“ভদ্র! আমরা এইরূপে সমগ্রভাবে অবস্থান করি।”

— সাধু, সাধু, অনিরুদ্ধ প্রমুখ ভিক্ষুগণ! তোমরা অপ্রমত্ত, আত্মপী ও সাধনা তৎপর হইয়া অবস্থান করত?

— ভদ্র! অবশ্যই আমরা অপ্রমত্ত অবস্থান করি।— অনিরুদ্ধ! তোমরা ঠিক কিরূপে অপ্রমত্ত অবস্থান কর?

— ভদ্র! আমাদের মধ্যে যিনি প্রথম গ্রাম হইতে ভিক্ষান্ত লইয়া প্রত্যাগমন করেন, তিনি আসনগুলি নির্দিষ্ট করিয়া রাখেন, পানীয় ঘট ও ভোজনপাত্র ও ভোজ্য রাখিবার পাত্রের ব্যবস্থা করেন। যিনি শেষে গ্রাম হইতে ভিক্ষান্ত সংগ্রহ

করিয়া প্রত্যাগমন করেন, যদি ভুক্তাবশিষ্ট কিছু থাকে, ইচ্ছা করিলে তাহা ভোজন করেন, ইচ্ছা না করিলে তিনি তাহা অল্পত্তণাবৃত স্থানে নিষ্কেপ করেন, অথবা প্রাণশূন্য জলে নিমজ্জিত করেন। তিনি আসনগুলি তুলিয়া রাখেন, পানীয়ঘট, ভোজনপাত্র তুলিয়া রাখেন, ভোজ্য রাখিবার পাত্র ধৌত করিয়া তুলিয়া রাখেন এবং ভোজনস্তুল পরিকার করেন। যদি তিনি দেখিতে পান পানীয় ঘট ও ভোজনপাত্র^১ রিক্ত ও শূন্য, তিনি তাহা জলপূর্ণ করিয়া যথাস্থানে রাখিয়া দেন। যদি তাহার পক্ষে একাকী তাহা সম্পাদন করা সম্ভব না হয়, তাহা হইলে তিনি দ্বিতীয় ব্যক্তিকে হস্তসংকেতে ডাকিয়া উভয়ের হাতে ধরিয়া তুলিয়া রাখেন। ভদ্র! আমরা অকারণ বাক্য উচ্চারণ করি না, আমরা পাঁচদিন অন্তর সারারাত্রি ধর্মালোচনায় আসীন থাকি। ভদ্র! এইরূপে আমরা অপ্রমত্ত অবস্থান করি।

সাধু, সাধু, অনিবুদ্ধ প্রমুখ ভিক্ষুগণ! যেইরূপে অপ্রমত্ত অবস্থান করিবার ফলে তোমাদের কি লোকাতীত ধর্ম, আর্যজ্ঞানদর্শন বিশেষ ও স্বচ্ছল্দ বিহার আয়ত্ত হইয়াছে?

ভদ্র! এইস্থলে আমরা অপ্রমত্ত অবস্থান কালে অবভাস (জ্যোতি) এবং রূপদর্শন^২ জানিতে পারি, কিন্তু অচিরেই সেই জ্যোতি ও রূপদর্শন কেন অন্তর্ধান করে তাহার কারণ আমরা বুঝিতে পারি না।

অনিবুদ্ধ প্রমুখ ভিক্ষুগণ! তোমাদের সেই কারণ (নিমিত্ত) বুঝিতে পারা উচিত। আমিও সম্মোধিলাভের পূর্বে যখন আমি অনভিসম্মুদ্ধ বোধিসত্ত্ব, তখন অবভাস (ধ্যানজনিত দেহনির্গত জ্যোতি) ও রূপদর্শন জানি। কিন্তু অচিরেই আমার অবভাস ও রূপদর্শন অন্তর্হিত হয়। অনিবুদ্ধগণ! তখন আমার মনে হইয়াছে : কি হেতু, কি কারণ যে আমার অবভাস ও রূপদর্শন অন্তর্হিত হইয়াছে? তখন আমার মনে হইয়াছে : আমার মধ্যে বিচিকিৎসা (সন্দেহ) উৎপন্ন হইয়াছে, বিচিকিৎসার কারণে সমাধি চূত হয়, সমাধি চূত হইলে অবভাস ও রূপদর্শন অন্তর্হিত হয়, আমি সেইভাবে কর্মসম্পাদন করিব যাহাতে আর বিচিকিৎসা উৎপন্ন না হয়। অনিবুদ্ধগণ! অপ্রমত্ত অবস্থান করিবার ফলে আমি অবভাস ও রূপদর্শন জানিতে পারি। কিন্তু অচিরেই আমার অবভাস ও রূপদর্শন অন্তর্হিত হয়, তখন আমার মনে হয় : কি হেতু, কি প্রত্যয় যে

^১ বিনয়পিটকে (১ম পৃঃ ৩৫২) এখানে বচ্ছষ্ট অর্থাৎ শৌচঘটের উল্লেখ আছে।

^২ ওভাসো তি পরিকল্পেতাসো পি অন্তরায়ি দিক্ষুচক্ষু-নপি রূপঃ ন পস্তি সি প. সু.

অন্তর্হিত হইয়াছে? তখন আমার মনে হইয়াছে ৪ আমার মধ্যে অমনকার উৎপন্ন হইয়াছে এবং সেই কারণে সমাধিচ্যুত হইয়াছি অন্তর্হিত হইয়াছে। আমি সেইভাবে কর্মসম্পাদন করিব যাহাতে আর বিচিকিৎসা ও অমনকার উৎপন্ন না হয়। স্ত্যানমিদ্ধ ও স্তুষ্টিতভাব সম্পর্কেও এরূপ। অনিবৃন্দ্ব! যেমন, কোন পুরুষের রাজপথে গমনকালে উভয় পার্শ্ব হইতে হত্যাকারী তাহাকে আক্রমণ করে এবং তাহার মধ্যে স্তুষ্টিতভাব উৎপন্ন হয় এবং সেই কারণে অন্তর্হিত হয়। আমি সেইভাবে কর্ম সম্পাদন করিব যাহাতে পুনরায় আমার মধ্যে বিচিকিৎসা স্তুষ্টিতভাব উৎপন্ন না হয়। অনিবৃন্দ্বগণ!.. উৎফুল্লতা উৎপন্ন হয় অন্তর্হিত হয়। যেমন, অনিবৃন্দ্বগণ! কোন ব্যক্তি এক নির্ধিমুখ^১ অন্বেষণ করিতে একইবাবে পঞ্চনির্ধিমুখ লাভ করে এবং সেই কারণে তাহার মধ্যে উৎফুল্লতা উৎপন্ন হয়, ঠিক একইভাবে আমার মধ্যে উৎফুল্লতা উৎপন্ন হইয়াছে উৎফুল্লতা উৎপন্ন না হয়। দুষ্টভাব সম্পর্কেও এইরূপ।.. অত্যাধিক ক্ষীণ বীর্য উৎপন্ন হইয়াছে অন্তর্হিত হইয়াছে। যেমন, অনিবৃন্দ্বগণ! কোন ব্যক্তি উভয় হস্তে বর্তককে এমন দৃঢ়ভাবে আবন্দ করে যে বর্তক মৃত্যুমুখে পতিত হয়। ঠিক এইরূপে দুষ্টভাব উৎপন্ন না হয়। অতি ক্ষীণ বীর্য উৎপন্ন হইয়াছে অন্তর্হিত হইয়াছে। যেমন, অনিবৃন্দ্বগণ! কোন ব্যক্তি বর্তককে এমন শিথিলভাবে আবন্দ করে যে সে তাহার হস্ত হইতে ফস্কাইয়া যায় অতি ক্ষীণ বীর্য উৎপন্ন না হয়। ত্রঃঃ, নানাত্মসংজ্ঞা, রূপের অতিনিধ্যানভাব সম্পর্কেও এইরূপ। অনিবৃন্দ্বগণ! তখন আমি ‘বিচিকিৎসা চিকিৎসের উপক্রেশ’ ইহা জনিয়া চিকিৎসের উপক্রেশ বিচিকিৎসা পরিত্যাগ করিলাম। অমনকার, স্ত্যান-মিদ্ধ, স্তুষ্টিতভাব, উৎফুল্লতা, দুষ্টভাব, অত্যারোধ্ব বীর্য, অতিক্ষীণ বীর্য, ত্রঃঃ, নানাত্মসংজ্ঞা, রূপের অতিনিধ্যান সম্পর্কেও এইরূপ।

অনিবৃন্দ্বগণ! আমি অপ্রমত্ত.. অবস্থান করিতে এবং অবভাসকে জানি কিন্তু রূপদর্শন করি না। রূপ দেখি, তারপর সারা রাত্রি দিন এবং সম্পূর্ণ এক দিন রাত্রি রূপগুলি দেখি, কিন্তু অবভাসকে জানিতে পারি নাই। তখন আমার মনে হইলঃ কি হেতু, কি প্রত্যয় যে আমি অবভাসকে জানি অবভাসকে জানিতে পারি নাই? অনিবৃন্দ্বগণ! তখন আমার মনে হইলঃ– যে সময়ে আমি রূপনিমিত্তে মনকার না করিয়া অবভাসনিমিত্তে মনকার করি, তখন আমি

^১ বহুমূল্য রত্ন।

অবভাসকে জানি, রূপকে দর্শন করি না। আবার যখন অবভাস নিমিষ্টে মনক্ষার না করিয়া রূপনিমিষ্টে মনক্ষার করি তখন অবভাসকে জানিতে পারি না, রাত্রি দিন কেবল রূপ দর্শন করি।

অনিরুদ্ধগণ! আমি অপ্রমত্ত অবস্থান করিবার সময়ে সামান্য অবভাস জানি আর সামান্য রূপরাশি দর্শন করি, রাত্রিদিন অপ্রমাণ (বহু পরিমাণ) অবভাস জানি আর অপ্রমাণ রূপরাশি দর্শন করি। তখন আমার মনে হইল : কি হেতু দর্শন করি? তখন আমার মনে হইল : যখন সামান্য সমাধি হয়, তখন আমার সামান্য চক্ষু (দৃষ্টিশক্তি) হয়, সুতরাং সামান্য চক্ষু দ্বারা আমি সামান্য অবভাস জানি ও সামান্য রূপরাশি দর্শন করি। যখন আমার অসামান্য ও অপ্রমাণ সমাধি হয়, তখন আমার অপ্রমাণ চক্ষু হয় এবং অপ্রমাণ চক্ষু দ্বারা রাত্রি দিন অপ্রমাণ অবভাস জানিতে পারি ও অপ্রমাণ রূপরাশি দর্শন করি। অনিরুদ্ধগণ! আমার ‘বিচিকিৎসা চিকিৎসের উপক্রেশ’ জানিয়া বিচিকিৎসা চিকিৎসের উপক্রেশ দূরীভূত হইয়াছে। অমনক্ষার অতিনিধ্যান ভাব সম্পর্কেও এইরূপ। তখন আমার মনে হইল : যে সকল আমার চিকিৎসের উপক্রেশ, সেইসকল দূরীভূত হইয়াছে। এখন আমি ত্রিবিধভাবে সমাধি ভাবনা করি। অনিরুদ্ধগণ! আমি সবিতর্ক সবিচার সমাধি, অবিতর্ক সবিচার ও অবিতর্ক অবিচার সমাধি ভাবনা করিয়াছিলাম, সপ্তীতিক, অপ্তীতিক, শাতসহগত^১, উপেক্ষা সহগত সমাধি ভাবনা করিয়াছিলাম।

অনিরুদ্ধগণ! যখন আমার এইসকল সমাধি ভাবিত হয় তখন আমার এই জ্ঞানদর্শন উৎপন্ন হইল : আমার বিমুক্তি অবিচল, ইহা শেষ জন্ম, আর পুনর্জন্ম হইবে না।

ভগবান ইহা বিবৃত করিলেন। আয়ুশ্বান অনিরুদ্ধ সন্তুষ্টচিত্তে ভগবানের ভাষণে আনন্দ প্রকাশ করিলেন।

[উপক্রেশ সূত্র সমাপ্ত]

বাল পঞ্জিত সূত্র (১২৮)

আমি এইরূপ শুনিয়াছি :—

এক সময় ভগবান শ্রাবণী সমীপে অবস্থান করিতেছিলেন জ্ঞেতবনে অনাথপিণ্ডিকের আরামে। ভগবান ভিক্ষুদিগকে আহ্বান করিলেন : “হে

^১ সুখসহগত।

তিক্ষুগণ! ”— “ভদ্র!” বলিয়া তিক্ষুগণ ভগবানকে প্রত্যন্তর দিলেন। ভগবান কহিলেন ৪ তিক্ষুগণ! এই তিনটি মূর্খের বাল লক্ষণ, বালনিমিত্ত ও বালবৈশিষ্ট্য। তিনটি কি কি? তিক্ষুগণ! এই শূলে মূর্খ (অভিধ্যা, ব্যাপাদ ইত্যাদি) দুষ্ট চিন্তাপরায়ণ, (মিথ্যা ভাষণাদি) দুর্ভাষিত ভাষী ও (প্রাণি হত্যা ইত্যাদি) দুর্কর্মকারী^১ হয়। তিক্ষুগণ! যদি মূর্খ দুষ্ট চিন্তাকারী, দুর্ভাষিত ভাষী ও দুর্কর্মকারী না হইত, তাহা হইলে পঞ্চতগণ কিরূপে জানিতে পারেন ৫ এই ভবদীয় কি মূর্খ ও অসৎ পুরুষ? যেহেতু মূর্খ দুষ্ট চিন্তাকারী সেইজন্য পঞ্চতেরা জানেন, এই ভবদীয় মূর্খ ও অসৎ পুরুষ। তিক্ষুগণ! সেই মূর্খ ইহজীবনে ত্রিবিধি দুঃখ দৌর্মনস্য অনুভব করে। যদি মূর্খ সভায় বা রথে বা মহাপথের সংযোগস্থলে উপবিষ্ট থাকে, এবং তথায় লোকজন তাহার সম্পর্কে তদুপযোগী কথা বলিয়া থাকে, যদি মূর্খ প্রাণি-হত্যাকারী, অদন্তগ্রহণকারী, কামে ব্যতীচারী, মিথ্যাবাদী, সুরা-মৈরেয় মদ্য প্রমাদস্থানে আসন্ত হয়, মূর্খের এরূপ মনে হয় ৬ “এই সকল লোক আমার সম্পর্কে আমার উপযুক্ত কথা বলিতেছে, কারণ, এ সকল ধর্ম আমার মধ্যে বর্তমান এবং আমি ও এ সকল ধর্মে জড়িত আছি”— তিক্ষুগণ! মূর্খ ব্যক্তি ইহজীবনে এই প্রথম দুঃখ দৌর্মনস্য অনুভব করে।

পুনর্চ, তিক্ষুগণ! মূর্খ দেখে, রাজগণ দুরুত্তরারী চোরকে ধৃত করিয়া বিবিধ কর্মকরণ^২ (শাস্তি) বিধান করেন ৭ কশাঘাত করা হয়, বেত্রাঘাত করা হয়, অর্ন্দদন্ডকে (মুদ্ধারাদি দ্বারা) প্রহার করা হয়, হস্ত ছিন্ন করা হয়, পদ ছিন্ন করা হয়, হস্তপদ ছিন্ন করা হয়, কর্ণচেদ করা হয়, নাসাচেদ করা হয়, কর্ণনাসাচেদ করা হয়, বিলগুস্থালী করা হয়, শঙ্খামুক করা হয়, রাহুমুখ করা হয়, জ্যোতিমাল করা হয়, হস্ত প্রদোয়াতিত করা হয়, ছাগচর্মিক করা হয়, জীর্ণচীরবাস করা হয়, পেরেকবিন্দ করা হয়, বড়শীর দ্বারা মাংস বিন্দ করা, কার্যাপন-পরিমিত করা হয়, ক্ষার প্রয়োগ করা হয়, পলিঘ-বিন্দ করা হয়, পলালপীঠ করা হয়, তঙ্গতেলে অভিষিক্ত করা হয়, ক্ষিপ্ত কুকুর দ্বারা খাওয়ান হয়, জীবন্ত শূলে দেওয়া হয় এবং অসি দ্বারা শিরচেদ করা হয়। তিক্ষুগণ! তখন মূর্খ ব্যক্তি এইরূপ চিন্তা করে ৮ এই সকল পাপকার্যের জন্য রাজগণ চোরকে ধৃত করিয়া অসি দ্বারা শিরচেদ করেন। এই সকল ধর্ম আমার

^১ প. সু. ৪ৰ্থ পৃঃ ২১০।

^২ মধ্যনিকায় (১ম), পৃঃ ৮৯ দ্রষ্টব্য।

মধ্যে বিদ্যমান, আমি এই সকল ধর্মে বিজড়িত। যদি রাজগণ আমার সম্পর্কে জানিতে পারেন, তাহা হইলে রাজগণ আমাকে ধূত করিয়া বিবিধ কর্মকরণ বিধান করিতে পারেন : কশাঘাত অসি দ্বারা শিরশ্চেদ করিতে পারেন। ভিক্ষুগণ! মূর্খ ব্যক্তি ইহ জীবনে এই দ্বিতীয় বার দুঃখ দৌর্মনস্য অনুভব করে।

পুনর্চ, ভিক্ষুগণ! পীঠ সমারূচ বা মঞ্চ সমারূচ বা ভূমিতে শয়ান মূর্খের উপর তাহার পূর্বকৃত কায়দুচরিত, বাক্দুচরিত, মনঃদুচরিত পাপকার্যগুলি অবলম্বিত, অধ্যলম্বিত ও অভিপ্লম্বিত (ন্যস্ত) হয়। যেমন, ভিক্ষুগণ! উচ্চ পর্বত শিখরের ছায়া সায়াহে পৃথিবীর উপর অবলম্বিত হয়, ঠিক এইরূপে পীঠ সমারূচ অভিপ্লম্বিত হয়। ভিক্ষুগণ! তখন মূর্খ ব্যক্তির এইরূপ মনে হয় : যাহা কল্যাণদায়ক তাহা আমার দ্বারা কৃত হয় নাই, কুশল কৃত হয় নাই, ভয়ঙ্কর হইতে পরিত্রাণ কৃত হয় নাই, কিন্তু পাপ কৃত, নিষ্ঠুরতা কৃত এবং কলুষতা কৃত হইয়াছে। অকৃতঅকল্যাণ, অকৃতকুশল, অকৃতভয়ঙ্কর পরিত্রাণ, কৃতপাপ, কৃতনিষ্ঠুরতা, কৃতকলুষতাদের যে গতি, আমার সেই গতি হইবে। সে শোক করে, কষ্ট পায়, উরু বাজাইয়া ক্রম্বন করে এবং মোহগ্রাস্ত হয়— মূর্খ ইহজীবনে এই তৃতীয় দুঃখ দৌর্মনস্য অনুভব করে।

ভিক্ষুগণ! সেই মূর্খ কায়দ্বারা দুশ্চরিত্র আচরণ করিয়া, বাক্দ্বারা দুশ্চরিত্র আচরণ করিয়া, মনদ্বারা দুশ্চরিত্র আচরণ করিয়া দেহাবসানে মৃত্যুর পর অপায় দুর্গতি, বিনিপাত নরকে উৎপন্ন হয়। ভিক্ষুগণ! সে নিজের সম্পর্কে সম্যক্রূপে বলে। একান্তরূপে অনভিপ্রেত, অকান্ত ও অমনোজ্ঞ, নরক সম্পর্কেও সে সম্যক্রূপে বলে : ইহা অনভিপ্রেত, অকান্ত ও অমনোজ্ঞ। নরক দুঃখ অনেক বলিয়া এখানে উপমা সহজ নহে।

ইহা বিবৃত হইলে একজন ভিক্ষু ভগবানকে বলিলেন : ভদ্র! আপনি কি উপমা দিতে সক্ষম?

ভগবান বলিলেন : হ্যা, ভিক্ষু! সম্ভব। যেমন, কোন দুষ্কৃতকারী চোরকে ধূত করিয়া রাজার নিকট উপস্থিত করা হয় : প্রভু! এই ব্যক্তি একজন দুষ্কৃতকারী চোর। ইহাকে যথেচ্ছ শাস্তি প্রদান করুন। রাজা তখন বলিতে পারেন : যাও হে, তোমরা এই ব্যক্তিকে পূর্বাহ সময়ে শত অশ্ব দ্বারা আঘাত কর। তাহারা সেই ব্যক্তিকে পূর্বাহ সময়ে শত অশ্ব দ্বারা আঘাত করিল। মধ্যাহ সময়ে রাজা এইরূপ বলিতে পারেন : কি হে! সেই ব্যক্তি কিরূপ আছে?— প্রভু! সে এখনও জীবিত। রাজা বলিলেন : যাও হে, তোমরা আবার

মধ্যাহ্ন সময়ে তাহাকে শত অস্ত্র দ্বারা আঘাত কর। তাহারা তাহাই করিল। সায়াহ্ন সময়ে আবার বলিতে পারেন : কি হে! সেই ব্যক্তি কিরূপ আছে?—প্রভু! সে সেইরূপ জীবিত আছে। তখন রাজা বলিতে পারেন : যাও হে তোমরা, তাহাকে সায়াহ্ন সময়ে শত অস্ত্র দ্বারা আঘাত কর। তাহারা তাহাই করিল। ভিক্ষুগণ! তোমরা কি মনে কর? সেই ব্যক্তি কি তিনশত অস্ত্র দ্বারা আহত হইয়া সেই হেতু দুঃখ দৌর্মনস্য অনুভব করিবে?

তদন্ত! একটি অস্ত্রাঘাতেই সেই ব্যক্তি দুঃখ দৌর্মনস্য অনুভব করিবে, তিনশত অস্ত্রের সম্পর্কে আর কি কথা?

তখন ভগবান হস্তপরিমাণ সামান্য একবৎ পাথর লইয়া ভিক্ষুদের বলিলেন : ভিক্ষুগণ! তোমরা কি মনে কর? আমার গৃহীত এই হস্ত পরিমাণ সামান্য পাথর আর পর্বতরাজ হিমবন্তের মধ্যে কোনটি বৃহত্তর?

তদন্ত! ভগবান কর্তৃক গৃহীত হস্তপরিমিত সামান্য প্রস্তরখণ্ড অতি অল্প মাত্র, পর্বতরাজ হিমবন্তের তুলনায় নগণ্য, তুলনার অযোগ্য, এমন কি কলা প্রমাণ (যোল ভাগের এক ভাগ)ও নহে।

ভিক্ষুগণ! ঠিক এইরূপে, যে ব্যক্তি তিনশত অস্ত্র দ্বারা আহত হইয়া সেই কারণে দুঃখ দৌর্মনস্য অনুভব করে, তাহা নিরয়ের তুলনায় নগণ্য, কলাভাগ মাত্রও নহে, ইহা তুলনার অযোগ্য। ভিক্ষুগণ! নিরয়পালগণ তাহার উপর পঞ্চবিধ বন্ধন (শাস্তি) প্রয়োগ করে। তাহারা তঙ্গ লৌহ দণ্ড প্রত্যেক হস্তে, প্রত্যেক পদে এবং বক্ষে বিদ্ধ করে, সেই কারণে সে দুঃখ, তীব্র, কটুক বেদনা অনুভব করে, যতক্ষণ তাহার পাপকর্ম ক্ষয় প্রাপ্ত না হয়, ততক্ষণ তাহার মৃত্যু হয় না। নিরয়পালগণ তাহাকে শোয়াইয়া কুঠার দ্বারা তক্ষণ করে। সে তাহাতে তীব্র কটুক দুঃখ বেদনা অনুভব করে মৃত্যু হয় না। তারপর নিরয়পালগণ তাহার পা উপরের দিকে ও মাথা নীচের দিকে স্থাপন করিয়া বাসী দ্বারা তক্ষণ করে, সে তাহাতে মৃত্যু হয় না।

ভিক্ষুগণ! তারপর নিরয়পালগণ তাহাকে রথের সহিত বাঁধিয়া জুলন্ত মাটির উপর দিয়া টানিয়া লইয়া যায়। সে তাহাতে মৃত্যু হয় না।

ভিক্ষুগণ! তারপর নিরয়পালগণ তাহাকে বিশাল প্রদীপ্ত জুলন্ত অঙ্গারপর্বতে ফেলিয়া দিয়া উল্টাইয়া দেয়, পাল্টাইয়া দেয়। সে তাহাতে মৃত্যু না হয়। তারপর নিরয়পালগণ তাহার পা উপরের দিকে আর মাথা নীচের দিকে ধরিয়া তঙ্গ লৌহ জুলন্ত প্রদীপ্ত কুস্তীতে নিষ্কেপ করে, সে বুদ্বুদ তুলিয়া সিদ্ধ হইতে

থাকে, কখন উপরের দিকে উঠে, কখন নীচের দিকে নামে, কখনও বা ত্রিয়ক দিকে যায়। সে তাহাতে ঘৃত্য না হয়। তারপর নিরয়পালগণ তাহাকে মহানিরয়ে নিষ্কেপ করে। সেই মহানিরয় চতুর্কৰ্ণ (অংশবিশিষ্ট) ও চতুর্দ্বিত বিশিষ্ট, ভাগানুসারে বিভক্ত ও পরিমাণ বিশিষ্ট, লৌহপ্রাচীরে পরিবেষ্টিত এবং লৌহ দ্বারা পরিকুজিত (আচ্ছাদিত), তাহাদের ভূমি লোহময়ী, প্রজ্ঞাপিত, তেজযুক্ত এবং চারিদিকে শতবোজন বিস্তৃত।

ভিক্ষুগণ! অনেক পর্যায়ে আমি নিরয় কথা বলিতে পারি, কিন্তু নিরয়গুলি বহু দুঃখ পূর্ণ বলিয়া সম্পূর্ণরূপে বর্ণনা করা সহজ নহে।

ভিক্ষুগণ! অনেক ত্রিয়কগামী প্রাণি আছে যাহারা তৃণভোজী। তাহারা আদ্র এবং শুক তৃণ দ্বন্দ্ব দ্বারা চর্বণ করিয়া ভক্ষণ করে। ভিক্ষুগণ! ত্রিয়কগামী তৃণভোজী প্রাণি কি কি?— অশ্ব, গো, গর্জন, অজ, মৃগ এবং অন্য যাহারা ত্রিয়কগামী তৃণভোজী প্রাণি। ভিক্ষুগণ! পূর্বে যে মূর্খ এখানে রসাস্বাদ করিয়া পাপকার্য করিয়াছে, সে দেহাবসানে মৃত্যুর পর এখানে তৃণভোজী সন্তুদের মধ্যে উৎপন্ন হয়।

ভিক্ষুগণ! অনেক ত্রিয়কগামী গৃথভোজী প্রাণি আছে যাহারা গৃথগন্ধ আন্তরাগ করিয়া দূর হইতে ধাবিত হয় : “এখানে খাইব, এখানে খাইব!” যেমন, ব্রাহ্মণগণ আহুতি গমন্ত্বে ধাবিত হয় : “এখানে তোজন করিব, এখানে তোজন করিব”।— ঠিক ভিক্ষুগণ! এইরূপে অনেক ত্রিয়কগামী খাইব। ভিক্ষুগণ! ত্রিয়কগামী গৃথভোজী প্রাণি কি কি?— কুক্কুট, শূকর, কুকুর, শৃঙ্গাল এবং এইরূপ অন্যান্য গৃথভোজী প্রাণি। ভিক্ষুগণ! পূর্বে যে মূর্খ গৃথভোজী সন্তুদের মধ্যে উৎপন্ন হয়।

ভিক্ষুগণ! অনেক ত্রিয়কগামী অন্ধকারে জন্মায় যথা— কীট, পদ্মবা, কেঁচো উৎপন্ন হয়।

ভিক্ষুগণ! অনেক ত্রিয়কগামী প্রাণি আছে যাহারা জলে জন্মায়, জলে বড় হয় ও জলে মারা যায়। এই সকল প্রাণি কি কি? যথা : মৎস্য, কচ্ছপ, কুস্তীর এবং এ জাতীয় অন্যান্য প্রাণি। ভিক্ষুগণ! পূর্বে যে মূর্খ উৎপন্ন হয়।

ভিক্ষুগণ! অনেক ত্রিয়কগামী প্রাণি আছে যাহারা অশুচিতে জন্মায়, অশুচিতে বড় হয় ও অশুচিতে মারা যায়। এ সকল প্রাণি কি কি? ভিক্ষুগণ! যে সকল সন্তু পৃতি (পচা) মৎস্যে জন্মায়, বড় হয় ও মারা যায়, পৃতি কুনপে (শবে) পৃতিশস্যাদিতে, চন্দনিকায়, (গ্রামদ্বারে স্থিত জলাশয়ে) অবটর্গর্তে

(পজিকল জলাশয়ে) জন্মায় অশুচিতে মারা যায় তাহাদের মধ্যে উৎপন্ন হয়।

ভিক্ষুগণ! অনেক পর্যায়ে সহজ নহে।

ভিক্ষুগণ! যেমন, কোন পুরুষ ছিদ্রযুক্ত যুগ সমুদ্রে নিষ্কেপ করিল। পূর্বদিক হইতে প্রবাহিত বায়ু উহাকে পশ্চিমদিকে তাড়িত করিল, পশ্চিমের বায়ু পূর্বদিকে, উত্তরের বায়ু দক্ষিণ দিকে এবং দক্ষিণের বায়ু উত্তরদিকে তাড়িত করিল। সেই স্থানের এক অন্ধ কচ্ছপ শতবর্ষাত্তে একবার মস্তক উত্তোলন করে। - ভিক্ষুগণ! তোমরা কি মনে কর? এই অন্ধ কচ্ছপ কি এই যুগছিদ্রে স্বীয় গ্রীবা প্রবেশ করাইবে?

ভদ্র! যদি পারে তাহা হইলে দীর্ঘকালের অন্তে কন্দাচিত্ কথনও করাইতে পারে।

ভিক্ষুগণ! এই অন্ধ কচ্ছপের পক্ষে সহিদ্র যুগে গ্রীবা প্রবেশ করান যেরূপ দুর্ভ, বিনিপাত-গ্রন্থ মূর্খের পক্ষে মনুষ্যাত্ম লাভ করা তদপেক্ষাও দুর্ভ। তাহা কি কারণে? ভিক্ষুগণ! এখানে ধর্মচর্য্যা, সমচর্য্যা, কৃশলক্ষ্মিয়া, পুণ্যক্রিয়া নাই, শুধু আছে পরম্পরকে ভক্ষণকারী ও দুর্বলমারী^১। যদি সেই মূর্খ দীর্ঘকাল অন্তে কন্দাচিত্ কথনও মনুষ্য জন্ম লাভ করে, তাহা হইলে চড়াল, নিয়াদ, বেণুকুল, রথকারকুল বা পুক্বশ ইত্যাদি নীচকুলে জন্মগ্রহণ করে, যে সকল কুল দরিদ্র, অল্প অনুপানীয়-বৃক্ত, কৃষ্ণবৃত্তি সম্পন্ন যেখানে কষ্ট করিয়া গ্রাসাচ্ছাদন সংগ্রহ করিতে হয়। সে দুর্বল, কুৎসিত, বামন, রোগগ্রস্ত, কাগা, বিকলাঙ্গা, ঘঙ্গ, পক্ষাঘাতগ্রস্ত হয়, সে অনু, পানীয়, বস্ত্র, ঘান, মাল্য, গন্ধ, বিলেপন, শয়া, বাসস্থান ও প্রদীপ লাভ করে না। সে কায়ে দুচ্ছরিত্ব, বাক্দুচ্ছরিত্ব, মনঃদুচ্ছরিত্ব হইয়া বিচরণ করিয়া দেহাবসানে মৃত্যুর পর অপায় দুর্গতি বিনিপাত নিরয়ে উৎপন্ন হয়।

যেমন, ভিক্ষুগণ! কোন অক্ষর্ধূর্ত প্রথম পাশা নিষ্কেপের পরাজয়ে পুত্রকে হারায়, পত্নীকে হারায়, সমস্ত সম্পত্তি হারায় এবং শেষে কারাবরণ করিতে বাধ্য হয়। ভিক্ষুগণ! প্রথম পরাজয়ে এই সকল হারান অকিঞ্চিতকর, ইহা অপেক্ষা অধিকতর ক্ষতি হইতেছে কোন মূর্খ কায়দুচ্ছরিত, বাক্দুচ্ছরিত ও মনঃদুচ্ছরিত হইয়া বিচরণ করিবার ফলে দেহাবসানে মৃত্যুর অপায় দুর্গতি বিনিপাত নিরয়ে উৎপন্ন হয়। ভিক্ষুগণ! ইহাই সম্পূর্ণরূপে পরিপূর্ণ বালভূমি।

^১ পালি দুর্বলমারিকর অন্য পাঠ দুর্বলবাদিকা।

ভিক্ষুগণ! পঞ্চিতের এই তিনি পঞ্চিত লক্ষণ, পঞ্চিত নিমিত্ত ও পঞ্চিত বৈশিষ্ট্য। তিনটি কি কি? এই মূলে পঞ্চিত সুচিন্তাকারী, সুভাষিতভাষী ও সুকর্মকারী হন। ভিক্ষুগণ! যদি পঞ্চিত সুচিন্তাকারী, সুভাষিতভাষী ও সুকর্মকারী না হইতেন, তাহা হইলে পঞ্চিতেরা কিরূপে জানিতে পারেন? এই ভবদীয় কি পঞ্চিত? সৎপুরুষ ত?" ভিক্ষুগণ! যেহেতু পঞ্চিত সুচিন্তাকারী তাহাকে জানেন? এই ভবদীয় পঞ্চিত এবং সৎপুরুষ। সেই পঞ্চিত ইহজীবনে ত্রিবিধি সুখ ও সৌমনস্য অনুভব করেন। ভিক্ষুগণ! যদি পঞ্চিত সভায় রথে বা শৃঙ্গাটকে উপবিষ্ট থাকে লোকে তদুপযোগী কথা বলিয়া থাকে। যদি পঞ্চিত প্রাণিহত্যা হইতে বিরত, অদণ্ডগ্রহণ হইতে বিরত, কামে ব্যতিচার হইতে বিরত, মৃষ্ণাবাদ হইতে বিরত, সুরা-মৈরেয়-মদ্য-প্রমাদ স্থান হইতে প্রতিবিরত থাকেন, তখন পঞ্চিতের এরূপ মনে হয়? এই সকল লোক আমার সম্পর্কে পঞ্চিত ইহজীবনে প্রথম এই প্রথম সুখ ও সৌমনস্য অনুভব করেন।

পুনর্চ, ভিক্ষুগণ! পঞ্চিত দেখেন রাজা দুর্কৃতকারী চোরকে ধূত করিয়া অসি দ্বারা শিরচ্ছেদ করা হয়। ভিক্ষুগণ! তখন পঞ্চিত এইরূপ চিন্তা করেন? এই সকল পাপকার্যের জন্য রাজগণ দুর্কৃতকারী চোরকে ধূত করিয়া শিরচ্ছেদ করেন। এই সকল ধর্ম আমার মধ্যে বিদ্যমান নাই, আমি এই সকল ধর্মে বিজড়িত নহি। ভিক্ষুগণ! পঞ্চিত ব্যক্তি ইহ জীবনে এই দ্বিতীয় সুখ ও সৌমনস্য অনুভব করেন।

পুনর্চ, ভিক্ষুগণ! পীঠসমারূচ বা মঘসমারূচ বা ভূমিতে শয়ান পঞ্চিতের উপর তাঁহার পূর্বকৃত কায়সুচরিত, বাক্সুচরিত, মনঃসুচরিত কল্যাণ কর্মগুলি অবলম্বিত, অধ্যলম্বিত ও অভিপ্রলম্বিত হয়। যেমন, ভিক্ষুগণ! অভিপ্রলম্বিত হয়। তখন পঞ্চিতের এইরূপ মনে হয়? আমার দ্বারা পাপ কৃত হয় নাই মোহগন্ত হন না- পঞ্চিত ইহ জীবনে এই তৃতীয় সুখ ও সৌমনস্য অনুভব করেন। ভিক্ষুগণ! পঞ্চিত কায়দ্বারা সুচরিত আচরণ করিয়া, বাক্দ্বারা সুচরিত আচরণ করিয়া ও মন দ্বারা সুচরিত আচরণ করিয়া দেহাবসানে মৃত্যুর পর সুগতি স্বর্গলোক উৎপন্ন হন। ভিক্ষুগণ! তিনি একান্তরূপে অভিপ্রেত, একান্তরূপে কান্ত ও একান্তরূপে মনোজ্ঞ, স্বর্গ সম্পর্কেও তিনি সমাকরূপে বলেন? ইহা একান্ত রূপে ইষ্ট, কান্ত ও মনোজ্ঞ। ভিক্ষুগণ! স্বর্গ সুখ বেশি বলিয়া উপমা দেওয়া সহজ নহে।

ইহা বিবৃত হইলে অন্য একজন ভিক্ষু ভগবানকে বলিলেন : তদন্ত! আপনি কি উপমা দিতে সক্ষম?

ভগবান বলিলেন : হে ভিক্ষু! ইং, সক্ষম, যেমন, ভিক্ষু! রাজা চক্রবর্তী সপ্ত রত্ন এবং চারি ঋণ্ডি সম্পন্ন ছিলেন এবং সেই কারণে সুখ ও সৌমনস্য অনুভব করিতেন।

সাতটি কি কি?

ভিক্ষু! মূর্দ্ধাভিষিক্ত ক্ষত্রিয় রাজা পুণির্মার উপোসথ দিবসে স্নানান্তে উপোসথ বৃত পালনে রত হইয়া প্রাসাদের উপরিতলে গমন করিলে তাঁহার সম্মুখে সহস্র অরনেমি ও নালিযুক্ত সর্বাকার পরিপূর্ণ দিব্য চক্ররত্ন প্রাদুর্ভূত হয়। দেখিয়া মূর্দ্ধাভিষিক্ত ক্ষত্রিয় রাজার এরূপ মনে হয় : “আমি এইরূপ শুনিয়াছি : যে মূর্দ্ধাভিষিক্ত প্রাদুর্ভূত হয়, তিনি রাজা চক্রবর্তী হন। আমি কি রাজা চক্রবর্তী হইব?” তখন, ভিক্ষুগণ! মূর্দ্ধাভিষিক্ত ক্ষত্রিয় রাজা আসন হইতে উঠিয়া বামহস্তে ভূজ্ঞার গ্রহণ পূর্বক দক্ষিণ হস্তে চক্ররত্নের উপর জলসিঞ্চন করিতে করিতে কহিলেন, ‘হে চক্ররত্ন! আপনি প্রবর্তিত এবং জয়যুক্ত হউন।’ ভিক্ষুগণ! তখন সেই চক্ররত্ন পূর্বদিকে ধাবিত হইল। চক্রবর্তী রাজা চতুরঙ্গিনী সেনা সহ উহার অনুসরণ করিলেন। ভিক্ষুগণ! যে স্থানে চক্ররত্ন স্থিত হইল, ঐ স্থানে চক্রবর্তী রাজা চতুরঙ্গিনী সেনা সহ বাস গ্রহণ করিলেন। ভিক্ষুগণ! পূর্বদিকম্ব প্রতিদ্বন্দ্বী রাজগণ চক্রবর্তী রাজার নিকট উপস্থিত হইয়া বলিলেন : আসুন, মহারাজ! স্বাগত, মহারাজ! সকলই আপনার মহারাজ! আপনিই শাসন করুন। রাজা চক্রবর্তী কহিলেন : ‘প্রাণিহত্যা করিবে না, অদন্ত গ্রহণ করিবে না, কামে ব্যভিচার করিবে না, মিথ্যা কহিবে না, মদ্যপান করিবে না, পরিমিত রূপে ভোজন কর।’ ভিক্ষুগণ! পূর্বদিকের প্রতিদ্বন্দ্বী রাজগণ রাজা চক্রবর্তীর অধীনতা স্বীকার করিলেন। ভিক্ষুগণ! অনন্তর চক্ররত্ন পূর্ব সমুদ্রে অবগাহনান্তে উত্তরণপূর্বক দক্ষিণ দিকে প্রবর্তিত হইল দক্ষিণ সমুদ্রে অবগাহনান্তে উত্তরণপূর্বক পশ্চিমদিকে উত্তরদিকে প্রবর্তিত হইল, রাজা চক্রবর্তী চতুরঙ্গিনী সেনা সহ অনুসরণ করিলেন। যে স্থানে চক্ররত্ন বাস গ্রহণ করিলেন। উত্তরদিকের প্রতিদ্বন্দ্বী রাজগণ অধীনতা স্বীকার করিলেন। ভিক্ষুগণ! অতঃপর সেই চক্ররত্ন সমাগর্য পৃথিবী জয় করিয়া সেই রাজধানীতে প্রত্যাগমনপূর্বক অন্তঃপুরদ্বারে রাজা চক্রবর্তীর অন্তঃপুরদ্বার শোভিত করিয়া অঙ্গাহতের ন্যায় স্থিত হইল। ভিক্ষুগণ! এইরূপে রাজা

চক্রবর্তীর সম্মুখে চক্ররত্ন প্রাদুর্ভূত হইয়াছিল।

পুনশ্চ, ভিক্ষুগণ! চক্রবর্তী রাজার নিকট হস্তীরত্ন প্রাদুর্ভূত হইল— সর্বশ্বেত, সঙ্গপ্রতিষ্ঠ, ঋদ্ধিমান, আকাশে গমনক্ষম, উপোসথ নামক নাগরাজা। উহা দেখিয়া চক্রবর্তী রাজার চিন্ত প্রসন্ন হইল : এই হস্তী যদি দমনযোগ্য হয়, তাহা হইলে উহাতে আরোহণ মঙ্গলদায়ক হইবে। ভিক্ষুগণ! তখন সেই হস্তীরত্ন দীর্ঘকাল সুশিক্ষিত বিনীত জাতিসম্পন্ন হস্তীর ন্যায় শিক্ষা গ্রহণ করিল। ভিক্ষুগণ! পূর্বকালে চক্রবর্তী রাজা সেই হস্তীরত্ন পরীক্ষা করিবার জন্য পূর্বাহে উহাতে আরূপ হইয়া সমাগরা পৃথিবী পরিভ্রমণ পূর্বক রাজধানীতে প্রত্যাগমন করিয়া প্রাতরাশ সম্পন্ন করিলেন। ভিক্ষুগণ! এইরূপে চক্রবর্তী রাজার নিকট হস্তীরত্ন প্রাদুর্ভূত হইয়াছিল।

পুনশ্চ, ভিক্ষুগণ! চক্রবর্তী রাজার নিকট অশুরত্ন প্রাদুর্ভূত হইল— সর্বশ্বেত, কাকশীর্ষ, কৃষ্ণকেশর, ঋদ্ধিমান, আকাশগমনক্ষম বলাহ নামক অশুরাজ। উহা দেখিয়া চক্রবর্তী রাজার চিন্ত প্রসন্ন হইল : ‘এই অশু যদি দমনযোগ্য হয়, তাহা হইলে উহাতে আরোহণ মঙ্গলদায়ক হইবে।’ ভিক্ষুগণ! তখন সেই অশুরত্ন দীর্ঘকাল সুশিক্ষিত প্রাতরাশ সম্পন্ন করিলেন। ভিক্ষুগণ! এইরূপে অশুরত্ন প্রাদুর্ভূত হইয়াছিল।

পুনশ্চ, ভিক্ষুগণ! চক্রবর্তী রাজার নিকট মণিরত্ন প্রাদুর্ভূত হইল। উহা বৈদুর্যমণি, শুভ, উচ্চ জাতীয়, অফ্টাংশ্মযুক্ত ও সুকর্তিত। ভিক্ষুগণ! সেই মণিরত্নের আভাচতুর্দিকে যোজন পরিমিত স্থানে বিস্তৃত হইয়াছিল। ভিক্ষুগণ! পূর্বকালে চক্রবর্তী রাজা সেই মণিরত্ন পরীক্ষা করিবার জন্য চতুরঙ্গিণী সেনা সজ্জিত করিয়া মণিরত্ন ধ্বজাশ্রে আরোপন করিয়া রাত্রির গাঢ় অন্ধকারে বহির্গত হইলেন। ভিক্ষুগণ! চতুর্দিকস্থ গ্রামের অদিবাসীগণ মণি নিঃসৃত আলোকহেতু “প্রভাত হইয়াছে” মনে করিয়া কর্মে নিয়ুক্ত হইল। ভিক্ষুগণ! এইরূপে প্রাদুর্ভূত হইয়াছিল।

ভিক্ষুগণ! চক্রবর্তী রাজার নিকট স্তীরত্ন প্রাদুর্ভূত হইল— অভিরূপা, দর্শনীয়া, মনোহরা, পরমবর্ণ সৌন্দর্যশালিনী, নাতিদীর্ঘা, নাতিহৃষা, নাতিকৃশা, নাতিকৃষ্ণা, নাতিশুভ্রা, মনুষ্যাতীত বর্ণসম্পন্না, অপ্রাপ্ত-দিব্য-বর্ণ। ভিক্ষুগণ! সেই স্তীরত্নের কায়সংস্পর্শ কার্পাস অথবা কার্পাস তুলার ন্যায়। সেই স্তীরত্নের গাত্র শীতকালে উষ্ণ এবং গ্রীষ্মকালে শীতল। সেই স্তীরত্নের দেহ হইতে চন্দনগন্ধ এবং মুখ হইতে পদ্মগন্ধ নির্গত হইত। ভিক্ষুগণ! সেই স্তীরত্ন

চক্রবর্তী রাজার পূর্বেই শয্যাত্যাগ করিতেন, তিনি রাজার আজ্ঞা পালনকারিণী, মনোরঞ্জনকারিণী ও প্রিয়বাদিনী ছিলেন। সেই স্তুরত্ত্ব চক্রবর্তী রাজার প্রতি মনেও অবিশ্঵াসিনী ছিলেন না, কায়দারা কিরূপে হইবেন? ভিক্ষুগণ! এইরূপে স্তুরত্ত্ব প্রাদুর্ভূত হইয়াছিল।

ভিক্ষুগণ! চক্রবর্তী রাজার নিকট গৃহপতিরত্ত্ব প্রাদুর্ভূত হইলেন। তিনি কর্মবিপাকজ ও দিব্যচক্ষুসম্পন্ন ছিলেন। দিব্যচক্ষুদ্বারা তিনি সম্মানিক অথবা স্বামীহীন নিধি দেখিতে পাইতেন। তিনি চক্রবর্তী রাজার নিকট উপস্থিত হইয়া কহিলেন : ‘দেব, আপনি উৎকর্ষিত হইবেন না, আপনার ধনবৃদ্ধির জন্য যাহা করণীয়, তাহা আমি করিব।’ ভিক্ষুগণ! পূর্বকালে চক্রবর্তী রাজা সেই গৃহপতিরত্ত্বকে পরীক্ষা করিবার জন্য নৌকায় আরোহণ করিয়া উহা গজাননীর মধ্যবর্তী স্থানে ভাসাইয়া গৃহপতিরত্ত্বকে বলিলেন : ‘গৃহপতি! আমার হিরণ্যসুবর্ণের প্রয়োজন’।—‘মহারাজ’, তাহা হইলে নৌকা তীর সংলগ্ন হট্টক’।—‘এখানেই আমার হিরণ্য—সুবর্ণের প্রয়োজন’। ভিক্ষুগণ! তখন গৃহপতিরত্ত্ব উভয় হষ্টে জল স্পর্শ করিয়া হিরণ্যসুবর্ণ পরিপূর্ণ কুস্ত উদ্ধার করিয়া চক্রবর্তী রাজাকে বলিলেন : ‘মাহারাজ, ইহা কি পর্যাণ? ইহাতে কি আপনার প্রয়োজন সাধিত হইবে?’ চক্রবর্তী রাজা বলিলেন : ‘গৃহপতি! ইহা পর্যাণ, ইহাতে আমার প্রয়োজন সাধিত হইবে। আমি সন্তুষ্ট।’ ভিক্ষুগণ! এইরূপে গৃহপতিরত্ত্ব প্রাদুর্ভূত হইয়াছিলেন।

পুনর্চ, ভিক্ষুগণ! চক্রবর্তী রাজার নিকট পরিনায়করত্ত্ব প্রাদুর্ভূত হইলেন— তিনি পশ্চিত, ব্যক্ত, মেধাবী, চক্রবর্তী রাজাকে গ্রহণযোগ্য বিষয় গ্রহণ করাইতে, ত্যাজ্য বিষয় ত্যাগ করাইতে, প্রতিষ্ঠাযোগ্য বিষয় প্রতিষ্ঠিত করাইতে সমর্থ। তিনি চক্রবর্তী রাজার নিকট উপস্থিত হইয়া বলিলেন : ‘দেব! আপনি উৎকর্ষিত হইবেন না, আমি অনুশাসন দিব।’ ভিক্ষুগণ! এইরূপে পরিণায়করত্ত্ব প্রাদুর্ভূত হইলেন।

ভিক্ষুগণ! চক্রবর্তী রাজা এই সপ্ত রত্নের দ্বারা সমর্পিত ছিলেন।

কি কি চারি ঋক্ষি দ্বারা সমর্পিত ছিলেন? ভিক্ষুগণ! চক্রবর্তী রাজা অন্যান্য মনুষ্য অপেক্ষা অতীব অভিরূপ, দর্শনীয়, মনোহর, পরম বর্ণ সৌন্দর্যশালী ছিলেন। ভিক্ষুগণ! চক্রবর্তী রাজার ইহাই প্রথম ঋক্ষি।

পুনর্চ, ভিক্ষুগণ! চক্রবর্তী রাজা দীর্ঘায় ছিলেন। তাঁহার ছিত্কাল অন্যান্য মনুষ্য অপেক্ষা দীর্ঘস্থায়ী ছিল। ভিক্ষুগণ! ইহাই চক্রবর্তী রাজার দ্বিতীয় ঋক্ষি।

পুনশ্চ, ভিক্ষুগণ! চক্ৰবৰ্তী রাজা অন্যান্য মনুষ্য অপেক্ষা নীরোগ ও দৈহিক ক্ষেত্ৰমুক্ত ছিলেন। নাতিশীতোষ্ণ পরিপাক শক্তিসম্পন্ন ছিলেন। ভিক্ষুগণ! ইহাই রাজার তৃতীয় ঋন্ধি।

পুনশ্চ, ভিক্ষুগণ! চক্ৰবৰ্তী রাজা ব্ৰাহ্মণ গৃহপতিগণের প্ৰিয় ও মনোজ্ঞ ছিলেন। যেইবৃপ্ত পিতা পুত্ৰগণের প্ৰিয় ও মনোজ্ঞ হন, সেইবৃপ্ত ছিলেন। ভিক্ষুগণ! যেইবৃপ্ত পুত্ৰগণ পিতার ছিলেন। ভিক্ষুগণ! পূৰ্বকালে চক্ৰবৰ্তী রাজা চতুৰঙ্গিনী সেনা সহ উদ্যান ভূমিতে গমন কৱিয়াছিলেন। তখন ব্ৰাহ্মণ গৃহপতিগণ তাঁহার নিকট উপস্থিত হইয়া কহিলেন : ‘দেব, ধীৱে ধীৱে গমন কৰুন, যাহাতে আমৰা অপেক্ষাকৃত দীৰ্ঘকাল আপনার দৰ্শন লাভ কৱিতে পাৰি।’ রাজাও সারথিকে কহিলেন : সারথি, ধীৱে ধীৱে রথ চালনা কৱ, যাহাতে আমি ব্ৰাহ্মণ গৃহপতিগণকে অপেক্ষাকৃত দীৰ্ঘকাল দেখিতে পাৰি। ভিক্ষুগণ! ইহাই চক্ৰবৰ্তী রাজার চতুৰ্থ ঋন্ধি। ভিক্ষুগণ! চক্ৰবৰ্তী রাজা এই চারি ঋন্ধি দ্বাৱা সমন্বিত ছিলেন।

ভিক্ষুগণ! তোমৰা কি মনে কৱ? চক্ৰবৰ্তী রাজা কি এই সপ্তরত্ন ও চারি ঋন্ধি দ্বাৱা সমন্বিত হইয়া সেই কারণে সুখ ও সৌমনস্য অনুভব কৱেন নাই?

ভদ্র! এক একটি রত্ন দ্বাৱা সমন্বিত হইয়া চক্ৰবৰ্তী রাজা সুখ ও সৌমনস্য অনুভব কৱিয়াছিলেন, সপ্তরত্ন আৱ চারি ঋন্ধি সম্পর্কে আৱ কি কথা?

অতঃপৰ ভগবান হস্ত পৱিমাণ পাষাণ খণ্ড এমন কি কলা প্ৰমাণও নহে।

ভিক্ষুগণ! এইবৃপ্তে যে চক্ৰবৰ্তী রাজা সপ্তরত্ন ও চারি ঋন্ধি দ্বাৱা সমন্বিত হইয়া সেই কারণে সুখ ও সৌমনস্য অনুভব কৱেন, তাহা দিব্য সুখেৱ তুলনায় নহণ্য, কলাভাগ মাত্ৰও নহে। তাহা তুলনার অযোগ্য। যদি সেই পঞ্চিত দীৰ্ঘকাল অন্তে কদাচিত্ কখনও মনুষ্য জন্ম লাভ কৱেন, তাহা হইলে অভিজ্ঞাত ব্ৰাহ্মণ-ক্ষত্ৰিয় গৃহপতি প্ৰভৃতি উচ্চকুলে, যে সকল কুল আচ্য, মহাধন সম্পন্ন, মহাভোগ সম্পন্ন, প্ৰভৃতি স্বৰ্ণরৌপ্য- বিস্তু উপকৰণ-ধন-ধান্য সম্পন্ন সেই সকল কুলে জন্মগ্ৰহণ কৱেন। তিনি অভিৱৃপ্ত, দৰ্শনীয়, মনোহৰ, পৱনমৰ্বণসৌন্দৰ্যশালী হন, যথেষ্ট অনু, পানীয়, বস্ত্ৰ, যানবাহন, মাল্যগুৰু বিলেপন, শয্যা, বাসস্থান ও প্ৰদীপ লাভ কৱেন। তিনি কায়-বাক্-মন দ্বাৱা সুচৱিত আচৰণ কৱিয়া দেহাবসানে মৃত্যুৰ পৱ সুগতি স্বৰ্গলোকে উৎপন্ন হন। যেমন, ভিক্ষুগণ! কোন অক্ষম্যূৰ্তি প্ৰথম বাব পাশা নিষ্ফেপেই বিশাল ধনসামগ্ৰী

লাভ করে। ভিক্ষুগণ! অক্ষর্ধূর্ত প্রথম পাশা নিক্ষেপে যে বিশাল ধনসামগ্ৰী লাভ করে তাহা তুলনায় সামান্যমাত্ৰ, পতিত যে কায়-বাক-মন দ্বাৰা সুচিৰিত আচৱণ কৰিয়া দেহাবসানে মৃত্যুৰ পৱ সুগতি স্বৰ্গলোকে উৎপন্ন হয়, তাহা অধিকতর লাভজনক পাশা নিক্ষেপ। ভিক্ষুগণ! ইহাই সম্পূর্ণৱ্বপে পৱিপূৰ্ণ পতিতভূমি।

ভগবান ইহা বিবৃত কৱিলেন। ভিক্ষুগণ! সন্তুষ্টমনে ভগবানেৰ ভাষণে আনন্দ প্ৰকাশ কৱিলেন।

[বালপত্তি সূত্র সমাপ্ত]

দেবদূত সূত্র (১৩০)

আমি এইৱৃপ্ত শুনিয়াছি ৎ—

এক সময় ভগবান শ্রাবণী সমীপে অবস্থান কৱিতেছিলেন জেতবনে অনাথপতিকেৰ আৱামে। তথায় ভগবান ভিক্ষুদিগকে আহান কৱিলেন ৎ ‘হে ভিক্ষুগণ!— ‘হ্যাং ভদ্র’ বলিয়া ভিক্ষুগণ ভগবানকে প্ৰত্যক্ষে দিলেন। ভগবান কহিলেন ৎ যেমন, ভিক্ষুগণ! দ্বাৰা বিশিষ্ট দুইটি গৃহ আছে। তথায় চক্ৰশান পুৱৰ উভয়েৰ মধ্যে অবস্থিত হইয়া দেখিতে পায় কিৱুপে মনুষ্যগণ গৃহে প্ৰবেশ কৱিতেছে, গৃহ হইতে নিষ্ঠাভূত হইতেছে, গৃহমধ্যে পাদচারণ ও চলাফেৱা কৱিতেছে। ভিক্ষুগণ! ঠিক এইৱৃপ্তে, আমি দিব্যচক্ষুতে, বিশুদ্ধ লোক তীত দৃষ্টিতে দেখিতে পাই— সত্ত্বগণ চুত হইতেছে, উৎপন্ন হইতেছে, স্ব স্ব কৰ্মানুসারে হীনোৎকৃষ্ট যোনি, সুৰৰ্ণ, দুৰ্বণ, সুগতি, দুৰ্গতি প্ৰাপ্ত হইতেছে, এই সকল সত্ত্ব কায়সুচিৰিত-বাক্সুচিৰিত-মনসুচিৰিত দ্বাৰা সমন্বিত হইয়া, আৰ্যদেৱ নিদাকাৰী না হইয়া, সম্যক্ত সম্পন্ন হইয়া ও সম্যক্ত দৃষ্টি অনুযায়ী কৰ্মসম্পাদন কৱিয়া দেহাবসানে মৃত্যুৰ পৱ সুগতি স্বৰ্গলোকে উৎপন্ন হন। আৱ এই সকল সত্ত্ব কায়দুচিৰিত, বাক্সুচিৰিত, মনোদুচিৰিত দ্বাৰা সমন্বিত হইয়া আৰ্যদেৱ নিদাকাৰী, মিথ্যাদৃষ্টি সম্পন্ন হইয়া ও মিথ্যাদৃষ্টি হেতু কৰ্মসম্পাদন কৱিয়া দেহাবসানে মৃত্যুৰ পৱ প্ৰেতলোকে উৎপন্ন হয়। এই সকল সত্ত্ব কায়দুচিৰিত মৃত্যুৰ পৱ তিৰ্থক যোনিতে উৎপন্ন হয়। এই সকল সত্ত্ব কায়দুচিৰিত অপায় দুৰ্গতি বিনিপাত নিৱয়ে (নৱকে) উৎপন্ন হয়। ভিক্ষুগণ! নিৱয়পালগণ তাহাকে বাহুতে ধৰিয়া যম রাজাৰ নিকট উপস্থিত কৱিয়া বলিল ৎ দেব, এই ব্যক্তি মাতাকে শ্ৰদ্ধা কৱে না, শ্রামণ্যকে শ্ৰদ্ধা কৱে না, ব্ৰাহ্মণকে শ্ৰদ্ধা কৱে না, পৱিবাৱেৱ জ্যেষ্ঠদেৱ সম্মান কৱে না, দেব! ইহাকে দণ্ড বিধান

করুন।

তখন যমরাজা প্রথম দেবদৃত সম্পর্কে সমন্বযুক্ত, সমন্বাহী এবং সমন্ভাষী^১ হইয়া কহিলেন, ওহে! তুমি কি প্রথম দেবদৃতকে মনুষ্যলোকে আবির্ভূত হইতে দেখিয়াছ? সে এইরূপ বলিল : ‘ভদ্র, আমি দেখি নাই।’ তখন, ভিক্ষুগণ! যমরাজা এইরূপ বলিলেন : ‘ওহে, তুমি কি মানুষের মধ্যে একটি শিশুকে তা হার মলমৃত্ত্রের মধ্যে শায়িত দেখিয়াছ?’ সে বলিল, ‘ভদ্র, আমি দেখিয়াছি।’ তখন যমরাজা এইরূপ বলিলেন— ওহে! যদিও তুমি বিজ্ঞ, স্মৃতিমান ও বৃদ্ধ, তোমার কি এই কথা মনে হয় নাই : ‘আমিও জন্মের অধীন, আমি জন্ম অতিক্রম করি নাই, এখন আমি কায়মনোবাক্যে কল্যাণ সম্পাদন করিব?’ সে বলিল : ‘ভদ্র! আমি সক্ষম হই নাই, আমি প্রমাদগ্রস্ত ছিলাম।’ তখন যমরাজা তাহাকে এইরূপ বলিলেন : ‘ওহে! প্রমাদগ্রস্ত হইয়া তুমি কায়মনোবাক্যে কল্যাণ সম্পাদন কর নাই, ওহে! নিচয়ই তুমি প্রমত্তানুযায়ী সেইরূপ কাজ করিয়াছ। এই পাপ কর্ম তোমারই, উহা তোমার মাতা, পিতা, ভাতা, ভগিনী, মিত্র—অমাত্য দ্বারা কৃত হয় নাই, জাতি, শ্রমণ-ব্রাহ্মণ ও দেবতাদের দ্বারাও কৃত হয় নাই, তোমার দ্বারাই এই পাপ কর্ম কৃত হইয়াছে। তুমই ইহার বিপাক (ফল) অনুভব করিবে।’

ভিক্ষুগণ! তখন যমরাজা প্রথম দেবদৃত সম্পর্কে সমন্বযুক্ত, সমন্বাহী ও সমন্ভাষী হইয়া দ্বিতীয় দেবদৃত সম্পর্কে সমন্বযুক্ত, সমন্বাহী ও সমন্ভাষী হইলেন : ‘ওহে! তুমি কি দ্বিতীয় দেবদৃতকে মনুষ্যলোকে আবির্ভূত হইতে দেখ নাই?’ সে বলিল : ‘ভদ্র! আমি দেখি নাই।’ তখন যমরাজা বলিলেন : ‘ওহে! তুমি কি দেখ নাই যে মানুষের মধ্যে স্ত্রী বা পুরুষকে অশীতিবয়স্করূপে, নবাতিবয়স্করূপে অথবা শতবর্ষিকরূপে জীৰ্ণ-শীৰ্ণ, কুজদেহ, শিথিলকলেবর, যষ্টিহস্ত, গমনে কম্পমান, আতুর, গতযৌবন, খণ্ডভন্ত, পক্ককেশ, বিরলকেশ, স্বালিতশিরঃ, লোলচর্ম ও তিলকাহঙগাত্র রূপে?’ সে বলিল : ‘ভদ্র! আমি দেখিয়াছি।’ তখন যমরাজা তাহাকে বলিলেন : “ওহে, যদিও তুমি বিজ্ঞ, স্মৃতিমান ও বয়স্ক, তোমার কি এই কথা মনে হয় নাই : আমিও জরাগ্রস্ত হইতে পারি, আমি জরার অতীত নহি, এখন আমি কায়মনোবাক্যে কল্যাণ সম্পাদন করিব?’ সে বলিল : ‘ভদ্র! আমি সক্ষম হই নাই, আমি প্রমাদগ্রস্ত ছিলাম।’ তখন যমরাজা তাহাকে বলিলেন : ‘ওহে! প্রমাদগ্রস্ত হইয়া তুমি বিপাক অনুভব করিবে।’

অতঃপর ভিক্ষুগণ! যমরাজা দ্বিতীয় দেবদৃত সম্পর্কে তৃতীয় দেবদৃত

^১ মধ্যমনিকায় (১ম) পৃঃ ১৪৩ দ্রষ্টব্য।

সম্পর্কে সমনুভাবী হইলেন : ‘ওহে! তুমি কি তৃতীয় দেবদৃতকে মনুষ্যলোকে আবির্ভূত হইতে দেখিয়াছ? ’^১ সে বলিল : ‘ভদ্র! আমি দেখি নাই।’ তখন যমরাজা তাহাকে বলিলেন : ‘ওহে! তুমি কি দেখ নাই যে মানুষের মধ্যে স্তী বা পুরুষকে যে ব্যাধিগত্ত, দুঃখপ্রাপ্ত, উৎকট রোগগত্ত হইয়াছে, স্তীয় মনমুক্ত্রে পড়িয়া আছে, এমতাবস্থায় অপরে তাহাকে তুলিয়া উঠাইতেছে, অপরে তাহাকে শোয়াইয়া দিতেছে?’ সে বলিল : ‘ভদ্র! আমি দেখিয়াছি।’ তখন যমরাজা তাহাকে বলিলেন : ‘ওহে, বিপাক অনুভব করিবে।’

অতঃপর ভিক্ষুগণ! যমরাজা তৃতীয় দেবদৃত সম্পর্কে চতুর্থ দেবদৃত সম্পর্কে ওহে, তুমি কি দেখ নাই রাজগণ দুর্কৃতকারী চোরকে ধৃত করিয়া শিরশ্চেদ করিতেছেন?’ সে বলিল : ‘ভদ্র! ‘আমি দেখিয়াছি।’

তখন যমরাজা তাহাকে বলিলেন : ‘যদিও তুমি বিজ্ঞ, শৃতিমান ও বয়স্ক, তোমার কি এই কথা মনে হয় নাই : যাহারা পাপকর্ম করে তাহারা ইহজীবনেই বিবিধ শাস্তি ভোগ করে, পরবর্তী জীবনের কথা বলাই বাহুল্য, এখন আমি কায়মনোবাকো কল্যাণ বিপাক অনুভব করিবে।’

অতঃপর ভিক্ষুগণ! যমরাজা চতুর্থ দেবদৃত সম্পর্কে হইয়া পঞ্চম দেবদৃত সম্পর্কে ‘ওহে, তুমি কি দেখ নাই যে মানুষের মধ্যে স্তী বা পুরুষকে যাহার মৃতদেহ মাত্র একদিন, কি দুইদিন, কি তিনদিন হইল, স্ফীত, বিবর্ণ ও পুরুষুক্ত হইয়াছে?’ সে বলিল : ‘ভদ্র, আমি দেখিয়াছি।’ তখন যমরাজা তাহাকে বলিলেন : ওহে, যদিও তুমি বিজ্ঞ মনে হয় নাই ‘আমি মৃত্যুর অধীন, আমি মৃত্যুকে অতিক্রম করি নাই, এখন আমি বিপাক অনুভব করিবে।’

ভিক্ষুগণ! তখন যমরাজা পঞ্চম দেবদৃত সম্পর্কে সমন্বযুক্ত, সমনুগ্রহ হী ও সমন্বযুক্ত হইয়া তৃষ্ণীভাব ধারণ করিলেন।

ভিক্ষুগণ! তখন নিরয়পালগণ তাহার উপর পঞ্চবিধ শাস্তি^১ শতযোজন বিন্দুত।

ভিক্ষুগণ! সেই মহানিরয়ের পূর্বদিকের ভিত্তি হইতে অর্চি (বহিশিখা) উঠিয়া পশ্চিমদিকের ভিত্তিতে (প্রাচীরে) প্রতিহত হয়, পশ্চিমদিকের উত্তরদিকের দক্ষিণদিকের অধঃ হইতে উপর হইতে নীচে প্রতিহত হয়। সে তথায় দুঃখ, তীব্র, কটুক বেদনা অনুভব করে এবং যতদিন পাপকর্ম ক্ষয়প্রাপ্ত না হয় ততদিন তাহার মৃত্যু হয় না।

ভিক্ষুগণ! দীর্ঘকাল অন্তর কদাচিত্ক কখন সময় হয় যখন মহানিরয়ের পূর্বদ্বার

^১ বালপান্তি সূত্র দ্রষ্টব্য

উন্মুক্ত হয়। সে তথায় শীঘ্র ও দ্রুত ধাবিত হয়, ধাবিত হইবার সময় তাহার বহির্চর্ম ও অন্তঃচর্ম দগ্ধ হয়, মাংস দগ্ধ হয়, স্নায়ু দগ্ধ হয়, অঙ্গিলি ধূমায়িত হয়— অতঃপর তাহার উত্তোলন হয়। যদিও সে বহু নরক যন্ত্রণা ভোগ করিয়াছে, তথাপি দ্বার তাহার সম্মুখে বদ্ধ। সে তথায় দৃঃখ, কটু তীব্র বেদনা অনুভব করে এবং যতদিন পাপকর্ম ক্ষয়প্রাপ্ত না হয় ততদিন তাহার মৃত্যু হয় না। পশ্চিমদ্বার, ও দক্ষিণদ্বার সম্পর্কেও এইরূপ।

ভিক্ষুগণ! দীর্ঘকাল পরে যখন কদাচিত কখন মহানিরয়ের পূর্বদ্বার উন্মুক্ত হয়, তখন সে দ্রুত ধাবিত হয় সেই দরজায় নিষ্ক্রান্ত হয়।

ভিক্ষুগণ! সেই মহানিরয়ের ঠিক পার্শ্বে আছে মহাগৃথ নিরয়। সে তথায় পতিত হয়। সেই গৃথনিরয়ে সৃচিমুখ প্রাণি সকল তাহার বহির্চর্ম ছিন্ন করে, তারপর আভ্যন্তরীন চর্ম, মাংস, স্নায়ু, অঙ্গ ছিন্ন করে, অঙ্গ ছিন্ন করিয়া অঙ্গিলজা ভক্ষণ করে। সে তথায় মৃত্যু হয় না।

ভিক্ষুগণ! গৃথনিরয়ের পরে আছে মহাকুকুড়নিরয়। সে তথায় পতিত হয়। সে তথায় দৃঃখ তীব্র কটুক মৃত্যু হয় না।

ভিক্ষুগণ! কুকুড়নিরয়ের পরে আছে যোজন উচ্চ ঘোড়শাঙ্কুলী প্রমাণ মহাসিদ্ধলিবন যাহা আদীশ্ব, সংপ্রজ্ঞলিত ও সংজ্ঞ্যাত্তীর্ত। তাহারা তথায় তাহাকে উঠামানা করাইল। সেই ব্যক্তি তথায় তীব্র কটুক দৃঃখ বেদনা ভোগ করে মৃত্যু হয় না।

ভিক্ষুগণ! সেই সিদ্ধলিবনের পরে আছে মহাঅসিপ্ত্রবন। সে তথায় প্রবেশ করে। বায়ুতাড়িত পত্রগুলি হস্ত ছিন্ন করে, পাদ ছিন্ন করে, হস্ত-পাদ ছিন্ন করে, কর্ণ ছিন্ন করে, নাসিকা ছিন্ন করে, কর্ণ-নাসিকা ছিন্ন করে। সে তথায় তীব্র কটুক মৃত্যু হয় না।

ভিক্ষুগণ! সেই অসিপ্ত্রবনের পার্শ্বে আছে মহতী ক্ষারোদকা (লবণ্যুক্ত) নদী।^১ সে তথায় পতিত হয়। সে তথায় অনুস্রোতে ভাসিয়া যায়, প্রতিস্রোতে ভাসিয়া যায়, অনুস্রোতে প্রতিস্রোতে ভাসিয়া যায়। সে তথায় তীব্র কটুক মৃত্যু হয় না।

ভিক্ষুগণ! নিরয়পালগণ তাহাকে বড়শি দ্বারা তুলিয়া স্থলে রাখিয়া বলিল : ‘ওহে! তুমি কি ইচ্ছা কর?’ সে বলিল : ‘ভদ্র! আমি জুগুপ্সিত (ক্ষুধার্ত)’। তখন নিরয়পালগণ তপ্ত লৌহ শঙ্কু দ্বারা তাহার মুখ ব্যাদান করিয়া আদীশ্ব, প্রজ্ঞলিত ও সংজ্ঞ্যাত্তীর্ত তপ্ত লৌহগুলিও প্রক্ষেপ করিল। তাহার ওষ্ঠ দগ্ধ হয়,

^১ অন্য নামে বৈতরণী প, সু,।

মুখ দগ্ধ হয়, কষ্ট দগ্ধ হয়, বক্ষ দগ্ধ হয়, অন্ত দহন করিয়া তাহা অন্তর্গৃহ বা অন্তরজ্ঞগুলিকে ঠেলিয়া অধোভাগে চালিত করে। সে তথায় তীব্র মৃত্যু হয় না।

ভিক্ষুগণ! তখন নিরয়পালগণ তাহাকে বলিল, ‘ওহে তুমি কি ইচ্ছা কর?’ সে বলিল : ‘তদন্ত! আমি পিপাসিত।’ তখন নিরয়পালগণ লৌহ শংকু দ্বারা তন্ত তাম্রধাতু মুখে ঢালিতে থাকে মৃত্যু হয় না।

ভিক্ষুগণ! তখন নিরয়পালগণ তাহাকে পুনরায় মহানিরয়ে নিষ্কেপ করে।

ভিক্ষুগণ! পূর্বকালে যমরাজার এরূপ মনে হইয়াছিল : যাহারা পৃথিবীতে পাপকর্ম করে, তাহারা এইরূপ বিবিধ শাস্তি ভোগ করে, অহো! আমি যদি মনুষ্য জন্মান্তর করিতে পারি! তথাগত অর্হৎ সম্যক সমুদ্ধ পৃথিবীতে উৎপন্ন হন, সেই ভগবানের আমি পর্যুপাসনা করি, ভগবানও আমাকে ধর্ম দেশনা করেন এবং তাহাতে আমি ভগবানের ধর্ম জানিতে পারি।

ভিক্ষুগণ! আমি যাহা বলিতেছি তাহা অন্য কোন শ্রমণ - ব্রাহ্মণের নিকট হইতে শুনিয়া বলিতেছি না, আমি স্বয়ং জ্ঞাত হইয়া, দর্শন করিয়া, বিদিত হইয়া বলিতেছি।

ভগবান সুগত শাস্তা ইহা বিবৃত করিয়া বলিলেন :

‘দেবদৃত প্রগোদিত মাণবক যদি প্রমাদে পতিত হয়,

হীন জন্ম লভি সে জন দীর্ঘকাল অনুত্তপ্তি হয়।

দেবদৃত প্রগোদিত হেথা শাস্তি সংপুরুষগণ,

আর্য ধর্মে তারা প্রমাদগ্রস্ত হয় না কখন !

জন্ম মৃত্যু সমুদয় উপাদানে যে জন তয়দশী হয়,

উপাদান ছাড়ি মৃত্যি লভে সে জন করি জন্মমৃত্যু সংক্ষয়।

ক্ষেম প্রাণ সুখী তারা দৃষ্টধর্মে লভি নির্বাণ,

সর্ববৈরী ভয়াতীত তারা করে সর্বদুঃখ অবসান।’

[দেবদৃত সূত্র সমাপ্ত]

বিভজ্ঞাবর্গ

তদ্রকরক্ত সূত্র (১৩১)

আমি এইরূপ শুনিয়াছি :-

এক সময় ভগবান শ্রাবণী সমীপে অবস্থান করিতেছিলেন জ্ঞেতবনে অনাথপিণ্ডিকের আরামে। তথায় ভগবান ভিক্ষুদের আহান করিলেন : ‘হে ভিক্ষুগণ! ‘হঁ, ভদ্র’ বলিয়া ভিক্ষুগণ ভগবানকে প্রত্যুত্তর দিলেন। ভগবান কহিলেন : ভিক্ষুগণ! আমি তোমাদিগকে ভদ্রকরক্তের উদ্দেশ (অবতারণা) ও বিভজ্ঞা (বিশ্লেষণ) সম্পর্কে দেশনা করিব। আমি ভাষণ করিব, তোমরা মনযোগ সহকারে শ্রবণ কর। ‘হঁ ভদ্র’ বলিয়া ভিক্ষুগণ ভগবানকে প্রত্যুত্তর দিলেন।

ভগবান কহিলেন :-

অতীত অননুসরণীয়, বাঞ্ছনীয় নহে অনাগত,

অতীত প্রহীণ হয় অনাগত রহে অপ্রাপ্ত।

তত্ত্বত্ব প্রত্যৃৎপন্ন ধর্ম- যে করে বিদর্শন,

নিরন্তর ভাব মনে জানি যাহা অবিচল অকোপন

সম্পাদন কর আজ যাহা করণীয়, কে জানে কাল আসিবে না মরণ ?

মৃত্যু মহাসেনা সহ আপোষ হইবে না কোনদিন।

ঈদৃশ-বিহারী আতাপী যিনি অহোরাত্র অতন্ত্রিত,

ভদ্রকরক্ত (ধর্মপরায়ণ) সন্ত মুনি তিনি সুবিখ্যাত।

ভিক্ষুগণ! কেহ সুদীর্ঘ অতীতকে কিরূপে অনুসরণ করে? ‘অতীতে আমার এই রূপ ছিল’ মনে করিয়া সে তাহাতে আনন্দ লাভ করে। বেদনা, সংজ্ঞা, সংক্ষার, বিজ্ঞান সম্পর্কেও এইরূপ। ভিক্ষুগণ! এইরূপে সে অতীতকে অনুসরণ করে।

ভিক্ষুগণ! সুদীর্ঘ অতীতকে লোক কিরূপে অনুসরণ করে না। ‘অতীতে আমার এইরূপ ছিল,’ মনে করিয়া সে তাহাতে আনন্দ লাভ করে না। বেদনা, সংজ্ঞা, সংক্ষার, বিজ্ঞান সম্পর্কেও এইরূপ।

ভিক্ষুগণ! এইরূপে সে অতীতকে অনুসরণ করে না।

ভিক্ষুগণ! কিরূপে লোক সুদীর্ঘ অনাগতকে প্রত্যাশা করে? সে ‘অনাগতে আমার এইরূপ হউক’ মনে করিয়া আনন্দ লাভ করে। বেদনা, সংজ্ঞা, সংক্ষার, বিজ্ঞান সম্পর্কেও এইরূপ। এইরূপে প্রত্যাশা করে।

ভিক্ষুগণ! কিরূপে সে সুদীর্ঘ অনাগতকে প্রত্যাশা করে না? আনন্দ লাভ করে না প্রত্যাশা করে না।

ভিক্ষুগণ! কিরূপে লোক প্রত্যুৎপন্ন ধর্মে আকর্ষিত^১ হয়? ভিক্ষুগণ! অশ্রুতবান পৃথগজন (অনভিজ্ঞ সাধারণ লোক) যে আর্যগণের দর্শন লাভ করে নাই, যে আর্যধর্মে অকোবিদ, সৎপুরুষধর্মে সুবিনীত, রূপকে আত্মাদৃষ্টিতে দেখে, আআকে রূপবান দেখে, আআয় রূপ দেখে কিস্মা রূপে আত্মাদর্শন করে। বেদনা, সংজ্ঞা, সংক্ষার ও বিজ্ঞান সম্পর্কেও এইরূপ। ভিক্ষুগণ! এইরূপেই লোক প্রত্যুৎপন্ন ধর্মে আকর্ষিত হয়।

ভিক্ষুগণ! কিরূপে লোক প্রত্যুৎপন্ন ধর্মে আকর্ষিত হয় না? ভিক্ষুগণ! শ্রুতবান আর্যশ্রা঵ক, যিনি আর্যগণের দর্শন লাভ করেন, আর্যধর্মে কোবিদ, আর্যধর্মে সুবিনীত, যিনি সৎপুরুষগণের দর্শন লাভ করেন, সৎপুরুষধর্মে কোবিদ, সৎপুরুষধর্মে সুবিনীত, রূপে আআকে দেখেন না, আআকে রূপবান দেখেন না। আআয় রূপ দেখেন না কিস্মা রূপে আত্মাদর্শন করেন না। বেদনা, সংজ্ঞা, সংক্ষার ও বিজ্ঞান সম্বন্ধেও এইরূপ। এইরূপেই তিনি প্রত্যুৎপন্ন ধর্মে আকর্ষিত হন না। অতীতে অননুসরণীয় সুবিখ্যাত।

আমি তোমাদের ‘তদ্বকরক্তের’ উদ্দেশ ও বিভজ্ঞ সম্বন্ধে দেশনা করিব বলিয়া যাহা বলিয়াছিলাম তাহা এই সম্পর্কে কথিত হইল।

তগবান ইহা বিবৃত করিলেন। ভিক্ষুগণ সম্ভৃষ্টমনে তগবানের ভাষণে আনন্দ প্রকাশ করিলেন।

[তদ্বকরক্ত সূত্র সমাপ্ত]

আনন্দ-তদ্বকরক্ত সূত্র (১৩২)

আমি এইরূপ শুনিয়াছি : -

এক সময় তগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। সেই সময়ে আযুম্বান আনন্দ উপস্থানশালায় ভিক্ষুদেগকে ধর্মীয় কথায় সম্বৰ্ষিত, সমাদর্পিত, সমুদ্দেজিত (উৎসাহিত) ও সম্প্রহৃষ্টিত করিতেছিলেন এবং তদ্বকরক্তের উদ্দেশ ও বিভজ্ঞ সম্পর্কে ভাষণ দিতেছিলেন। তখন তগবান সায়াহ সময়ে সমাধি হইতে উঠিয়া উপস্থানশালায় উপস্থিত হইলেন, উপস্থিত হইয়া নির্দিষ্ট আসনে উপবিষ্ট

^১ বিপস্নায় অভাবতো তগহানিটীহি আকড়টিয়তি - প.সু.

হইলেন। উপরিয়ে ভগবান ভিক্ষুদিগকে আহ্বান করিলেন : ভিক্ষুগণ! কে উপস্থানশালায় ভিক্ষুদিগকে ধর্মীয় কথায় সন্দর্শিত করিলেন ভাষণ দিলেন?’

তখন ভগবান আযুষ্মান আনন্দকে আহ্বান করিলেন : ‘আনন্দ! তুমি কি যথাযথভাবে ভাষণ দিয়াছ?’

– ‘ভদ্র! আমি এইরূপভাবে ভিক্ষুদিগকে ভাষণ দিয়াছি :

অতীতে অননুসরণীয় সুবিখ্যাত।

.... প্রত্যুৎপন্ন ধর্মে আকর্ষিত হয় না’

অতীত অননুসরণীয় সুবিখ্যাত।

ভদ্র, আমি এইরূপেই ভাষণ দিয়াছি।’

– “সাধু, সাধু, আনন্দ, তুমি উক্তমূল্পে ভাষণ দিয়াছ”।

অতীত অননুসরণীয় সুবিখ্যাত।

আনন্দ, কিরূপে লোক অতীতকে অনুসরণ করে?

.... প্রত্যুৎপন্ন ধর্মে আকর্ষিত হয় না।’

অতীত অননুসরণীয় সুবিখ্যাত।

ভগবান ইহা বিবৃত করিলেন। আযুষ্মান আনন্দ সন্তুষ্টমনে ভগবানের ভাষণে আনন্দ প্রকাশ করিলেন।

[আনন্দ-ভদ্রকরক্ত সূত্র সমাপ্ত]

মহাকাত্যায়ন-ভদ্রকরক্ত সূত্র (১৩৩)

আমি এইরূপ শুনিয়াছি : –

এক সময় ভগবান রাজগৃহ সমীপে অবস্থান করিতেছিলেন তপোদারামে। তখন আযুষ্মান সমৃদ্ধি রাত্রির শেষের দিকে প্রত্যয়ে উঠিয়া গাত্র পরিষেক করিতে তপোদায় উপস্থিত হইলেন। তপোদায় গাত্র পরিষেকান্তে উঠিয়া গাত্র শুকাইবার জন্য এক চীবরে দাঁড়াইয়া রহিলেন। রাত্রি যখন অতিক্রান্ত সেই সময় অন্য একজন দেবতা তাঁহার জ্যোতিতে সমগ্র তপোদা উঙ্ঘাসিত করিয়া আযুষ্মান সমৃদ্ধির নিকট উপস্থিত হইলেন, উপস্থিত হইয়া একান্তে দাঁড়াইলেন এবং একান্তে দাঁড়াইয়া আযুষ্মান সমৃদ্ধিকে বলিলেন : ‘ভিক্ষুমহোদয়! আপনি কি ভদ্রকরক্তের (ধার্মিকের) উদ্দেশ ও বিভঙ্গ স্মরণ করিতে পারেন?’

^১. পূর্ববর্তী ভদ্রকরক্ত সূত্র দ্রষ্টব্য।

- বন্ধু! আমি ভদ্রকরক্তের উদ্দেশ স্মরণ করিতে পারি না, কিন্তু আপনি কি তাহা পারেন?

‘ভিক্ষুমহোদয়! আমি তাহা পারি না। আপনি কি ভদ্রকরক্তের গাথা স্মরণ করিতে পারেন?’

- বন্ধু, আমি ভদ্রকরক্তের গাথা স্মরণ করিতে পারি না, আপনি পারেন কি?

‘ভিক্ষুমহোদয়, আমিও পারি না। আপনি ভদ্রকরক্তের উদ্দেশ ও বিভজ্ঞ শিক্ষা করুন, তাহা আয়ত্ত করুন, স্মরণ করুন, কারণ ইহা অর্থসংহিত ও ব্রহ্মচর্যের আদিভৃত নিদান।’

দেবতা ইহা বিবৃত করিলেন, বিবৃত করিয়া তথা হইতে অন্তর্ধান করিলেন। অতঃপর আযুষ্মান সমৃদ্ধি রাত্রির অবসানে ভগবানের নিকট উপস্থিত হইলেন, উপস্থিত হইয়া ভগবানকে অতিবাদন করিয়া একান্তে উপবেশন করিলেন। একান্তে উপবিষ্ট আযুষ্মান সমৃদ্ধি ভগবানকে কহিলেনঃ ‘আমি রাত্রির শেষের দিকে দেবতা অন্তর্ধান করিলেন। সাধু ভদ্র! ভগবান! আমাকে ভদ্রকরক্তের উদ্দেশ ও বিভজ্ঞ দেশনা করুন।’

- ‘তাহা হইলে, ভিক্ষু! মনোযোগ সহকারে শ্রবণ কর, আমি ভাষণ দিব।’

- ‘ইংসা ভদ্রন্ত’ বলিয়া আযুষ্মান সমৃদ্ধি ভগবানকে প্রত্যন্তর দিলেন।

ভগবান কহিলেনঃ

অতীত অননুসরণীয় সুবিখ্যাত।^১

ভগবান ইহা বিবৃত করিলেন, বিবৃত করিয়া সুগত আসন হইতে উঠিয়া বিহারে প্রবেশ করিলেন।

ভগবান চলিয়া যাইবার পরক্ষণেই ভিক্ষুগণ চিন্তা করিলেনঃ ‘বন্ধুগণ, ভগবান সংক্ষিপ্তভাবে উদ্দেশ বর্ণনা করিয়া ও বিস্তৃতভাবে বিশ্লেষণ না করিয়া আসন হইতে উঠিয়া এখন বিহারে প্রবেশ করিয়াছেনঃ

অতীত অননুসরণীয় সুবিখ্যাত।

ভগবান কর্তৃক সংক্ষিপ্তভাবে বর্ণিত উদ্দেশের অর্থকে বিশদভাবে বিশ্লেষণ করিবেন যাহা বিশ্লেষণ করা হয় নাই?

তখন সেই ভিক্ষুদের মনে হইলঃ এই আযুষ্মান মহাকাত্যায়ন যিনি শাস্তা

^১ ভদ্রকরক্ত সূত্র দ্রষ্টব্য।

কর্তৃক প্রশংসিত এবং বিজ্ঞ ব্রহ্মচারীদের শ্রদ্ধেয়, তিনিই ভগবান কর্তৃক সংক্ষিপ্তভাবে বর্ণিত উদ্দেশের যাহা পূর্বে বিশ্লেষণ করা নাই তাহা বিস্তৃতভাবে বিশ্লেষণ করিতে সক্ষম। চলুন আমরা আযুশ্মান মহাকাত্যায়নের নিকট উপস্থিত হইয়া ইহার অর্থ জিজ্ঞাসা করি। তখন ভিক্ষুগণ আযুশ্মান মহাকাত্যায়নের নিকট উপস্থিত হইয়া আযুশ্মান মহাকাত্যায়নের সহিত প্রীত্যালাপ ও কুশল প্রশ্নাদি বিনিময় করিয়া একান্তে উপবেশন করিলেন। একান্তে উপবিষ্ট ভিক্ষুগণ আযুশ্মান মহাকাত্যায়নকে বলিলেন : “বন্ধু কাত্যায়ন! ভগবান চলিয়া যাইবার পরম্পরণেই আমাদের মনে হইল জিজ্ঞাসা করি। আযুশ্মান মহাকাত্যায়ন, বিশ্লেষণ করুন।”

অতীত অননুসরণীয় সুবিখ্যাত।

“বন্ধু কাত্যায়ন! ভগবান চলিয়া যাইবার পরম্পরণেই আমাদের মনে হইল জিজ্ঞাসা করি। আযুশ্মান মহাকাত্যায়ন, বিশ্লেষণ করুন।”

যেমন বন্ধুগণ! কোন সারার্থী, সারবেষী পুরুষ বড় সারবান বৃক্ষের অন্দেষণ করিতে করিতে মূল অতিক্রম করিয়া যায় এবং মনে কর : শার্থা প্রশার্থায় সার অন্দেষণ করিতে হইবে।’ আযুশ্মানগণ শাস্তার সম্মুখীভৃত হইলেও ভগবানকে এড়িয়া “আমাকে প্রতিজ্ঞাসা করা উচিত” বলিয়া মনে করিয়াছেন। বন্ধুগণ! ভগবান জ্ঞাতব্য বিষয় জানেন, দর্শনীয় বিষয় দর্শন করেন, চক্ষুভৃত, জ্ঞানভৃত, ধর্মভৃত, ব্রহ্মভৃত, বক্তা, প্রবক্তা, অর্থ নির্ণয়কারী, অমৃতদাতা, ধর্মস্বামী তথাগত। ভগবানকে ইহার অর্থ প্রতিজ্ঞাসা করিবার ইহাই উপযুক্ত সময়। ভগবান যাহা ব্যাখ্যা করিবেন আপনারা তাহা ধারণ করিবেন।

বন্ধু কাত্যায়ন! ভগবান জ্ঞাতব্যকে জানেন ভগবানকে ইহার অর্থ আমাদের জিজ্ঞাসা করা উচিত। কিন্তু আযুশ্মান মহাকাত্যায়ন শাস্তা কর্তৃক প্রশংসিত বিশ্লেষণ করিতে সমর্থ। আযুশ্মান মহাকাত্যায়ন ইহকে গুরুস্থানীয় মনে না করিয়া বিশ্লেষণ করুন।

তাহা হইলে বন্ধুগণ বিহারে প্রবেশ করিলেন।

অতীত অননুসরণীয় সুবিখ্যাত।

বন্ধুগণ! ভগবান কর্তৃক সংক্ষিপ্তভাবে বিস্তৃতভাবে অর্থ জানি।

সেই লোক মনে করে : সুদীর্ঘ অতীতে ‘আমার এই চক্ষু ছিল’ আমার এইরূপ ছিল, তাহার বিজ্ঞান ছন্দরাগের দ্বারা প্রতিবন্ধ এবং প্রতিবন্ধিতা হেতু

সে তাহাতে আনন্দ লাভ করে, আনন্দ লাভ করিতে করিতে অতীতকে অনুসরণ করে। শ্রোত্র এবং শব্দ, ঘ্রাণ এবং গন্ধ, জিহ্বা ও রস, কায় ও স্পর্শ, মন ও ধর্ম সম্পর্কেও এইরূপ। বন্ধুগণ! এইরূপে লোক কোন অতীতকে অনুসরণ করে।

বন্ধুগণ! কিরূপে লোকে অতীতকে অনুসরণ করে না? সে মনে করে “সুদীর্ঘ অতীতে আমার এই চক্ষু ছিল, আমার এইরূপ ছিল” কিন্তু তাহার বিজ্ঞান ছন্দরাগ দ্বারা প্রতিবন্ধ নহে বলিয়া সে তাহাতে আনন্দ লাভ করে না এবং আনন্দ লাভ করে না বলিয়া অতীতকে অনুসরণ করে না। শ্রোত্র ও শব্দ, ঘ্রাণ ও গন্ধ, জিহ্বা ও রস, কায় ও স্পর্শ, মন ও ধর্ম সম্পর্কেও এইরূপ। এইরূপে, বন্ধুগণ! সে অতীতকে অনুসরণ করে না।

বন্ধুগণ! কিরূপে লোক অনাগতকে প্রত্যাশা করে? সে মনে করে : ‘সুদীর্ঘ অনাগতে আমার চক্ষু (দৃষ্টি) এবং রূপ এইরূপ হউক’ ইহা ভবিয়া অপ্রতিলিপ্তকে লাভ করিবার জন্য চিন্তের প্রণিধান করে, চিন্তের প্রণিধান হেতু তাহাতে আনন্দ লাভ করে এবং আনন্দ লাভ করিবার সময় অনাগতকে প্রত্যাশা করে। শ্রোত্র ও শব্দ মন ও ধর্ম সম্পর্কেও এইরূপ। এইরূপে অনাগতকে প্রত্যাশা করে।

বন্ধুগণ! কিরূপে লোক অনাগতকে প্রত্যাশা করে না? সে মনে করে অনাগতকে প্রত্যাশা করে না।

বন্ধুগণ! কিরূপে লোক প্রত্যুৎপন্ন ধর্মে আকর্ষিত হয়? বন্ধুগণ! এই যে চক্ষু এবং রূপ উভয়ই প্রত্যুৎপন্ন এবং সে বিজ্ঞান প্রত্যুৎপন্ন ছন্দরাগ দ্বারা প্রতিবন্ধ, বিজ্ঞানে ছন্দরাগে প্রতিবন্ধতা হেতু সে তাহাতে আনন্দ লাভ করে এবং আনন্দ লাভ করিতে করিতে প্রত্যুৎপন্ন ধর্মে আকর্ষিত হয়। শ্রোত্র ও শব্দ মন ও ধর্ম সম্পর্কেও এইরূপ। বন্ধুগণ! এইরূপে সে প্রত্যুৎপন্ন ধর্মে আকর্ষিত হয়।

বন্ধুগণ! কিরূপে লোক প্রত্যুৎপন্ন ধর্মে আকর্ষিত হয় না? সে মনে করে আনন্দ লাভ করে না। এইরূপে আনন্দ লাভ করে না। এইরূপে আকর্ষিত হয় না।

বন্ধুগণ! ভগবান সে উদ্দেশ সংক্ষিপ্তভাবে বর্ণনা বিস্তৃতভাবে বিশ্লেষণ না করিয়া আসন হইতে উঠিয়া বিহারে প্রবেশ করিয়াছেন, তাহা হইতেছে:

অতীত অননুসরণীয় সুবিখ্যাত।

ভগবান কর্তৃক সংক্ষিপ্তভাবে বর্ণিত বিস্তৃতভাবে অবিশ্লিষ্ট উদ্দেশের অর্থ আমি এইরূপে বিস্তৃতভাবে জানি। আয়ুষ্মানগণ! তোমরা যদি ইচ্ছা কর তাহা হইলে ভগবানের নিকট উপস্থিত হইয়া জিজ্ঞাসা কর। ভগবান যেইভাবে ব্যাখ্যা করেন, তোমরা সেইভাবে ধারণ কর।

অতঃপর ভিক্ষুগণ আয়ুষ্মান মহাকাত্যায়নের ভাষণকে অভিনন্দিত ও অনুমোদন করিয়া আসন হইতে উঠিয়া ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট ভিক্ষুগণ ভগবানকে কহিলেন : ভদ্র! ভগবান এই উদ্দেশ সংক্ষিপ্তভাবে বর্ণনা করিয়া ইহার অর্থ বিস্তৃতভাবে বিশ্লেষণ না করিয়া আসন হইতে উঠিয়া বিহারে প্রবেশ করিয়াছেন : অতীত অননুসরণীয় সুবিখ্যাত। ভদ্র! ভগবান চলিয়া যাইবার পরঙ্গেই আমাদের এইরূপ মনে হইল : ভগবান এই উদ্দেশ সুবিখ্যাত। ভগবান কর্তৃক সংক্ষিপ্তভাবে কে বিশ্লেষণ করিবেন? এই আয়ুষ্মান মহাকাত্যায়ন যিনি শান্ত কর্তৃক প্রশংসিত তাহাকে ইহার অর্থ জিজ্ঞাসা করিয়াছি। ভদ্র! আয়ুষ্মান মহাকাত্যায়ন এই পদ্ধতিতে, পদ ও ব্যঞ্জনার দ্বারা ইহার অর্থ আমাদের নিকট বিশ্লেষণ করিয়াছেন।

ভিক্ষুগণ! মহাকাত্যায়ন একজন পদ্ধিত ও মহাপ্রাঞ্জ ব্যক্তি। তোমরা আমাকে জিজ্ঞাসা করিলে আমিও মহাকাত্যায়নের মত ব্যাখ্যা করিতাম। ইহা তাহার প্রকৃত অর্থ, তোমরা ইহা এইরূপেই ধারণ কর।

ভগবান ইহা বিবৃত করিলেন। ভিক্ষুগণ সন্তুষ্টমনে ভগবানের ভাষণে আনন্দ প্রকাশ করিলেন।

[মহাকাত্যায়ন-ভদ্রকর্তৃ সূত্র সমাপ্ত]

লোমশকাঞ্জিয়-ভদ্রকর্তৃ সূত্র (১৩৪)

আমি এইরূপ শুনিয়াছি : -

এক সময় ভগবান শ্রা঵ণ্তী সমীপে অবস্থান করিতেছিলেন জেতবনে অনাথপদ্ধিকের আরামে। সেই সময়ে আয়ুষ্মান লোমশকাঞ্জিয় শাক্যদের মধ্যে অবস্থান করিতেছিলেন কপিলাবস্তুতে ন্যাশোধারামে^১। তখন দেবপুত্র চন্দন রাত্রির শেষের দিকে তাহার জ্যোতিতে সমষ্টি ন্যাশোধারাম উদ্ভাসিত

^১ প্রথম খণ্ড পৃ. ৯৩ দ্রষ্টব্য।

করিয়া আযুশ্মান লোমশকাঞ্জিয়ের নিকট উপস্থিত হইয়া একান্তে দাঁড়াইলেন। একান্তে দণ্ডয়মান দেবপুত্র চন্দন আযুশ্মান লোমশকাঞ্জিয়কে কহিলেন : “ভিক্ষু! মহোদয়! আপনি কি ভদ্রকরক্তের উদ্দেশ ও বিভজ্ঞা ধারণ (শ্মরণ) করিতে পারেন ?”

– বন্ধু! আমি পারি না, কিন্তু আপনি পারেন কি ?

ভিক্ষু! আমিও পারি না, কিন্তু আপনি ভদ্রকরক্তের গাথা ধারণ করিতে পারেন কি ?

– বন্ধু! আমি পারি না, কিন্তু আপনি পারেন কি ?

– ভিক্ষু! আমি তাহা পারি ।

– বন্ধু! আপনি কি তাহা যথাযথরূপে ধারণ করিতে পারেন ?

– ভিক্ষু! এক সময়ে ভগবান ত্রয়স্ত্রিংশৎ দেবতাদের মধ্যে অবছান করিতেছিলেন পারিচ্ছন্নক (পারিজাত) বৃক্ষমূলে পাণ্ডুকহলশিলাসনে। তথায় ভগবান ত্রয়স্ত্রিংশৎ দেবগণের নিকট ভদ্রকরক্তের উদ্দেশ ও বিভজ্ঞা আবৃত্তি করিয়াছিলেন ।

অতীত অননুসরণীয় সুবিখ্যাত ।

ভিক্ষু! আমি এইরূপে ভদ্রকরক্তের গাথা ধারণ (শ্মরণ) করি, আপনি তাহা শিক্ষা করুন, অধ্যয়ন করুন ও ধারণ করুন যাহা অর্থসংহিত ও ব্রহ্মচর্যের আদিভৃত নিদান। দেবপুত্র চন্দন ইহা বলিলেন এবং বলিয়া অন্তর্ধান করিলেন।

অতঃপর আযুশ্মান লোমশকাঞ্জিয় রাত্রির অবসানে শয়নাসন (বিছানাদি সরঞ্জাম) বাঁধিয়া পাত্রচীবর লইয়া শ্রাবণীর উদ্দেশ্যে যাত্রা করিলেন। আনুপূর্বিকভাবে বিচরণ করিতে করিতে শ্রাবণী সমীপে জেতবনে অনাথাপিডিকের আরামে ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আযুশ্মান লোমকাঞ্জিয় ভগবানকে বলিলেন :

ভদ্র! এক সময় আমি শাক্যদের মধ্যে একজন দেবপুত্র অন্তর্ধান করিলেন। সাধু, ভদ্র! ভগবান ভদ্রকরক্তের উদ্দেশ ও বিভজ্ঞা দেশনা করুন।

– “ভিক্ষু! তুমি কি সেই দেবপুত্রকে জান ?”

– “ভদ্র! আমি সেই দেবপুত্রকে জানি না ।”

^১ দেবপুত্র চন্দনের সহিত তাহার কথোপকথন বিবৃত করিলেন।

- ভিক্ষু! এই দেবপুত্রের নাম চন্দন। দেবপুত্র চন্দন উপবিষ্ট হইয়া, তদৰ্থী হইয়া, তৎপ্রতি মনোনিবেশ করিয়া, সমগ্র চিন্ত একাগ্র করিয়া, অবহিত শ্রোত হইয়া ধর্ম শ্রবণ করেন। তাহা হইলে, ভিক্ষু! উক্তমরূপে মনোনিবেশ করিয়া শ্রবণ কর, আমি ভাষণ দিব”। হঁয়া ভদ্র! বলিয়া আযুশ্মান লোমশকাঞ্জিয় ভগবানকে প্রতুস্তর দিলেন। ভগবান কহিলেনঃ

অতীত অননুকরণীয় সুবিখ্যাত।

ভিক্ষু! কিরূপে কেহ অতীতকে অনুসরণ করে? ‘আমি সুদীর্ঘ অতীতে এ প্রকার রূপসম্পন্ন ছিলাম’ মনে করিয়া সে তাহাতে আনন্দ লাভ করে। বেদনা, সংজ্ঞা, সংক্ষার ও বিজ্ঞান সম্বলেষণেও এইরূপ।

ভিক্ষু! কিরূপে অতীতকে অনুসরণ করে না?

.... কিরূপে অনাগতকে প্রত্যাশা করে?

.... কিরূপে অনাগতকে প্রত্যাশা করে না?

.... প্রত্যুৎপন্ন ধর্মে আকর্ষিত হয় না।

অতীত অননুকরণীয় সুবিখ্যাত।

ভগবান ইহা বিবৃত করিলেন আযুশ্মান লোমশকাঞ্জিয় সন্তুষ্ট মনে ভগবানের ভাষণকে অভিনন্দিত করিলেন।

[লোমশকাঞ্জিয়-ভদ্রকরক্ত সূত্র সমাপ্ত]

ক্ষুদ্র কর্মবিভঙ্গা সূত্র (১৩৫)

আমি এইরূপ শুনিয়াছি :-

এক সময় ভগবান শ্রাবণী সমীপে অবস্থান করিতেছিলেন জেতবনে অনাধিপতিকের আরামে। তখন তোদেয়পুত্র^১ শুভমাণবক ভগবানের নিকট উপস্থিত হইয়া ভগবানের সহিত প্রীত্যালাপ ও কুশল প্রশ্নাদি বিনিময় করিয়া একান্তে উপবেশন করিলেন। একান্তে উপবিষ্ট তোদেয়পুত্র শুভমাণবক ভগবানকে বলিলেনঃ “হে গৌতম! কি হেতু প্রত্যয় যে মনুষ্যদের মধ্যে মনুষ্যরূপে থাকা অবস্থায় হীনতা এবং উৎকর্ষতা দেখা যায়? হে গৌতম! অন্নায় মনুষ্য দেখা যায়, দীর্ঘায় মনুষ্য দেখা যায়, বহুরোগঘন্ত, অল্প রোগঘন্ত, দুর্বর্ণ, বর্ণসম্পন্ন, অল্পশক্তিযুক্ত, মহাশক্তিযুক্ত, অল্পভোগসম্পন্ন, মহাভোগসম্পন্ন, নীচকুলজাত, উচ্চকুলজাত, দুষ্প্রাপ্ত, প্রজ্ঞাবান দেখা যায়? হে গৌতম! কি

^১ তোদেয় ছিলেন রাজা প্রসেনজিতের ব্রাহ্মণ পুরোহিত।

হেতু দেখা যায় ? - “মাণবক ! জীবনের কর্মই নিজের, তাহারা কর্মের দায়াদ (কর্মফল ভোগের অধিকারী), কর্ম তাহাদের উৎপত্তির কারণ, কর্ম তাহাদের বন্ধু, কর্ম তাহাদের শরণ, কর্মই জীবনকে ইন-উকৃষ্টভাবে বিভক্ত করে।

এই ভবনীয় গৌতমের অব্যাখ্যাত সংক্ষিপ্ত ভাষণের বিস্তারিত অর্থ আমি জানি না। সাধু ভবনীয় গৌতম সেইভাবে ধর্ম দেশনা করুন যাহাতে ভবনীয় গৌতমের আমি জানিতে পারি।

মাণবক ! তাহা হইলে মনোনিবেশ সহকারে শুবণ কর, আমি ভাষণ দিব। - ‘হ্যাঁ ভদ্র !’ বলিয়া তোদেয়পুত্র শুভ মাণবক ভগবানকে প্রত্যন্তর দিলেন। ভগবান বলিলেন : এখানে, মাণবক, কোন কোন স্তু বা পুরুষ প্রাণহন্তা, বুদ্ধপ্রকৃতি, লোহিত-পাণি, হনন ও প্রহার কার্যে নিবিষ্ট, সর্বজীবের প্রতি অদয়ালু হয়। এইভাবে অনুষ্ঠিত ও সম্পাদিত কর্মের ফলে সে দেহাবসানে মৃত্যুর পর অপায়, দুর্গতি, বিনিপাত নিরয়ে (নরকে) উৎপন্ন হয়। কিন্তু যদি সে দেহাবসানে নিরয়ে উৎপন্ন না হয়। যদি মনুষ্যাত্ম লাভ করে, তাহা হইলে যেখানে যেখানে জনাগ্রহণ করে অঞ্চায় হয়। মাণবক ! এই যে সে প্রাণহন্তা, বুদ্ধপ্রকৃতি অদয়ালু হয়। - এই প্রতিপদই (পথ) অঞ্চায় সংবর্তনিক।

মাণবক ! এখানে কোন কোন স্তু বা পুরুষ প্রাণাতিপাত পরিত্যাগ করিয়া প্রাণাতিপাত হইতে বিরত হন, নিহিতদণ্ড, নিহিতশস্ত্র, লঙ্গী, দয়ালু, সর্বজীবের হিতানুকম্পী হইয়া অবস্থান করেন। এইভাবে অনুষ্ঠিত ও সম্পাদিত কর্মের ফলে তিনি দেহাবসানে মৃত্যুর পর সুগতি স্বর্গলোকে উৎপন্ন হন, যদি মনুষ্যাত্ম লাভ করেন, তাহা হইলে যেখানে যেখানে জনাগ্রহণ করেন দীর্ঘায় হন। এই যে প্রাণাতিপাত পরিত্যাগ করিয়া হিতানুকম্পী হইয়া অবস্থান করেন- এই প্রতিপদ (পদ) দীর্ঘায় সংবর্তনিক।

মাণবক ! এখানে কোন কোন স্তু বা পুরুষ জীবগণের প্রতি স্বত্বাবে অনিষ্টকারী হয়, অন্যকে পাণি দ্বারা, লোক্ত্ব দ্বারা, দণ্ডদ্বারা বা শস্ত্র দ্বারা আঘাত করে। এইভাবে অনুষ্ঠিত বিনিপাত নিরয়ে জনাগ্রহণ করে। যদি মনুষ্যাত্ম লাভ করে যেখায় জনাগ্রহণ করে বহুরোগগ্রস্ত হয়। এই যে পাণি দ্বারা আঘাত করিয়া স্বত্বাবে অনিষ্টকারী হয় এই প্রতিপদ বহুরোগ সংবর্তনিক।

মাণবক ! এখানে কোন কোন স্তু বা পুরুষ অনিষ্টকারী হয় না সুগতি অঘরোগগ্রস্ত (নীরোগ) হয় প্রতিপদ নীরোগ সংবর্তনিক।

মাণবক! এখানে কোন কোন স্তু বা পুরুষ ক্রোধ পরায়ণ ও উপায়াস বহুল তাহাকে সামান্য কথা বলা হইলে ও রাগান্বিত হয়, কুপিত হয়, ক্ষতি করে, প্রতিহত করে, কোপ, দ্রেষ ও দৌর্ঘন্যস্য পোষণ করে। এইভাবে অনুষ্ঠিত এই প্রতিপদ দুর্বর্ণসংবর্তনিক।

মাণবক! এখানে কোন কোন স্তু বা পুরুষ ক্রোধহীন ও অনুপায়াসবহুল হন। বহু কথা বলা হইলেও তিনি রাগান্বিত হন না, কুপিত হন না দৌর্ঘন্যস্য পোষণ করেন না। এইভাবে অনুষ্ঠিত প্রসন্নচিত্ত হন। এই প্রতিপদ প্রসাদ সংবর্তনিক।

মাণবক! এখানে কোন কোন স্তু বা পুরুষ ঈর্ষাপরায়ণ হন। অন্যের লাভ-সৎকার-গুরুত্বে, সমান পৃজ্ঞালাভে সে ঈর্ষা করে, প্রতিহিংসা করে ও ঈর্ষা পোষণ করে। এইভাবে অনুষ্ঠিত অল্লাশাখ্য (শক্তিহীন বা দুর্বল) হয় এই প্রতিপদ অল্লাশাখ্য সংবর্তনিক।

মাণবক! কোন কোন স্তু বা পুরুষ ঈর্ষাপরায়ণ না ঈর্ষা পোষণ করেন না মহেশাখ্য মহাশক্তি সম্পন্ন^১ হন মহেশাখ্য সংবর্তনিক।

মাণবক! এখানে কোন কোন স্তু বা পুরুষ শ্রমণ-ব্রাহ্মণের প্রতি অন্ন-পানীয়-বস্ত্র-যান-মাল্য-গন্ধ-বিলেপন-শয়্যা-আবসথ-প্রদীপের দাতা হয় না অর্ভতোগী (সম্পদহীন) হয় অর্ভতোগ সংবর্তনিক।

মাণবক! এখানে কোন কোন স্তু বা পুরুষ শ্রমণ-ব্রাহ্মণের প্রতি দাতা হন মহাভোগসম্পন্ন হন মহাভোগ সংবর্তনিক।

মাণবক! এখানে কোন কোন স্তু বা পুরুষ স্তৰ্দ্ব ও অতিমানী হয়, অভিবাদনযোগ্যকে অভিবাদন করে না, প্রতুথানযোগ্যকে প্রতুথান করে না আসননার্হকে আসন দেয় না, মার্গাহকে মার্গ দেয় না, মাননীয়কে মান্য করে না, পৃজ্ঞনীয়কে পৃজ্ঞ করে না নীচকুলে জাত হয় নীচকুল সংবর্তনিক।

মাণবক! এখানে কোন কোন স্তু বা পুরুষ স্তৰ্দ্ব ও অতিমানী হয় না পৃজ্ঞনীয়কে পৃজ্ঞ করেন উচ্চকুলজাত হন। উচ্চকুল সংবর্তনিক।

মাণবক! এখানে কোন কোন স্তু বা পুরুষ কোন শ্রমণ বা ব্রাহ্মণের নিকট উপস্থিত হইয়া জিজ্ঞাসা করে : ভদ্রন্ত! কুশল কি? অকুশল কি? বর্জনীয় কি?

¹: রাজগৃহের নিকটবর্তী একটি অরণ্যাশ্রম।

অবর্জনীয় কি? সেবিতব্য কি? অসেবিতব্য কি? কি করিলে দীর্ঘকাল আমার অহিত ও দুঃখের কারণ হইবে? কি করিলে তাহা দীর্ঘকাল আমার হিত ও সুখের কারণ হইবে? এইভাবে অনুষ্ঠিত দুশ্চাঙ্গ হয় দুশ্চঙ্গা সংবর্তনিক।

মাণবক! এখানে কোন কোন স্তী বা পুরুষ মহাপ্রাঙ্গ হয় মহাপ্রজ্ঞা সংবর্তনিক।

সুতরাং মাণবক! অল্লায়ুক সংবর্তনিক প্রতিপদ অল্লায়ুকত্বে উপনীত করে, দীর্ঘায়ুক সংবর্তনিক প্রতিপদ অল্লায়ুকত্বে উপনীত করে, দীর্ঘায়ুক সংবর্তনিক প্রতিপদ, অল্ল-আবাধ সংবর্তনিক প্রতিপদ, অল্ল-আবাধ সংবর্তনিক প্রতিপদ, দুর্ধৰ্ষ সংবর্তনিক প্রতিপদ, প্রাসাদিক সংবর্তনিক প্রতিপদ, অল্লেশাখ্য, মহেশাখ্য, অল্লভোগ, মহাভোগ, নীচকুলীন, উচ্চকুলীন, দুশ্চাঙ্গ, মহাপ্রাঙ্গ সংবর্তনিক প্রতিপদ সম্পর্কেও এইরূপ।

মাণবক! জীবগণের কর্মই নিজের, তাহারা কর্মের দায়াদ ইন উৎকৃষ্টভাবে বিভক্ত করে।

এইরূপ কথিত হইলে তোদেয়েপুত্র শুভ মাণবক ভগবানকে বলিলেনঃ অতি সুন্দর, হে গৌতম! অতি মনোহর, হে গৌতম! যেমন কেহ উল্টানকে দেখিতে পায়, এইরূপে ভবদীয় গৌতমের দ্বারা অনেক পর্যায়ে ধর্ম প্রকাশিত হইয়াছে। আমি, ভবদীয় গৌতম! তাহার ধর্ম ও সঙ্গের শরণাগত হইতেছি। আজ হইতে আমরণ শরণাগত আমাকে ভবদীয় গৌতম উপাসকরূপে অবধারণ করুন।

[মুন্দুকর্ম বিভঙ্গ সূত্র সমাপ্ত]

মহাকর্ম বিভঙ্গ সূত্র (১৩৬)

আমি এইরূপ শুনিয়াছি :-

এক সময় ভগবান রাজগৃহে অবস্থান করিতেছিলেন বেণুবনে কলন্দক নিবাপে। সেই সময়ে আয়ুশ্মান সমৃদ্ধি অরণ্যকুটিতে^১ অবস্থান করিতেছিলেন। তখন পরিব্রাজক পোতলিপুত্র চৎক্রমণ ও বিচরণ করিতে করিতে আয়ুশ্মান সমৃদ্ধির নিকট উপস্থিত হইলেন, উপস্থিত হইয়া আয়ুশ্মান সমৃদ্ধির সহিত প্রীত্যালাপ ও কুশল প্রশ্নাদি বিনিময় করিয়া একান্তে উপবেশন করিলেন।

^১ রাজগৃহের নিকটবর্তী একটি অরণ্যাশ্রম।

একান্তে উপবিষ্ট পরিব্রাজক পোতলিপুত্র আযুষ্মান সমৃদ্ধিকে বলিলেন ৎ বন্ধু সমৃদ্ধি! সাক্ষাৎ শ্রমণ গৌতমের নিকট হইতে আমার দ্বারা ইহা প্রতিগৃহীত হইয়াছে ৎ কায়কর্ম মিথ্যা (নিষফল)^১ বাক্কর্ম মিথ্যা, একমাত্র মনোকর্মই সত্য আর সেই সমাপত্তি আছে যাহা লাভ করিয়া ধ্যানী কিছুই অনুভব করেন না।

বন্ধু পোতলিপুত্র! ঐরূপ বলিবেন না, ঐরূপ বলিবেন না, ভগবানের অপবাদ করা ভাল নহে, ভগবান কখনও ঐরূপ বলিবেন না ৎ কায়কর্ম মিথ্যা অনুভব করেন না।

- বন্ধু সমৃদ্ধি! আপনি প্রবৃজিত হইয়াছেন কতদিন?

- বন্ধু! বেশিদিন হয় নাই, মাত্র তিন বৎসর।

এখন হ্ববির ভিক্ষুদিগকে আমরা কি বলিব যেখানে নবীন ভিক্ষু মনে করেন যে শাস্তাকে রক্ষা করিতে হইবে। বন্ধু সমৃদ্ধি! যখন কেহ চেতনা সহকারে কায়-বাক-মনোকর্ম করে, সে কি অনুভব করে?

বন্ধু পোতলিপুত্র! যখন কেহ চেতনাসহকারে কায়-বাক-মনো কর্ম করে, সে শুধু দুঃখ অনুভব করে।

তখন পরিব্রাজক পোতলিপুত্র আযুষ্মান সমৃদ্ধির ভাষণকে অভিনন্দিতও করিলেন না, তিরস্কৃতও করিলেন না, অভিনন্দিত না করিয়া, তিরস্কৃত না করিয়া আসন হইতে উঠিয়া চলিয়া গেলেন।

অতঃপর আযুষ্মান সমৃদ্ধি, পরিব্রাজক পোতলিপুত্র চলিয়া যাইবার পরক্ষণেই আযুষ্মান আনন্দের নিকট উপস্থিত হইলেন, উপস্থিত হইয়া আযুষ্মান আনন্দের সহিত প্রীতালাপ ও কুশল প্রশংসন বিনিময় করিয়া একান্তে উপবেশন করিলেন। একান্তে উপবিষ্ট আযুষ্মান সমৃদ্ধি পরিব্রাজক পোতলিপুত্রের সহিত তাঁহার কথা বার্তার সমষ্টই আযুষ্মান আনন্দকে জানাইলেন। ঐরূপ কথিত হইলে আযুষ্মান আনন্দ আযুষ্মান সমৃদ্ধিকে বলিলেন ৎ বন্ধু সমৃদ্ধি! এই আলোচ্য বিষয়টি ভগবানের গোচরীভূত করা উচিত। চলুন আমরা ভগবানের নিকট উপস্থিত হইয়া ইহা জানাই। ভগবান যেইরূপ ব্যাখ্যা করিবেন, আমরা তাহা অবধারণ করিব।

- “হ্যা, বন্ধু”! বলিয়া আযুষ্মান সমৃদ্ধি আযুষ্মান আনন্দকে প্রত্যক্ষের দিলেন। অতঃপর আযুষ্মান আনন্দ এবং আযুষ্মান সমৃদ্ধি ভগবানের নিকট

^১ মোঘংত তুচ্ছ অফলঃ—প. সু।

উপস্থিত হইলেন, উপস্থিত হইয়া অভিবাদনপূর্বক একান্তে উপবেশন করিলেন। একান্তে উপবিষ্ট আনন্দ পরিব্রাজক পোতলিপুত্রের সহিত আযুষ্মান সমৃদ্ধির যাহা কথাবার্তা হইয়াছিল সমষ্টই ভগবানকে জানাইলেন।

ইহা বিবৃত হইলে ভগবান আযুষ্মান আনন্দকে বলিলেন : আনন্দ! আমি পরিব্রাজক পোতলিপুত্রকেই জানিনা, এই কথাবার্তা (আলোচনা) সম্পর্কে কি বলিব? এই মূর্খ (মোহগ্রস্ত) সমৃদ্ধি কর্তৃক পরিব্রাজক পোতলিপুত্রের বিশ্বেষণযোগ্য প্রশ্ন আংশিকভাবে ব্যাখ্যাত হইয়াছে।

এইরূপ কথিত হইলে আযুষ্মান উদায়ী ভগবানকে বলিলেন : তদন্ত! আযুষ্মান সমৃদ্ধির ভাষণ অনুযায়ী যাহা কিছু অনুভব করা হয় তাহা সবই দুঃখ^১।

তখন ভগবান আযুষ্মান আনন্দকে আহ্বান করিলেন : আনন্দ ! তুমি মূর্খ উদায়ীর উন্নার্গ দেখ! আনন্দ! জানিতাম যে এই মূর্খ উদায়ী ইহাকে (প্রশ্ন) প্রস্তাবনা করিয়া অনর্থক পেশ করিবে। আনন্দ! পরিব্রাজক পোতলিপুত্র আদি হইতে তিনি প্রকার বেদনা সম্পর্কে জিজ্ঞাসা করিয়াছে। আনন্দ! এই মূর্খ সমৃদ্ধির পরিব্রাজক পোতলিপুত্র কর্তৃক জিজ্ঞাসিত হইয়া এইরূপ ব্যাখ্যা করা উচিত ছিল : বন্ধু পোতলিপুত্র! সংচেতনিক (চেতনাযুক্ত) হইয়া কায়-বাক্য-মন দ্বারা সুখানুভবযোগ্য কর্ম করিয়া সে সুখ অনুভব করে। দুঃখানুভবযোগ্য, না দুঃখ-না সুখ অনুভবযোগ্য সম্পর্কেও এইরূপ। এইরূপে ব্যাখ্যা করিলেই সম্যক্তভাবে ব্যাখ্যা করা হইত। অধিকভু, আনন্দ! মূর্খ ও অব্যক্ত অন্যতারিক পরিব্রাজকগণ তথাগতের মহাকর্মবিভজ্ঞ জানিবে। আনন্দ! তথাগতের মহাকর্মবিভজ্ঞ বিশ্বেষণকালে তোমরা শুনিতে পার।

ভগবান! ইহাই উপযুক্ত সময়, সুগত! ইহাই উপযুক্ত সময়, যখন ভগবান মহাকর্মবিভজ্ঞ বিশ্বেষণ করিতে পারেন, ভগবানের নিকট শুনিয়া ভিক্ষুগণ অবধারণ করিবেন।

আনন্দ! তাহা হইলে মনোনিবেশ সহকারে শুবণ কর, আমি ভাষণ দিব। “হ্যা তদন্ত” বলিয়া আযুষ্মান আনন্দ ভগবানকে প্রতুল্পন দিলেন। ভগবান কহিলেন :

আনন্দ! এই চারি প্রকার পুদ্রাল (ব্যক্তি) পৃথিবীতে বিদ্যমান। চারি প্রকার কি কি? আনন্দ! কোন ব্যক্তি প্রাণিহত্যাকারী, অদণ্ডগ্রহণকারী, কামে

^১ তৎ দুক্খমিঃ তি সরবৎ তৎ দুক্খঃ—প. সু.

বাভিচারী, মিথ্যাবাদী, পিশুনভাষী, কর্কশভাষী, সম্প্লাপী, অভিধ্যালু, ব্যাপন্নচিত্ত, মিথ্যাদৃষ্টিসম্পন্ন হয়। সে দেহবসানে মৃত্যুর পর অপায়, দুর্গতি, বিনিপাত নিরয়ে উৎপন্ন হয়।

আনন্দ! এখানে কোন ব্যক্তি প্রাণিহত্যাকারী হয় মিথ্যাদৃষ্টিসম্পন্ন হয় কিন্তু মৃত্যুর পর সুগতি স্বর্গলোকে উৎপন্ন হয়।

আনন্দ! এখানে কোন ব্যক্তি প্রাণিহত্যা হইতে বিরত হয় অব্যাপন্নচিত্ত ও সম্যক্ দৃষ্টিসম্পন্ন হয় সুগতি স্বর্গলোকে উৎপন্ন হয়।

আনন্দ! এখানে কোন ব্যক্তি প্রাণিহত্যা হইতে বিরত হয় সম্যক্ দৃষ্টিসম্পন্ন হয়, কিন্তু অপায় দুর্গতি বিনিপাত নিরয়ে উৎপন্ন হয়।

আনন্দ! কোন শ্রমণ বা ব্রাহ্মণ আতাপ্য (বীর্য্যারস্ত), করিবার ফলে, প্রধান (একাধি সাধনা), আঅনিয়োগ, অপ্রমাদ, সম্যক্ মনস্কার করিবার ফলে ঐরূপ চিত্ত সমাধি প্রাপ্ত হন যে ঐরূপ সমাধিস্থচিত্তে বিশুদ্ধ অতিমানবীয় দিব্যচক্ষু লাভ করিয়া ঐ ব্যক্তিকে দেখিতে পান যে প্রাণিহত্যাকারী, অদ্বন্দ্বগুণকারী নিরয়ে উৎপন্ন হইয়াছে। তিনি ঐরূপ বলেন ৪ পাপকর্ম সকল আছে, দুর্চরিতের বিপাক (পরিণাম) আছে, আমি সেই ব্যক্তিকে দেখিয়াছি যে প্রাণিহত্যাকারী নিরয়ে উৎপন্ন হয়। যাহারা ঐরূপ জানেন, তাহারা সম্যক্ভাবে জানেন। যাহারা অন্যরূপ জানেন, তাহাদের জ্ঞান মিথ্যা। তিনি এইরূপে স্বয়ংজ্ঞাত, স্বয়ং দৃষ্ট, স্বয়ং বিদিত হইয়া তাহাতে জোরে আঁকড়াইয়া ধরিয়া অভিনন্বিষ্ট হইয়া থাকেন ৪ ইহাই সত্য অন্যটি মোষ (মিথ্যা)”।

আনন্দ! এখানে কোন শ্রমণ বা ব্রাহ্মণ আতাপ্য করিবার ফলে মিথ্যাদৃষ্টি সম্পন্ন হন, কিন্তু দেহবসানে মৃত্যুর পর সুগতি স্বর্গলোকে উৎপন্ন হইয়াছেন। তিনি বলেন ৪ পাপকর্ম নাই, দুর্চরিতের বিপাক নাই, আমি সেই ব্যক্তিকে দেখিয়াছি যে প্রাণিহত্যাকারী মিথ্যাদৃষ্টিসম্পন্ন, কিন্তু স্বর্গলোকে উৎপন্ন হয়। যাহারা ঐরূপ জানেন ইহাই সত্য, অন্য মিথ্যা।

আনন্দ! এখানে কোন শ্রমণ বা ব্রাহ্মণ আতাপ্য ব্যক্তিকে দেখিতে পান যিনি প্রাণিহত্যা হইতে বিরত সম্প্লাপ হইতে বিরত, অনভিধ্যালু, অব্যাপন্নচিত্ত হইয়া দেহবসানে স্বর্গলোকে উৎপন্ন হইয়াছেন। তিনি ঐরূপ বলেন ৪ কল্যাণ কর্ম আছে, সুচরিতের বিপাক আছে, আমি সেই ব্যক্তিকে দেখিয়াছি যিনি প্রাণিহত্যা হইতে বিরত স্বর্গলোকে উৎপন্ন হইয়াছেন। তিনি এইরূপ বলেন ৪ প্রত্যেক ব্যক্তি যিনি প্রাণিহত্যা হইতে বিরত

.... স্বর্গলোকে উৎপন্ন হন ইহাই সত্য, অন্য মিথ্যা।

আনন্দ! এখানে কোন শ্রমণ প্রাণিহত্যা হইতে বিরত কিন্তু দেহাবসানে মৃত্যুর পরে অপায় দুর্গতি বিনিপাত নিরয়ে উৎপন্ন হইয়াছে। তিনি এইরূপ বলেন ৪ কল্যাণ কর্ম নাই, সুচরিতের বিপাক নাই ইহাই সত্য, অন্য মিথ্যা।

আনন্দ! যে শ্রমণ বা ব্রাহ্মণ এইরূপ বলেন ৪ “পাপকর্ম আছে, দুর্চরিতের বিপাক আছে।” তাঁহাকে আমি সমর্থন করি। যদি তিনি এইরূপ বলেন ৪ “আমি সে ব্যক্তিকে দেখিয়াছি যে প্রাণিহত্যাকারী নিরয়ে উৎপন্ন হইয়াছে,” তাঁহাকেও আমি সমর্থন করি। যদি তিনি এইরূপ বলেন ৪ প্রত্যেক প্রাণিহত্যাকারী নিরয়ে উৎপন্ন হয়”— তাঁহাকে আমি সমর্থন করি না। যদি তিনি এইরূপ বলেন ৪ “যাঁহারা এরূপ জানেন তাঁহারা সম্যক্ত্বাবে জানেন, যাঁহারা অন্যরূপ জানেন তাঁহাদের জ্ঞান মিথ্যা” তাঁহাকেও আমি সমর্থন করি না। যদি তিনি “স্বয়ংজ্ঞাত অভিনিবিষ্ট ইহাই সত্য, অন্য মিথ্যা”— তাঁহাকেও আমি সমর্থন করি না, তাহা কি হেতু? কারণ আনন্দ তথাগতের মহাকর্মবিভঙ্গে জ্ঞান অন্যরূপ।

আনন্দ! যে সকল শ্রমণ বা ব্রাহ্মণ এইরূপ বলেন ৪ “পাপকর্ম নাই, দুর্চরিতের বিপাক নাই” তাঁহাকে আমি সমর্থন করি না। যদি তিনি এইরূপ বলেন ৪ “আমি সেই ব্যক্তিকে দেখিয়াছি যে প্রাণিহত্যাকারী মিথ্যাদৃষ্টিসম্পন্ন কিন্তু স্বর্গলোকে উৎপন্ন হইয়াছে”— তাঁহাকে আমি সমর্থন করি। যদি তিনি এইরূপ বলেন ৪ “প্রত্যেক প্রাণিহত্যাকারী স্বর্গলোকে উৎপন্ন হয়”— তাঁহাকে আমি সমর্থন করি না। যদি তিনি এইরূপ বলেন ৪ “যাঁহারা এইরূপ জানেন, তাঁহারা সম্যক্ত্বাবে জানেন, যাঁহারা অন্যরূপ জানেন, তাঁহাদের জ্ঞান মিথ্যা”— তাঁহাকে আমি সমর্থন করি না। যদি তিনি “স্বয়ংজ্ঞাত অভিনিবিষ্ট ইহাই সত্য, অন্য মিথ্যা”— তাঁহাকেও আমি সমর্থন করি না। তাহা কি হেতু? অন্যরূপ।

আনন্দ! যে শ্রমণ বা ব্রাহ্মণ এইরূপ বলেন, “কল্যাণকর্ম আছে, সুচরিতের বিপাক আছে”— তাঁহাকে আমি সমর্থন করি। যদি তিনি এইরূপ বলেন প্রাণিহত্যা হইতে বিরত স্বর্গলোকে উৎপন্ন হইয়াছে”— তাঁহাকেও আমি সমর্থন করি। যদি তিনি এইরূপ বলেন ৪ প্রত্যেক ব্যক্তি যিনি প্রাণিহত্যা হইতে বিরত স্বর্গলোকে উৎপন্ন হন”— তাঁহাকে আমি সমর্থন

করি না। যদি তিনি স্বয়ং জ্ঞাত অন্যরূপ।

আনন্দ! যে শ্রমণ বা ব্রাহ্মণ এইরূপ বলেন : “কল্যাণ কর্ম নাই, সুচরিতের বিপাক নাই” – তাঁহাকে আমি সমর্থন করি না। যদি তিনি এইরূপ বলেন : আমি সেই ব্যক্তিকে দেখিয়াছি যিনি প্রাণিহত্যা হইতে বিরত কিন্তু নিরয়ে উৎপন্ন হইয়াছেন” তাঁহাকে আমি সমর্থন করি। যদি তিনি এইরূপ বলেন : প্রত্যোক ব্যক্তি যিনি প্রাণিহত্যা হইতে বিরত নিরয়ে উৎপন্ন হন” তাঁহাকে আমি সমর্থন করিনা। যদি তিনি এইরূপ বলেন : “ঁাহারা এইরূপ জানেন মিথ্যা” – তাঁহাকে আমি সমর্থন করি না। যদি তিনি স্বয়ংজ্ঞাত অন্য মিথ্যা” – তাঁহাকে আমি সমর্থন করি না অন্যরূপ।

আনন্দ! যে ব্যক্তি প্রাণিহত্যাকারী নিরয়ে উৎপন্ন হয়, হয়ত তাহার দুঃখবেদনীয় পাপকর্ম পূর্বেই কৃত হইয়াছে কিংবা দুঃখবেদনীয় পাপকর্ম পরে কৃত হয় অথবা মরণকালে সুদৃঢ়ভাবে মিথ্যা দৃষ্টি গৃহীত হইয়াছে। সেই কারণে দেহাবসানে নিরয়ে উৎপন্ন হয়। যদি সে প্রাণিহত্যাকারী মিথ্যা দৃষ্টি সম্পন্ন হয়, তাহা হইলে দৃষ্টধর্মে (ইহজীবনে) বিপাক ভোগ করে অথবা অন্যভাবে উৎপন্ন হয়।

আনন্দ! যে ব্যক্তি প্রাণিহত্যাকারী মিথ্যাদৃষ্টি সম্পন্ন হয়, দেহাবসানে স্বর্গলোকে উৎপন্ন হয়, হয়ত তাহার সুখবেদনীয় কল্যাণকর্ম পূর্বে কৃত হইয়াছে অন্যভাবে উৎপন্ন হয়।

আনন্দ! যে ব্যক্তি প্রাণতিপাত হইতে বিরত সম্যক্দৃষ্টি সম্পন্ন দেহাবসানে স্বর্গলোকে উৎপন্ন হয়, হয়ত সুখবেদনীয় কল্যাণকর্ম পূর্বে কৃত হইয়াছে অন্যভাবে উৎপন্ন হয়।

আনন্দ! যে ব্যক্তি প্রাণিহত্যা হইতে বিরত সম্যক্দৃষ্টি সম্পন্ন নিরয়ে উৎপন্ন হয়, হয়ত তাহার দুঃখবেদনীয় পাপকর্ম পূর্বেই কৃত হইয়াছে অথবা সেই কারণে অন্যভাবে উৎপন্ন হয়।

সুতোঁ আনন্দ! অভব্য (অসম্ভব), অভব্যাভাস (আপাত-অসম্ভব) কর্ম আছে, অভব্য অভব্যাভাস কর্ম আছে, ভব্য ও অভব্যাভাস কর্ম আছে, ভব্য কর্ম আছে।

তগবান ইহা বিবৃত করিলেন। আয়ুশ্চান আনন্দ প্রসন্নমনে তগবানের ভাষণে আনন্দ প্রকাশ করিলেন।

[মহাকর্মবিভঙ্গ সূত্র সমাপ্ত]

ষড়ায়তনবিভঙ্গ সূত্র (১৩৭)

আমি এইরূপ শুনিয়াছি ৪-

এক সময় ভগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। তথায় ভগবান ভিক্ষুদিগকে আহ্বান করিলেন ৎ “ভিক্ষুগণ”। “ভদ্র!”! বলিয়া ভগবানকে প্রত্যন্তর দিলেন। ভগবান কহিলেন ৎ “ভিক্ষুগণ! তোমাদিগকে ষড়ায়তনবিভঙ্গ দেশনা করিব। উত্তমরূপে মনোনিবেশ কর, আমি বিবৃত করিতেছি।” “ইঁয়া ভদ্র!” বলিয়া ভিক্ষুগণ ভগবানকে প্রত্যন্তর দিলেন। ভগবান কহিলেন ৎ

ছয় আধ্যাত্মিক (আন্তর্কান্তীন) আয়তন সংবেদ্য, ছয় বাহিরায়তন সংবেদ্য, ছয় বিজ্ঞানকায় সংবেদ্য, ছয় স্পর্শকায় সংবেদ্য, অষ্টাদশ মন-উপবিচার (প্রয়োগক্ষেত্র) সংবেদ্য, ছত্রিশ সন্তুপদ সংবেদ্য। এই কারণে ইহা ত্যাগ কর। তিনি প্রকার স্মৃতি-প্রস্থান আছে যাহা আর্য শাস্তা পালন করিয়া গণকে (শিষ্যদের) অনুশাসন করিতে সমর্থ। দক্ষ রথাচার্যদের মধ্যে তাঁহাকে বলা হয় অনুত্তর দম্পত্তির পুরুষরাসথি। ইহাই ষড়ায়তনবিভঙ্গের উদ্দেশ।

ইহা বিবৃত হইয়াছে ৎ “ছয় আধ্যাত্মিক আয়তন সংবেদ্য”। তাহা কি সম্পর্কে বিবৃত হয়? চক্ষু-আয়তন (ক্ষেত্র), শ্রোত্র-আয়তন, স্নাগ-আয়তন, জিহ্বা-আয়তন, কায়-আয়তন ও মন-আয়তন সম্পর্কে। যখন ইহা বিবৃত হয় এই সম্পর্কে বিবৃত হইয়াছে।

ইহা বিবৃত হইয়াছে ৎ “ছয় বাহিরায়তন সংবেদ্য”। ইহা কি সম্পর্কে বিবৃত হইয়াছে? রূপ-আয়তন, শব্দ-আয়তন, গন্ধ-আয়তন, রস-আয়তন, স্পর্শ-আয়তন ও ধৰ্ম-আয়তন সম্পর্কে। যখন ইহা বিবৃত হয় এই সম্পর্কেই বিবৃত হইয়াছে।

ইহা বিবৃত হইয়াছে ৎ “ছয় বিজ্ঞানকায় সংবেদ্য”। ইহা কি সম্পর্কে বিবৃত হইয়াছে? চক্ষু-বিজ্ঞান, শ্রোত্র-বিজ্ঞান, স্নাগ-বিজ্ঞান, জিহ্বা-বিজ্ঞান, কায়বিজ্ঞান ও মন-বিজ্ঞান সম্পর্কে।

ইহা বিবৃত হইয়াছে ৎ “ছয় স্পর্শকায় সংবেদ্য। ইহা কি সম্পর্কে বিবৃত হইয়াছে? চক্ষু-স্পর্শ, শ্রোত্র-স্পর্শ, স্নাগ-স্পর্শ, জিহ্বা-স্পর্শ, কায়-স্পর্শ, মন-স্পর্শ সম্পর্কে। এই সম্পর্কেই বিবৃত হইয়াছে।

ইহা বিবৃত হইয়াছে ৎ “অষ্টাদশ মন-উপবিচার সংবেদ্য”। ইহা কি

সম্পর্কে বিবৃত হইয়াছে? চক্ষুদ্বারা^১ রূপ দর্শন করিয়া সৌমনস্য স্থানীয় (সৌমনস্য-উদ্দীপক) রূপকে উপবিচার করে (প্রয়োগক্ষেত্র নির্ণয় করে), দৌর্মনস্য উদ্দীপক রূপকে উপবিচার করে ও উপেক্ষা উদ্দীপক রূপকে উপবিচার করে, শ্রেত্র দ্বারা শব্দ শুনিয়া, স্থাগ দ্বারা গন্ধ আঘাগ করিয়া, জিহ্বা দ্বারা রস আহাদন করিয়া, কায় দ্বারা স্পর্শ লাভ করিয়া, মন দ্বারা ধর্মকে (বিষয়) জানিয়া সৌমনস্য-দৌর্মনস্য উপেক্ষা-উদ্দীপক ধর্মকে উপবিচার করে। এই অষ্টাদশ মন-উপবিচার সম্পর্কে বিবৃত হইয়াছে।

ইহা বিবৃত হইয়াছে : “ছত্রিশ সন্তুপদ সংবেদ্য”। ইহা কি সম্পর্কে বিবৃত হইয়াছে? ছয় গৃহীজনোচিত সৌমনস্য, ছয় নৈক্ষম্য নিশ্চিত সৌমনস্য, ছয় গৃহীজনোচিত দৌর্মনস্য, ছয় নৈক্ষম্যোচিত দৌর্মনস্য, ছয় গৃহীজনোচিত উপেক্ষা, ছয় নৈক্ষম্য নিশ্চিত উপেক্ষা সম্পর্কে।

ছয় গৃহীজনোচিত সৌমনস্য কি কি?

চক্ষুবিজ্ঞেয় রূপ যাহা ইষ্ট, কান্ত, মনোজ্ঞ, মনোরম লোকামিষ- (জাগতিকলাভ) প্রতিসংযুক্ত তাহার প্রতিলাভ লাভ করিয়া বা দেখিয়া বা পূর্বলাভ অতীত নিরূপ্য ও বিপরিণতকে স্মরণ করিয়া সৌমনস্য উৎপন্ন হয়। শ্রেত্রবিজ্ঞেয় শব্দ, স্থাগবিজ্ঞেয় গন্ধ, জিহ্বা-বিজ্ঞেয় রস, কায়বিজ্ঞেয় স্পর্শ ও মনবিজ্ঞেয় ধর্ম সম্পর্কেও এইরূপ। এই ছয়টি গৃহীজনোচিত সৌমনস্য।

ছয় নৈক্ষম্য নিশ্চিত সৌমনস্য কি কি?

রূপের অনিত্যতা, বিপরিণাম, বিরাগ ও নিরোধ জানিয়া : “পূর্বে এবং এখন রূপ অনিত্য, দুঃখ, বিপরিণাম ধর্মী” সম্যক্ প্রজ্ঞাদ্বারা ইহা যথার্থরূপে দেখিবার ফলে সৌমনস্য উৎপন্ন হয়, এইরূপ সৌমনস্যকে নৈক্ষম্যোচিত সৌমনস্য বলা হয়। শব্দ, গন্ধ, রস, স্পর্শ ও ধর্ম সম্পর্কেও এইরূপ।

ছয় গৃহীজনোচিত দৌর্মনস্য কি?

চক্ষুবিজ্ঞেয় রূপ যাহা ইষ্ট, কান্ত, মনোজ্ঞ, মনোহর ও লোকামিষ- প্রতিসংযুক্ত তাহার অপ্রতিলাভ বা প্রতিলাভ না করিবার বা দেখিবার ফলে বা পূর্বে অপ্রতিলাভ অতীত, নিরূপ্য ও বিপরিণতকে অনুস্মরণ করিবার ফলে দৌর্মনস্য উৎপন্ন হয়। এইরূপ দৌর্মনস্যকে বলা হয় গৃহীজনোচিত দৌর্মনস্য। শ্রেত্র, স্থাগ, জিহ্বা, কায়, মন সম্পর্কেও এইরূপ।

ছয় নৈক্ষম্য নিশ্চিত দৌর্মনস্য কি কি?

^১ চক্ষুবিজ্ঞাগেন রূপঃ দিষ্ঠা-প.সু.।

রূপের অনিত্যতা যথার্থরূপে দেখিয়া অনুভৱ বিমুক্তি লাভে স্পৃহা উপস্থাপিত করে, “আর্যগণ বর্তমানে যে আয়তন লাভ করিয়া অবস্থান করিতেছেন আমি কখন সেই আয়তন লাভ করিয়া অবস্থান করিব” এইভাবে অনুভৱ বিমুক্তিতে স্পৃহা উপস্থাপনের কারণে স্পৃহাহেতু দৌর্মনস্য উৎপন্ন হয়। এইরূপ দৌর্মনস্যকে নৈক্ষম্য নিশ্চিত দৌর্মনস্য বলা হয়। শব্দ, গন্ধ, রস, স্পর্শ ও ধর্ম সম্পর্কেও এইরূপ। এই ছয়টি নৈক্ষম্য নিশ্চিত দৌর্মনস্য।

ছয় গৃহীজনোচিত উপেক্ষা কি কি?

বাল, মুচ, পৃথ্বেজন, ক্লেশবিজয়ী নহে, বিপাকবিজয়ী নহে (অক্ষীণসব) আদীনবদশী নহে, অশুতবান ব্যক্তির চক্ষুদ্বারা রূপ দর্শন করিয়া যে উপেক্ষা উৎপন্ন হয় তাহা রূপকে অতিক্রম করিয়া যায় না বলিয়া সেই উপেক্ষাকে গৃহীজনোচিত উপেক্ষা বলা হয়। শব্দ, গন্ধ, রস, স্পর্শ ও ধর্ম সম্পর্কেও এইরূপ। এইগুলিই ছয় গৃহীজনোচিত উপেক্ষা।

ছয় নৈক্ষম্য নিশ্চিত উপেক্ষা কি কি?

রূপের অনিত্যতা যথার্থরূপে দর্শন করিয়া যে উপেক্ষা হয় তাহা রূপকে অতিক্রম করিয়া যায় না বলিয়া ইহাকে নৈক্ষম্যোচিত উপেক্ষা বলা হয়। শব্দ ধর্ম সম্পর্কেও এইরূপ।

‘ছত্রিশ সত্ত্বপদ সংবেদ্য’ বলিয়া যাহা বিবৃত হইয়াছে তাহা এই সম্পর্কেই বিবৃত হইয়াছে।

যখন ইহা বিবৃত হয়, “ইহা অবলম্বন করিয়া ইহা পরিত্যাগ কর।”^১ কি সম্পর্কে ইহা বিবৃত হইয়াছে? ভিক্ষুগণ! ছয় নৈক্ষম্য নিশ্চিত সৌমনস্য অবলম্বন করিয়া তাহাদের মাধ্যমে ছয় গৃহীজনোচিত দৌর্মনস্য পরিত্যাগ কর, অতিক্রম কর, এইরূপে ইহাদের পরিত্যাগ ও সমতিক্রম করা হয়। ভিক্ষুগণ! ছয় নৈক্ষম্যোচিত দৌর্মনস্য অবলম্বন করিয়া তাহাদের মাধ্যমে ছয় গৃহীজনোচিত দৌর্মনস্য পরিত্যাগ কর, সমতিক্রম কর, এইরূপে ইহাদের গ্রহণ ও সমতিক্রম হয়।

ভিক্ষুগণ! ছয় নৈক্ষম্য নিশ্চিত উপেক্ষা অবলম্বন করিয়া তাহাদের মাধ্যমে ছয় গৃহীজনোচিত উপেক্ষাকে পরিত্যাগ কর, অতিক্রম কর। এইরূপে সমতিক্রম হয়। ভিক্ষুগণ! ছয় নৈক্ষম্যোচিত সৌমনস্য অবলম্বন করিয়া তাহাদের মাধ্যমে ছয় নৈক্ষম্য নিশ্চিত দৌর্মনস্যকে সমতিক্রম হয়।

¹ ছত্রিশ সত্ত্ব পদের মধ্যে আঠারটি অবলম্বন করিয়া আঠারটি পরিত্যাগ কর—প.সু।

ভিক্ষুগণ! ছয় নৈক্ষম্য নিশ্চিত উপেক্ষা অবলম্বন করিয়া ছয় নৈক্ষম্য নিশ্চিত সৌমনসাকে সমতিক্রম হয়।

ভিক্ষুগণ! উপেক্ষা নানা প্রকার^১ ও নানা আলম্বন নিশ্চিত হয়, উপেক্ষা এক প্রকার ও এক আলম্বন নিশ্চিত হয়।

নানা প্রকার ও নানা আলম্বন নিশ্চিত উপেক্ষা কি কি? ভিক্ষুগণ! উপেক্ষা রূপে আছে, শব্দে আছে, গন্ধে, রসে, স্পর্শে আছে। ভিক্ষুগণ! এইরূপে উপেক্ষা নানা প্রকার ও নানা আলম্বন নিশ্চিত। ভিক্ষুগণ! উপেক্ষা এক প্রকার ও এক আলম্বন নিশ্চিত কি?

ভিক্ষুগণ! উপেক্ষা আকাশ-অনন্ত-আয়তন-নিশ্চিত, বিজ্ঞান-অনন্ত-আয়তন-নিশ্চিত, অকিঞ্চন-আয়তন-নিশ্চিত, নৈবসংজ্ঞানাসংজ্ঞা-আয়তন-নিশ্চিত। ভিক্ষুগণ! এইরূপে উপেক্ষা এক প্রকার ও এক আলম্বন নিশ্চিত।

ভিক্ষুগণ! যে উপেক্ষা এক প্রকার ও আলম্বননিশ্চিত তাহা অবলম্বন করিয়া তাহার মাধ্যমে নানা প্রকার ও নানা আলম্বননিশ্চিত উপেক্ষা পরিত্যাগ কর ও অতিক্রম কর, এইরূপে সমতিক্রম হয়।

ভিক্ষুগণ! অতন্মায়তার^২ অবলম্বন করিয়া তাহার মাধ্যমে যে উপেক্ষা এক বিশিষ্ট ও এক আলম্বননিশ্চিত তাহা পরিত্যাগ কর, সমতিক্রম হয়। এই সম্পর্কে বিবৃত হইয়াছে : “ইহাকে অবলম্বন করিয়া ইহা পরিত্যাগ হয়।”

ইহা বিবৃত হইয়াছে : “আর্য তিন স্মৃতিপ্রস্থান পালন করেন যাহা পালন করিয়া শান্তা জনগণকে অনুশোসন দিতে সক্ষম হন”। কি সম্পর্কে ইহা বিবৃত হইয়াছে? ভিক্ষুগণ! অনুকম্পাপরায়ণ হিতৈষী শান্তা অনুকম্পাসহকারে শিষ্যদিগকে ধর্ম দেশনা করেন না : “ইহা তোমাদের হিতের জন্য, ইহা তোমাদের সুখের জন্য”। তাহার শিষ্যগণ শ্রবণ করেন না, শ্রোত্রাবধান করেন না, জ্ঞানের জন্য চিন্ত উপস্থাপিত করেন না, বিপথে চালিত হইয়া শান্তার ধর্ম হইতে দূরে চলিয়া যান। ইহাতে তথাগত অসম্ভুষ্ট হন না, অসম্ভুষ্টি অনুভব করেন না, কিন্তু অনবশ্যুত, স্মৃতিমান ও সম্প্রজ্ঞাত হইয়া অবস্থান করেন। ভিক্ষুগণ! ইহা প্রথম স্মৃতিপ্রস্থান সক্ষম হন।

পুনর্চ ভিক্ষুগণ! শান্তা অনুকম্পাপরায়ণ সুখের জন্য। কতিপয় শিষ্য তাহা শ্রবণ করেন না চলিয়া যান। কতিপয় শিষ্য শ্রবণ করেন, চলিয়া

^১ নান্তা তি নানা বহু অনেকস্পকারা-প.সু.।

^২ তৃখাদৃষ্টিরহিত-প.সু.।

যান না। ইহাতে তথাগত সক্ষম হন। ইহা দ্বিতীয় শৃতি প্রস্থান।

পুনর্চ ভিক্ষুগণ! শান্তা সুখের জন্য। তাঁহার শিষ্যাগণ শ্রবণ করেন। তখন তথাগত সম্মুষ্ট হন সম্প্রজ্ঞাত হইয়া অবস্থান করেন। ইহা তৃতীয় শৃতিপ্রস্থান যাহা সক্ষম হন।

ইহা বিবৃত হইয়াছে : তাঁহাকে দক্ষ রথাচার্যদের মধ্যে অনুগ্রহ দম্যপুরুষ-সারথি বলা যায়। কি সম্পর্কে ইহা বিবৃত হইয়াছে? ভিক্ষুগণ! হস্তীদমকের দ্বারা তাড়িত হইয়া দমনীয় হস্তী একদিকে ধাবিত হয়- পূর্বদিকে অথবা পশ্চিমদিকে বা উত্তরদিকে বা দক্ষিণ দিকে। অশৃদমক দ্বারা গোদমক দক্ষিণ দিকে। ভিক্ষুগণ! অর্হৎ সম্যক্সম্বুদ্ধ তথাগতের দ্বারা দমনীয় পুরুষ পরিচালিত হইয়া আট দিকে ধাবিত হন। রূপী রূপ দর্শন করেন ইহা প্রথম দিক। অধ্যাত্মাবে অরূপসংজ্ঞী বহির্ঘূর্ণ দর্শন করেন, ইহা দ্বিতীয় দিক। ‘শুভ’ বলিয়া অধিমুক্ত হয়- ইহা তৃতীয় দিক। সর্বতোভাবে রূপসংজ্ঞা অতিক্রম করিয়া, প্রতিঘসংজ্ঞা অন্তর্মিত করিয়া, নানাত্মসংজ্ঞা মনস্কার করেন না : ‘অনন্ত-আকাশ’ ভাবিয়া আকাশ অনন্ত আয়তন (সমাপত্তি) লাভ করিয়া তিনি অবস্থান করেন- ইহা চতুর্থ দিক। সর্বতোভাবে আকাশ-অনন্ত-আয়তন-অতিক্রমকারী : “অনন্তবিজ্ঞান” ভাবিয়া বিজ্ঞান-অনন্ত-আয়তন (সমাপত্তি) লাভ করিয়া তাহাতে অবস্থান করেন, ইহা পঞ্চম দিক। সর্বতোভাবে বিজ্ঞান-অনন্ত-আয়তন অতিক্রম করিয়া অকিঞ্চন-আয়তন অতিক্রম করিয়া অকিঞ্চন-আয়তন লাভ করিয়া তাহাতে অবস্থান করেন- ইহা ষষ্ঠ দিক। সর্বতোভাবে অকিঞ্চন আয়তন অতিক্রম করিয়া নৈবসংজ্ঞা-না-অসংজ্ঞা-আয়তন লাভ করিয়া তাহাতে অবস্থান করেন- ইহা সপ্তম দিক। সর্বতোভাবে নৈবসংজ্ঞা-না-অসংজ্ঞা-আয়তন অতিক্রম করিয়া সংজ্ঞাবেদয়িত নিরোধ (সমাপত্তি) লাভ করিয়া তাহাতে অবস্থান করেন- ইহা অষ্টম দিক। অর্হৎ, সম্যক্সম্বুদ্ধ এই আট দিকে ধাবিত হন। তাহাতেই “রথাচার্যদের মধ্যে অনুগ্রহ পুরুষদম্য সারথি” বলিয়া বিবৃত হইয়াছে।

ভগবান ইহা বিবৃত করিলেন। ভিক্ষুগণ সম্মুষ্টমনে ভগবানের ভাষণকে অভিনন্দিত করিলেন।

[ষড়ায়তনবিভঙ্গা সূত্র সমাপ্ত]

উদ্দেশ বিভঙ্গা সূত্র (১৩৮)

আমি এইরূপ শুনিয়াছি :—

এক সময় ভগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। তথায় ভগবান ভিক্ষুদিগকে আহ্বান করিলেন : “হে ভিক্ষুগণ!”— “হ্যা ভদ্র” বলিয়া ভিক্ষুগণ! ভগবানকে প্রত্যন্তর দিলেন। ভগবান বলিলেন : “ভিক্ষুগণ! আমি তোমাদিগকে উদ্দেশ বিভঙ্গ সম্পর্কে দেশনা করিব, তোমরা উত্তমরূপে মনোনিবেশ করিয়া তাহা শ্রবণ কর। “হ্যা ভদ্র” বলিয়া প্রত্যন্তর দিলেন।

ভগবান বলিলেন :— ভিক্ষুগণ! যেইভাবে বাহ্যিকভাবে ও অধ্যাত্মভাবে অবিক্ষিপ্ত অবিস্তৃত এবং অসংযুক্ত বিজ্ঞানকে উপপরীক্ষা করার ফলে ও উপাদেয়রূপে গ্রহণ না করিবার ফলে ভিক্ষুর পরিত্রাস হয় না সেইভাবেই ভিক্ষুর বিষয়কে উপপরীক্ষা করা উচিত।^১ ভিক্ষুগণ! বিজ্ঞান বাহ্যিকভাবে অবিক্ষিপ্ত ও অবিস্তৃত এবং অধ্যাত্মভাবে অসংযুক্ত হইলে এবং উপাদেয়রূপে গ্রহণ না করিবার ফলে অপরিত্রাসিত থাকিলে ভবিষ্যতে জন্ম-জরা-মরণ দুঃখের হেতু সম্ভব হয় না। ভগবান ইহা বিবৃত করিলেন। ইহা বিবৃত করিয়া সুগত আসন হইতে উঠিয়া বিহারে প্রবেশ করিলেন।

ভগবান চলিয়া যাইবার পরেই সেই ভিক্ষুগণ এইরূপ চিন্তা করিয়া বলিলেন বন্ধুগণ! ভগবান এই উদ্দেশ^২ সংক্ষিপ্তভাবে বর্ণনা করিয়া বিস্তৃতভাবে ব্যাখ্যা না করিয়া আসন হইতে উঠিয়া বিহারে প্রবেশ করিয়াছেন : “যে ভাবে বিজ্ঞানকে সম্ভব হয় না”। কেহ কি ভগবান কর্তৃক সংক্ষিপ্তভাবে বর্ণিত এই উদ্দেশের বিস্তৃত ব্যাখ্যা করিবেন?

তখন সেই ভিক্ষুদের এইরূপ মনে হইল : এই আয়ুষ্মান মহাকাত্যায়ন যিনি শান্তাদারা প্রশংসিত ও বিজ্ঞ স্বরূপচারী দ্বারা সম্মানিত তিনি ভগবান কর্তৃক ব্যাখ্যা করিতে সক্ষম, চলুন আমরা মহাকাত্যায়নের নিকট উপস্থিত হই আয়ুষ্মান মহাকাত্যায়ন ব্যাখ্যা করুন। বন্ধুগণ, যেমন^৩ ব্যাখ্যা করুন।

বন্ধুগণ! তাহা হইলে মনোনিবেশ সহকারে শ্রবণ কর, আমি বলিতেছি।

^১ পথম খণ্ড, পৃঃ ১৪৬ দ্রষ্টব্য।

^২ মাতিকা বা বিষয়সূচী।

^৩ মহাকাত্যায়ন ভদ্রকরন্ত সূত্র দ্রষ্টব্য।

“ହ୍ୟା ବନ୍ଦୁ” ବଲିଯା ଭିକ୍ଷୁଗଣ ଆୟୁଷାନ ମହାକାତ୍ୟାୟନକେ ପ୍ରତ୍ୟୁଷର ଦିଲେନ । ଆୟୁଷାନ ମହାକାତ୍ୟାୟନ ବଲିଲେନ :

ବନ୍ଦୁଗଣ ! ଭଗବାନ ସଂକଷିପ୍ତଭାବେ ଆମି ବିନ୍ଦୁତଭାବେ ଅର୍ଥ ଜାନି । କିରୁପେ ? ବନ୍ଦୁଗଣ ! ବାହ୍ୟିକଭାବେ ବିଜ୍ଞାନ ବିକ୍ଷିପ୍ତ ଓ ବିସୃତ' ବଲିଯା କଥିତ ହୟ ? ଚକ୍ର ଦ୍ୱାରା ବୃପ୍ଦର୍ଶନ କରିଯା ଯଦି ଭିକ୍ଷୁର ବୃପ୍ନିମିତ୍ତାନୁସାରୀ^୧ ବିଜ୍ଞାନ ରୂପ-ନିମିତ୍ତ-ଆସ୍ଵାଦ ଦ୍ୱାରା ଗ୍ରହିତ, ରୂପ-ନିମିତ୍ତ ଆସ୍ଵାଦ ଦ୍ୱାରା ବିନିବନ୍ଦ୍ୟ, ବୃପ୍ନିମିତ୍ତ-ଆସ୍ଵାଦ ସଂଘୋଜନେ ସଂୟୁକ୍ତ ହୟ, ତଥନ ଇହାକେ ବାହ୍ୟିକଭାବେ କଥିତ ହୟ । ଶ୍ରୋତ୍ ଦ୍ୱାରା ଶୁଣିଯା ସ୍ନାନ ଦ୍ୱାରା ଗ୍ରହିତ ଆସ୍ରାଣ କରିଯା ଜିହ୍ଵା ଦ୍ୱାରା ରସ ଆସ୍ଵାଦନ କରିଯା କାଯ ଦ୍ୱାରା ସ୍ପର୍ଶଯୋଗ୍ୟକେ ସ୍ପର୍ଶ କରିଯା ମନ ଦ୍ୱାରା ଧର୍ମ ଜାନିଯା ଯଦି କଥିତ ହୟ ।

ବନ୍ଦୁଗଣ ! କିରୁପେ ବାହ୍ୟିକଭାବେ ବିଜ୍ଞାନ ଅବିକ୍ଷିପ୍ତ ଓ ଅବିସୃତ' ବଲିଯା କଥିତ ହୟ ? ବନ୍ଦୁଗଣ, ଚକ୍ରଦ୍ୱାରା ରୂପ ଦର୍ଶନ କରିଯା ଯଦି ଭିକ୍ଷୁର ବିଜ୍ଞାନ ବୃପ୍ନିମିତ୍ତ-ଅନୁସାରୀ ବିଜ୍ଞାନ ଗ୍ରହିତ ହୟ ନା ବିନିବନ୍ଦ୍ୟ ହୟ ନା ସଂୟୁକ୍ତ ହୟ ନା, ଇହାକେଇ ଶ୍ରୋତ୍ ସ୍ନାନ ଜିହ୍ଵା କାଯ କଥିତ ହୟ ମନ ସମ୍ପର୍କେ ଏଇରୂପ ଇହାକେ ବିଜ୍ଞାନ ବାହ୍ୟିକଭାବେ ଅବିକ୍ଷିପ୍ତ ଓ ଅବିସୃତ ବଲିଯା କଥିତ ହୟ ।

କିରୁପେ, ବନ୍ଦୁଗଣ ! ‘ଅଧ୍ୟାତ୍ମାଭାବେ ଚିନ୍ତ ସଂହିତ’ ବଲିଯା କଥିତ ହୟ । ଭିକ୍ଷୁଗଣ ! ଭିକ୍ଷୁ କାମ ହଇତେ ବିବିକ୍ତ ହଇଯା, ଅକୁଶଳ ଧର୍ମ ହଇତେ ବିବିକ୍ତ ହଇଯା ସର୍ବିର୍ତ୍ତକ, ସବିଚାର, ବିବେକଜ, ପ୍ରୀତିସୁଖମନ୍ତିତ ପ୍ରଥମ ଧ୍ୟାନ ଲାଭ କରିଯା ତାହାତେ ଅବଶାନ କରେନ । ଯଦି ତୀହାର ବିଜ୍ଞାନ ବିବେକଜ ପ୍ରୀତିସୁଖ ଅନୁସାରୀ ହୟ ବିବେକଜ ପ୍ରୀତିସୁଖ ଆସ୍ଵାଦ ଗ୍ରହିତ, ବିବେକଜ ପ୍ରୀତିସୁଖ-ଆସ୍ଵାଦ-ବିନିବନ୍ଦ୍ୟ, ବିବେକଜ ପ୍ରୀତିସୁଖ-ଆସ୍ଵାଦ ସଂଘୋଜନେ ସଂୟୁକ୍ତ ହୟ, ତଥନ ଚିନ୍ତ କଥିତ ହୟ । ପୁନଃ, ବନ୍ଦୁଗଣ ! ଭିକ୍ଷୁ ବିର୍ତ୍ତକ-ବିଚାର ଉପଶମେ ଅଧ୍ୟାତ୍ମାସମ୍ପର୍ମାଦୀ, ଚିନ୍ତେର ଏକିଭାବ-ଆନୟନକାରୀ, ବିର୍ତ୍ତକାତୀତ, ବିଚାରାତୀତ ସମାଧିଜ ପ୍ରୀତି-ସୁଖ-ମୁଣ୍ଡିତ ଦ୍ୱିତୀୟ ଧ୍ୟାନ ଲାଭ କରିଯା ତାହାତେ ଅବଶାନ କରେନ । ଯଦି ତୀହାର ବିଜ୍ଞାନ ସମାଧିଜ ପ୍ରୀତିସୁଖ-ଅନୁସାରୀ ହୟ ସଂୟୁକ୍ତ ହୟ, ତଥନ ଚିନ୍ତ ସଂହିତ ବଲିଯା କଥିତ ହୟ । ପୁନଃ, ବନ୍ଦୁଗଣ ! ଭିକ୍ଷୁ ପ୍ରୀତିତେଓ ବିରାଗ ହଇଯା ଉପେକ୍ଷାର ଭାବେ ଅବଶାନ କରେନ, ଶୃତିମାନ ଓ ସମ୍ପର୍କାତ ହଇଯା ସ୍ଵଚ୍ଛିତ୍ରେ (ପ୍ରୀତି-ନିରପେକ୍ଷ) ସୁଖ ଅନୁଭବ କରେନ, ଆର୍ଯ୍ୟଗଣ ଯେ ଧ୍ୟାନନ୍ତରେ ଆରୋହଣ କରିଲେ ‘ଧ୍ୟାୟୀ ଉପେକ୍ଷାସମ୍ପନ୍ନ ଓ

^୧. ବୃପ୍ନିମିତ୍ତାନୁସାରି-ପ.ସୁ.

শৃতিমান হইয়া (প্রীতি-নিরপেক্ষ) সুখে বিচরণ করেন' বলিয়া বর্ণনা করেন, সেই তৃতীয় ধ্যানস্তরে উন্নীত হইয়া তাহাতে অবস্থান করেন। যদি তাঁহার বিজ্ঞান উপেক্ষা-অনুসারী, উপেক্ষা সুখ-আস্থাদ গ্রহিতা সংযুক্ত হয়, তখন চিন্ত অধ্যাত্মাবে সংস্থিত বলিয়া কথিত হয়। পুনশ্চ, বন্ধুগণ! ভিক্ষু (সর্ব দৈহিক) সুখ-দুঃখ পরিত্যাগ করিয়া, পূর্বেই সৌমনস্য-দৌর্মনস্য অনুমতি করিয়া না-দুঃখ, না-সুখ, উপেক্ষা ও শৃতি পরিশুল্দ্য চতুর্থ ধ্যান স্তরে উন্নীত হইয়া তাহাতে অবস্থান করেন। যদি তাঁহার বিজ্ঞান না-দুঃখ-না-সুখ-অনুসারী হয় সংযুক্ত হয়, তখন চিন্ত অধ্যাত্মাবে সংস্থিত বলিয়া কথিত হয়।

কিরূপে, বন্ধুগণ! "চিন্ত অধ্যাত্মাবে অসংস্থিত" বলিয়া কথিত হয়? বন্ধুগণ! ভিক্ষু কাম হইতে বিরিক্ত হইয়া প্রথম ধ্যান লাভ করিয়া তাহাতে অবস্থান করেন। তাঁহার বিজ্ঞান প্রীতি সুখ অনুসারী হয় না দ্বিতীয় ধ্যান চতুর্থ ধ্যানস্তরে উন্নীত হইয়া তাহাতে অবস্থান করেন। কিন্তু তাঁহার বিজ্ঞান না-দুঃখ-না-সুখ অনুসারী হয় না সংযুক্ত হয় না এইরূপে, বন্ধুগণ 'চিন্ত অধ্যাত্মাবে অসংস্থিত' বলিয়া কথিত হয়।

কিরূপে, বন্ধুগণ! অনুৎপাদ পরিত্রাস (পরিক্লেশ) হয়?

বন্ধুগণ! অশুতবান পৃথগ্জন, যে আর্যগণের দর্শন লাভ করে নাই, আর্যধর্মে অকোবিদ, আর্যধর্মে অবিনীত, সংপুরুষগণের লাভ করেন নাই, সংপুরুষধর্মে অকোবিদ, সংপুরুষধর্মে অবিনীত, রূপকে আত্মান্তিতে দেখে, আত্মাকে রূপবান দেখে, আত্মায় রূপ দেখে, রূপে আত্মা দেখে। তাহার সেই রূপ পরিবর্তিত হয়, অন্যরূপ হয়, তাহার রূপবিপরিণাম-অন্যথাভাব হেতু বিজ্ঞান রূপবিপরিণাম-অনুপরিবর্তী হয়, তাহার রূপবিপরিণাম অনুপরিবর্তজাত পরিত্রাস হয়, ধর্মের (চিন্মনীয় বিষয়) সমৃৎপাদ চিন্তকে অধিকার করিয়া থাকে, চিন্তের অধিকার হেতু ভীত বিরক্ত ও অপেক্ষাবান^১ হয় ও উপাদান (বাসন) হেতু পরিত্রাস হয়। বেদনা, সংজ্ঞা, সংক্ষার ও বিজ্ঞান সম্পর্কেও এইরূপ। এইরূপে, বন্ধুগণ! অনুৎপাদ পরিত্রাস হয়।

বন্ধুগণ! কিরূপে অনুৎপাদ অপরিত্রাস হয়? বন্ধুগণ! শুতবান আর্যশ্রাবক যিনি আর্যদের দর্শন লাভ করিয়াছেন, আর্যধর্মে কোবিদ তিনি রূপকে আত্ম-দৃষ্টিতে দেখেন না- তাঁহার পরিত্রাস হয় না। শ্রোত্র, স্নাণ, জিহ্বা,

^১ পপক্ষ সুদৰ্শনাতে গ্রহের উপেক্ষ বা ছলে অপেক্ষ বা করা হইয়াছে।

কায় ও মন সম্পর্কেও এইরূপ। বন্ধুগণ! এইরূপে অনুৎপাদ অপরিত্রাস হয়।

বন্ধুগণ! ভগবান সংক্ষিপ্তভাবে যে উদ্দেশ তাহার অর্থ আমি বিস্তৃতভাবে এইরূপ জানি। ইচ্ছা করিলে আযুশ্মানগণ আপনারা ভগবানের নিকট উপস্থিত হইয়া ইহার অর্থ জিজ্ঞাসা করিতে পারেন। ভগবান যেইরূপ যাহা ব্যাখ্যা করিবেন, আপনারা তাহা ধারণ করিবেন।

অতঃপর ভিক্ষুগণ! আযুশ্মান মহাকাত্যায়নের ভাষণকে অভিনন্দিত করিয়া অনুমোদন করিয়া আসন হইতে উঠিয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট হইয়া ভিক্ষুগণ ভগবানকে বলিলেনঃ ভদ্রস্ত^১ আযুশ্মান মহাকাত্যায়নকে ইহার অর্থ জিজ্ঞাসা করিয়াছিলাম। আযুশ্মান মহাকাত্যায়ন আমাদিগকে ইহার অর্থ বিভিন্নভাবে পদে ও ব্যঙ্গনায় বিশ্লেষণ করিলেন।

ভিক্ষুগণ! মহাকাত্যায়ন পণ্ডিত, মহাপ্রাঙ্গণ, তোমরা আমাকে জিজ্ঞাসা করিলে আমিও মহাকাত্যায়নের মত ব্যাখ্যা করিতাম। ইহার অর্থ তোমরা এইভাবে ধারণ করিবে।

ভগবান ইহা বিবৃত করিলেন। ভিক্ষুগণ সম্মুক্তমনে ভগবানের ভাষণে আনন্দ প্রকাশ করিলেন।

[উদ্দেশ বিভজ্ঞা সূত্র সমাপ্ত]

অরণ্য বিভজ্ঞা সূত্র (১৩৯)

আমি এইরূপ শুনিয়াছি :-

এক সময় ভগবান শ্রা঵ণী সমীপে অবস্থান করিতেছিলেন জেতবনে অনাথপিণ্ডিকের আরামে। তথায় ভগবান ভিক্ষুদিগকে আহ্বান করিলেন— “হে ভিক্ষুগণ!” ভিক্ষুগণ “হ্যা ভদ্রস্ত!” বলিয়া ভগবানকে প্রত্যুষ্মন দিলেন। “ভিক্ষুগণ! আমি তোমাদিগকে অরণ (বিরজ বা বিশুদ্ধ) বিশ্লেষণ সম্পর্কে দেশনা করিব, মনোনিবেশ সহকারে শ্রবণ কর, আমি বলিতেছি। ‘হ্যা ভদ্রস্ত’ বলিয়া ভিক্ষুগণ প্রত্যুষ্মন দিলেন। ভগবান বলিলেনঃ যে কামসুখ হীন, গ্রাম্য ইতরসাধারণের সেব্য, অনার্যোচিত ও অনর্থযুক্ত, তাহার অনুসরণ করা উচিত

^১ এইখানে ভিক্ষুগণ পূর্বোক্ত সমষ্ট ঘটনা ব্যক্ত করিলেন।

অরণে তি অরজো নিক্ষিলেসো—প.সু.।

নহে, আবার আঅনিষ্টাহে আনুরক্তি যাহা দুঃখদায়ক, অনার্যোচিত ও অনর্থযুক্ত তাহাও অনুসরণ করা উচিত নহে, এই উভয় অন্তের অনুগামী না হইয়া তথাগত মধ্যম প্রতিপদ অভিসংশ্লেষিজ্ঞানে লাভ করিয়াছেন, যাহা চক্ষুকরণী, জ্ঞানকরণী এবং যাহা উপশম, অভিজ্ঞা, সংশোধি ও নির্বাণ অভিমুখে সংবর্তিত হয়'। উৎসাদন-অপসাদন জানা উচিত, উৎসাদন-অপসাদন জানিয়া উৎসাদন করা উচিত নহে, অপসাদন (দোষারোপ) করা উচিত নহে, শুধু ধর্ম দেশনা করা উচিত। সুখ বিনিশ্চয় জানা উচিত। সুখবিনিশ্চয় জানিয়া অধ্যাত্মাবে সুখের অনুগামী হওয়া উচিত। গোপনীয় কথা বলা উচিত নহে। কাহারো মূখের উপর অনুচিত বা ক্ষতিকর বাক্য বলা উচিত নহে। ধীরে ধীরে কথা বলা উচিত, দ্রুত নহে। জনপদনিরুক্তিতে (স্থানীয় উপভাষায়) অভিনিবেশ করা উচিত নহে এবং স্থানীয় সংজ্ঞায় অধিক গুরুত্ব আরোপ করা উচিত নহে। ইহাই অরণবিভঙ্গের উদ্দেশ।

‘কামসুখ অনর্থযুক্ত’ বলিয়া কথিত হইয়াছে। কি কারণে ইহা উক্ত হইয়াছে? কামসংযুক্ত সুখ এবং সৌমনস্যনুযোগ (লিঙ্গ থাকা) যাহা হীন, গ্রাম্য, ইতরজনেচিত, অনার্যোচিত ও অনর্থযুক্ত তাহা দুঃখদায়ক, উপঘাতী, উপায়াসযুক্ত, পরিদাহযুক্ত ও মিথ্যা প্রতিপদ-আপন্ত। কিন্তু যে কামসংযুক্ত সুখ সৌমনস্য-অনুযোগ অনর্থযুক্ত নহে, তাহা দুঃখহীন, অনুপঘাতী, উপায়াসহীন, পরিদাহযুক্ত ও সম্যক্ প্রতিপদাপন্ত। আবার আত্ম নিষ্ঠাহে আনুরক্তি যাহা দুঃখদায়ক, অনার্যোচিত ও অনর্থযুক্ত তাহা দুঃখপূর্ণ, সম্যক্ প্রতিপদাপন্ত। দুঃখদায়ক, অনার্যোচিত, অনর্থযুক্ত আঅনিষ্টাহে আনুরক্তি দুঃখহীন, অনুপঘাতী উপায়াসমুক্ত, পরিদাহযুক্ত ও সম্যক্ প্রতিপদাপন্ত। হীন কামসুখ এবং দুঃখদায়ক অনর্থযুক্ত আঅনিষ্টাহে আনুরক্তি অনুসরণ করা উচিত নহে- এই কারণেই ইহা উক্ত হইয়াছে।

‘এই উভয় অন্তের অনুগামী না হইয়া সংবর্তিত হয়’ ইহা উক্ত হইয়াছে। কি কারণে ইহা উক্ত হইয়াছে? এই অষ্টাঙ্গিক মার্গ, যথা-সম্যক্দৃষ্টি, সম্যক্সংকলন, সম্যক্বাক, সম্যক্কর্ম, সম্যক্আজীব, সম্যক্ব্যায়াম, সম্যক্স্মৃতি ও সম্যক্সমাধি। এই উভয় অন্তের অনুগামী না হইয়া সংবর্তিত হয়’ এই সম্পর্কেই ইহা উক্ত হইয়াছে।

‘উৎসাদন-অপসাদন জানা উচিত দেশনা করা উচিত’- ইহা উক্ত হইয়াছে কি সম্পর্কে ইহা উক্ত হইয়াছে? ভিক্ষুগণ! কিরূপে উৎসাদন হয়,

কিরূপে অপসাদন হয়, কিন্তু ধর্ম দেশনা হয় না। যাহারা বলে : ‘যাহারা কামযুক্ত সুখে সুখী এবং সৌমনস্যের অনুগামী যাহা হীন অনর্থযুক্ত, তাহারা সকলেই দুঃখ’- মণ্ডিত, উপঘাতী, উপায়াস-পরিদাহযুক্ত ও মিথ্যাপ্রতিপন্ন” কেহ তাহাদের অপসাদন (দোষারোপ) করে। যাহারা বলে “যাহারা কামযুক্ত সুখে সুখী এবং সৌমনস্যের অনুগামী হয় না, তাহারা দুঃখহীন সম্যক্ প্রতিপন্ন” তাহাদের উৎসাদন করেন। যাহারা বলে “যাহারা আত্মনিষ্ঠারের অনুগামী যাহা দৃঃখদায়ক অনর্থযুক্ত তাহারা দুঃখযুক্ত মিথ্যাপ্রতিপন্ন”, তিনি তাহাদের অপসাদন করেন। যাহারা বলে “আত্মনিষ্ঠাহে অনুগামী হয় না তাহারা সম্যক্ প্রতিপন্ন” তিনি তাহাদের উৎসাদন করেন। যাহারা বলে : “যাহাদের ভবসংযোজন ছিলু হয় নাই তাহারা দুঃখযুক্ত মিথ্যাপ্রতিপন্ন তিনি তাহাদের অপসাদন করেন। আবার যাহারা বলে, “যাহাদের ভবসংযোজন ছিলু হইয়াছে, তাহারা দুঃখযুক্ত সম্যক্ প্রতিপন্ন” তিনি তাহাদের উৎসাদন করেন। বিভবসংযোজন সম্পর্কেও এইরূপ। এইরূপে, ভিক্ষুগণ! উৎসাদন হয়, অপসাদন হয়, কিন্তু ধর্মদেশনা হয় না। কিরূপে, ভিক্ষুগণ! উৎসাদন বা অপসাদন হয় না কিন্তু ধর্মদেশনা হয়? তিনি এইরূপে বলেন না, “যাহারা কামযুক্ত সুখে সুখী মিথ্যাপ্রতিপন্ন, তিনি এইরূপ ধর্মদেশনা করেন : “এই অনুগামী ধর্মদৃঃখযুক্ত উপঘাতী মিথ্যা প্রতিপন্ন আপন্ন” তিনি এইরূপে বলেন না “যাহারা কামযুক্ত সুখে সুখী সৌমনস্যের অনুগামী তাহারা সম্যক্ প্রতিপন্ন। তিনি শুধু ধর্মদেশনা করেন : “এই অনুগামী ধর্ম দৃঃখযুক্ত সম্যক্ প্রতিপন্ন”।

তিনি এরূপ বলেন না : যাহারা আত্মনিষ্ঠাহে অনুগামী মিথ্যা প্রতিপন্ন” তিনি শুধু ধর্মদেশনা করেন : “অনুগামী এই ধর্ম মিথ্যা প্রতিপন্ন”। তিনি এরূপ বলেন না” যাহারা আত্মনিষ্ঠাহে অনুগামী সম্যক্ প্রতিপন্ন।” তিনি শুধু ধর্মদেশনা করেন : “অনুগামী এই ধর্ম সম্যক্ প্রতিপন্ন”। ভবসংযোজন সম্পর্কেও এইরূপ। এইরূপে, ভিক্ষুগণ! উৎসাদন বা অপসাদন হয় না, শুধু ধর্মদেশনা হয়।

“উৎসাদন জানা উচিত। অপসাদন করা উচিত নহে”- এই কারণেই ইহা উক্ত হইয়াছে।

“সুখবিনিশ্চয় জানা উচিত। সুখবিনিশ্চয়^১ জানিয়া সুখের অনুগামী হওয়া উচিত” ইহা উক্ত হইয়াছে। কি সম্ভক্তে ইহা উক্ত হইয়াছে? ভিক্ষুগণ! এই পঞ্চ কামগুণ। পঞ্চ কি কি? চক্রবিজ্ঞেয় বৃপ ইষ্ট, কাল্প, মনোজ্ঞ, প্রিয়রূপ, কামযুক্ত ও রঞ্জনীয়, শ্রোত্রবিজ্ঞেয় শব্দ স্থানবিজ্ঞেয় গন্ধ জিহ্বাবিজ্ঞেয় রস কায়বিজ্ঞেয় স্পর্শ, ইষ্ট মনোরঞ্জক। এই গুলিই পঞ্চ কামগুণ। ভিক্ষুগণ! এই পঞ্চ কামগুণের কারণে সুখসৌমনস্য উৎপন্ন হয়- ইহাকেই বলা হয় কামসুখ, অশুচি (মীচ) সুখ, ইতরজনোচিত সুখ, অনার্যোচিত সুখ। ইহা অসেবনীয়, অভাবনীয়, বৃদ্ধির অযোগ্য ও ভয়যোগ্য সুখ বলিতেছি। ভিক্ষুগণ! এইস্থলে ভিক্ষু কাম হইতে বিবিক্ত হইয়া..প্রথম ধ্যান দ্বিতীয় ধ্যান তৃতীয় ধ্যান চতুর্থ ধ্যান স্তরে উপনীত হইয়া তাহাতে অবস্থান করেন। ইহাই নৈক্ষম্যসুখ, প্রবিবেক সুখ, উপশম সুখ, সম্মোধিসুখ বলিয়া কথিত হয়। আমি এই সুখকে সেবনীয়, ভাবনীয়, বহুলকরনীয় ও ভয়ের অযোগ্য বলিতেছি। যখন বলা হয় : “সুখবিনিশ্চয় জানা উচিত” এই কারণেই কথিত হয়।

ইহা কথিত হইয়াছে : “গোপনীয় কথা বলা উচিত নহে, কাহারো সম্মুখে ক্ষতিকর বাক্য বলা উচিত নহে”। কি কারণে ইহা কথিত হইয়াছে? ভিক্ষুগণ! যে গোপন কথা অসত্য, মিথ্যা ও অনর্থযুক্ত তাহা জানিয়া, যথাসম্ভব সেই গোপন কথা বলা উচিত নহে, যে গোপন কথা সত্য, যথার্থ কিন্তু অনুর্থযুক্ত তাহা জানিয়া, সেই গোপন কথা না বলার জন্য শিক্ষা করা উচিত। আবার যে গোপন কথা সত্য, যথার্থ ও অর্থযুক্ত তাহা জানিয়া সেই সেই গোপন কথা বলার জন্য কালজ্ঞ হওয়া উচিত। ক্ষীণবাদ (ক্ষতিকর বাক্য) সম্পর্কেও এইরূপ।

“ধীরে কথা বলা উচিত, দ্রুত নহে”- ইহা কথিত হইয়াছে। কি কারণে ইহা কথিত হইয়াছে? ভিক্ষুগণ! দ্রুত কথা বলিলে দেহ ক্লান্ত হয়, চিত্ত বিপর্যস্ত হয়, স্বর বিপর্যস্ত হয় ও কর্তৃ রোগক্রান্ত হয়, দ্রুত ভাষণ অস্পষ্ট ও দুর্বোধ্য হয়। কিন্তু ধীরে কথা বলিলে দেহ ক্লান্ত হয় না অস্পষ্ট ও দুর্বোধ্য হয় না। এই কারণেই কথিত হইয়াছে : “ধীরে কথা বলা উচিত, দ্রুত নহে”।

জনপদনিরুক্তিকে (স্থানীয় উপভাষাকে) অভিনিবেশ করা ও স্থানীয় সংজ্ঞায় অধিক গুরুত্ব আরোপ করা উচিত নহে” ইহা কথিত হইয়াছে। কি কারণে ইহা কথিত হইয়াছে? ভিক্ষুগণ! কিরূপে জনপদনিরুক্তির অভিনিবেশ ও

^১ সুখবিনিছয়ণতি বিনিছিতৎ সুখৎ-প.সু।

স্থানীয় সংজ্ঞায় গুরুত্ব আরোপ হয়? এইস্তেলে, ভিক্ষুগণ! বিভিন্ন জনপদের লোকেরা একই জিনিষকে (পাত্র) কোথায়ও ‘পাতি’, কোথায়ও ‘পাত্র’, কোথায়ও ‘বিহু’, কোথায়ও ‘শরাব’, কোথায়ও ‘ধারোপ’, কোথায়ও ‘পোণ’, আবার কোথায়ও ‘পিশাল’ বলিয়া জানে। এখন লোকেরা বিভিন্ন জনপদে যেইরূপ জানে তাহাতে অভিনিবেশপূর্বক বিশেষ জোর প্রয়োগ করিয়া বলে : “ইহাই সত্য, অন্যটি মিথ্যা”। ভিক্ষুগণ! এইরূপে জনপদনিরুক্তিতে অভিনিবেশ ও স্থানীয় সংজ্ঞায় গুরুত্ব আরোপ করা হয়। ভিক্ষুগণ! কিরূপে জনপদনিরুক্তিতে আরোপ করা হয় না? ভিক্ষুগণ! বিভিন্ন জনপদে লোকেরা পিশাল’ বলিয়া জানে। এখন, এক জনপদের লোক অন্য জনপদে যাইয়া নিজস্ব নিরুক্তির প্রতি আসক্ত না হইয়া সেই জনপদে তদ্বজন ব্যবহৃত শব্দ ব্যবহার করে। ভিক্ষুগণ! এইরূপে আরোপ করা হয় না। এই কারণেই কথিত হইয়াছে উচিত নহে”।

ভিক্ষুগণ! যে “কামযুক্ত সুখে অনুগামী নহে সম্যক্ত প্রতিপদযুক্ত” তাহা অরণ (ক্রেশমুক্ত) যে আত্মনিষ্ঠাহে অনুযোগ দুঃখদায়ক মিথ্যা-প্রতিপদযুক্ত তাহা রণ, আবার আত্মনিষ্ঠাহে অনন্যোগ সম্যক্তপ্রতিপদ তাহা অরণ।

ভিক্ষুগণ! এই মধ্যমপ্রতিপদ তথাগত অভিসংবোধিজ্ঞানে লাভ করিয়াছেন, যাহা চক্ষুকরণী সংবর্তিত হয়, তাহা দুঃখমুক্ত সম্যক্ত প্রতিপদ, সেইজন্য এই ধর্ম অরণ। ভিক্ষুগণ! যে উৎসাদন এবং অপসাদন ধর্মদেশনা নহে, সেই ধর্ম দুঃখযুক্ত মিথ্যা প্রতিপদ, সেই জন্য এই ধর্ম রণযুক্ত। ভিক্ষুগণ! যাহা উৎসাদনও নহে, অপসাদনও নহে, কিন্তু ধর্মদেশনা, সেই ধর্ম দুঃখহীন সেইজন্য এই ধর্ম অরণ। ভিক্ষুগণ! এই কামসুখ রণযুক্ত। ভিক্ষুগণ! এই নৈক্ষেক্য সুখ অরণ। যে এই গোপন কথা অসত্য রণযুক্ত। যে গোপন কথা সত্য অরণ।

যে গোপন কথা অর্থযুক্ত অরণ।

যে ক্ষীণ বাক্য (ক্ষতিকর কথা) রণযুক্ত।

যে ক্ষীণবাক্য অর্থযুক্ত অরণ।

যে দ্রুত ভাষণ রণযুক্ত।

যে ধীরবাক্য অরণ।

জনপদনিরুক্তিতে অভিনিবেশ রণযুক্ত।

জনপদনিরুক্তিতে অভিনিবেশ না করা অরণ।

সতরাঁ, ভিক্ষুগণ! আমরা রণযুক্ত ধর্ম জানিব, অরণ ধর্ম জানিব, অরণযুক্ত ও অরণ ধর্ম জানিয়া অরণ প্রতিপদ অবলম্বন করিব। ভিক্ষুগণ! এইরূপ শিক্ষা করা উচিত। ভিক্ষুগণ! কুলপুত্র সূত্রতি অরণ প্রতিপদ লাভ করিয়াছেন।

ভগবান ইহা বিবৃত করিলেন। ভিক্ষুগণ সন্তুষ্টমনে ভগবানের ভাষণে আনন্দ প্রকাশ করিলেন।

[অরণবিভিঙ্গ সূত্র সমাপ্ত]

ধাতুবিভিঙ্গ সূত্র (১৪০)

আমি এইরূপ শুনিয়াছি :-

একসময় ভগবান মগধরাজ্যে বিচরণ করিতে করিতে রাজগৃহে পৌছাইলেন, তারপর ভার্গব কুস্তকারের নিকট উপস্থিত হইলেন, উপস্থিত হইয়া ভার্গব কুস্তকারকে বলিলেন : “ভার্গব! যদি তোমার অসুবিধা না হয়, তাহা হইলে তোমার আবাসে আমি এক রাত্রি থাকিব।”

- “ভদ্র! আমার সুবিধা নাই। একজন প্রবৃজিত প্রথম হইতে এইখানে বাসরত। যদি তিনি অনুমতি দেন, তাহা হইলে আপনি এইখানে যথেচ্ছ অবস্থান করুন।”

সেই সময়ে পুরুক্ষাতি নামে এক কুলপুত্র ভগবানের প্রতি শৃদ্ধাবশতঃ গৃহ হইতে অনাগারিক রূপে প্রবৃজিত হইয়াছিলেন। তিনি সেই কুস্তকারগৃহে প্রথম হইতে আসিয়া বাস করিতেছিলেন। তখন ভগবান আয়ুশ্মান পুরুক্ষাতির নিকট উপস্থিত হইলেন, উপস্থিত হইয়া বলিলেন : “ভিক্ষু! যদি তোমার অসুবিধা না হয়, তাহা হইলে আমি এই আবাসে এক রাত্রি বাস করিব”।

- “বন্ধু! কুস্তকারের আবাস খুব প্রশংসন, আয়ুশ্মান যথেচ্ছ অবস্থান করুন।” তখন ভগবান কুস্তকারগৃহে প্রবেশ করিয়া এক পার্শ্বে তৃণাসন বিছাইয়া পর্যক্ষাবন্ধ হইয়া দেহাগ্রভাগ ঝজুভাবে রাখিয়া পরিমুখে (লেক্ষ্যাভিমুখে) স্মৃতি উপস্থাপিত করিয়া উপবেশন করিলেন। ভগবান রাত্রির বহুক্ষণ পর্যন্ত কাটাইলেন। তখন ভগবানের এইরূপ মনে হইল : “এই কুলপুত্র কি প্রসন্ন ভাবে আছেন? তাঁহাকে জিজ্ঞাসা করিলে কেমন হয়”? তখন ভগবান আয়ুশ্মান পুরুক্ষাতিকে বলিলেন- “ভিক্ষু! কাহাকে উদ্দেশ্য করিয়া তুমি প্রবৃজিত হইয়াছ? কে তোমার শাস্তা? কাহার ধর্ম তুমি সমর্থন কর?”

- বন্ধু ! শুমগ গৌতম শাক্যপুত্র শাক্য কুল হইতে প্রবৃজিত হইয়াছেন, সেই মাননীয় গৌতমের এই প্রকার কল্যাণজনক কীর্তিশব্দ বিস্তার লাভ করিয়াছে : সেই ভগবান অর্হৎ, সম্যক্সমূল্ব, বিদ্যাচরণসম্পন্ন, সুগত, লোকবিদ্ব, অনুত্তর পুরুষদম্যসারথি, দেব-মানবের শাস্তা, বুদ্ধ ও ভগবান, সেই ভগবানের উদ্দেশ্যেই আমি প্রবৃজিত হইয়াছি, তিনিই আমার শাস্তা ভগবান, সেই ভগবানের ধর্ম আমি সমর্থন করি।

ভিক্ষু ! সেই ভগবান অর্হৎ সম্যক্সমূল্ব এখন কোথায় অবস্থান করিতেছেন ?

বন্ধু ! উত্তর জনপদে শ্রাবণী নামে একটি নগর আছে, তথায অবস্থান করিতেছেন ।

ভিক্ষু ! সেই ভগবানকে পূর্বে কি ভূমি দেখিয়াছ ? দেখিয়া জানিতে পারিয়াছ কি ?

না, বন্ধু ! সেই ভগবানকে আমি পূর্বে দেখি নাই এবং দেখিয়া জানিতে পারি নাই ।

তখন ভগবান চিন্তা করিলেন : এই কুলপুত্র আমাকে উদ্দেশ্য করিয়া প্রবৃজিত হইয়াছে, আমি ইহাকে ধর্মদেশনা করিলে কেমন হয় ! তখন ভগবান আযুষ্মান পুরুষসাতিকে আহ্বান করিলেন, ভিক্ষু ! তোমার নিকট আমি ধর্মদেশনা করিব । উত্তমরূপে মনোনিবেশ করিয়া শ্রবণ কর, আমি বলিতেছি । “হ্যা বন্ধু !” বলিয়া আযুষ্মান পুরুষসাতি ভগবানকে প্রত্যক্ষের দিলেন ।

ভগবান বলিলেন- ভিক্ষু ! এই ব্যক্তির আছে ছয় ধাতু, ছয় স্পর্শ-আয়তন, অষ্টাদশ মন-উপবিচার, চারি অধিষ্ঠান, যেখানে চিহ্নিঃ^১ আছে মান এবং আনন্দ প্রবর্তিত হয় না, প্রবর্তিত হয় না বলিয়া মুনি শাস্তি বলিয়া কথিত হয়, তাহার প্রজ্ঞার জন্য প্রমত্ত থাকা উচিত নহে, সত্য রক্ষা করা উচিত, ত্যাগ অনুশীলন করা উচিত, শাস্তির জন্য শিক্ষালাভ করা উচিত । ইহাই ছয় ধাতু বিভিন্নের উদ্দেশ ।

‘এই ব্যক্তির ছয় ধাতু আছে’ ইহা কথিত হইয়াছে । কি কারণে ইহা কথিত হইয়াছে ? পৃথিবী ধাতু, অপ্ধাতু, তেজধাতু, বাযুধাতু, আকাশ ধাতু ও বিজ্ঞান ধাতু ; এই ছয় ধাতু সম্পর্কে ইহা কথিত হইয়াছে ।

‘এই ব্যক্তির ছয় স্পর্শ আয়তন আছে’ ইহা কথিত হইয়াছে । কি সম্পর্কে

^১ অধিষ্ঠানে প্রতিষ্ঠিত-প.সু. ।

ইহা কথিত হইয়াছে? চক্র-সংস্পর্শ-আয়তন, শ্রোত্র-সংস্পর্শ-আয়তন, ঘ্রাণ-সংস্পর্শ-আয়তন, জিহ্বা-সংস্পর্শ-আয়তন, কায়-সংস্পর্শ-আয়তন, মন-সংস্পর্শ-আয়তন। কথিত হইয়াছে।

‘এই ব্যক্তির অষ্টাদশ মনোপবিচার আছে’— ইহা কথিত হইয়াছে। কি সম্পর্কে ইহা কথিত হইয়াছে? চক্র দ্বারা রূপ দর্শন করিয়া সৌমনস্য স্থানীয় রূপকে উপবিচার করে (অর্থাৎ রূপ যে সৌমনস্য উৎপন্ন করে তাহা অনুভব করে), দৌর্মনস্য স্থানীয় রূপকে উপবিচার করে, উপেক্ষাস্থানীয় রূপকে উপবিচার করে। শ্রোতৃদ্বারা শব্দ শুনিয়া, ঘ্রাণ দ্বারা আঘ্রাণ করিয়া জিহ্বা দ্বারা রস আস্থাদন করিয়া, কায় দ্বারা স্প্রষ্টব্য স্পর্শ করিয়া, মন দ্বারা ধর্ম জানিয়া উপেক্ষা স্থানীয় ধর্ম উপবিচার করে। এইগুলিই ছয় সৌমনস্য উপবিচার, ছয় দৌর্মনস্য উপবিচার, ছয় উপেক্ষা-উপবিচার কথিত হইয়াছে।

‘এই ব্যক্তির চারি অধিষ্ঠান আছে, ‘ইহা কথিত হইয়াছে। কি সম্পর্কে ইহা কথিত হইয়াছে? প্রজ্ঞা-অধিষ্ঠান, সত্য-অধিষ্ঠান, ত্যাগ-অধিষ্ঠান, উপশম-অধিষ্ঠান। কথিত হইয়াছে।

‘প্রজ্ঞালাভে প্রমত্ত থাকা উচিত নহে, সত্য রক্ষা করা উচিত, ত্যাগ অনুশীলন করা উচিত, শাস্তিলাভ শিক্ষা করা উচিত’ ইহা কথিত হইয়াছে। কি সম্পর্কে ইহা কথিত হইয়াছে? কিরূপে ভিক্ষু প্রজ্ঞালাভে প্রমত্ত থাকে না? এই ছয় ধাতু, যথা- পৃথিবী ধাতু বিজ্ঞান ধাতু।

ভিক্ষু! পৃথিবী ধাতু কি? পৃথিবী ধাতু অধ্যাত্ম হইতে পারে, বাহ্য^১ ও হইতে পারে। অধ্যাত্ম পৃথিবী ধাতু কি? পৃথিবী ধাতু যাহা অধ্যাত্ম, প্রত্যাত্ম (ব্যক্তিগত), কক্খত (স্তৰ্য), ঘর (কর্কশ) এবং দেহান্তর্গত, যথা :- কেশ, লোম, নখ, দন্ত, ত্বক, মাংস, স্নায়ু, অঙ্গি, অঙ্গি-মজ্জা, বৃক্ষ, হৃদয়, যকৃৎ, ক্লোম, পীহা, ফুসফুস, অন্ত, অন্তর্গুণ, উদর, করীষ, অথবা এইরূপ যাহা কিছু অধ্যাত্ম, ব্যক্তিগত, কঠিন, কর্কশ ও দেহান্তর্গত। ভিক্ষু! ইহাকেই বলে অধ্যাত্ম পৃথিবী ধাতু। যাহা অধ্যাত্ম পৃথিবী ধাতু এবং যাহা বাহ্য পৃথিবী ধাতু সমন্বয়ে পৃথিবী ধাতুই বটে। ‘তাহা আমার নয়’, ‘আমি তাহা নহি’, ‘তাহা আমার আত্মা নহে’— এইরূপে বিষয়টি যথার্থভাবে সম্যক্ প্রজ্ঞার দ্বারা দর্শন করা উচিত। এইরূপে যথার্থভাবে সম্যক্ প্রজ্ঞার দ্বারা তাহা দর্শন করিয়া পৃথিবী

^১ মধ্যমনিকায় (প্রথম খণ্ড), পৃঃ ২০০ দ্রষ্টব্য।

ধাতু বিষয়ে চিন্ত নির্বেদ প্রাপ্ত হয়। পৃথিবী ধাতুতে চিন্ত বীতরাগ হয়।

ভিক্ষু! অপ্রাতু কি? অপ্রাতু অধ্যাত্ম হইতে পারে, বাহ্যও হইতে পারে। ভিক্ষু! অধ্যাত্ম অপ্রাতু কি? যাহা অধ্যাত্ম, প্রত্যাত্ম, অপ্নামীয়, অপনামীয়, অপ্র-অন্তর্গত ও দেহান্তর্গত, যথা- পিতৃ, শ্রেমা, পুরুষ, রক্ত, স্নেদ, মেদ, অশু, বসা, ক্ষেড় (থুথু) সিকনী, লসিকা, মুত্র অথবা যাহা কিছু অধ্যাত্ম সমন্তই অপ্রাতু বটে। ‘তাহা আমার নয়’ চিন্ত বীতরাগ হয়।

ভিক্ষু! তেজধাতু কি? তেজধাতু অধ্যাত্ম হইতে পারে, বাহ্যও হইতে পারে। ভিক্ষু! অধ্যাত্ম তেজধাতু কি? যাহা অধ্যাত্ম, প্রত্যাত্ম (ব্যক্তিগত), তেজনামীয়, তেজ-অন্তর্গত ও দেহান্তর্গত, যথা- যাহা সম্পন্ন করে, জীৰ্ণ করে, পরিদাহন করে, যাহার দ্বারা অশিত, পীত, খাদিত আস্থাদিত সমন্তই সম্পূর্ণ পরিপক্ষ হয় অথবা যাহা কিছু উপাদত্ত (দেহান্তর্গত) ইহাকে অধ্যাত্ম তেজধাতু বলে। তেজধাতু বটে বীতরাগ হয়।

ভিক্ষু! বাযুধাতু কি? বাযুধাতু অধ্যাত্ম হইতে পারে, বাহ্যও হইতে পারে। অধ্যাত্ম বাযুধাতু কি? যাহা অধ্যাত্ম, ব্যক্তিগত, বাযুনামীয়, অধোগামী বাযু, কুক্ষিগত বাযু, কোষ্ঠাশ্রিত বাযু, অঙ্গ-প্রত্যঙ্গ-বাহী বাযু, বাযু-অন্তর্গত ও দেহাধিকৃত, যথা- উর্ধগামী বাযু, শ্঵াস-প্রশ্বাস অথবা যাহা কিছু অধ্যাত্ম অন্তর্গত। ইহাকেই বলে বাযুধাতু বিষয়ে চিন্ত বীতরাগ হয়।

ভিক্ষু! আকাশধাতু কি? আকাশ ধাতু অধ্যাত্ম ইহাতে পারে, বাহ্যও হইতে পারে। ভিক্ষু! অধ্যাত্ম আকাশধাতু কি? যাহা অধ্যাত্ম অন্তর্গত, যথা- কর্ণছিদ্র, নাসাছিদ্র, মুখদ্বার যাহার দ্বারা অশিত-পীত-খাদিত-স্বাদিত বস্তু ভিতরে প্রবেশ করে, যাহার মধ্যে অশিত-পীত-খাদিত-স্বাদিত বস্তু সংস্থিত হয় আর যদ্বারা সেইগুলি অধঃভাগ দিয়া বাহির হয় অথবা অন্য যাহা কিছু অধ্যাত্ম উপাদত্ত বীতরাগ হয়।

যে বিজ্ঞান অবশিষ্ট থাকে তাহা পরিশুদ্ধ পর্যবেদাত, সেই বিজ্ঞানের দ্বারা তিনি কিছু জানিতে পারেন- সুখ জানেন, দুঃখ জানেন, না-দুঃখ-না সুখ জানেন। ভিক্ষু! সুখবেদনীয় স্পর্শের কারণে সুখবেদনা (সুখানুভূতি) উৎপন্ন হয়। তিনি সুখ বেদনা অনুভব করিয়া, ‘সুখবেদনা অনুভব করিতেছি’ বলিয়া জানেন, সেই সুখবেদনীয় স্পর্শের নিরোধ হইলে সুখবেদনীয় স্পর্শের কারণে যে সুখবেদনা উৎপন্ন হয়, তাহা নিরূদ্ধ হয়, উপশান্ত হয় বলিয়া জানেন। দুঃখবেদনা, না-দুঃখ-না-সুখ বেদনা সম্পর্কেও এইরূপ।

ভিক্ষু! যেমন দুইটি কাষ্ঠখণ্ডের সংঘর্ষে উত্তাপ উৎপন্ন হয়। তেজ (আলো) উৎপন্ন হয়, আবার দুইটি কাষ্ঠ পৃথক করিলে, নিক্ষেপ করিলে তদনুযায়ী উত্তাপ নিরুদ্ধ হয় ও ঠাণ্ডা ইহয়া যায়— ঠিক এইরূপে, ভিক্ষু! সুখবেদনীয় স্পর্শের কারণে জানেন।

যে উপেক্ষা অবশিষ্ট থাকে তাহা পরিশুদ্ধ, পর্যবেদাত, মৃদু, কর্মণ্য ও প্রভাস্তর। যেমন, ভিক্ষু! কোন দক্ষ স্বর্ণকার বা স্বর্ণকার-অন্তেবাসী উক্তা প্রস্তুত করে, প্রস্তুত করিয়া উক্তা মুখ প্রজ্ঞলিত করিয়া সাঁড়াশী দ্বারা স্বর্ণখণ্ড ধরিয়া উক্তামুখে প্রক্ষেপ করে, তাহাতে মাঝে মাঝে ফুঁ দেয়, মাঝে মাঝে ফোস ফেঁস করিয়া জলসিঞ্চন করে, মাঝে মাঝে উত্তমরূপে পর্যবেক্ষণ করে, সেই স্বর্ণ পরিস্কৃত, শুদ্ধ, মালিন্যশূন্য, মৃদু, কর্মণ্য ও প্রভাস্তর হয়, যাহাতে প্রয়োজন অনুযায়ী যথেচ্ছ অঙ্গুরীয়, কর্ণকুণ্ডলী, কঢ়হার ইত্যাদি বিভিন্ন অলংকার প্রস্তুত করা যায়। এইরূপে, ভিক্ষু! যে উপেক্ষা অবশিষ্ট প্রভাস্তর। তিনি ইহা প্রকৃষ্টভাবে জানেন : আমি যদি এই পরিশুদ্ধ, পর্যবেদাত উপেক্ষাকে আকাশ-অন্ত-আয়তনে কেন্দ্রীভূত করি এবং তদনুযায়ী চিত্তের ভাবনা করি, তাহা হইলে উপেক্ষা এইরূপে নিশ্চিত ও পুষ্ট হইয়া দীর্ঘকাল ছায়ী হইবে। অনন্ত বিজ্ঞান-আয়তন, অকিঞ্চন-আয়তন, নৈবেসংজ্ঞা-ন-অসংজ্ঞা-আয়তন সম্পর্কেও এইরূপ। তিনি ইহা প্রকৃষ্টরূপে জানেন : যদি আমি এই পরিশুদ্ধ, পর্যবেদাত উপেক্ষাকে অন্ত-আকাশ-আয়তনে কেন্দ্রীভূত করি, এবং তদনুযায়ী চিত্তের ভাবনা করি, তাহা হইলেও ইহা সংস্কৃত (সমবায়ে গঠিত, সুতরাং অনিত্য)। অনন্তবিজ্ঞান-আয়তন নৈবেসংজ্ঞা-ন-অসংজ্ঞা-আয়তন সম্পর্কেও এইরূপ। তিনি ভবের জন্য বা বিভবের জন্য প্রস্তুতি করেন না এবং চিন্তা করেন না, ভবের জন্য বা বিভবের জন্য অভিসংক্ষার (প্রস্তুতি) ও চিন্তা না করার কারণে তিনি জগতে কিছুতে আসক্তি উৎপাদন করেন না, আসক্তি (উপাদান) না থাকিবার ফলে তাঁহার পরিত্রাস হয় না, অপরিত্রাসিত হইয়া তিনি ব্যক্তিগতভাবে পরিনির্বাণ লাভ করেন : জন্মবীজ ক্ষীণ হইয়াছে, ব্রহ্মচর্য ব্রত উদ্যাপিত হইয়াছে, করণীয় কার্য কৃত হইয়াছে, অতঃপর ইহলোকে আর আসিতে হইবে না বলিয়া তিনি প্রকৃষ্টরূপে জানেন। তিনি সুখ বেদনা অনুভব করেন এবং তাহা অনিত্য বলিয়া প্রকৃষ্টরূপে জানেন, অনিবিষ্ট ও অনভিনন্দিত বলিয়া জানেন। দুঃখ বেদনা, না-দুঃখ-না-সুখ-বেদনা সম্পর্কেও এইরূপ। তিনি বিসংযুক্ত হইয়া

সুখবেদনা, দুঃখবেদনা, না-দুঃখ-না-সুখ বেদনা অনুভব করেন, তিনি কায় পর্যাণিক বেদনা অনুভব করিয়া ‘আমি কায়পর্যাণিক বেদনা অনুভব করিতেছি’ বলিয়া জানেন। তিনি জীবিতপর্যাণিক বেদনা অনুভব করিয়া, ‘আমি জীবিতপর্যাণিক বেদনা অনুভব করিতেছি’ বলিয়া জানেন, দেহাত্তে জীবন-অবসান হেতু সমস্ত আনন্দদায়ক বেদনা শীতলীভূত হইবে বলিয়া জানেন।

ভিক্ষু! যেমন তৈল এবং বর্তি উপাদান অবলম্বনে তৈল প্রদীপ প্রজ্ঞালিত হয়, আবার তৈল এবং বর্তির অবসান হেতু ও অন্য উপাদান আহরিত না হওয়ায় অনাহার বা ইন্ধনহীন হইয়া নিভিরা যায়, এইরূপে ভিক্ষু! শীতলীভূত হয় বলিয়া জানেন। সুতরাং তাহাতে সমন্বাগত ভিক্ষু পরম প্রজ্ঞা-অধিষ্ঠান দ্বারা সমন্বাগত হন। ভিক্ষু! সর্বদুঃখক্ষয়জ্ঞান বিষয়ে ইহাই পরম আর্য প্রজ্ঞা। তাহার বিমুক্তি সত্ত্বে ছিত্ত ও অকুপ্য। ভিক্ষু! তাহাই মৃষা (মিথ্যা) যাহা মিথ্যাধর্মী এবং তাহাই সত্য যাহা অমিথ্যাধর্মী ও নির্বাণ। সুতরাং এইরূপে সমন্বাগত ভিক্ষু পরম সত্য অধিষ্ঠান দ্বারা সমন্বাগত হন। ভিক্ষু! ইহাই পরম আর্য সত্য যাহা অমিথ্যাধর্মী নির্বাণ। তাহার পূর্ব অবিদ্বানসুলভ উপধিগুলি সমাপ্ত ও বিনষ্ট হয়। সেইগুলি প্রহীন, উচ্ছিন্নমূল, শীর্ষহীন তালবৃক্ষ সদৃশ, পুনর্ভবরহিত হয়, ভবিষ্যতে উহাদের পুনর্ভবের সন্তাবনা নাই। সুতরাং এইরূপে সমন্বাগত ভিক্ষু পরম ত্যাগ-অধিষ্ঠান দ্বারা সমন্বাগত হন। ভিক্ষু! ইহাই পরম আর্য ত্যাগ যাহা সর্ব উপধি-বিসর্জন। তাহার পূর্ব অবিদ্বানসুলভ অভিধ্যা, রাগযুক্ত ছন্দ (ইচ্ছা) ছিল। তাহা প্রহীন পুনর্ভবের সন্তাবনা নাই। তাহার পূর্ব অবিদ্বানসুলভ আঘাত, ব্যাপাদ বিদ্যে ছিল তাহা প্রহীন সন্তাবনা নাই। তাহার পূর্ব অবিদ্বানসুলভ অবিদ্যা সমোহ সম্প্রদোষ ছিল, তাহা সন্তাবনা নাই। সুতরাং এইরূপে সমন্বাগত ভিক্ষু পরম উপশম অধিষ্ঠান দ্বারা সমন্বাগত হন। ভিক্ষু! ইহাই পরম আর্য উপশম যাহা রাগদ্বেষমোহের উপশম।

“প্রজ্ঞালাভে প্রমত্ত থাকা উচিত নয়, সত্য রক্ষা করা উচিত, ত্যাগ অনুশীলন করা উচিত এবং তাহার শান্তির জন্য শিক্ষালাভ করা উচিত” – ইহা এই সম্পর্কেই কথিত হইয়াছে।

“যেখানে স্থিতি থাকে মান ও দষ্ট প্রবর্তিত হয় না, মান ও দষ্ট প্রবর্তিত না হইলে ‘মুনি শান্ত’ বলিয়া কথিত হয়,” কি সম্পর্কে ইহা কথিত হইয়াছে? ‘আমি ইহ’ ইহা মনে করা হয়, ‘আমি এই ইহ’ আমি হইব, আমি

হইব না আমি রূপী হইব, আমি অরূপী হইব, আমি সংজ্ঞী হইব..., আমি অসংজ্ঞী হইব। আমি নৈবেসংজ্ঞী—না অসংজ্ঞী হইব, ইহা মনে করা হয়। রোগ, গড়, শল্য, ভিক্ষু! সর্বমনন অতিক্রম করিলে ‘মুনি শান্ত’ বলিয়া কথিত হয়। শান্ত মুনি উৎপন্ন হন না, উৎপাদন করেন না, কুপিত হন না, স্পৃহা করেন না, ভিক্ষু! তিনি জনাগ্রহণ করেন না, অজাতের কিরূপে মৃত্যু হইবে? যাহার মৃত্যু নাই তিনি কিরূপে কুপিত হইবেন? অকুপিতে কিরূপে স্পৃহা থাকিবে? যেখানে হিতি থাকে এই সম্পর্কেই তাহা বলা হইয়াছে।

ভিক্ষু! আমার দ্বারা সংক্ষিপ্তভাবে বর্ণিত এই ছয় ধাতুবিভজ্ঞা ধারণ কর।

অতঃপর আযুষ্মান পুরুসাতি বলিলেন ৪ বাস্তবিক, শান্তা আমার নিকট আসিয়াছেন, সুগত সম্যক্ সম্মুদ্ধ ভাবিয়া আসন হইতে উঠিয়া একাংসে চীবর রাখিয়া ভগবানের পায়ে মন্তক নিপত্তিত করিয়া বলিলেন ৫ “ভদ্র! আমি মূর্খতা, মৃচ্ছা ও অকুশলবশতঃ অপরাধ করিয়াছি, আমি ভগবানকে ‘বন্ধু’ বলিয়া সম্মোধন করিয়াছিলাম, ভগবান আমার অপরাধকে অপরাধ বলিয়া স্বীকার করুন যাহাতে আমি ভবিষ্যতে সংযত হইতে পারি।”

“ভিক্ষু! যথার্থই তুমি মূর্খতা, মৃচ্ছা ও অকুশলবশতঃ অপরাধ করিয়াছ, যেহেতু তুমি আমাকে ‘বন্ধু’ বলিয়া সম্মোধন করিয়াছ। কিন্তু, ভিক্ষু! যেহেতু তুমি অপরাধকে অপরাধরূপে দর্শন করিয়া যথাধর্ম তাহার প্রতিকার করিতেছে সেই হেতু তোমার স্বীকারোক্তি গৃহীত হইল। ভিক্ষু! যে অপরাধকে অপরাধরূপে দর্শন করিয়া যথাধর্ম তাহার প্রতিকার করে সে ভবিষ্যতে সংযত হয়, তাহাতে আর্য বিনয়ে শ্রীবৃদ্ধি হয়।”

ভদ্র! আমি কি ভগবানের নিকট উপসম্পদা লাভ করিতে পারি?

ভিক্ষু! তোমার পাত্র চীবর পরিপূর্ণ হইয়াছে?

ভদ্র! আমার পাত্রচীবর পরিপূর্ণ হয় নাই।

ভিক্ষু! যাহার পাত্রচীবর পরিপূর্ণ হয় নাই, তথাগত তাহাকে উপসম্পদা দেন না।

অতঃপর আযুষ্মান পুরুসাতি ভগবানের ভাষণকে অভিনন্দিত ও অনুমোদন করিয়া আসন হইতে উঠিয়া অভিবাদনান্তে প্রদক্ষিণ করিয়া পাত্রচীবর সম্মানে চলিয়া গেলেন। তখন পাত্রচীবর সম্মানরত আযুষ্মান পুরুসাতিকে একটি ভ্রান্তগাভী^১ হত্যা করিল।

^১ অট্টকথা মতে গাভীটি বাচুরের সম্মানে ধাবিতা ছিল।

তখন বহু ভিক্ষু ভগবানের নিকট উপস্থিত হইয়া অভিবাদন করিয়া একান্তে উপবেশন করিলেন। একান্তে উপবিষ্ট ভিক্ষুগণ ভগবানকে বলিলেন : ভদ্র! পুরুসাতি নামে যে কুলপুত্র ভগবান কর্তৃক সংক্ষিপ্ত উপদেশ দ্বারা উপদিষ্ট হইয়া মারা গিয়াছে, তাহার কি গতি, কি ভবিষ্যৎ পরিণতি?

ভিক্ষুগণ! পুরুসাতি কুলপুত্র পঞ্চিত ছিলেন, ধর্মানুকূল আচরণকারী ছিলেন, তিনি ধর্মাধিকরণে কখনো আমাকে অপদস্থ করেন নাই। ভিক্ষুগণ! পুরুসাতি কুলপুত্র পঞ্চ অধঃভাগীয় সংযোজনের ক্ষয়হেতু উপপাতিক হইয়াছেন, তথায় পরিনির্বাণ লাভ করিবেন, সেই লোক হইতে আর ইহলোকে প্রত্যাবর্তন করিবেন না।

ভগবান ইহা বলিলেন। ভিক্ষুগণ! সন্তুষ্টচিত্তে শুগবানের ভাষণে আনন্দ প্রকাশ করিলেন।

[ধাতুবিভঙ্গ সূত্র সমাপ্ত]

সত্যবিভঙ্গ সূত্র (১৪১)

আমি এইরূপ শুনিয়াছি :-

এক সময় ভগবান বারাণসী সমীপে অবস্থান করিতেছিলেন ঋষিপতনে মৃগদাবে। তথায় ভগবান ভিক্ষুদিগকে আহান করিলেন : “হে ভিক্ষুগণ! ”—“ভদ্র!” বলিয়া ভিক্ষুগণ ভগবানকে প্রত্যুক্ত দিলেন। ভগবান বলিলেন— ভিক্ষুগণ! তথাগত, অর্হৎ, সম্যক্ সম্মুখ্য কর্তৃক বারাণসী সমীপে ঋষিপতনে মৃগদাবে অনুক্ত ধর্মচক্র প্রবর্তিত হইয়াছে— যাহা শ্রমণ, ব্রাহ্মণ, দেব, মার অথবা কাহারো দ্বারা এই পৃথিবীতে প্রতিবৃত্য নহে। ইহা চারি আর্যসত্ত্বের প্রদর্শন, দেশনা, প্রজ্ঞাপন, প্রস্তাবনা, বিবরণ, বিশ্লেষণ ও প্রকাশন।

কোন চারিটির?— দুঃখ আর্যসত্ত্বের প্রদর্শন প্রকাশন। দুঃখ সমুদয় আর্যসত্ত্বের, দুঃখ নিরোধ আর্যসত্ত্বের, দুঃখ নিরোধগামী প্রতিপদ আর্যসত্ত্বের প্রকাশন। ভিক্ষুগণ! তথাগত প্রকাশন। ভিক্ষুগণ! তোমরা শারিপুত্র-মৌকাল্যায়নকে অনুসরণ কর, ভজনা কর, শারিপুত্র মৌকাল্যায়ন পঞ্চিত ভিক্ষু এবং ব্রহ্মচারীদের সাহায্যকারী। ভিক্ষুগণ! যেমন জননী, নবজাতের পালনকারী, সেইরূপ শারিপুত্র ও মৌকাল্যায়ন। ভিক্ষুগণ! শারিপুত্র অধিকারীকে স্নোতাপন্তি ফলে পরিচালিত করে, মৌকাল্যায়ন উত্তম লক্ষ্যে (অর্হৎস্তু লাভে)। ভিক্ষুগণ! শারিপুত্র চারি আর্যসত্ত্বে বিস্তৃতভাবে প্রদর্শন

.... প্রকটিত করিতে সমর্থ ।

তগবান ইহা বলিলেন, ইহা বলিয়া সুগত আসন হইতে উঠিয়া বিহারে প্রবেশ করিলেন ।

তগবান চলিয়া যাইবার পরক্ষণেই আযুষ্মান শারিপুত্র ভিক্ষুদিগকে আহ্বান করিলেন— “বন্ধু ভিক্ষুগণ! ”— “বন্ধু” বলিয়া ভিক্ষুগণ আযুষ্মান শারিপুত্রকে প্রত্যুত্তর দিলেন। আযুষ্মান শারিপুত্র বলিলেন— বন্ধুগণ! তথাগত প্রকাশন ।

বন্ধুগণ! দুঃখ আর্যসত্য কি?— জাতি (জন্ম) দুঃখ, জরা দুঃখ, ব্যাধি দুঃখ, মরণ দুঃখ, শোক বিলাপ দুঃখ, দুঃখ দৌর্ঘ্যনস্য, উপায়াস ও দুঃখ। ইচ্ছিত বস্তুর অপ্রাপ্তি দুঃখ, সংক্ষেপে পঞ্চ উপাদান—ক্ষণ্য দুঃখ। বন্ধুগণ! জাতি কি?— ভিন্ন ভিন্ন সন্ত্বার ভিন্ন যোনিতে জন্ম, উৎপত্তি, আবর্তাব, পুনর্জন্ম, ক্ষণ্যসমূহের প্রকাশ ও আয়তন লাভ, ইহাকেই জাতি বলা হয়।

বন্ধুগণ! জরা কি?— বিভিন্ন সন্ত্বের বিভিন্ন দেহে জরা, জীর্ণতা, দণ্ডহীনতা, কেশের পলিত ভাব, তৃকে বলিয়েখা, আযুক্ষীণতা, ইন্দ্রিয়গুলির বিকৃতি, ইহাই জরা কথিত হয়।

বন্ধুগণ! মরণ কি?— সন্তুগণের (প্রাণিদের) নিজ নিজ দেহ হইতে চুতি, চৰণ, তেদ, অন্তর্দ্বান, মৃত্যু, মরণ, কালক্রিয়া, ক্ষণ্যসমূহের তেদ ও কলেবরের নিক্ষেপ, ইহাই মরণ কথিত হয়। বন্ধুগণ! শোক কি?— বন্ধুগণ! বিভিন্ন ব্যসন সমঘাগত, বিভিন্ন দুঃখধর্ম দ্বারা স্পষ্টের শোক, শোচনা, অন্ত-শোক ও অন্তঃ— পরিশোক, ইহাই শোক কথিত হয়। বন্ধুগণ! পরিদেব (বিলাপ) কি?— বন্ধুগণ! বিভিন্ন ব্যসন সমঘাগত, বিভিন্ন দুঃখধর্ম দ্বারা স্পষ্টের আদেব, পরিদেব, আদেবনা, পরিদেবনা, আদেবিতত্ত্ব ও পরিদেবিতত্ত্ব, ইহাই পরিদেব কথিত হয়।

বন্ধুগণ! দুঃখ কি? কায়িক দুঃখ (ক্রেশ), কায়িক বেদনা, অসাত কায়—সংস্পর্শজ দুঃখ ও অসাত বেদনা, ইহাই দুঃখ কথিত হয়।

বন্ধুগণ! দৌর্ঘ্যনস্য কি?— বন্ধুগণ! চৈতসিক (মানসিক) অসাত চিন্ত—সংস্পর্শজ দুঃখ ও অসাত বেদনা, ইহাই দৌর্ঘ্যনস্য কথিত হয়।

বন্ধুগণ! উপায়াস কি?— বন্ধুগণ! বিভিন্ন ব্যসন সমঘাগত, দুঃখধর্ম দ্বারা স্পষ্টের আয়াস (ক্লান্তি) উপায়াস, অশান্তি ও অচৈর্য, ইহাই উপায়াস কথিত হয়।

বন্ধুগণ! ইঙ্গিত বস্তুর অপ্রাপ্তি দুঃখ কি?— বন্ধুগণ! জাতিধর্ম সম্পন্ন সন্তদের এইরূপ ইচ্ছা উৎপন্ন হয় : “হায়। আমরা যদি জাতি (জন্ম) ধর্মসম্পন্ন না হইতাম” মাত্র ইচ্ছাতেই ইহা লাভ করা যায় না। ইহাই ইঙ্গিতের অপ্রাপ্তি দুঃখ। জরাধর্ম, ব্যাধিধর্ম, মরণধর্ম, শোক-পরিদেব-দুঃখ-দৌর্মনস্য-উপায়াস ধর্ম সম্পর্কেও এইরূপ। ইহাই ইঙ্গিতের অপ্রাপ্তি দুঃখ।

বন্ধুগণ! সংক্ষেপে পঞ্চ-উপাদান ক্ষম্ব কি? যথা— বৃপ-উপাদান ক্ষম্ব, বেদনা সংজ্ঞা সংক্ষার বিজ্ঞান উপাদান-ক্ষম্ব, ইহাই সংক্ষেপে পঞ্চ-উপাদান ক্ষম্ব। ইহাই দুঃখ আর্যসত্য বলিয়া কথিত হয়।

বন্ধুগণ! দুঃখ সমুদয় আর্যসত্য কি? পুনর্ভবসাধিকা নন্দিরাগ-সহগতা এবং তত্ত্ব তত্ত্ব গমনাভিলাষিণী এই যে তৃষ্ণা, যথা— কামতৃষ্ণা, ভবতৃষ্ণা, বিভবতৃষ্ণা— ইহাই দুঃখ সমুদয় আর্যসত্য কথিত হয়।

বন্ধুগণ! দুঃখ নিরোধ আর্যসত্য কি? যাহা নিঃশেষে সেই তৃষ্ণার বিরাগ, সেই তৃষ্ণার নিরোধ, ত্যাগ ও বিসর্জন এবং তাহা হইতে অনালয়-মুক্তি ইহাই দুঃখনিরোধ আর্যসত্য।

বন্ধুগণ! দুঃখনিরোধগামিনী প্রতিপদ আর্যসত্য কি? ইহাই আর্য অষ্টাঙ্গিক মার্গ, যথা— সম্যক্ দৃষ্টি, সম্যক্ সংকল্প, সম্যক্ বাক্য, সম্যক্ কর্ম, সম্যক্ আজীব, সম্যক্ ব্যায়াম, সম্যক্ শৃতি ও সম্যক্ সমাধি।

বন্ধুগণ! সম্যক্ দৃষ্টি কি?— ইহা দুঃখের জ্ঞান, দুঃখ উৎপন্নির জ্ঞান, দুঃখ নিরোধের জ্ঞান, দুঃখ নিরোধগামিনী প্রতিপদের জ্ঞান। ইহাই সম্যক্ দৃষ্টি।

বন্ধুগণ! সম্যক্ সংকল্প কি? নৈস্ত্রম্য সংকল্প, অব্যাপাদ সংকল্প, অবিহিংসা সংকল্প। ইহাই সম্যক্ সংকল্প বলিয়া কথিত হয়।

বন্ধুগণ! সম্যক্ বাক্য কি? মিথ্যাভাবণ হইতে বিরতি, পিশুন বাক্য হইতে বিরতি, পরুষ বাক্য হইতে বিরতি, সম্প্রলাপ হইতে বিরতি ইহাই কথিত হয়।

বন্ধুগণ! সম্যক্ কর্ম কি? প্রাণিহত্যা হইতে বিরতি, অদত্তের শ্রহণ হইতে বিরতি, ব্যভিচার হইতে বিরতি— ইহাই কর্ম। বন্ধুগণ! সম্যক্ আজীব কি? আর্যশ্রাবক মিথ্যা জীবিকা পরিহারপূর্বক সম্যক্ জীবিকা দ্বারা জীবন যাপন করেন, ইহাই কথিত হয়।

বন্ধুগণ! সম্যক্ ব্যায়াম কি? ভিক্ষু অনুৎপন্ন পাপ অকুশল ধর্ম সমূহের

উৎপত্তির নিবারণের জন্য সংকল্প করেন, এই উদ্দেশ্যে উদ্যমসম্পন্ন হন, বীর্য প্রয়োগ করেন, চিন্তকে বশীভৃত করেন, অনুৎপন্ন কুশলধর্ম সমুহের উৎপত্তির জন্য সংকল্প উৎপাদন করেন, এইজন্য উদ্যম সম্পন্ন হন, বীর্য প্রয়োগ করেন, উৎপন্ন কুশল সমুহের স্থিতির জন্য, বৃন্ধির জন্য, বিপুলতার জন্য, ভাবনার পূর্ণতার জন্য সংকল্প উৎপাদন করেন, ইহাই সম্যক্ ব্যায়াম বলিয়া কথিত হয়।

বন্ধুগণ! সম্যক্ স্মৃতি কি? ভিক্ষু কায়ে কায়ানুদৰ্শী হইয়া অবস্থান করেন, আতাপী সম্পত্তিত, স্মৃতিমান হইয়া পৃথিবীতে অভিধ্যা দৌর্মনস্য দূরীভূত করেন। বেদনা, চিন্ত, ধর্ম সম্পর্কেও এইরূপ।

বন্ধুগণ! সম্যক্ সমাধি কি? **বন্ধুগণ!** কাম হইতে বিবিক্ত হইয়া অকুশল ধর্ম হইতে বিবিক্ত হইয়া, সবির্তক, সবিচার বিবেজক প্রতিসুখমণ্ডিত প্রথম ধ্যানস্তরে উপনীত হইয়া ভিক্ষু অবস্থান করেন, বির্তক বিচার উপশমে অধ্যাত্মাবে সম্প্রসাদী চিত্তের একীভাব আনয়নকারী বির্তক বিচার রহিত সমাধিজ প্রতিসুখমণ্ডিত দ্বিতীয় ধ্যান তৃতীয় ধ্যান চতুর্থ ধ্যান লাভ করিয়া তাহাতে অবস্থান করেন, ইহাই সম্যক্ সমাধি কথিত হয়।

বন্ধুগণ! তথাগত এই চারি আর্য্যসভ্যের প্রকাশন।

আযুধান শারিপুত্র ইহা বিবৃত করিলেন। সম্মুক্তমনে ভিক্ষুগণ তাঁহার ভাষণ অভিনন্দিত করিলেন।

[সত্যবিভঙ্গা সূত্র সমাপ্ত]

দক্ষিণাবিভঙ্গা সূত্র (১৪২)

আমি এইরূপ শুনিয়াছি :-

এক সময় ভগবান শাক্যদের মধ্যে অবস্থান করিতেছিলেন কপিলাবাস্তু সমীপে ন্যোধারামে। তখন মহাপ্রজাপতি গৌতমী নৃতন বস্ত্র যুগল লইয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া উপবিশন করিলেন। একান্তে উপবিষ্টা মহাপ্রজাপতি গৌতমী ভগবানকে বলিলেন- ভদ্র! নব বস্ত্রযুগল ভগবানের উদ্দেশ্য স্ময়ঃ আমার দ্বারা কর্তৃত ও বায়িত (বুনিত) হইয়াছে। ভদ্র! ভগবান অনুগ্রহপূর্বক গ্রহণ করুন। এইরূপ কথিত হইলে ভগবান মহাপ্রজাপতি গৌতমীকে বলিলেন- গৌতমী! নব বস্ত্রযুগল সংঘকে দাও, সংঘকে প্রদান করিলে আমি ও সংঘ উভয়ই পৃজিত

হইব। মহাপ্রজাপতি গৌতমী দ্বিতীয়বার, তৃতীয়বার ভগবানকে বলিলেন। ভগবান দ্বিতীয়বার, তৃতীয়বার একই উত্তর দিলেন।

এইরূপ কথিত হইলে আয়ুশ্মান আনন্দ ভগবানকে বলিলেন- ভদ্র! ভগবান মহাপ্রজাপতি গৌতমীর নৃতন বস্ত্রগুল গ্রহণ করুন, মহাপ্রজাপতি গৌতমী বহুপকারিণী, ভগবানের মাতৃস্বসা, শ্রীরদায়িকা, পরিপোষিকা, ভগবানের জননীর মৃত্যুর পর স্তন্য পান করাইয়াছিলেন। ভগবানও মহাপ্রজাপতি গৌতমীর বহু উপকারী। মহাপ্রজাপতি গৌতমী ভগবানের নিকট আসিয়া বুদ্ধ, ধর্ম ও সংঘের শরণাগতা, ভগবানের নিকট আসিবার পর হইতে তিনি প্রাণিহত্যা, চুরি, ব্যভিচার, মিথ্যাবাক্য, সুরা মদ্যাদি প্রমাদস্থান হইতে বিরতা, ভগবানের সান্নিধ্য লাভের পর হইতে তিনি বুদ্ধ, ধর্ম ও সংঘের প্রতি অচলা শুন্ধ্যাসম্পন্ন এবং আর্য প্রিয়শীলে সুপ্রতিষ্ঠিত। ভগবানের সান্নিধ্য লাভের পর হইতে তিনি দুঃখ, দুঃখ সমুদয়, দুঃখ নিরোধ ও দুঃখ নিরোধগামীনী প্রতিপদায় নিঃসন্দেহ হইয়াছেন। ভগবানও মহাপ্রজাপতি গৌতমীর বহুপকারী।

আনন্দ! ইহা ঠিক, ইহা ঠিক। আনন্দ! কোন ব্যক্তি (আচার্য) হেতু অন্য এক ব্যক্তি (শিষ্য)^১ বুদ্ধ ধর্ম ও সংঘের শরণাপন্ন হন, সেই শরণদাতার প্রত্যুপকার কখনও শরণগ্রহীতার পক্ষে সম্ভব নহে, এমন কি অভিবাদন, প্রত্যুদামন, কৃতাঞ্জলি কর্ম, সম্মান প্রদর্শন, চীবর, পিণ্ডপাত, শয়নাসন, রোগ প্রতিকারক ভৈষজ্য উপকরণাদি প্রদানের দ্বারাও সম্ভব নহে। কোন ব্যক্তি সান্নিধ্য অন্য এক ব্যক্তি প্রাণিহত্যা মদ্যাদি সেবন হইতে বিরত হন। সেই ব্যক্তির উপকার অপরিশোধ্য বলিতেছি বুদ্ধ, ধর্ম ও সংঘে অচলা শুন্ধ্যাসম্পন্ন দুঃখ, দুঃখ সমুদয়, দুঃখ নিরোধ ও দুঃখ নিরোধগামীনী প্রতিপদে নিঃসন্দেহ হন অপরিশোধ্য বলিতেছি।

আনন্দ! এই চৌদ্দ প্রকার-পুদ্ধাল অনুযায়ী দক্ষিণা (দান) যথা- তথাগত অর্হৎ সম্যক্সম্মুদ্ধকে দান দেন- ইহা প্রথম পৌরোহিতিক দক্ষিণা, প্রত্যেক- বুদ্ধকে দান (দ্বিতীয়), তথাগতের শিষ্য অর্হৎদিগকে দান (তৃতীয়), অর্হত্ব ফল সাক্ষাৎ ক্রিয়ার প্রতিপন্নদিগকে দান (চতুর্থ), অনাগামী দিগকে দান (পঞ্চম), অনামাগী-ফল সাক্ষাৎ ক্রিয়ার প্রতিপন্নদিগকে (ষষ্ঠ), সকৃদাগামীকে দান (সপ্তম), সকৃদাগামী ফল সাক্ষাৎ ক্রিয়ার প্রতিপন্নদিগকে (অষ্টম),

^১ যৎ আচারিয়ৎ পুঁজলৎ অঙ্গেবাসিকপুঁজলো আগম্য-প.সু।

ম্রোতাপন্নদিগকে দান (নবম), ম্রোতাপত্তিফল সাক্ষাৎ ক্রিয়ার প্রতিপন্নদিগকে দান (দশম), কামে বীতরাগী দিগকে দান (একাদশ), শীলবান পৃথগ্জন দিগকে দান (দ্বাদশ), পৃথগ্জন দুঃশীলদিগকে দান (ত্রয়োদশ) এবং তির্যগ যোনিতে জাত প্রাণিদিগকে দান- ইহা চতুর্দশ দক্ষিণ।

আনন্দ! তথায় তির্যগ জাতিকে দান দিলেও দাতা শতগুণ দান- ফল ভোগ করিতে পারে। দুঃশীল পৃথগ্জনকে দান দিলে সহস্রগুণ, শীলবান পৃথগ্জনকে দান দিলে শত সহস্র গুণ, বাহ্যকাম্যবস্তুতে বীতরাগকে দান দিলে কোটি শত সহস্র গুণ, ম্রোতাপত্তিফল সাক্ষাৎ ক্রিয়ার প্রতিপন্নকে দান দিলে অসংখ্য অপ্রমেয় ফল ভোগ করিতে পারেন আর ম্রোতাপন্ন বা অন্যান্য দিগকে দণ্ডের কথাই বা কি?

আনন্দ! সপ্তবিধি সংঘদান। বুদ্ধপ্রমুখ উভয়সংঘকে (ভিক্ষু ভিক্ষুণী) দান ইহা প্রথম দান, তথাগতের পরিনির্বাগের পর উভয়সংঘকে দান (দ্বিতীয়), ভিক্ষুসংঘকে দান (তৃতীয়), ভিক্ষুণী সংঘকে দান (চতুর্থ), ভিক্ষু ভিক্ষুণীর উদ্দেশ্যে দান (পঞ্চম), ভিক্ষুর উদ্দেশ্যে দান (ষষ্ঠ), ও ভিক্ষুণীর উদ্দেশ্যে দান- এইরূপে দান সপ্তবিধি।

আনন্দ! অনাগত ভবিষ্যতে গোত্রভূ (পৃথগ্জন হইতে আর্যশ্রেণীতে উন্নীত) কাষায়বস্ত্র, দুঃশীল পাপধর্মী ভিক্ষুসংঘের উদ্দেশ্যে দান প্রদান করিলেও সেই দানের ফল অসংখ্য অপ্রমেয় হইবে বলিয়া বলিতেছি। আনন্দ! কোনভাবেই ভিক্ষুসংঘের উদ্দেশ্যে দান অপেক্ষা ব্যক্তিগত দানকে উৎকৃষ্টতর ফলবহুল বলি না।

আনন্দ! চারি প্রকারে দান বিশুদ্ধ হয়। চারি প্রকার কি? আনন্দ! কোন দান দাতার সুশীলতায় বিশুদ্ধ হয়, প্রতিগ্রাহকের সুশীলতায় নয়। কোন দান প্রতিগ্রাহকের সুশীলতায় বিশুদ্ধ হয়, দাতার সুশীলতায় নয়। কোন দান দাতা এবং প্রতিগ্রাহক উভয়ের পক্ষে বিশুদ্ধ হয় না, কোন দান দাতা ও প্রতিগ্রাহক উভয়ের দিক হইতে বিশুদ্ধ হয়।

আনন্দ! কিরূপে দায়কের দিক হইতে দান বিশুদ্ধ হয়, প্রতিগ্রাহকের দিক হইতে নহে? দায়ক শীলবান ও কল্যাণধর্মী হয়, প্রতিগ্রাহক দুঃশীল ও পাপধর্মী হয়, এই কারণে দাতার দিক হইতে বিশুদ্ধ হয়।

আনন্দ! কিরূপে দান প্রতিগ্রাহকের দিক হইতে বিশুদ্ধ হয়? আনন্দ! দায়ক দুঃশীল ও পাপধর্মী হয়, কিন্তু প্রতিগ্রাহক শীলবান ও কল্যাণধর্মী হয়।

এইরূপে দান প্রতিগ্রাহকের দিক হইতে বিশুদ্ধ হয়।

আনন্দ! কিরূপে দান দায়ক ও প্রতিগ্রাহক উভয়ের দিক হইতে বিশুদ্ধ হয় না? আনন্দ! দায়ক ও প্রতিগ্রাহক উভয়েই দুঃশীল ও পাপধর্মী হয়। এই কারণে বিশুদ্ধ হয় না।

আনন্দ! কিরূপে দান দায়ক ও প্রতিগ্রাহক উভয়ের দিক হইতে বিশুদ্ধ হয়? আনন্দ! দাতা ও প্রতিগ্রাহক উভয়ে শীলবান ও কল্যাণধর্মী হয়, এইরূপে বিশুদ্ধ হয়।

আনন্দ! এই চারি প্রকারে দান বিশুদ্ধ হয়।

শগবান ইহা বিবৃত করিলেন।

ইহা বলিয়া অতৎপর শাস্তা সুগত গাথায় বলিলেন :

যে শীলবান ব্যক্তি কর্মফলের প্রতি বিশ্঵াস রাখিয়া ধর্মভাবে লঞ্চ বস্তু প্রসন্নচিত্তে দুঃশীলকে প্রদান করেন, সেই দান দায়কের পক্ষ হইতে বিশুদ্ধ হয়।

যে দুঃশীল ব্যক্তি অধর্মভাবে লঞ্চ বস্তু কর্মফলের প্রতি বিশ্বাস না রাখিয়া প্রসন্নচিত্তে শীলবানকে প্রদান করেন, সেই দান প্রতিগ্রাহকের দিক হইতে বিশুদ্ধ হয়।

যে দুঃশীল ব্যক্তি অধর্মভাবে লঞ্চ বস্তু কর্মফলের প্রতি বিশ্বাস না রাখিয়া অপ্রসন্নচিত্তে দুঃশীলকে প্রদান করে, সেই দান বিপুলফলপ্রসু হয় না বলিয়া বলিতেছি।

যে শীলবান ব্যক্তি ধর্মভাবে লঞ্চ বস্তু কর্মফলে বিশ্বাস রাখিয়া সুপ্রসন্নচিত্তে শন্ত্যা সহকারে শীলবান ব্যক্তিকে দান করেন, সেই দান বিপুল ফলপ্রসু বলিয়া বলিতেছি।

যে বীতরাগ ব্যক্তি কর্মফলের প্রতি বিশ্বাস রাখিয়া ধর্মভাবে লঞ্চ বস্তু বীতরাগ ব্যক্তিকে উদার হৃদয়ে দান করেন, সেই দান আমিষ দান সমূহের মধ্যে অগ্রদান বলিয়া বলিতেছি।

[দক্ষিণাবিভঙ্গ সূত্র সমাপ্ত]

ষড়ায়তন বর্গ

অনাথপিণ্ডিক অববাদ সূত্র (১৪৩)

আমি এইরূপ শুনিয়াছি ।-

এক সময় ভগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। তখন গৃহপতি অনাথপিণ্ডিক কঠিন রোগে আক্রান্ত হইয়া কষ্টে ছিলেন। তখন গৃহপতি অনাথপিণ্ডিক এক ব্যক্তিকে আহ্বান করিয়া বলিলেন- “মহাশয়, আসুন, ভগবানের নিকট উপস্থিত হইয়া আমার কথা বলিয়া ভগবানের পায়ে মাথা রাখিয়া বন্দনা করিয়া এইরূপ বলিবেন । তদন্ত! গৃহপতি অনাথপিণ্ডিক ভগবানের পায়ে মাথা রাখিয়া প্রণাম করিতেছেন। তারপর আযুশ্মান শারিপুত্রের নিকট উপস্থিত বলিবেন বন্দনা করিতেছেন এবং বলিবেন সাধু, তদন্ত! আযুশ্মান শারিপুত্র যেন অনুকম্পা পূর্বক গৃহপতি অনাথপিণ্ডিকের আবাসে আসেন।

“হ্যা তদন্ত!” বলিয়া সেই ব্যক্তি গৃহপতি অনাথপিণ্ডিককে প্রত্যন্তের দিয়া ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট হইয়া সেই ব্যক্তি ভগবানকে বলিলেন- তদন্ত! গৃহপতি অনাথপিণ্ডিক আসেন। তারপর আযুশ্মান শারিপুত্রের নিকট উপস্থিত হইয়া উপরোক্তভাবে বলিলেন।

আযুশ্মান শারিপুত্র তুষ়ণীভাবে সম্মতি জ্ঞাপন করিলেন। অতঃপর আযুশ্মান শারিপুত্র বস্ত্র পরিধান পূর্বক পাত্রচীবর লইয়া অনুগামী শ্রমণ আযুশ্মান আনন্দের সহিত গৃহপতি অনাথপিণ্ডিকের নিবাসে উপস্থিত হইলেন, উপস্থিত হইয়া নির্দিষ্ট আসনে উপবেশন করিলেন। উপবিষ্ট আযুশ্মান শারিপুত্র গৃহপতি অনাথপিণ্ডিককে বলিলেন- গৃহপতি! আপনার রোগ সহনীয় (থমনীয়) কি? কাল- যাপনীয় কি? দুঃখবেদনা কেমন হ্রাস পাইতেছে। বৃদ্ধি পাইতেছে না ত? রোগের প্রত্যাগমন দেখা যায়, অভিগমন নহে ত?

- “তদন্ত শারিপুত্র! আমার রোগযন্ত্রণা সহনীয় নহে, যাপনীয় নহে, আমার সাংঘাতিক দুঃখ বেদনা বৃদ্ধি পাইতেছে, কমিতেছে না, রোগের আগমন দেখা যায়, নির্গমন নহে। যেমন, তদন্ত বলবান পুরুষ নির্গমন নহে।^১

^১ মধ্যমনিকায় দ্বিতীয় খণ্ডের ধানজ্ঞানিসূত্র (১৭) দ্রষ্টব্য।

সুতরাং, গৃহপতি! আপনার পক্ষে ইহা শিক্ষণীয়, “আমি চক্ষু উৎপাদন করিব না বলিয়া আমার চক্ষুনিশ্চিত বিজ্ঞান হইবে না।” গৃহপতি! আপনার ইহা শিক্ষণীয়। শ্রোত্র, স্বাণ, জিহ্বা, কায়, মন, রূপ, শব্দ, গন্ধ, রস, স্পর্শব্য, ধর্ম, চক্ষুবিজ্ঞান, শ্রোত্রবিজ্ঞান, স্বাণ বিজ্ঞান, জিহ্বা বিজ্ঞান, কায়বিজ্ঞান, মনোবিজ্ঞান, চক্ষুসংস্পর্শ, শ্রোত্রসংস্পর্শ, স্বাণসংস্পর্শ, কায়সংস্পর্শ, মনোসংস্পর্শ, চক্ষুসংস্পর্শজ বেদনা, শ্রোত্রসংস্পর্শজ বেদনা, স্বাণসংস্পর্শজ বেদনা, জিহ্বাসংস্পর্শজ বেদনা, কায়সংস্পর্শজ বেদনা, মনোসংস্পর্শজ বেদনা, পৃথিবী ধাতু, অপ্রাতু, তেজধাতু, বাযুধাতু, আকাশধাতু, বিজ্ঞানধাতু, রূপ, বেদনা, সংজ্ঞা, সংক্ষার, বিজ্ঞান, অনন্তআকাশ-আয়তন, (সমাপ্তি), অনন্তবিজ্ঞান-আয়তন, অকিঞ্চন-আয়তন, নৈবসংজ্ঞা-না অসংজ্ঞা-আয়তন, ইহলোক, প্রলোক সম্পর্কেও এইরূপ।

সুতরাং, গৃহপতি! আপনার পক্ষে ইহা শিক্ষণীয় ৪ যাহা দৃষ্ট, শুন্ত, মননকৃত, বিজ্ঞাত, পর্যোষিত, মনের দ্বারা অনুবিচ্ছিন্ন তাহা উৎপাদন (আসক্তি) করিব না বলিয়া আমার তদনিশ্চিত বিজ্ঞান উৎপন্ন হইবে না। গৃহপতি! আপনার এইভাবে শিক্ষা করা উচিত।

এইরূপ কথিত হইলে গৃহপতি অনাথপিণ্ডিক কাঁদিতে লাগিলেন এবং অশু বিসর্জন করিতে লাগিলেন। তখন আযুশ্মান গৃহপতিকে বলিলেন, গৃহপতি! আপনি কি ধরিয়া থাকিতে পারিতেছেন, না ডুবিয়া যাইতেছেন?

তদন্ত আনন্দ! আমি ধরিয়া থাকিতে পারিতেছি না, আমি ডুবিতেছি (মরণাপন্ন)। যদিও শাস্তা এবং মনোভাবনাকারী ভিক্ষুগণ দীর্ঘদিন আমার নিকট অসিয়াছেন, আমি এইরূপ ধর্মকথা পূর্বে শুনি নাই।

গৃহপতি! শুক্লবসন গৃহীদের জন্য এইরূপ ধর্মকথা প্রতিভাত হয় না, প্রবৃজিতদের জন্য প্রতিভাত হয়।

তাহা হইলে, তদন্ত শারিপুত্র! শুক্লবসন গৃহীদের জন্য এইরূপ ধর্মকথা প্রতিভাত করুন। তদন্ত শারিপুত্র! অগ্ররজঃ জাতীয় কুলপুত্র আছেন যাহারা ধর্মশুবণ করিতে না পারিলে ধর্ম হইতে অধঃপতিত হইবেন, ধর্মের রসপ্রাহী শ্রোতা অবশ্যই মিলিবে।

অতঃপর আযুশ্মান শারিপুত্র এবং আযুশ্মান আনন্দ গৃহপতি অনাথপিণ্ডিককে উপদেশ প্রদান করিয়া আসন হইতে উঠিয়া চলিয়া গেলেন। আযুশ্মান শারিপুত্র এবং আযুশ্মান আনন্দ চলিয়া যাইবার পর অচিরেই গৃহপতি

অনাথপিণ্ডিক দেহবসানে মৃত্যুর পর তুষিত দেবলোকে উৎপন্ন হইলেন। অতঃপর দেবপুত্র অনাথপিণ্ডিক রাত্রির শেষের দিকে দেহ কান্তিতে সমগ্র জেতবন উদ্ভাসিত করিয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে দাঁড়াইলেন। একান্তে দণ্ডায়মান দেবপুত্র অনাথপিণ্ডিক ভগবানকে গাথায় বলিলেন :

ঝঘিসংঘনিবেসিত, ধর্মরাজ-আবাস এই জেতবন আমার মধ্যে প্রীতি-সংজ্ঞনক। কর্ম, বিদ্যা, ধর্ম, জীবনের উত্তম শীল-ইহাদের দ্বারা মরণশীল শূন্ধ হয় যাহা গোত্র বা ধনের দ্বারা হয় না। সুতরাং পঞ্চিত ব্যক্তি স্বীয় লক্ষ্য অবলোকন করিয়া মনেনিবেশ সহকারে ধর্ম অব্রেষণ করিয়া বিশুদ্ধতা অর্জন করেন। শারিপুত্রের মত প্রজ্ঞাশীল ও উপশমের দ্বারা পারগত হইয়া যেন ভিক্ষু পরম উৎকর্ষতা লাভ করেন।

দেবপুত্র অনাথপিণ্ডিক ইহা বলিলেন। শাস্তা সমর্থন করিলেন। তখন দেবপুত্র অনাথপিণ্ডিক “শাস্তা আমাকে সমর্থন করিয়াছেন” চিন্তা করিয়া ভগবানকে অভিবাদনপূর্বক প্রদক্ষিণ করিয়া তথা হইতে অন্তর্ধান করিলেন। অতঃপর রাত্রির অবসানে ভগবান ভিক্ষুদিগকে আহ্বান করিলেন— “ভিক্ষুগণ! এই রাত্রে এক দেবপুত্র গাথায় বলিলেন : ঝঘিসংঘনিবেসিত লাভ করেন।” ভিক্ষুগণ! সেই দেবপুত্র ইহা বিবৃত করিলেন। “শাস্তা আমাকে সমর্থন করিয়াছেন” ভাবিয়া অন্তর্ধান করিয়াছেন।

এইরূপ কথিত হইলে আযুশ্যান আনন্দ ভগবানকে বলিলেন— ভদ্র! তিনি নিশ্চয়ই দেবপুত্র অনাথপিণ্ডিক হইবেন। ভদ্র! গৃহপতি অনাথপিণ্ডিক আযুশ্যান শারিপুত্রের প্রতি অবিচল শুন্ধাসম্পন্ন ছিলেন।

সাধু, সাধু, আনন্দ! তর্কের (অনুমান) দ্বারা যাহা প্রাপ্য, তাহা তোমার দ্বারা অনুপ্রাপ্ত। তিনিই দেবপুত্র অনাথপিণ্ডিক, অন্য কেহ নহে।

ভগবান ইহা বিবৃত করিলেন। আযুশ্যান আনন্দ সন্তুষ্টমনে ভগবানের ভাষণকে অভিনন্দিত করিলেন।

(অনাথপিণ্ডিক-অববাদ সূত্র সমাপ্ত)

ছন্দক^১ অববাদ সূত্র (১৪৪)

আমি এইরূপ শুনিয়াছি :-

এক সময় ভগবান রাজগৃহ সমীপে অবস্থান করিতেছিলেন বেণুবনে কলন্দকনিবাপে। সেই সময়ে আযুষ্মান শারিপুত্র, আযুষ্মান মহাচূল্ড ও আযুষ্মান ছন্দক গৃহকুট পর্বতে অবস্থান করিতেছিলেন। তখন আযুষ্মান ছন্দক কঠিন রোগে পীড়িত হইয়া কষ্ট পাইতেছিলেন। সেই সময় আযুষ্মান শারিপুত্র সায়হকালে ধ্যান হইতে উঠিয়া আযুষ্মান মহাচূল্ডের নিকট উপস্থিত হইলেন, উপস্থিত হইয়া আযুষ্মান মহাচূল্ডকে বলিলেন - “বন্ধু চুন্দ! চলুন আযুষ্মান ছন্দকের নিকট যাইয়া তাহার অসুস্থতা সম্পর্কে জিজ্ঞাসা করি।” “হ্যা বন্ধু!” বলিয়া আযুষ্মান মহাচূল্ড আযুষ্মান ছন্দকের প্রত্যুষ্মে দিলেন। আযুষ্মান শারিপুত্র এবং আযুষ্মান মহাচূল্ড আযুষ্মান ছন্দকের নিকট উপস্থিত হইলেন, উপস্থিত হইয়া প্রীত্যালাপ ও কুশলাদি বিনিময় সমাপন করিয়া একান্তে উপবেশন করিলেন। একান্তে উপবিষ্ট আযুষ্মান শারিপুত্র বলিলেন - বন্ধু ছন্দক! আপনার রোগ সহনীয় কি? কালঘাপনীয় কি? দুঃখবেদন কেমন হাস পাইতেছে, বৃদ্ধি পাইতেছে না ত? রোগের প্রত্যাগমন দেখা যায়, অভিগমন নহে ত?”

“বন্ধু শারিপুত্র! আমার যোগ যন্ত্রনা সহনীয় নহে অভিগমন নহে। আমি শস্ত্র আহরণ করিব, আমি জীবনের আকাঙ্ক্ষা করি না।”

আযুষ্মান ছন্দক! শস্ত্র আহরণ করিবেন না। আযুষ্মান ছন্দক! জীবন যাপন করুন। আমরা তাহাই ইচ্ছা করি। আযুষ্মান ছন্দকের যদি সাম্প্রেয় (উপযুক্ত) খাদ্য না থাকে, আমি তাহা সন্ধান করিব, যদি উপযুক্ত ভৈষজ্য না থাকে, আমি তাহা সন্ধান করিব। যদি আযুষ্মান ছন্দকের উপযুক্ত পরিচারক না থাকে, আমি তাহার পরিচর্যা করিব। শস্ত্র আহরণ করিবেন না ইচ্ছা করি।

বন্ধু শারিপুত্র! আমার যে উপযুক্ত খাদ্য নাই তাহা নহে পরিচারক নাই, তাহা নহে। বন্ধু শারিপুত্র! বহুদিন ধরিয়া আমি শাস্ত্রকে আনন্দে পরিচর্যা করিতেছি, নিরানন্দে নহে। বন্ধু শারিপুত্র! ইহাই শিষ্যের পক্ষে উচিত যে তিনি শাস্ত্রের পরিচর্যা করিবেন আনন্দ সহকারে, নিরানন্দে

^১ পালি ছন্দ

নহে। বন্ধু শারিপুত্র! ইহাই মনে রাখিবেন যে ভিক্ষু ছন্দক অনুপবদ্য (পুনর্জন্মারহিত)^১ শস্ত্র আহরণ করিবে।

আমরা আযুষ্মান ছন্দককে কিছু বিষয়ে জিজ্ঞাসা করিব, যদি তিনি প্রশ্নের ব্যাখ্যার জন্য অবকাশ করেন।

বন্ধু শারিপুত্র! জিজ্ঞাসা করুন, শুনিবার পর আমি জানাইব।

বন্ধু ছন্দক! আপনি চক্ষু, চক্ষু বিজ্ঞান, চক্ষুবিজ্ঞান বিজ্ঞাতব্য বিষয়ে কি সম্যক্রূপে দর্শন করেন— “ইহা আমার, এই আমি, ইহা আমার আত্মা” ? শ্রোত্র, স্বাণ, জিহ্বা, কায়, মন সম্পর্কেও এইরূপ।

বন্ধু শারিপুত্র! আমি চক্ষু, চক্ষুবিজ্ঞান, চক্ষুবিজ্ঞান বিজ্ঞাতব্য বিষয়ে সম্যক্রূপে দর্শন করি : “ইহা আমার নহে, আমি ইহা নহি, ইহা আমার আত্মা নহে”। শ্রোত্র মন সম্পর্কেও এইরূপ।

বন্ধু ছন্দক! চক্ষু, চক্ষুবিজ্ঞান, চক্ষুবিজ্ঞান কিজ্ঞাতব্য বিষয়ে কি দেখিয়া কি জানিয়া আপনি এইরূপ সম্যক্রূপে দর্শন করেন : ইহা আমার নহে মন সম্পর্কেও এইরূপ।

বন্ধু শারিপুত্র! চক্ষু নিরোধ দেখিয়া নিরোধ জানিয়া আমি মন সম্পর্কেও এইরূপ।

এইরূপ কথিত হইলে আযুষ্মান মহাচূল আযুষ্মান ছন্দককে বলিলেন— তাহা হইলে, বন্ধু ছন্দক! ভগবানের এই অনুশাসন সর্বদা মনক্ষারযোগ্যঃ নিশ্চিতের (ত্রুট্য-দৃষ্টির অধীন ব্যক্তির) চক্ষুলতা আসে, অনিশ্চিতের মনের চক্ষুলতা থাকে না, চাপ্তল্য না থাকিলে প্রশাস্তি আসে, থাকিলে রতি (কামরাগ) দূরীভূত হয়, কামরাগ দূরীভূত হইলে আর পৃথিবীতে আসিতে হয় না, সেই কারণে আর চুয়তি-উৎপন্নি (পুনঃ পুনঃ জন্ম-মৃত্যু) হয় না, যাহার জন্ম-মৃত্যু হইবে না, তিনি ইহকালেও নহেন, পরলোকেও নহেন। এইরূপে দুঃখের অবসান হয়।

অতঃপর আযুষ্মান শারিপুত্র এবং আযুষ্মান মহাচূল আযুষ্মান ছন্দককে এই উপদেশ প্রদান করিয়া আসন হইতে উঠিয়া চলিয়া গেলেন। তাহার চলিয়া যাইবার পরেই আযুষ্মান ছন্দক শস্ত্র আহরণ করিলেন^২ তখন আযুষ্মান

^১ পালি ছন্ন।

^২ অনুপবজ্ঞ তি অনুপস্তিকৎ অপ্পটিসন্ধিকৎ— প. সু।

^৩ শস্ত্র দ্বারা কঠনালী ছেদন করিলেন।

শারিপুত্র ভগবানের নিকট বলিলেন : “ভদ্র! আযুষ্মান ছন্দক শস্ত্র আহরণ করিয়াছেন। তাহার কি গতি, কি পরিণতি হইবে?”— “শারিপুত্র! ভিক্ষু ছন্দক কি তোমাদের সম্মুখে তাহার অনবদ্যতা প্রকাশ করে নাই?”

— “ভদ্র! পূর্বজির নামে একটি বৃজি গ্রাম আছে। তথায় বহু কুল (পরিবার) আছে যাহারা আযুষ্মান ছন্দকের মিত্র, সুহৃদ এবং পরিদর্শনযোগ্য”^১।

শারিপুত্র! ভিক্ষু ছন্দকের মিত্রকুল, সুহৃদকুল ও পরিদর্শনযোগ্যকুল আছে। ইহাতে সে নিম্ননীয় হয় তাহা আমি বলি না। শারিপুত্র! যে এই দেহ নিক্ষেপ করিয়া অন্য দেহ পরিগ্ৰহ করিতে আকৃষ্ণ করে, তাহা নিম্ননীয় বলি।

ভিক্ষু ছন্দকের তাহা নাই, ভিক্ষু ছন্দক অনুপবদ্য হইয়া শস্ত্র আহরণ করিয়াছে।

ভগবান ইহা বলিলেন। আযুষ্মান শারিপুত্র সন্তুষ্টমনে ভগবানের ভাষণকে অতিনন্দিত করিলেন।

[ছন্দক-অববাদ সূত্র সমাপ্ত]

পূর্ণ-অববাদ সূত্র (১৪৫)

আমি এইরূপ শুনিয়াছি :—

এক সময় ভগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। তখন আযুষ্মান পূর্ণ সায়াহ সময়ে সমাধি হইতে উঠিয়া ভগবানের নিকট উপস্থিত হইয়া অভিবাদনপূর্বক একান্তে উপবেশন করিলেন। একান্তে উপবিষ্ট আযুষ্মান পূর্ণ ভগবানকে বলিলেন “উত্তম, ভদ্র! ভগবান সংক্ষিপ্তভাবে আমাকে উপদেশ দিন যাহাতে আমি ভগবানের ধর্ম শ্রবণ করিয়া ব্যপুরুষ্ট (বিচ্ছিন্ন), অপ্রমত্ত, আতাপী, প্রহিতাত্ত হইয়া অবস্থান করিতে পারি।” “তাহা হইলে, পূর্ণ! গভীর মনোনিবেশ সহকারে শ্রবণ কর, আমি বলিতেছি।” “হ্যাঁ ভদ্র!” বলিয়া আযুষ্মান পূর্ণ ভগবানকে প্রত্যন্তর দিলেন। ভগবান বলিলেন— পূর্ণ! চক্ষুবিজ্ঞেয় রূপ আছে তাহা ইষ্ট, কান্ত, মনোজ্ঞ, প্রিয়রূপ, কামসংযুক্ত ও রঞ্জনীয়। যদি ভিক্ষু তাহাতে আনন্দ লাভ করেন, উল্লাস প্রকাশ করেন এবং নিবিষ্ট হইয়া থাকেন, তজ্জন্য নন্দিরাগ উৎপন্ন হয়, নন্দিরাগ সমুদয় হেতু দুঃখসমুদয় হয়। শ্রোত্রবিজ্ঞেয় শব্দ, ঘ্রাণবিজ্ঞেয় গন্ধ,

^১ উপসংক্ষিপ্তকুলনি— প.সু.।

জিহ্বাবিজ্ঞেয় রস, কায়বিজ্ঞেয় স্পষ্টব্য ও মনোবিজ্ঞেয় ধর্ম সম্পর্কেও এইরূপ।

পূর্ণ! চক্ষুবিজ্ঞেয় রূপ রঞ্জনীয়।

তিক্ষ্ণ তাহাতে অভিনন্দিত হন না, উল্লস প্রকাশ করেন না এবং তাহাতে নিবিষ্ট হইয়া অবস্থান করেন না বলিয়া নন্দিরাগ নিরুদ্ধ হয়, নন্দিরাগ-নিরোধ হেতু দুঃখনিরোধ হয়। শ্রোত্রবিজ্ঞেয় শব্দ মনোবিজ্ঞেয় ধর্মস্পর্কেও এইরূপ।

পূর্ণ! আমাকর্তৃক এই সংক্ষিপ্ত অববাদ দ্বারা উপদিষ্ট হইয়া তুমি কোন জনপদে অবস্থান করিবে?

তদন্ত! ভগবান কর্তৃক এই সংক্ষিপ্ত অববাদ দ্বারা উপদিষ্ট হইয়া আমি সুনাপরান্ত নামক জনপদে অবস্থান করিব।

পূর্ণ! সুনাপরান্তবাসী মনুষ্যগণ চক্ষ (উগ্র) এবং কর্কশ। যদি তাহারা তোমাকে আক্রোশ এবং দোষারোপ করে, তাহা হইলে তোমার কি হইবে?

তদন্ত! যদি সুনাপরান্তবাসী মনুষ্যগণ আমাকে আক্রোশ এবং দোষারোপ করে, তাহা হইলে আমার এইরূপ হইবে : আমি বলিব- বাস্তবিক, এই সুনাপরান্তবাসী মনুষ্যগণ খুব ভদ্র, সুভদ্র, যেহেতু ইহারা আমাকে হস্তদ্বারা কোন প্রহার করিতেছেন। ভগবান আমার এইরূপ হইবে। সুগত! এখানে আমার এইরূপ হইবে।

পূর্ণ! যদি তাহারা হস্তদ্বারা প্রহার করে আমি বলিব তাহারা লোক্ত্বদ্বারা আঘাত করিতেছে না যদি তাহারা লোক্ত্ব দ্বারা আঘাত করে আমি তাহারা দণ্ড দ্বারা প্রহার করিতেছে না, দণ্ড দ্বারা প্রহার করিলে শস্ত্র দ্বারা আঘাত করিতেছে না তাহারা জীবন হইতে বঞ্চিত (হত্যা) করিতেছে না। যদি তাহারা আমাকে জীবন হইতে বঞ্চিত করে, তখন আমার এইরূপ হইবে : আমি বলিব- ভগবানের শিষ্যগণ কায়ের এবং জীবনের প্রতি দুঃখপরায়ণ ও অশুদ্ধ হইয়া শস্ত্র আহরণের জন্য সন্ধান করিতেছেন। সন্ধান না করিয়াই আমি সেই শস্ত্র লাভ করিয়াছি। ভগবান! আমার এইরূপ হইবে।

সাধু, সাধু, পূর্ণ! তুমি এই দম ও উপশম দ্বারা সমন্বাগত হইয়া সুনাপরান্ত জনপদে অবস্থান করিতে সক্ষম হইবে। পূর্ণ! তুমি যাহা কালোপযোগী মনে কর, তাহা কর।

অতঃপর আযুষ্মান পূর্ণ ভগবানের ভাষণকে অভিনন্দিত ও অনুমোদন করিয়া আসন হইতে উঠিয়া ভগবানকে অভিবাদনান্তে প্রদক্ষিণ করিয়া বিছানাপত্র বাঁধিয়া লইয়া পাত্রচীর গ্রহণ করিয়া সুনাপনান্ত জনপদে বিচরণ করিবার জন্য যাত্রা করিলেন এবং পদচারণা করিতে করিতে সুনাপরান্ত জনপদে পৌছিলেন এবং তথায় অবস্থান করিতে লাগিলেন। আযুষ্মান পূর্ণ একই বর্ষার মধ্যে পাঁচশত উপাসিকাকে প্রতিপাদন (প্রতিষ্ঠিত) করিলেন এবং ত্রিবিদ্যা সাক্ষাৎ করিলেন। পরে অন্য সময়ে আযুষ্মান পূর্ণ পরিনির্বাণ লাভ করিলেন।

সেই সময় বহু ভিক্ষু ভগবানের নিকট উপস্থিত হইয়া অভিবাদনান্তে একান্তে উপবেশন করিলেন। একান্তে উপবিষ্ট সেই ভিক্ষুগণ ভগবানকে বলিলেন : ভদ্র! যে কুলপুত্র পূর্ণ ভগবান কর্তৃক সংক্ষিপ্ত উপদেশ দ্বারা উপদিষ্ট হইয়াছিলেন, তিনি মারা গিয়াছেন। তাঁহার কি গতি, কি পরিণতি হইবে?

ভিক্ষুগণ! কুলপুত্র পূর্ণ পঞ্চিত ব্যক্তি ছিলেন, ধর্মানুকূল আচরণকারী ছিলেন, তিনি ধর্মাধিকরণে কখনো আমাকে অপদন্ত করেন নাই। তিনি পরিনির্বাণ লাভ করিয়াছেন।

ভগবান ইহা বলিলেন। ভিক্ষুগণ সন্তুষ্টমনে ভগবানের ভাষণকে অভিনন্দিত করিলেন।

[পূর্ণ-অববাদ সূত্র সমাপ্ত]

নন্দক-অববাদ সূত্র (২৪৬)

আমি এইরূপ শুনিয়াছি :--

এক সময় ভগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। তখন মহাপ্রজাপতি গৌতমী পাঁচশত ভিক্ষুণীর সহিত ভগবানের নিকট উপস্থিত হইলেন, উপস্থিত হইয়া অভিবাদনপূর্বক এক পার্শ্বে দাঁড়াইলেন। একান্তে দন্তদায়মানা মহাপ্রজাপতি গৌতমী ভগবানকে বলিলেন-- ভদ্র! ভিক্ষুণীদিগকে অনুগ্রহপূর্বক উপদেশ দিন, অনুশাসন প্রদান করুন এবং ধর্মকথা বলুন।

সেই সময়ে ছবির ভিক্ষুগণ পর্যায়ক্রমে ভিক্ষুণীদিগকে উপদেশ দিতেন। কিন্তু আযুষ্মান নন্দক ভিক্ষুণীদিগকে পর্যায়ক্রমে উপদেশ দিতে ইচ্ছা করিতেন

না। তখন ভগবান আযুষ্মান আনন্দকে আহ্বান করিয়া বলিলেন : “আনন্দ! অদ্য ভিক্ষুণীদিগকে পর্যায়ক্রমে উপদেশ প্রদানের কাহার পালা?— “ভদ্র! নন্দকের পালা কিন্তু ভিক্ষুণীদিগকে উপদেশ প্রদান করিতে আযুষ্মান নন্দক ইচ্ছা করিতেছেন না।” তখন ভগবান আযুষ্মান নন্দককে আহ্বান করিলেন : “নন্দক! ভিক্ষুণীদিগকে উপদেশ দাও, অনুশাসন দাও, ধর্মকথা শুবণ করাও”। “হ্যাঁ ভদ্র!” বলিয়া আযুষ্মান নন্দক ভগবানকে প্রত্যুত্তর দিয়া পূর্বতৃ সময়ে বস্ত্র পরিধান করিয়া পাত্রচীবর লইয়া ভিক্ষার জন্য শ্রাবণ্তীতে প্রবেশ করিলেন। শ্রাবণ্তীতে ভিক্ষাচর্য্যা করিয়া ভোজনাণ্টে একাকী রাজকারামে উপস্থিত হইলেন। ভিক্ষুণীগণ দূর হইতে আযুষ্মান নন্দককে আসিতে দেখিলেন, দেখিয়া আসন প্রস্তুত করিলেন এবং পা ধুইবার জল রাখিলেন। আযুষ্মান নন্দক নির্দিষ্ট আসনে উপবেশন করিলেন। বসিয়া পদদ্বয় প্রক্ষালন করিলেন। ভিক্ষুণীগণ আযুষ্মান নন্দককে অভিবাদন করিয়া উপবেশন করিলেন। একাণ্টে উপবিষ্ট ভিক্ষুণীগণকে আযুষ্মান নন্দক বলিলেন : “ভগিনীগণ! আমাদের আলোচনা প্রশ্নোত্তরের মাধ্যমে হইবে। বুঝিতে পারিলে বলিবে “আমরা জানি” এবং না জানিতে পারিলে বলিবে “আমরা জানি না”। কাহারও সন্দেহ বা ভুল ধারণা থাকিলে আমাকে প্রতি- জিজ্ঞাসা করিবে : “ভদ্র! ইহা কিরূপ, ইহার অর্থ কি”?

ভদ্র! এই পর্যন্ত আর্য নন্দকের উপর আমরা সন্তুষ্ট ও আনন্দিত, যেহেতু তিনি আমাদিগকে আমন্ত্রণ করিয়াছেন।

ভগিনীগণ! তোমরা ইহা কি মনে কর? চক্ষু নিত্য না অনিত্য?

- ভদ্র! অনিত্য।

- যাহা অনিত্য তাহা কি দুঃখ, না সুখ?

- ভদ্র! দুঃখ।

- যাহা অনিত্য, দুঃখ ও বিপরিগামধর্মী তাহাকে কি এইরূপে দর্শন করা যুক্তিযুক্ত : “ইহা আমার, আমি ইহা হই। তাহা আমার আত্মা!”

- না, ভদ্র!

শ্রেত্র, ঘ্রাণ, জিহ্বা, কায়, মন সম্পর্কেও এইরূপ।

তাহা কি হেতু?

ভদ্র! ইহা পূর্বেই সম্যক্প্রজ্ঞা দ্বারা যথাযথভাবে আমাদের সুদৃঢ় হইয়াছে : এই ছয় আধ্যাত্মিক আয়তন অনিত্য।

সাধু, সাধু, ভগিনীগণ! সম্যক্ প্রজ্ঞা দ্বারা যথার্থভাবে দর্শন হেতু আর্যশ্রাবকের এইরূপ হয়। তোমরা ইহা কি মনে কর? রূপ নিত্য না অনিত্য? শব্দ গুরু রস স্পর্শ ধর্ম “এই ছয় বাহ্য-আয়তন অনিত্য।”

চক্ষুবিজ্ঞান শ্রোত্রবিজ্ঞান স্নানবিজ্ঞান জিহ্বাবিজ্ঞান কায়বিজ্ঞান মনোবিজ্ঞান, “এই ছয় বিজ্ঞানকায় অনিত্য”। সাধু, সাধু আর্যশ্রাবকের এইরূপ হয়।

ভগিনীগণ! যেমন প্রজ্ঞলিত তৈল প্রদীপের তৈল অনিত্য ও বিপরিণামধর্মী, বর্কি (সলিতা) অনিত্য ও বিপরিণামধর্মী, অর্চি (শিখা) অনিত্য ও বিপরিণামধর্মী, আভাও অনিত্য ও বিপরিণামধর্মী, যদি কেহ এইরূপ বলে : অমুক প্রজ্ঞলিত তৈল প্রদীপের তৈল অনিত্য কিন্তু ইহার আভা নিত্য, ধূব, শাশ্঵ত, বিপরিণামধর্মী নহে, তাহা হইলে সেই ব্যক্তি যথার্থ বলে?— ভদ্র! তাহা নহে। তাহা কি হেতু? ভদ্র! অমুক প্রজ্ঞলিত তৈল প্রদীপের তাহার আভাও অনিত্য ও বিপরিণামধর্মী।

ভগিনীগণ! ঠিক এইরূপে যে এইরূপ বলে : “এই ছয় আধ্যাত্মিক আয়তন অনিত্য, ছয় আধ্যাত্মিক আয়তন হেতু যে সুখ, দুঃখ বা না-সুখ-না-দুঃখ অনুভব করি, তাহা নিত্য, ধূব, শাশ্঵ত ও অপরিণামধর্মী” সেই ব্যক্তি কি যথার্থ বলে?

ভদ্র! তাহা নহে। তাহা কি হেতু? ভদ্র! সেই সেই প্রত্যয় হেতু সেই সেই বেদনা উৎপন্ন হয়, এবং সেই সেই প্রত্যয়ের নিরোধ-হেতু সেই সেই বেদনা নিরূপ্য হয়।

সাধু, সাধু এইরূপ হয়।

ভগিনীগণ! যেমন কোন বিশাল সারবান দক্ষায়মান বৃক্ষের মূল অনিত্য ও বিপরিণামধর্মী স্ফৰ্য শাখাপ্রশাখা, ছায়া বিপরিণামধর্মী, যে এইরূপ বলে, অমুক, কিন্তু ছায়া নিত্য অবিপরিণামধর্মী, সে কি যথার্থ বলে?

ভদ্র! তাহা নহে। তাহা কি হেতু? অমুক বিপরিণামধর্মী।

ভগিনীগণ! ঠিক এইভাবে কেহ যদি এইরূপ বলে : এই ছয় বাহিরের আয়তন অনিত্য যথার্থ বলে?

ভদ্র! তাহা নহে। নিরূপ্য হয়।

সাধু, সাধু এইরূপ হয়।

ভগিনীগণ! ইহা সেইরূপ যেমন কোন দক্ষ গোঘাতক অথবা গোঘাতক অন্তেবাসী গাভী বধ করিয়া তীক্ষ্ণ ছুরিকা দ্বারা দেহটি কর্তন করে, ভিতরের মাংস নষ্ট করে না, বাহিরের চর্ম নষ্ট করে না, ভিতরের কঙ্গরা, স্নায়, সন্ধি-বন্ধনী, তীক্ষ্ণ অস্ত্র দ্বারা ছিন্ন করে, কর্তন করে, পরিষ্কারভাবে কাটে এবং তাহা করিয়া সমগ্র বাহিরের চর্ম পৃথক করিয়া, সেই চর্ম দ্বারা গাভীকে আচ্ছাদিত করিয়া যদি এইরূপ বলে : “এই গাভী পূর্বের মত চর্মের দ্বারা সংযুক্ত হইয়াছে” – তাহা হইলে সে কি যথার্থ বলে?

না, ভদ্র! তাহা নহে। তাহা কি হেতু? যদিও ভদ্র! দক্ষ গোঘাতক বা সংযুক্ত হইয়াছে” – তথাপি এই গাভী একই চর্ম দ্বারা সংযুক্ত নহে।

ভগিনীগণ! অর্থ বিজ্ঞাপনের জন্যই আমি উপমা দিয়াছি। ইহার অর্থ এইরূপ : ভিতরের মাংসকায় ছয় আধ্যাত্মিক আয়তনের অধিবচন (নামান্তর), বাহিরের চর্মকায় ছয় বাহ্যিক আয়তনের অধিবচন, ভিতরের কঙ্গরা, স্নায়, সন্ধি-বন্ধনী নদ্বিরাগের অধিবচন, কশাই এর তীক্ষ্ণ অস্ত্র আর্যপ্রজ্ঞার অধিবচন, যে আর্যপ্রজ্ঞা আভ্যন্তরীণ ক্লেশ, সংযোজন, বন্ধন ছিন্ন করে, কর্তন করে, পরিষ্কারভাবে কাটে।

ভগিনীগণ! এই সপ্ত বোধ্যজ্ঞ যাহা ভাবনা করিয়া, বর্ধিত করিয়া ভিক্ষু আসবক্ষয় করিয়া অনাসব হইয়া ইহজীবনে চিত্তবিমুক্তি ও প্রজ্ঞাবিমুক্তি স্বয়ং অভিজ্ঞ দ্বারা সাক্ষাৎ করিয়া লাভ করিয়া অবস্থান করেন। সপ্ত কি কি? এইস্থলে, ভগিনীগণ! ভিক্ষু বিবেকনিশ্চিত, ধিরাগনিশ্চিত, নিরোধনিশ্চিত ও বিসর্জন পরিণামী স্মৃতিসংযোধ্যজ্ঞ ভাবনা করেন, একইভাবে ধর্মবিচয় সম্বোধ্যজ্ঞ ভাবনা করেন, বীর্য-সম্বোধ্যজ্ঞ ভাবনা করেন, প্রীতিসংযোধ্যজ্ঞ ভাবনা করেন, প্রশৰ্থি সম্বোধ্যজ্ঞ ভাবনা করেন, সমাধি সম্বোধ্যজ্ঞ ভাবনা করেন, উপেক্ষা সম্বোধ্যজ্ঞ ভাবনা করেন। ভগিনীগণ! এই সপ্ত অবস্থান করেন।

অতঃপর আয়ুষ্মান নন্দক ভিক্ষুণীদিগকে এই উপদেশ প্রদান করিয়া বলিলেন : ভগিনীগণ! সময় হইয়াছে, এইবার তোমরা যাও।

তখন ভিক্ষুণীগণ আয়ুষ্মান নন্দকের ভাষণকে অভিনন্দিত ও অনুমোদন করিয়া আসন হইতে উঠিয়া আয়ুষ্মান নন্দককে অভিবাদনান্তে প্রদক্ষিণ করিয়া ভগবানের নিকট উপস্থিত হইলেন, উপস্থিত হইয়া একান্তে দাঢ়াইলেন।

একান্ত স্থিতা ভিক্ষুণীদিগকে ভগবান বলিলেন : ভিক্ষুণীগণ! এখন সময় হইয়াছে, তোমরা যাও। তখন ভিক্ষুণীগণ চলিয়া গেলেন। তাঁহারা চলিয়া যাইবার পরেই ভগবান ভিক্ষুদিগকে আহ্বান করিলেন : ভিক্ষুগণ! যেমন চতুর্দশী উপোসথ দিবসে বহুলোকের কোন সন্দেহ বা ভুল ধারণা হয় না, চন্দ্র পূর্ণ নয় অথবা চন্দ্র পূর্ণ, যদিও তখন চন্দ্র পূর্ণ নয়, ঠিক এইরূপে সেই ভিক্ষুণীগণ নন্দকের ধর্মদেশনায় সন্তুষ্ট হইয়াছে, কিন্তু পরিপূর্ণ সংজ্ঞ হয় নাই।

তখন ভগবান আযুষ্মান নন্দককে আহ্বান করিলেন : নন্দক! আগামী কল্যাও তুমি ভিক্ষুণীদের সেইভাবে উপদেশ প্রদান করিতে পার।

“হ্যাঁ নন্দন” বলিয়া আযুষ্মান নন্দক ভগবানকে প্রত্যন্তর দিলেন।

অতঃপর আযুষ্মান নন্দক সেই রাত্রির অবসানে পূর্বাহ্ন সময়ে বস্তু পরিধান করিয়া পাত্রচীবর লইয়া ভিক্ষার জন্য শ্রাবণ্তীতে প্রবেশ করিলেন নিত্য কি অনিত্য? সময় হইয়াছে। তোমরা যাও।^১

তাঁহার চলিয়া যাইবার পরেই ভগবান পদ্মদশী পূর্ণিমায় যেহেতু চন্দ্র পূর্ণ হইয়াছে, ঠিক এইরূপে নন্দকের ধর্মদেশনায় ভিক্ষুণীগণ সন্তুষ্ট ও পরিপূর্ণসংজ্ঞ হইয়াছে। ভিক্ষুণীদের শেষ পর্যন্ত সকলেই স্নোতাপন্না, অবিনিপাতধর্মী ও নিয়ত সংস্কারাদিপরায়ণা হইয়াছে।

ভগবান ইহা বলিলেন। ভিক্ষুগণ সন্তুষ্টমনে ভগবানের ভাষণে আনন্দ প্রকাশ করিলেন।

[নন্দক-অববাদ সূত্র সমাপ্ত]

ক্ষুদ্র রাহুল-অববাদ সূত্র (১৪৭)

আমি এইরূপ শুনিয়াছি :-

এক সময় ভগবান শ্রাবণ্তী সমীপে অবস্থান করিতেছিলেন জেতবনে অনাথপিণ্ডিকের আরামে। তখন একাকী ধ্যানমূল্য থাকিবার সময় ভগবানের এইরূপ চিন্ত-পরিবিতর্ক উৎপন্ন হইয়াছিল : “রাহুলের বিমুক্তি পরিপাকের ধর্মগুলি পরিপক্ষ হইয়াছে। আমার উচিত তাহাকে আসবক্ষয়ের জন্য শিক্ষা দেওয়া”। তখন ভগবান পূর্বাহ্ন সময়ে রাহুলকে আহ্বান করিলেন : “রাহুল! বসিবার আসন গ্রহণ কর, দিবাবিহারের জন্য আমরা অন্ধবনে

^১ সূত্রের প্রারম্ভে উল্লিখিত হইয়াছে।

যাইব”। “ইঁয়া ভদ্র! ” বলিয়া আযুশ্মান রাহুল ভগবানকে প্রত্যন্তর দিয়া আসন লইয়া ভগবানকে পিছনে পিছনে অনুসরণ করিলেন।

সেই সময়ে অনেক সহস্র দেবতা এইরূপ বলিতে বলিতে ভগবানকে অনুসরণ করিলেন : “অদ্য ভগবান আযুশ্মান রাহুলকে আসবক্ষয়ের জন্য শিক্ষা দিবেন। ”

তখন ভগবান অন্ধবনে প্রবেশ করিয়া একটি বৃক্ষতলে নির্দিষ্ট আসনে উপবেশন করিলেন। আযুশ্মান রাহুলও ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আযুশ্মান রাহুলকে ভগবান বলিলেন : রাহুল! তুমি কি মনে কর? চক্ষু নিত্য, অথবা অনিত্য?

ভদ্র! অনিত্য! চক্ষুবিজ্ঞান চক্ষু সংস্পর্শ অনিত্য।^১ রাহুল! তুমি কি মনে কর? যাহা চক্ষু-সংস্পর্শ হেতু বেদনা, সংজ্ঞা, সংক্ষার ও বিজ্ঞান বলিয়া উৎপন্ন হয় তাহা কি নিত্য, অথবা অনিত্য? অনিত্য। শ্রোত্র, ঘ্রাণ, জিহ্বা, কায়, মন সম্পর্কেও এইরূপ।

রাহুল! তুমি কি মনে কর? ধর্ম নিত্য অথবা অনিত্য? ভদ্র! অনিত্য মনোবিজ্ঞান মনোসংস্পর্শ না ভদ্র!

রাহুল ইহা দেখিয়া শুতবান আর্যশ্রাবক চক্ষুবিষয়ে নির্বেধ প্রাণ্ত হন, রূপে, চক্ষুবিজ্ঞানে, চক্ষু-সংস্পর্শে, চক্ষুসংস্পর্শজ বেদনায়, সংজ্ঞায়, সংক্ষারে, বিজ্ঞানে, শ্রোত্রে, মনোসংস্পর্শজ বেদনায়, সংজ্ঞায়, সংক্ষারে ও বিজ্ঞানে নির্বেদ প্রাণ্ত হন। নির্বেদপ্রাণ্ত হইলে বীতরাগ হন, বীতরাগ হইলে “বিমুক্তি হইয়াছি” বলিয়া জ্ঞান হয়, “আমার জন্মবীজ ক্ষীণ হইয়াছে, ব্রহ্মচর্যব্রত উদ্যাপিত হইয়াছে, করণীয় কার্য কৃত হইয়াছে এবং অত্র আর আসিতে হইবে না। ”

ভগবান ইহা বিবৃত করিলেন। আযুশ্মান রাহুল ভগবানের ভাষণে আনন্দ প্রকাশ করিলেন। ইহা বিশ্বেষণ করিয়া বলিবার সময়ে আযুশ্মান রাহুলের চিত্ত উপাদানহীন হইয়া আসব হইতে বিমুক্ত হইল। বহু সহস্র দেবতাদেরও বিরজ বীতমল ধর্মচক্ষু উৎপন্ন হইল : যাহা কিছু সমুদয়ধর্মী তাহা সবই নিরোধধর্মী।

[ক্ষুদ্র রাহুল-অববাদ সূত্র সমাপ্ত]

^১ নদক-অববাদ সূত্র দ্রষ্টব্য।

ষড়ষট্ক^१ সূত্র (১৪৮)

আমি এইরূপ শুনিয়াছি ৪-

এক সময় ভগবান শ্রাবণী সমীপে অবস্থান করিতেছিলেন জেতবনে অনাথপিণ্ডিকের আরামে। তথায় ভগবান ভিক্ষুদিগকে আহ্বান করিলেন ৪ “হে ভিক্ষুগণ! । – “হ্যা ভদ্র!”। বলিয়া ভিক্ষুগণ ভগবানকে প্রত্যক্ষের দিলেন। ভগবান বলিলেন ৪:- আমি ‘ছয় ছয়টি’ বিষয়ে ধর্মদেশনা করিব যাহার আদিতে কল্যাণ, মধ্যে কল্যাণ, পর্যবসানে কল্যাণ, অর্থযুক্ত, ব্যজ্ঞনযুক্ত এবং পরিপূর্ণ পরিশুল্দ ব্রহ্মচর্য প্রকাশক। তোমরা তাহা উত্তমরূপে মনোনিবেশ সহকারে শ্রবণ কর, আমি বলিতেছি। “হ্যা ভদ্র!”। বলিয়া ভিক্ষুগণ ভগবানকে প্রত্যক্ষের দিলেন। ভগবান কহিলেন- ছয় আধ্যাত্মিক আয়তন জ্ঞাতব্য, ছয় বিজ্ঞানকায়, ছয় স্পর্শকায়, ছয় বেদনাকায়, ছয় তৃষ্ণাকায় জ্ঞাতব্য।

ইহা কথিত হইয়াছে, “ছয় আধ্যাত্মিক আয়তন জ্ঞাতব্য”। কি কারণে ইহা কথিত হইয়াছে? চক্ষু-আয়তন, শ্রোত্র-আয়তন, ঘ্রাণ-আয়তন, জিহ্বা-আয়তন, কায়-আয়তন, মন-আয়তন। এই ছয় আধ্যাত্মিক সম্পর্কে ইহা কথিত হইয়াছে ইহা প্রথম ছয়টি।

ইহা কথিত হইয়াছে, “ছয় বাহ্য আয়তন জ্ঞাতব্য” ? বূপ-আয়তন, শব্দ-আয়তন, গন্ধ-আয়তন, রস-আয়তন, স্পর্ষব্য-আয়তন, ধর্ম-আয়তন। ইহা দ্বিতীয় ছয়টি।

ইহা ছয় বিজ্ঞানকায় ? চক্ষু ইন্দ্রিয়হেতু রূপে চক্ষুবিজ্ঞান উৎপন্ন হয়, শ্রোত্র ইন্দ্রিয় হেতু শব্দে শ্রোত্রে বিজ্ঞান উৎপন্ন হয়, ঘ্রাণ-ইন্দ্রিয় হেতু গন্ধে ঘ্রাণবিজ্ঞান উৎপন্ন হয়, জিহ্বা-ইন্দ্রিয় হেতু রসে জিহ্বাবিজ্ঞান উৎপন্ন হয়, কায়-ইন্দ্রিয়হেতু স্পর্শে কায়বিজ্ঞান উৎপন্ন হয়, মন-ইন্দ্রিয় হেতু ধর্মে মনোবিজ্ঞান উৎপন্ন হয়। এই সম্পর্কে ইহা তৃতীয় ছয়টি।

ইহা কথিত ছয় স্পর্শকায় কথিত হইয়াছে? চক্ষুহেতু রূপে চক্ষুবিজ্ঞান উৎপন্ন হয়- এই তিনের সঙ্গতিতে (সংযোগ)। শ্রোত্র, ঘ্রাণ, জিহ্বা, কায় ও মন সম্পর্কেও এইরূপ। এই সম্পর্কেই ইহা চতুর্থ ছয়টি।

ইহা কথিত ছয় বেদনাকায় কথিত হইয়াছে? চক্ষু হেতু রূপে

^১ ছয় ছয়টি।

চক্ষুবিজ্ঞান উৎপন্ন হয়, এই তিনের সংযোগে স্পর্শ, স্পর্শহেতু বেদনা উৎপন্ন হয়। শ্রোত্র, দ্বাণ, জিহ্বা, কায়, মন সম্পর্কেও এইরূপ। ইহা পঞ্চম ছয়টি।

ইহা কথিত তৃষ্ণাকায় কথিত হইয়াছে? চক্ষুহেতু রূপে চক্ষুবিজ্ঞান উৎপন্ন হয়, এই তিনের সংযোগে স্পর্শ, স্পর্শহেতু বেদনা, বেদনাহেতু তৃষ্ণা উৎপন্ন হয়, শ্রোত্র মন সম্পর্কেও এইরূপ। ..ইহা ষষ্ঠ ছয়টি।

যদি কেহ বলে, “চক্ষু আআা”, তাহা ঠিক নহে^১। চক্ষুর উৎপত্তি ও ব্যয় দেখা যায়, কেহ তাহাতে বলিতে পারে ‘আমার মধ্যে আআা উৎপন্ন হয় ও বিলয় হয়’। সুতরাং যদি কেহ বলে “চক্ষু আআা”, তাহা ঠিক নহে। এইরূপে ‘চক্ষু অনাত্ম। রূপ, চক্ষুবিজ্ঞান, চক্ষুসংস্পর্শ, বেদনা, তৃষ্ণা, শ্রোত্র, দ্বাণ, জিহ্বা, কায়, মন, মনোবিজ্ঞান, মনঃ-সংস্পর্শ, বেদনা, তৃষ্ণা সম্পর্কেও এইরূপ; এইরূপে মন অনাত্ম, ধর্ম অনাত্ম, মনোবিজ্ঞান অনাত্ম, মনোসংস্পর্শ অনাত্ম, বেদনা অনাত্ম, তৃষ্ণা অনাত্ম।

কিন্তু ভিক্ষুগণ! ইহা সৎকায় সমুদয় গামিনী প্রতিপদ (মার্গ)ঃ চক্ষু সম্পর্কে কেহ দর্শন করেন, “ইহা আমার, “আমি ইহা হই”, ইহা আমার আআা”। রূপ, চক্ষুবিজ্ঞান, চক্ষু-সংস্পর্শ, বেদনা, তৃষ্ণা, শ্রোত্র, দ্বাণ, জিহ্বা, কায়, মন, ধর্ম, মনোবিজ্ঞান, মনোসংস্পর্শ, বেদনা, তৃষ্ণা সম্পর্কেও এইরূপ।

ভিক্ষুগণ! ইহা সৎকায় নিরোধগামিনী প্রতিপদঃ কেহ চক্ষু সম্পর্কে দর্শন করেঃ “ইহা আমার নহে, আমি ইহা নহি, ইহা আমার আআা নহে”। রূপ, চক্ষুবিজ্ঞান মন বেদনা, তৃষ্ণা সম্পর্কেও এইরূপ।

ভিক্ষুগণ! চক্ষু এবং রূপ হেতু, চক্ষুবিজ্ঞান উৎপন্ন হয়, এই তিনের সংযোগে স্পর্শ, স্পর্শহেতু সুখ, দুঃখ অথবা না-দুঃখ-না-সুখ বেদনা (অনুভূতি) উৎপন্ন হয়। সে সুখ বেদনায় স্পৃষ্ট হইয়া আনন্দিত হয়, উল্লাস প্রকাশ করে এবং নিরিষ্ট হইয়া থাকে, তাহার রাগানুশয় অনুশয়ন করে। দুঃখবেদনায় স্পৃষ্ট হইয়া শোক করে, কষ্ট পায়, ক্রস্ফন করে, মোহগ্রন্থ হয়, তাহার প্রতিঘ-অনুশয় অনুশয়ন করে। না-দুঃখ-না সুখ বেদনা স্পৃষ্ট হইয়া সেই বেদনার সমুদয়, অঙ্গমন, আস্থাদ, আদীনব এবং নিঃসরণ যথার্থভাবে জানে না, তাহার অবিদ্যা-অনুশয় অনুশয়ন করে। ভিক্ষুগণ! সুখবেদনার

^১ তথন উপজ্ঞতি-তিন ফুঁজতি-প.সু।

রাগানুশয় পরিত্যাগ না করিয়া, দুঃখবেদনার প্রতিঘানুশয় দুরীভূত না করিয়া, না-দুঃখ-না সুখ বেদনার অবিদ্যানুশয় সমুচ্ছিন্ন না করিয়া, অবিদ্যা পরিত্যাগ না করিয়া, বিদ্যা উৎপাদন করেনা বলিয়া দৃষ্টধর্মে দুঃখের অবসান হইবে ইহা সম্ভব নহে। শ্রোত্র এবং শব্দ, স্নান এবং গন্ধ মন এবং ধর্ম সম্পর্কেও এইরূপ।

ভিক্ষুগণ! চক্ষু এবং রূপহেতু না-দুঃখ-না-সুখবেদনা। সে সুখবেদনায় স্পৃষ্ট হইয়া আনন্দিত হয়না। উল্লাস প্রকাশ করে না। নিবিষ্ট হইয়া থাকে না, তাহার রাগানুশয় অনুশয়ন করে না। দুঃখবেদনায় নিঃসরণ যথার্থভাবে জানে, তাহার অবিদ্যা অনুশয় অনুশয়ন করে না। ভিক্ষুগণ! সে সুখবেদনার রাগানুশয় সমুচ্ছিন্ন করিয়া দুঃখের অবসান করিবে— ইহা সম্ভব। শ্রোত্র এবং শব্দ, স্নান এবং গন্ধ মন এবং ধর্ম সম্পর্কেও এইরূপ।

ভিক্ষুগণ! এইরূপ দেখিয়া শুতবান আর্যশারক চক্ষুতে নির্বেদপ্রাপ্ত হন, চক্ষুবিজ্ঞানে নির্বেদপ্রাপ্ত হন, চক্ষুসংস্পর্শে নির্বেদপ্রাপ্ত হন, বেদনায় নির্বেদপ্রাপ্ত হন। শ্রোত্র, স্নান, জিহ্বা, কায়, মন সম্পর্কেও এইরূপ। নির্বেদপ্রাপ্ত হইয়া রাগমুক্ত হন, বিরাগহেতু বিমুক্ত হন, ‘বিমুক্তিতে বিমুক্ত হইয়াছি’ বলিয়া তাহার জ্ঞান হয় ৪ জন্মবীজ ক্ষীণ হইয়াছে অত্র আর আসিতে হইবে না” বলিয়া প্রকৃষ্টভাবে জানেন।

ভগবান ইহা বিবৃত করিলেন। ভিক্ষুগণ সন্তুষ্টমনে ভগবানের ভাষণে আনন্দ প্রকাশ করিলেন। ইহা বিশ্বেষণ করিয়া বলিবার সময়ে যাটজন ভিক্ষু রাগমুক্ত হইয়া আসব হইতে চিন্তিমুক্ত হইয়াছিলেন।

[যড়ষট্ক সূত্র সমাপ্ত]

মহায়ড়ায়তনিক সূত্র (১৪৯)

আমি এইরূপ শুনিয়াছি ৪-

একসময় ভগবান শ্রাবণী সমীপে অবস্থান করিতেছিলেন জেতবনে অনাখপিণ্ডিকের আরামে। তথায় ভগবান ভিক্ষুদিগকে আহ্বান করিলেন— “হে ভিক্ষুগণ”! “ভদ্র!” বলিয়া ভিক্ষুগণ ভগবানকে প্রত্যন্তর দিলেন। ভগবান বলিলেন— ভিক্ষুগণ! আমি তোমাদিগকে মহায়ড়ায়তন সম্পর্কে দেশনা করিব। তাহা উত্তমরূপে মনোনিবেশ সহকারে শ্রবণ কর, আমি বলিতেছি ৪ “হ্যা

তদন্ত!" বলিয়া ভিক্ষুগণ প্রত্যন্তের দিলেন। তগবান বলিলেন-

ভিক্ষুগণ! চক্ষুকে যথার্থবৃপে না জানিয়া না দেখিয়া বৃপকে চক্ষুবিজ্ঞানকে চক্ষুসংস্পর্শকে না জানার ও না দেখার কারণে হেতু যে সুখ বা দুঃখ বা না-দুঃখ-না সুখ বেদনা উৎপন্ন হয় তাহাও যথার্থভাবে না জানা ও না দেখার কারণে চক্ষুতে রাগানুযুক্ত হয়, বৃপে চক্ষুবিজ্ঞানে যে দুঃখ বা সুখ বা না-দুঃখ না সুখ বা না-দুঃখ-না-না-সুখ বেদনা উৎপন্ন হয় তাহাতে রাগানুযুক্ত হয়। তাহার রাগানুযুক্ত, সংযুক্ত, মৃচ ও আশ্঵াদ-অনুদৃশী হইয়া অবস্থান হেতু ভবিষ্যতের জন্য পঞ্চ-উপাদান ক্ষন্ধ সঞ্চিত হইতে থাকে। তাহার পুণ্যভবসাধিকা, নিন্দিতাগ সহগতা, ত্রুট্য অভিনন্দিনী তৃষঙ্গ বর্ধিত হয়। তাহার কায়িক দুঃখ বর্ধিত হয়, চৈতসিক দুঃখ বর্ধিত হয়, কায়িক সন্তাপ বর্ধিত হয়, চৈতসিক সন্তাপ বর্ধিত হয়, কায়িক পরিদাহ বর্ধিত হয়, চৈতসিক পরিদাহ বর্ধিত হয়। সে কায়িক দুঃখ ও মানসিক দুঃখ অনুভব করে। শ্রোতৃ, স্ত্রী, জিহ্বা, কায়, মন সম্পর্কেও এইরূপ।

ভিক্ষুগণ! চক্ষুকে যথার্থবৃপে জানিয়া দেখিয়া, বৃপকে চক্ষুবিজ্ঞানকে চক্ষুসংস্পর্শকে চক্ষুসংস্পর্শহেতু যে সুখ, দুঃখ, না দুঃখ-না সুখ বেদনা উৎপন্ন হয় তাহা যথার্থবৃপে জানিয়া দেখিয়া, তাহার জানা ও দেখার কারণে চক্ষুতে রাগানুযুক্ত হয় না তাহার রাগানুযুক্ত অবস্থান করিবার কারণে ভবিষ্যতে পঞ্চ উপাদান ক্ষন্ধ অপচয় প্রাপ্ত হয়, তৃষঙ্গ পরিত্যক্ত হয়। তাহার কায়িক দুঃখ পরিত্যক্ত হয় কায়িক সুখ ও চৈতসিক সুখ অনুভব করে। যথার্থ যে দৃষ্টি তাহা ইহার সম্যক্ দৃষ্টি। সংকল্প, তাহা সম্যক্ সংকল্প ব্যায়াম, তাহা ইহার সম্যক্ সংকল্প সম্যক্ ব্যায়াম সম্যক্ স্মৃতি সম্যক্ সমাধি। তাহার পূর্বের কায়কর্ম, বাককর্ম ও আজীব সুপরিশুম্ভ হইয়াছে। এইরূপে তাহার আর্য অষ্টাঙ্গিক মার্গ ভাবনাও পরিপূর্ণতার দিকে অগ্রসর হয়। এই আর্য অষ্টাঙ্গিক মার্গ ভাবনাহেতু চারি স্মৃতি প্রস্তান চারি সম্যক্ প্রধান চারি ঋক্ষিপাদ পঞ্চ ইন্দ্রিয় পঞ্চবল সপ্তবোধ্যজ্ঞা ভাবনাও পরিপূর্ণতার দিকে অগ্রসর হয়। তাহার এই দুই ধর্ম যুগনন্দভাবে ঘটে, যথা- শমথ এবং বিদর্শন। যে সকল ধর্ম অভিজ্ঞা দ্বারা পরিজ্ঞেয়, সে সেইগুলি অভিজ্ঞা দ্বারা জানে, যে সকল ধর্ম অভিজ্ঞা দ্বারা পরিত্যাজ্য পরিত্যাগ করে ভাবনার যোগা ভাবনা করে সাক্ষাৎকরণীয় সাক্ষাৎ করে। ভিক্ষুগণ! কি কি ধর্ম অভিজ্ঞা দ্বারা

পরিজ্ঞেয়? ইহার উত্তর : পঞ্চ-উপাদান ক্ষন্ধ, যথা- রূপ-উপাদান ক্ষন্ধ, বেদনা সংজ্ঞা, সংক্ষার, বিজ্ঞান-উপাদান-ক্ষন্ধ, এই ধর্মগুলি অভিজ্ঞা দ্বারা পরিজ্ঞেয়। ভিক্ষুগণ! কি কি ধর্ম অভিজ্ঞা দ্বারা পরিত্যাজ্য? অবিদ্যা এবং ভবত্ত্বা পরিত্যাজ্য। ভাবনার যোগ্য? শৰ্ম এবং বিদর্শন। সাক্ষাৎ করণীয়? বিদ্যা এবং বিমুক্তি- এই ধর্মগুলি অভিজ্ঞা দ্বারা সাক্ষাৎকরণীয়। শ্রোতৃ, ধ্বনি, জিহ্বা, কায়, মন সম্পর্কেও এইরূপ।

ভগবান ইহা বিবৃত করিলেন। ভিক্ষুগণ সম্মুষ্টমনে ভগবানের ভাষণে আনন্দ প্রকাশ করিলেন।

[মহায়ড়ায়তনিক সূত্র সমাপ্ত]

নগরবিল্দবাসী সূত্র (১৫০)

আমি এইরূপ শুনিয়াছি :-

এক সময় ভগবান মহাভিক্ষুসংঘের সহিত কোশলরাজ্যে বিচরণ করিতে করিতে নগরবিল্দ নামক কোশলের এক ব্রাহ্মণ গ্রামে পৌছিলেন।

নগরবিল্দবাসী ব্রাহ্মণ গৃহপতিগণ শুনিলেন : শাক্যপুত্রীয় শ্রমণ গৌতম শাক্যকুল হইতে প্রার্জিত হইয়া নগরবিল্দে উপস্থিত হইয়াছেন। ভবদীয় গৌতম সম্পর্কে এইরূপ কল্যাণ কীর্তিশব্দ অভ্যুদ্ধাত হইয়াছে : ভগবান, অর্হৎ সেইরূপ অর্হতের দর্শন সাধু হয়। তখন নগরবিল্দবাসী ব্রাহ্মণ-গৃহপতিগণ উপস্থিত হইয়া কেহ কেহ ভগবানের সহিত প্রীত্যালাপ ও কুশলাদি বিনিময় সমাপন করিয়া একান্তে উপবেশন করিলেন, কেহ কেহ কৃতাঙ্গলি হইয়া প্রগাম করিয়া একান্তে উপবেশন করিলেন, কেহ কেহ ভগবানের নিকট নাম গ্রোত্র বলিয়া একান্তে উপবেশন করিলেন। এবং কেহ কেহ তুষ্টিভূত হইয়া একান্তে উপবেশন করিলেন। একান্তে উপবিষ্ট নগরবিল্দবাসী ব্রাহ্মণ-গৃহপতিগণকে ভগবান বলিলেন : হে গৃহপতিগণ! যদি অন্যত্বাধিক প্রিরব্রাজকগণ আপনাদিগকে এইরূপ জিজ্ঞাসা করেন : গৃহপতিগণ! কিরূপ শ্রমণ-ব্রাহ্মণ সৎকারযোগ্য, গুরুমানীয়, মান্য ও পূজনীয় নহে? তাহা হইলে আপনারা সে অন্যত্বাধিক প্রিরব্রাজকদের এইরূপ ব্যাখ্যা করিবেন : যে সকল শ্রমণ-ব্রাহ্মণ চক্ষুবিজ্ঞেয় রূপে অবীতরাগ, অবীতদেষ, অবীতমোহ, আধ্যাত্মিকভাবে অশান্তিচিন্ত, কায়ে বাক্যে মনে সমচর্য্যা-বিষমচর্য্যাসহকারে বিচরণ করেন, সেই সকল শ্রমণ ব্রাহ্মণ সৎকারযোগ্য পূজনীয় নহে।

শ্রোত্র-বিজ্ঞেয় শব্দে, স্বাণবিজ্ঞেয় গন্ধে, জিহ্বাবিজ্ঞেয় রসে, কায়বিজ্ঞেয় স্পর্শে ও মনোবিজ্ঞেয় ধর্মেও এইরূপ। তাহা কি হেতু? যখন আমরা চক্ষুবিজ্ঞেয় রূপে অবীতরাগ বিচরণ করি, আমাদের সমচর্য্যা উচ্চতর বলিয়া তাঁহাদের দৃষ্ট হয় না, সেই কারণে ঐ সকল শ্রমণ-ব্রাহ্মণ পূজনীয় নহেন। শ্রোত্রবিজ্ঞেয় শব্দ মনোবিজ্ঞেয় ধর্মেও এইরূপ। গৃহপতিগণ! যদি এইরূপে জিজ্ঞাসিত হইয়া আপনারা অন্যতীর্থিক পরিব্রাজকদের নিকট এইভাবে ব্যাখ্যা করিবেন।

গৃহপতিগণ! যদি অন্যতীর্থিক এইরূপ জিজ্ঞাসা করেন— “কিরূপ শ্রমণ-ব্রাহ্মণ সংকারযোগ্য পূজনীয়”? তাহা হইলে আপনারা তাঁহাদিগকে এইরূপ ব্যাখ্যা করিবেন; সে সকল শ্রমণ-ব্রাহ্মণ চক্ষুবিজ্ঞেয় রূপে বীতরাগ, বীতদেৱ, বীতমোহ, অধ্যাত্মভাবে শান্তিচিন্ত, কায়বাক্যমনে সমচর্য্যা (শিষ্টাচার) পালন করে, এইরূপ শ্রমণ-ব্রাহ্মণ সংকারযোগ্য পূজনীয়। তাহা কি হেতু? যখন আমরা চক্ষুবিজ্ঞেয় রূপে অবীতরাগ বিমচর্য্যা সহকারে বিচরণ করি, আমাদের সমচর্য্যা উচ্চতর বলিয়া তাঁহাদের দৃষ্ট হয়, এই কারণে সেই সকল শ্রমণ-ব্রাহ্মণ পূজনীয়। শ্রোত্রবিজ্ঞেয় শব্দে মনোবিজ্ঞেয় ধর্মেও এইরূপ। গৃহপতিগণ! এইরূপে জিজ্ঞাসিত হইয়া আপনারা সেই সকল শ্রমণ-ব্রাহ্মণকে এইরূপ উত্তর দিবেন।

গৃহপতিগণ! যদি অন্যতীর্থিক জিজ্ঞাসা করেন ৪ আয়ুশ্মানদের কি কারণ কি অন্য (প্রত্যয়) আছে আপনারা তাঁহাদের সম্পর্কে এইরূপ বলেন ৪ “নিশ্চয়ই সেই সকল আয়ুশ্মান বীতরাগ অথবা রাগ দূরীকরণে প্রতিপন্ন, বীতদেৱ অথবা দ্বেষ দূরীকরণে প্রতিপন্ন, বীতমোহ অথবা মোহ দূরীকরণে প্রতিপন্ন”? এইরূপে জিজ্ঞাসিত হইয়া আপনারা তাঁহাদিগকে উত্তর দিবেন ৪ আয়ুশ্মানগণ অরণ্য-বনপ্রস্ত্রে ও নির্জন প্রান্তে বসবাস করে, তথায় সেইরূপ কোন চক্ষুবিজ্ঞেয় রূপ নাই যাহা দেখিয়া তাঁহারা-আনন্দলাভ করিতে পারেন না, শ্রোত্রবিজ্ঞেয় শব্দ যাহা শুনিয়া স্বাণবিজ্ঞেয় গন্ধ আস্ত্রাণ করিয়া, জিহ্বাবিজ্ঞেয় রস আস্ত্রাদন করিয়া কায়বিজ্ঞেয় স্পর্ষট্যু স্পর্শ করিয়াও আনন্দলাভ করিতে পারেন না। বন্ধুগণ! এ সকল কারণ, এই সকল অন্য আছে যাহাতে আমরা আয়ুশ্মানদের সম্পর্কে এইরূপ বলি ৪ নিশ্চয়ই-সেই সকল আয়ুশ্মান..উত্তর দিবেন।

এইরূপ কথিত হইলে নগরবিন্দবাসী ব্রাহ্মণ গৃহপতিগণ তগবানকে

বলিলেন : অতি সুন্দর হে গৌতম! অতিসুন্দর হে গৌতম! যেমন উল্টানকে
সোজা ভবদীয় গৌতম অদ্য হইতে আমরণ আমাদিগকে উপাসকরূপে
ধারণ করুন।

[নগরবিশ্ববাসী সূত্র সমাপ্ত]

পিঙ্গাত পারিশুন্ধি সূত্র (১৫১)

আমি এইরূপ শুনিয়াছি :-

এক সময় ভগবান রাজগৃহ সমীপে অবস্থান করিতেছিলেন বেণুবনে
কল্পক নিবাপে। সেই সময় আযুষ্মান শারিপুত্র সায়াহ সময়ে সমাধি হইতে
উঠিয়া ভগবানের নিকট উপস্থিত হইলেন, উপস্থিত হইয়া ভগবানকে
অভিবাদন করিয়া একান্তে উপবেশন করিলেন। একান্তে উপবিষ্ট আযুষ্মান
শারিপুত্রকে ভগবান বলিলেন : শারিপুত্র! তোমার ইন্দ্রিয়গুলি বিপসন্ন ও
পরিশুন্ধ এবং গাত্রবর্ণ পর্যবেক্ষণ। শারিপুত্র! কিসে অবস্থানের দ্বারা তুমি
পূর্ণরূপে বিহার কর?

তদন্ত! শূন্যতায় (ধ্যানন্তর) ^১ অবস্থানের দ্বারা আমি পূর্ণরূপে বিহার করি।

সাধু, সাধু, শারিপুত্র! মহাপুরুষ ^২ বিহারের মত তোমরা পূর্ণ বিহার।
মহাপুরুষ বিহারই শূন্যতায় অবস্থান। সুতরাং, শারিপুত্র! যদি কোন ভিক্ষু
এইরূপ আকাঞ্চা করেন;- শূন্যতায় অবস্থানের দ্বারা আমার পূর্ণরূপে বিহার
করা উচিত, তাহার এইরূপ প্রত্যবেক্ষণ করা উচিত : যে মার্গ দিয়া আমি
ভিক্ষার জন্য গ্রামে প্রবেশ করিয়াছিলাম, যে স্থানে আমি ভিক্ষাচর্যা
করিয়াছিলাম, যে মার্গ দিয়া আমি গ্রাম হইতে ভিক্ষাচর্যা করিয়া প্রত্যাবর্তন
করিয়াছিলাম, তথায় কি চক্ষুবিজ্ঞেয় রূপে আমার চিন্তে ছন্দ অথবা রাগ অথবা
দ্বেষ অথবা মোহ অথবা প্রতিঘ থাকে?

শারিপুত্র! যদি ভিক্ষু প্রত্যবেক্ষণকালে এইরূপ জানেন : “যে মার্গ দিয়া
আমি প্রতিঘ থাকে” - তাহা হইলে, শারিপুত্র! সেই সকল পাপ ও অকৃশল
ধৰ্ম পরিত্যাগের জন্য ভিক্ষুর চেষ্টা করা কর্তব্য।

শারিপুত্র! যদি ভিক্ষু প্রত্যবেক্ষণকালে..প্রতিঘ থাকে না, তাহা হইলে,

^১ সুঞ্জ্ঞতাফলাসমাপন্তিবিহারেন-প.সু।

^২ মহাপুরিসবিহারো তি বুদ্ধ-পচেকবুদ্ধ-তথাগত-মহাসাবকানং মহাপুরিসানং বিহারো-
প.সু।

শারিপুত্র! ভিক্ষুর অহেরাত্র কুশল ধর্মসমূহ শিক্ষা করিয়া প্রীতি প্রফুল্লচিঠ্ঠে অবস্থান করা কর্তব্য।

পুনশ্চ, শারিপুত্র! ভিক্ষুর ইহা প্রত্যবেক্ষণ করা কর্তব্য : যে মার্গ দিয়া আমি প্রত্যাবর্তন করিয়াছিলাম, তথায় কি আমার চিঠ্ঠে শ্রোতৃবিজ্ঞেয় শব্দে, ঘ্রাণবিজ্ঞেয় গম্ভৈ, জিহ্বাবিজ্ঞেয় রসে, কায়বিজ্ঞেয় স্পষ্টবৈও থাকে? মনোবিজ্ঞেয় ধর্মে ছন্দ, রাগ প্রতিঘ থাকে?

যদি, শারিপুত্র! পর্যবেক্ষণকালে ভিক্ষু জানেন : যে মার্গ তাহা এই সকল পাপ ও অকুশল ধর্ম পরিত্যাগের জন্য ভিক্ষুর চেষ্টা করা কর্তব্য।

যদি শারিপুত্র! মনোবিজ্ঞেয় ধর্মে প্রতিঘ থাকে না, তাহা হইলে প্রীতি প্রফুল্ল চিঠ্ঠে অবস্থান করা কর্তব্য।

পুনশ্চ, শারিপুত্র! ভিক্ষুর এইরূপ প্রত্যবেক্ষণ করা কর্তব্য : আমার দ্বারা পঞ্চকামগুণ পরিত্যক্ত হইয়াছে? শারিপুত্র! যদি ভিক্ষু পর্যবেক্ষণ দ্বারা জানেন : পঞ্চকামগুণ আমার দ্বারা পরিত্যক্ত হয় নাই, তাহা হইলে পঞ্চকামগুণ পরিত্যাগের জন্য ভিক্ষুর চেষ্টা করা কর্তব্য।

যদি, শারিপুত্র! ভিক্ষু পর্যবেক্ষণ দ্বারা জানেন : আমার দ্বারা পঞ্চকামগুণ পরিত্যক্ত হইয়াছে, তাহা হইলে অহেরাত্র কুশলধর্ম প্রফুল্লচিঠ্ঠে অবস্থান করা কর্তব্য।

পুনশ্চ, শারিপুত্র! ভিক্ষুর এইরূপ প্রত্যবেক্ষণ করা কর্তব্য : আমার দ্বারা পঞ্চনীবরণ কি পরিত্যক্ত হইয়াছে? যদি ভিক্ষু পর্যবেক্ষণ দ্বারা এইরূপ জানেন : আমার দ্বারা পঞ্চনীবরণ পরিত্যক্ত হয় নাই, তাহা হইলে পরিত্যাগের জন্য চেষ্টা করা কর্তব্য। যদি ভিক্ষু জানেন পঞ্চনীবরণ পরিত্যক্ত হইয়াছে, তাহা হইলে অবস্থান করা কর্তব্য।

পুনশ্চ কর্তব্য : পঞ্চ-উপাদানস্ফুরণ কি আমার দ্বারা পরিজ্ঞাত হইয়াছে? যদি পরিজ্ঞাত হয় নাই, তাহা হইলে, পঞ্চ-উপাদান-স্ফুরণের পরিজ্ঞানের জন্য চেষ্টা করা কর্তব্য। যদি জানেন পরিজ্ঞাত হইয়াছে, তাহা হইলে অবস্থান করা কর্তব্য।

পুনশ্চ, চারি স্মৃতি প্রস্থান কি আমার দ্বারা ভাবিত হইয়াছে? যদি..ভাবিত না হয়, তাহা হইলে চারি স্মৃতি প্রস্থান ভাবনার জন্য চেষ্টা করা কর্তব্য। যদি..ভাবিত হইয়াছে অবস্থান করা কর্তব্য।

চারি সম্যক্ প্রধান, চারি ঋদ্ধিপাদ, পঞ্চ ইন্দ্রিয়, পঞ্চ বল, সপ্ত

বোধ্যজগ, আর্য্য অষ্টাঙ্গিক মার্গ, শমথ ও বিদর্শন সম্পর্কেও এইরূপ।

পুনশ্চ, শারিপুত্র! ভিক্ষুর প্রত্যবেক্ষণ করা কর্তব্যঃ আমার দ্বারা কি বিদ্যা এবং বিমুক্তি সাক্ষাৎকৃত হইয়াছে? যদি ভিক্ষু পর্যবেক্ষণ দ্বারা জানেন সাক্ষাৎকৃত হয় নাই, তাহা হইলে অবস্থান করা কর্তব্য।

শারিপুত্র! সুদূর অতীতে যে সকল শ্রমণ ব্রাহ্মণ তাঁহাদের পিণ্ডপাত (ভিক্ষানু) পরিশুম্ব করিয়াছিলেন, তাঁহারা সকলেই এইভাবে পর্যবেক্ষণ করিয়া পিণ্ডপাত পরিশুম্ব করিয়াছিলেন। সুদূর অনাগতে পরিশুম্ব করিবেন। বর্তমানে পরিশুম্ব করেন। শারিপুত্র! তোমাদের এইরূপে পিণ্ডপাত শিক্ষণীয়ঃ পর্যবেক্ষণ করিয়া পিণ্ডপাত পরিশুম্ব করিব। শারিপুত্র! শিক্ষণীয়।

ভগবান ইহা বিবৃত করিলেন। আয়ুষ্মান শারিপুত্র সম্মুক্তমনে ভগবানের ভাষণে আনন্দ প্রকাশ করিলেন।

[পিণ্ডপাত পরিশুম্ব সূত্র সমাপ্ত]

ইন্দ্রিয় ভাবনা সূত্র (১৫২)

আমি এইরূপ শুনিয়াছি :-

এক সময় ভগবান কজঙ্গল সমীপে অবস্থান করিতেছিলেন মুখেলুবনে। তখন পারাশরীয় অন্তেবাসী উত্তরনায়ক মাণবক ভগবানের নিকট উপস্থিত হইলেন, উপস্থিত হইয়া ভগবানের সহিত শ্রীত্যালাপ ও কুশলাদি বিনিময় সমাপন করিয়া একান্তে উপবেশন করিলেন। একান্তে উপবিষ্ট উত্তর মাণবককে ভগবান বলিলেনঃ উত্তর! পারাশরীয় ব্রাহ্মণ কি শিষ্যদের নিকট ইন্দ্রিয়ভাবনা দেশনা করেন?

-হে গৌতম! পারাশরীয় ব্রাহ্মণ শিষ্যদের নিকট ইন্দ্রিয়ভাবনা দেশনা করেন।

-কিন্তু উত্তর! পারাশরীয় ব্রাহ্মণ কি যথাযথ রূপে শিষ্যদের নিকট ইন্দ্রিয়ভাবনা দেশনা করেন?

-হে গৌতম! ‘কেহ চক্ষু দ্বারা রূপ দেখি বে না, শ্রোত্র দ্বারা শব্দ শুনিবে না’ - এইরূপে পারাশরীয় ব্রাহ্মণ শিষ্যদের নিকট ইন্দ্রিয়ভাবনা দেশনা করেন।

উত্তর! এইরূপ হইলে পারাশরীয়ের কথানুযায়ী, অন্ধ হইবে ভাবিতইন্দ্রিয়, বধির হইবে ভাবিত-ইন্দ্রিয়। কারণ, অন্ধ চক্ষু দ্বারা রূপ দর্শন করিতে পারে না, বধির শ্রোত্র দ্বারা শব্দ শুনিতে পারে না।

এইরূপ কথিত হইলে পারাশৰীয় অষ্টেবাসী উত্তর মাণবক তুষ্ণীভূত, মঙ্গুভূত, অধোশির, অধোমুখ হইয়া চিন্তিতভাবে নির্বাক হইয়া উপবিষ্ট রহিলেন।

তখন ভগবান উত্তরকে তুষ্ণীভূত নির্বাক জানিয়া আনন্দকে আহ্বান করিলেন : আনন্দ! পারাশৰীয় ব্রাহ্মণ শিখদের ইন্দ্রিয়ভাবনা সম্পর্কে অন্যরূপ দেশনা করেন, আর আর্যবিনয়ে অনুত্তর ইন্দ্রিয়ভাবনা অন্যরকম!

ভগবান! ইহাই উপযুক্ত সময়, সুগত! ইহাই উপযুক্ত সময় যেন ভগবান অনুত্তর ইন্দ্রিয়ভাবনা দেশনা করেন, ভগবানের নিকট শুনিয়া ভিক্ষুগণ অবধারণ করিবেন।

তাহা হইলে, আনন্দ! তোমরা মনোনিবেশ সহকারে শ্রবণ কর, আমি বলিতেছি। “ইয়া ভদ্র” বলিয়া আয়ুষ্মান আনন্দ ভগবানকে প্রত্যজ্ঞর দিলেন। ভগবান বলিলেন :

আনন্দ! আর্যবিনয়ে অনুত্তর ইন্দ্রিয়ভাবনা কিরূপ? এইস্থলে, আনন্দ! চক্ষু দ্বারা রূপ দর্শন করিয়া ভিক্ষুর যাহা মনোজ্ঞ, যাহা অমনোজ্ঞ, যাহা মনোজ্ঞ ও অমনোজ্ঞ তাহা উৎপন্ন হয়। তিনি ইহা প্রকৃষ্টরূপে জানেন : আমার মধ্যে যাহা মনোজ্ঞ, অমনোজ্ঞ, মনোজ্ঞ-অমনোজ্ঞ উৎপন্ন হইয়াছে, তাহা সংস্কৃত ও মূল কারণে সমৃৎপন্ন, ইহা শাস্তি, ইহা প্রণীত যেমন এই উপেক্ষা। তাঁহার যাহা উৎপন্ন মনোজ্ঞ-অমনোজ্ঞ তাহা যখন নিরূপ্য হয়, উপেক্ষা সংস্থিত থাকে। যেমন, আনন্দ! চক্ষুস্থান পুরুষ চক্ষু উন্মালিত করিয়া নিমীলিত করে, নিমীলিত করিয়া উন্মালিত করে, ঠিক এইরূপে আনন্দ! যাহার এইরূপ দৃত, এইরূপ ত্বরিতগতিতে, এইরূপ সহজে উৎপন্ন মনোজ্ঞ তাহা যখন নিরূপ্য হয় তখন উপেক্ষা সংস্থিত হয়। আনন্দ! ইহা আর্য বিনয়ে চক্ষুবিজ্ঞেয় রূপে অনুত্তর ইন্দ্রিয়ভাবনা বলিয়া কথিত হয়।

পুনর্ক আনন্দ! শ্রোত্র দ্বারা শব্দ শ্রবণ করিয়া উপেক্ষা সংস্থিত হয়। যেমন, আনন্দ! কোন বলবান পুরুষ সহজেই অঙ্গুলি স্ফোটন করিতে পারে, ঠিক এইরূপে শ্রোত্রবিজ্ঞেয় শব্দে কথিত হয়।

পুনর্ক আনন্দ! জিহ্বার দ্বারা গন্ধ আঘাত করিয়া সংস্থিত হয়। যেমন, আনন্দ! অর্ধনমিত পদ্মপত্রে বারিবিল্লু পতিত হইয়া গড়াইয়া যায়, সংস্থিত হয়, ঠিক এইরূপে কথিত হয়।

পুনর্ক আনন্দ! জিহ্বা দ্বারা রস আস্থাদন করিয়া সংস্থিত হয়। যেমন, আনন্দ! বলবান পুরুষ জিহ্বাগ্রে সঞ্চিত স্নেহপিণ্ড (থুথ) সহজেই বাহিরে নিক্ষেপ করিতে পারে। ঠিক এইরূপে কথিত হয়।

পুনশ্চ, আনন্দ! কায়দারা স্পষ্টব্য স্পর্শ করিয়া সংস্থিত হয়। যেমন, আনন্দ! বলবান পুরুষ সঙ্গোচিত বাহুকে প্রসারিত করিতে অথবা প্রসারিত বাহুকে সঙ্গোচিত করিতে পারে, ঠিক এইরূপে কথিত হয়।

পুনশ্চ, আনন্দ! মন দ্বারা ধর্মকে জানিয়া সংস্থিত হয়। যেমন, আনন্দ! কোন পুরুষ প্রতিদিবস সন্তুষ্ট লোহ থালিতে দুইটি বা তিনটি বারিকিদু নিপাতিত করে, আনন্দ! যত আন্তেই উদককিদু নিপাতিত হউক না কেন, তাহা দ্রুত পরিষ্কয় ও বিনশ প্রাপ্ত হইবে। ঠিক এইরূপে সংস্থিত হয়। ইহা আর্য বিনয়ে মনোবিজ্ঞেয় ধর্মে অনুস্তুর ইন্দ্রিয়ভাবনা বলিয়া কথিত হয়। এইরূপে, আনন্দ! ইন্দ্রিয়ভাবনা হয়।

আনন্দ! শৈক্ষ্য প্রতিপদ কিরূপ? আনন্দ! চক্ষু দ্বারা রূপ দর্শন করিয়া ভিক্ষুর যাহা মনোগ্রে উৎপন্ন হেতু দৃঢ়থিত হয়, রাগাদ্঵িত হয় ও হতাশ হয়। শ্রোত্র, ঘ্রাণ, জিহ্বা, কায় ও মন সম্পর্কেও এইরূপ।

আনন্দ! কিরূপে আর্য ভাবিত—ইন্দ্রিয় হয়? আনন্দ! চক্ষু দ্বারা রূপ উৎপন্ন হয়। যদি তিনি এইরূপ আকাঙ্ক্ষা করেন : “আমার প্রতিকূলে অপ্রতিকূলসংজ্ঞী ইহিয়া অবস্থান করা উচিত” এই চিন্তা করিয়া তিনি তথায় অপ্রতিকূলসংজ্ঞী ইহিয়া অবস্থান করেন। যদি এইরূপ আকাঙ্ক্ষা করেন : “অপ্রতিকূলে অপ্রতিকূলসংজ্ঞী অবস্থান করেন। যদি এইরূপ আকাঙ্ক্ষা করেন : “প্রতিকূল এবং অপ্রতিকূল এই উভয় বর্জন করিয়া স্মৃতিমান, সম্পজ্জত ইহিয়া উপেক্ষা সহকারে আমার অবস্থান করা উচিত” – এই চিন্তা করিয়া অবস্থান করেন।

শ্রোত্র, ঘ্রাণ, জিহ্বা, কায়, মন সম্পর্কেও এইরূপ। আনন্দ! এইরূপে আর্য ভাবিত—ইন্দ্রিয় হন।

আনন্দ! এইরূপে আমি আর্য বিনয়ে অনুস্তুর ইন্দ্রিয় ভাবনা শৈক্ষ্য প্রতিপদ ও আর্যোচিত ভাবিত—ইন্দ্রিয় দেশনা করিয়াছি।

আনন্দ! শিষ্যদের প্রতি হিতৈষণা, অনুকম্পাবশতঃ শা স্তুর যাহা করণীয়, তাহা তোমাদের জন্য আমার দ্বারা কৃত হইয়াছে। আনন্দ! এইগুলিই বৃক্ষমূল, এইগুলিই শূন্যাগার। আনন্দ! তোমরা ধ্যান কর, প্রমাদগ্রস্ত হইবে না, ইহাই তোমাদের প্রতি আমার অনুশাসন।

তপোবান ইহা বিবৃত করিসেন। আয়ুষ্মান আনন্দ সন্তুষ্টমনে ভ পৰানের ভাষণে আনন্দ প্রকাশ করিলেন।

[ইন্দ্রিয়ভাবনা সূত্র সমাপ্ত]

মধ্যম নিকায় তথ্য বচ্ছ সমাপ্ত